

মনি বউদি

শ্রীযুক্ত তুষারকান্তি ঘোষ
সম্মানভাজনেষু

পরিণত বয়সে জীবনের শেষাঙ্কে এসে বিচিত্র-চরিত্রের পালা ধরে অভীত-সমুদ্র মন্বনে যে আনন্দ পেয়েছি তা কল্পনা করিনি। আমার পাঠকেরাও সাড়া দিয়েছেন। প্রথম চরিত্র ক্যাপা বাউল থেকেই সাড়া পাচ্ছি। হঠাৎ এক পাঠিকা অহুযোগ করলেন—বিচিত্র চরিত্রের মধ্যে নারীচরিত্র নেই কেন? প্রশ্নটা তাঁর ঠিক হয় নি, কারণ নারীচরিত্র ছিল বই কি। পার্শ্বচরিত্র হিসেবে পুরুষ চরিত্রের সঙ্গে নারীচরিত্র এসেছে। সে চরিত্র পুরুষ চরিত্র থেকে কম বর্ণাঢ্য নয়। আবার মূল চরিত্র হিসেবেও নারীচরিত্র তার আগে এসেছে। মানে পত্র-লেখিকার পত্র আসবার আগেই এসেছে। তার মধ্যে ‘কালবউ’ সম্পর্কে বেশ সাড়া পেয়েছিলাম। তবুও পত্রলেখিকার পত্র পেয়ে অবধি বিচিত্র নারীচরিত্রের কথাই লিখে চলেছি। শুরু করেছিলাম ‘মলিকে’ নিয়ে। মলির পর কৃষ্ণা। বলা বাহুল্য তারা আমার অন্তর বৃন্দাবনের কল্পমুনা তটবর্তী কুঞ্জবন-বাসিনী। ভেবেছিলাম হয়তো বা এর পর তিরস্কার-মধুর পত্র পাব। কিংবা মিষ্ট সম্ভাষণ ভরা একছত্রের পত্র। হয়তো লিখবে—বিদায় করেছ যারে নয়ন জলে—এখন কিরাবে তারে কিসের ছলে? অথবা লিখবে—“বহুদিন পরে—”। কিন্তু না, তা পাই নি। হয়তো তাদের কাছে লেখা পৌঁছায় নি। অথবা তারা তিজ্ঞ বিরক্তির সঙ্গে কাগজের সংখ্যাটা বন্ধ করেছে।

তা তারা করুক। তারা পত্র না লিখুক, অগ্রে অনেকে এই নারীচরিত্রের বৈচিত্র্যে ও মাধুর্যে মুগ্ধ হয়ে পত্র লিখেছে আমাকে। নতুন নারীচরিত্রের কাঠামো বা রেখাচিত্র বা কটোগ্রাফ পাঠিয়ে দিয়ে অহুরোধ করেছে, এবার আপনাতুলি ও রঙে এদের ছবি সম্পূর্ণ করে করে জুলে ধরুন। ‘ক্লীন মুন’ নির্মলচন্দ্র লিখেছে টুইবিবি বা কাজলরেখার কথা। স্বরঞ্জন জানিয়েছে বিচিত্র মা—কাত্যায়নীর কথা।*

আরও অনেক পত্র পেয়েছি। মেয়েদের লেখা চিঠিও আছে এর মধ্যে। কেউ লিখেছেন—“আমার কথা লিখুন। আমি অকপটেই আপনাকে আমার জীবনের কথা লিখছি। এর মধ্যে একটিও বানানো কথা নেই জানবেন। তবে আমার নাম ঠিকানা সত্য নয় একথা অকপটে কবুল করেই তার জন্তে মার্জনা চেয়ে নিচ্ছি।

বানানো গল্প আছে। একটা গল্পের মধ্যে পরিচিত চরিত্রের আভাস পেয়েছি। তবে মনে হয়েছে অভিরঞ্জে বিকৃত করে অল্প কেউ চরিত্রটিকে নিজের নামে চালাতে চেয়েছে। সে সব পত্রের দুচারখানি যে বৈচিত্র্যে অভিনব তাতে সন্দেহ নেই কিন্তু তার উপর ঠিক আস্থা স্থাপন করতে পারি নি এবং মনও যেন আকৃষ্ট হয় নি। সাহিত্যে ঘটতে পারলে সবই ঘটে : যেমন মহাভারতে সাবিত্রী যমের সঙ্গে যুদ্ধ করে মরা স্বামীকে বাঁচিয়েছে অথবা রাবণের দশ মুণ্ড যতবার কেটেছে ততবার গজিয়েছে। এবং ভূতেরা চিরকাল গল্পের মধ্যেই বসবাস করে—গাছে বা বাড়ীতে থাকে না এ জেনেও গল্প বলার গুণে ভাড়া পড়ে বাড়ীতে বা বাঁকড়া গাছের

* লেখকের ‘নারীরহস্যময়ী’ দ্রষ্টব্য

তলায় আমরা ভূতের ভয়ে শিউরে উঠি। স্বতরাং বৈচিত্র্য এবং অভিনবত্বের লোভে ওসব থেকে চরিত্র নেব না। যে গল্পের লক্ষ্য কেবলমাত্র জীবন-সত্যের ব্যাখ্যাকে বিকৃত করার জন্য বা কতকগুলো স্বাস্থ্যহীন দেহধারীর অস্থস্থ মনের অশ্লীল আকাজকা পূরণের পল্ভেকে উল্লে দেবার জন্য, তা নিয়ে ছবি আঁকতে বা মূর্তি গড়তে আমার ইচ্ছে নেই।

সংসারে এককালে মেয়েরা পণ্যবস্তুর মত বিক্রী হয়েচে। এমন কি সুপবিত্র ধর্মশাস্ত্র থেকে মন্ত্র পাঠ ও শপথ করে ঈশ্বর সাক্ষী রেখে বিয়ে হওয়া মেয়েদের বন্ধন-যাতনা বা জীবনদুর্দশা থেকে মুক্তি দেওয়া যায় নি একথা কঠোর সত্য। এখানে শাস্ত্র ঈশ্বর দুই সাক্ষীকেই মিথ্যে সাক্ষ্য দেওয়ার দ্বায়ে অনায়াসে অভিযুক্ত করা যায়। কিন্তু এ-কালে—যে-কালে আইন-বলে মেয়েরা মুক্তি পেয়েছে—যে-কালে সমাজ ভেঙেছে মাহুষের বোধের বলে, সে-কালে পেটের দ্বায়ে বা স্থখ-সংস্থানের সঙ্গতি অর্জনের জন্য মেয়েরা যেখানে দেহ নিয়ে কারবার করার ষাতে নিজেদের জীবনস্রোতকে বইয়ে দেয়, সেখানে ওই প্রবাহিনীকে নদীও বলব না ঝরনাও বলব না, বলব কলঙ্কিনীর খাল। স্নান পান দূরের কথা, ও জলে পা ডোবালেও আবার পা ধুতে হয়। কিন্তু যে মেয়েরা জীবনে দেহের বা মনের জাগিদে সব বাধাবন্ধ বা বেড়াকে উপেক্ষা করে বা ভেঙে বা ডিঙিয়ে বেরিয়ে এসে পথে দাঁড়িয়ে পুরুষের হাত ধরে, তাদের আমি সেকালের স্বয়ম্বরের মত সম্মম করি।

পুরুষদের বেলাতেও তাই। যে পুরুষেরা সবল, বীর্যবান তারা নারীকে অর্থমূল্যে কিনতে চায় না। তারা নারীচিন্তকে জয় করে স্বয়ম্বর সভায় অজ্ঞানের মত, এবং দেশ থেকে দেশান্তরে এক বাসর থেকে আর এক বাসরে বাসি মালার বদলে নতুন মালা গলায় প্রবেশ করে। তাদেরও আমি নিন্দা করি না। একালে তো ব্যাপারটা আরও সরল হয়ে এসেছে। বিবাহের চেয়ে বড় নতুন-সম্পর্ক-ক্ষেত্রের দোর খুলে গিয়েছে। কিন্তু যে-দুর্বল ভীকরা হাংলামি বা চোরামি করে নারীমহলে ভিক্ষুকের মত বা গাঁটকাটার মত কারবার চালাতে চায় অথবা কয়েকটা রক্তত মুদ্রা পকেটে নিয়ে দেহ কিনতে আসে তাদের আমি চরিত্রের আসরে একান্ত-ভাবে ব্রাত্য বলে মনে করি। চরিত্র বলতে আমি আচার বিনয় বিছা সংযম প্রভৃতি গুণ-সম্পন্নতার কথা বলছি না, বলছি, যে প্রকৃতি-ধর্ম মাহুষের কাছে মাহুষকে একটি পরিচ্ছন্ন বা বলিষ্ঠ পরিচয়ে পরিচিত করিয়ে দেয়, তাই।

ধাক।

অনেকখানি ঠাই এতেই চলে গেল। হয় তো শিল্পবিচারে ঐ আলোচনা নিয়ে এতখানি স্থান অপব্যয় করা উচিত হল না। শাড়ীধানার জমি ও পাড়ের অল্পপাতে আঁচলখানা বড় হয়ে গেল।

আমি চিঠির গালা সরিয়ে দিয়ে এবার বলব মণি বউদির কথা। চিঠিগুলো নিয়ে যখন ভাবছিলাম এর মধ্যে কোনখানিকে বেছে নেওয়া যায়—তখনই একখানা চিঠি এল—যে চিঠিখানা বহন করে নিয়ে এল মণি বউদির মৃত্যুসংবাদ। সংবাদ দেবার জন্য দেওয়া হয় নি; আন্ধের নিমন্ত্রণ পত্র পাঠানো হয়েছে আমার নামে, যে-হেতু মণি বউদির পরিত্যক্ত

সম্পত্তির বিলি ব্যবস্থা হয়েছে যে দলিলে, সেই-দলিলের আমি একজন সাক্ষী। পিণ্ডিঃ দত্তা ধনং হরেন্—এ বিধানটা আজও স্বাধিকারে প্রতিষ্ঠিত রয়েছে।

কালো কালিতে মোটা হরকে ঠ গঙ্গা লেখা চিঠিখানা হাতে করে বাকি চিঠিপত্রগুলোর কথা সব ভুলে গেলাম। মণিবউদিকে আজও কেন মনে পড়েনি এর জ্ঞান নিজেকে তিরস্কার করতেও অবকাশ পেলাম না। মনের স্মৃতির ঘরের দরজা খুলে মণিবউদি হাসিমুখে বেরিয়ে এসে বললেন—জানি গো জানি, তুমি আমায় ভোল নি, ভুলতে পার না—একথা আমি জানি এবং মানি। আবার মনে মনে আন্তরিকভাবে মানি—তাই জানি, সকলের থেকে বেশী করে জানি এবং সত্য বলে জানি।

সঙ্গে সঙ্গে গালে টোল-কেলা, সেই মুখ টিপে হাসি।

মণিবউদি সম্পর্কে আমার বউদিই হতেন কিছু দিদিও বলেছি অনেক সময়।

মণিবউদি আমার থেকে সম্পর্কে বড় কিছু বয়সে ছোট। বেশ কিছু বছরের ছোট; আমার গৃহিণী আমার থেকে ছ' বছরেরও কিছু বেশী, মানে ছ' বছর ক' মাসের ছোট; মণি বউদি আমার গৃহিণী থেকেও আবার আট দশ বছরের ছোট। এবং আমাদের সম্পর্কটা ফেলনা সম্পর্ক নয়।

সম্পর্কের স্বরূপটা ঠিক প্রকাশ করব না, কারণ মণিবউদির পরিচয়ের যে বিচিত্র রূপ আমি দেখেছি, সে-রূপ প্রকাশ করার পর আমার এবং মণিবউদির আপনজনদের মনে কোন বিরূপ প্রতিক্রিয়া হলে অন্তরে আমার অ-স্বস্থ অস্বস্তির আর শেষ থাকবে না। তাছাড়াও কথা আছে; সেটা হল—মণিবউদিকে আপন বলে স্বীকার করা বা দাবী করা সংসারে বা সমাজে সহজ কথা নয়। আমাকে নিজেকেই কি এই বউদিটিকে আমার আত্মীয় আপনজন বলে মেনে নিতে, স্বীকার করতে, কম বেগ পেতে হয়েছে? প্রায় ক্ষতবিক্ষত হয়ে গেছি বলতে গেলে।

পরিচয়ের প্রথম যুগটা তাঁকে স্বীকার করি নি। একেবারে একটা যুগ অর্থাৎ পুরো বারো বছর। প্রথম মণিবউদির সঙ্গে চাক্ষুষ দেখাশুনো এবং পরিচয় হয়েছিল ১৯৪২ সালে।

তখন কিছু কাল হল সবে কলকাতায় বাসা করেছি। আনন্দ চ্যাটার্জী লেনে থাকি। জীবনে প্রতিষ্ঠা আসছে। 'কালিন্দী' নাটক নাট্যনিকেতনে হয়েছে বটে কিন্তু মধ্যপথে থিয়েটারের মালিকের সঙ্গে স্টেজের মালিকের মামলার ফলে মালিককে থিয়েটার বন্ধ করতে হয়েছে। এর পর এই দিকের প্রতিষ্ঠা পূর্ণ হল 'দুই পুরুষ' নাটকের সাফল্যে।

সেকালে—; সেকালই বা বলি কেন—এ কালেও বটে, সাহিত্যিকের প্রতিষ্ঠার বিচার গল্প উপন্যাস বা কবিতার রসোত্তীর্ণতা নিয়ে ঠিক নয়, ও নিয়ে বিচার যাঁরা করেন তাঁরা জাত হংস; নীরের মধ্য থেকে ক্ষীর গ্রহণের ক্ষমতা যাঁদের আছে তাঁরা। সাধারণ লোকের কাছে সাহিত্যিকের সাফল্যের বিচার নির্ভর করে তার কথানা বইয়ের ক'টা সংস্করণ হল এবং কথানা বই ছবি হল বা কথানা নাটক স্টেজে হল, এই তথ্যটির উপর। সাধারণের মধ্যেও আবার অসাধারণ আছেন, যাঁরা হচ্ছেন নাকি, মূল্যবান পোশাক-পরিচ্ছদ পরিহিত, গাড়ী,

বাড়ী ও বিষয়সম্পত্তি ও ব্যবসায়-ব্যণিজ্য-ক্ষেত্রের মহাজন ।

এমনি একজন মহাজনদাদার নাম—ধরন অমৃতলাল মুখোপাধ্যায় মহাশয় । ধার নাম অনেক শুনেছি কিন্তু কখনও দেখি নি । গাড়ী বাড়ী বিষয় ব্যবসায়ের মালিকানি ছাড়াও এঁর মহাজনজের মধ্যে আরও বিশেষত্ব ছিল এই যে ১৯২১ সাল পর্যন্ত যে সব বি-এ, এম-এ পাশ ব্যক্তি দেশে দেশহিতৈষী বলে প্রতিষ্ঠা পেয়েছিলেন, অবিবাহিত থেকে ব্রতচারণার মত দেশসেবা কর্ম করে চলতেন, ইনি তাঁদেরই একজন । এবং সে-কালে আচার্য রায়ের মন্ত্রণায় বলে নিজেকে দাবী করতেন । অমৃতবাবু—আমার অমৃতদা'র ইচ্ছে ছিল না যে, তিনি ধনী মানুষ হন । কিন্তু তাঁর ভাগ্য তাঁকে ধনী মানুষ করে দিলে । কুড়িয়ে বাড়িয়ে দশজনের দোরে ধরণা দিয়ে শেয়ার বিক্রী করে একটা কাপড়ের কল এবং কাপাসের চাষ করবার কলনা নিয়েছিলেন । এবং তারই প্রাথমিক উত্তোগ হিসেবে একটা বিস্তীর্ণ পতিত প্রান্তর কিনেছিলেন কোন স্থানে । ব্যাপারটা শুরু হয়েছিল ১৯২১-এর অনেক আগে, শেষ হল ১৯২১-এর কিছুদিন পর । কোম্পানী ফেল পড়ল, অমৃতদা ইনসলভেন্ট হলেন ; পতিত প্রান্তরটা থেকে গেল অমৃতদা'র মার নামে । ১৯২৫।২৬ নাগাদ সেই বন্দ্য প্রান্তরটা প্রসব করলে একজাতীয় বিচিত্র পাথুরে মাটি । যে-মাটির নাম হল ফায়ার-ক্লে । আঙুনে লোহা গলে জলের মত যখন তরল হয় তাকে তখন ধারণ করতে পারে কেবল এই ফায়ার-ক্লে মাটি । লোহার যে পাত্রে লোহা গলানো হয়, সেই পাত্রের ভিতরটায় এই মাটি এবং এই মাটিতে তৈরী ইট দিয়ে আর একটা আবরণ তৈরী করে নিতে হয়, তবে লোহা গলানো সম্ভবপর হয় । নইলে লোহার পিণ্ডের সঙ্গে লোহার পাত্রটারও গলে যাবার কথা । এ মাটি লোহার যুগের নিঃসন্দেহে শ্রেষ্ঠ মাটি ।

অমৃতদা এই মাটি মূলধন করে কারখানা গড়বার জ্ঞান তখন কোম্পানী খুললেন । এবং সোনা মাটি মাটি সোনা এই সত্যটাকে পরমহংসদেবের আর নিঃসন্দেহে আর একবার প্রমাণিত করলেন । অবশ্য পরমহংসদেবের সত্যের উন্টোপিঠটাকেই সত্য বলে প্রমাণিত করলেন । কথাটা আমার নয়, কথাটা অমৃতদা'র । দশ বিশটা কথা'র মধ্যে একবার না একবার তিনি বলতেনই কথাটা । বলতেন—দেখ হে, সত্য যা তার এ পিঠও যেমন সত্য ও পিঠও ঠিক তেমনি সত্য । সত্যের উন্টো বলে সেটা মিথ্যে নয় ।

আরও গম্ভীর হয়ে বলতেন—দেহেরই ছায়া পড়ে । আত্মার ছায়া পড়ে না । সে ট্রান্সপেরেন্ট ।

ইনি সে কালের অমৃতলাল মুখোপাধ্যায়—ইনভালিডিস্ট মহলের এ. মুকুর্জী বা মুকুর্জী-সাব ; এবং দেশসেবকদের কাছে খন্দরপরা মহান ব্যক্তি, তার সঙ্গে দার্শনিক ; পণ্ডিত তো বটেই । তাঁর চিঠির কাগজ থেকে দরজার পাশের নেমপ্লেটে তাঁর নামের শেষে লেখা থাকে দুটি ইংরাজী অক্ষর M. A. । ইনিই আমার অমৃতদা । উত্তর কলকাতাতেই সেন্ট্রাল অ্যাভেন্যু থেকে বের হওয়া একটি প্রশস্ত রাস্তার উপর বাড়ী করেছেন । হঠাৎ তাঁর পত্র পেশাম একটা । এম্বসিং পদ্ধতিতে অমৃতভাণ্ড লিখিত একখানি মূল্যবান চিঠির কাগজে

বহুসঙ্গে লিখেছিলেন চিঠিখানা। চমৎকার ইংরিজী ভাষায় লেখা। চিঠিখানা হারিয়ে গেছে। মর্মার্থ মনে পড়ছে। সম্বোধন ছিল, মাইডিয়ার...বাবু। অতঃপর মর্মার্থ বাংলায় লিখছি। ভাষাটা আমারই হয়ে গেল।

“তুমি (বা আপনি) আমার পত্র পেয়ে আশ্চর্য হবে নিশ্চয়। তবে আমি নিশ্চিত যে তোমার সঙ্গে আমার নিকট আত্মীয়তার বিষয় সম্পর্কে তুমি অজ্ঞ নও। তিনপুরুষ পূর্বে যাটটি বিবাহ দ্বারা বিখ্যাত, যাটটি পত্নীর স্বামী, যেটেরা কালিচরণ তোমার খণ্ডরের ঠাকুর্দা একথা নিশ্চয় জান। এই যেটেরা কালিচরণেরই আর এক পৌত্র আমার পিতৃদেব। অর্থাৎ তোমার জ্বর পিতামহ এবং আমার পিতামহ বৈমাত্রেয় ভাই অর্থাৎ দুই মায়ের সন্তান হইলেও এক পিতার সন্তান। ফলতঃ তোমার স্ত্রী আমার খুড়তুতো বোন। সুতরাং আমি তোমার ব্রাদার-ইন-ল। বয়সে অবশ্য অনেক তফাৎ হইবে। অত্যন্ত আফসোসের কথা—ম্যাটার অব গ্রেট রিগ্রেট যে, তোমার সঙ্গে আমার পরিচয় নাই। তুমি এখন একজন খ্যাতনামা ব্যক্তি। নাট্যভারতীতে তোমার দুই পুরুষ নাটক লেখিতে গিয়া অমরের সঙ্গে দেখা হইল। সে-ই বলিয়া দিল যে, তুমি চারু-খুড়োমশায়ের জামাতা। আমার ভগ্নীপতি। নাটকটি খাসা লাগিল। বেড়ে লিখিয়াছ। কঙ্কনার বাবুদের নাম করিয়া...দের খুব ঠুকিয়াছ। যাহাই হউক তোমার সঙ্গে আলাপ করিতে চাই। এ বিষয়ে আমার গৃহিণীর খুবই উৎসাহ। আগামী রবিবার আমাদের বাড়ীতে একটি মজলিস হইবে। তুমি সস্ত্রীক অবশ্যই আসিবে। অবশ্যই আসিবে! কয়েকজন গণ্যমান্ত ব্যক্তি থাকিবেন। আলাপে উপকৃত হইবে বলিয়া মনে করি। নিশ্চয় আসিবে। রবিবার বৈকাল পাঁচটার সময় গাড়ী পাঠাইব।”

আমি অমৃতবাবুর নাম যে আত্মীয় হিসেবে শুনি নি তা নয়; তবে আমার খণ্ডরের সঙ্গে ওঁর মেলামেশার আত্মীয়তা ছিল না। অমৃতবাবু এম-এ পাশ এবং এককালে দেশসেবক ছিলেন বলে শুধু-মাত্র ব্যবসায়ী, ধনির মালিক আমার খণ্ডরের সঙ্গে বেশ একটা অন্তরের মিল ছিল না। একটা কমপ্লেক্স কাজ করত উভয়পক্ষে। আমার খোদ খণ্ডরেরা ধনি ব্যবসায়ে অমৃতবাবু থেকে বৃহত্তর ব্যক্তি ছিলেন। কিন্তু এম-এ পাশ এবং এককালে দেশসেবক হিসেবে অমৃতবাবু এঁদের থেকে অনেক উচ্চনাসা ব্যক্তি ছিলেন, এবং এঁদের বৃহত্তর সত্তার সঙ্গে পাল্লা দিয়ে নিজেকে মহত্তর সত্তা বলে জাহির করতেন।

মণি বউদির কথা বলতে গিয়ে অমৃতদার কথা বেশী বলতে হল। না-বলে উপায়ও নেই। ছায়া, সে যেমনই হোক, যে কায়ার সে প্রতিফলন, তাকে বাদ দিয়ে তো তার কোন অস্তিত্বই নেই। বিশেষ করে অমৃতদা এবং মণি বউদির ক্ষেত্রে এই সত্যটা অত্যন্ত কঠিন বাস্তবের রূচতায় রূপ নিয়েছে। সে-কথা পরে প্রকাশ পাবে।

আমি একাই গিয়েছিলাম, আমার গৃহিণী যান নি। তার কারণ পূর্বে বলেছি; আমার খণ্ডরকুল নিজেদের সম্পদে এবং শিল্পপতিত্বের বৈষয়িক গুরুত্বে আপনাদের বৃহৎ মনে করতেন এবং অমৃতদা এম-এ ডিগ্রীর ও একটা দেশসেবকত্বের গৌরবে এঁদের থেকে আপনাকে মহৎ মনে করতেন। ফলে দুইপক্ষের মধ্যে আত্মীয়ের অন্তরঙ্গতার চেয়ে জ্ঞাতিত্বের ঈর্ষা-অবজ্ঞাই

বড় হয়ে উঠেছিল। দীর্ঘদিনের মধ্যে স্বল্প যোগাযোগের জন্ত সেটা দৈর্ঘ্যে বড় না হলেও গল্পের বাস্তবসাপের মত আকারে ছোট হয়েও প্রকাণ্ড কণাটা নিয়ে নিরীহভাবেই বেঁচে ছিল।

আমার গৃহিনী ভুরু কঁচকে বললেন—দাদা! হ্যাঁ, তা সম্পর্কে দাদাও বটে, সম্পর্কও সত্যি বটে। কিন্তু সে তো কালিচরণের ষাটটা বউয়ের ছেলের খোঁজ করলে, পাঁচ ষাটে তিনশো হবে। ও তুমি যাও। লেখক বলে তোমাকে নেমস্তন্ন করেছে। আমাকে করে নি। করলেও আমি যাব না। আমার বাবা কাকাকে যা বলত।

একটু চূপ করে থেকে আবার বললেন—তা ছাড়া তার বউ—। সে তো বিয়ে করেছে বুড়ো বয়সে প্রেম করে। বউ তো মাস্টারী করতো আগে। শুনেছি খুব ক্যাশানে মেয়ে। লম্বা লম্বা কথা বলে। সে আমার সহ্য হবে না। তোমরা লেখক মানুষ তোমরা যাও। তোমাদের ভাল লাগবে। তবে সাবধান হয়ে কথাবার্তা বলো বাপু, সে মেয়ে বিশ্বনিদ্রুক। বড্ড চ্যাটাং চ্যাটাং কথা। আর রূপের গুমোরে বিছার গুমোরে অপরী বিগ্বেবতী তো কেটে পড়েন। আমাকে যে-সে বলে নি, বলেছে, বড়বউদি দেবেনদার বউ।

দেবেনবাবু আমার জীর বড় মামাতো ভাই। আমার মামাখণ্ডেররা বিখ্যাত ধনী। বড় বড় খনির মালিক। কোল মাইন, মাইকা মাইন নিয়ে বিরাট ব্যবসা। তার সঙ্গে তাঁরা কায়ার-ব্রুকসের কারখানাও করেছেন। অমৃতবাবুর সঙ্গে কায়ার-ক্রে নিয়ে ব্যবসার সম্পর্ক আছে। রক্তের সম্পর্ক, আত্মীয়তার বা কুটুম্বতার সম্পর্ক বংশগোঁরবে, বিছাগোঁরবে অন্যায়সে উপেক্ষা করে চলা যায়, কিন্তু ব্যবসায়ের লেনদেন সম্পর্ক যেখানে, সেখানে সেই যে একটা কথা আছে—‘ন চ বিছা ন চ পৌরুষ’ বলে, সেই কথাটাই চরম সত্য হয়ে ওঠে।

আমাদের দেশের একজন নিরক্ষর মানুষ প্রথম জীবনে ভাংগাড়ের মরা গরুর চামড়া আর হাড় কুড়িয়ে ব্যবসা শুরু করে বহু লক্ষ টাকার মালিক হয়েছিলেন। তাঁর ম্যানেজার যিনি ছিলেন তিনি রিটার্ড ডেপুটি ম্যাজিস্ট্রেট। আপনি বলে কথা বলতেন। তিনি দূরের কথা—রায়বাহাদুর খেতাব পেয়ে তিনি রাজস্বদ্বারা ব্রাহ্মণ-কায়স্থ-রায়বাহাদুর এম-এ পাশ-রায়বাহাদুরদের পাশে বসতেন। এবং তাঁর বাড়ীর নিমন্ত্রণে সকলে যেতেন। স্তত্রাং ব্যবসাতে নেমে এম-এ পাশ এককালের দেশসেবক, তাঁর কায়ার-ক্রে খরিদারের কাছে আসবেন এবং মিষ্ট অন্তরঙ্গতায় অন্তরঙ্গ হতে চাইবেন এতে বিশ্বয়ের কিছু ছিল না। তবে আড়ালে হয় তো ইনিও মন্দ কথা বলেন এবং তিনিও বলেন। দেবেনদা অমৃতদার থেকে কিছু ছোট, কিন্তু অমৃতদার বউ দেবেনদার বউ থেকে অনেক তরুণী, হয় তো সুন্দরী আধুনিকাও বটেন, তার উপর তিনি না কি মাস্টারী করতেন, অর্থাৎ শিক্ষিতা, পাশ করা মেয়ে, স্তত্রাং দেবেনদার বউয়ের কানে কথা চ্যাটাং চ্যাটাং ঠেকবারই কথা এবং চোখে এই আধুনিকার (তরুণী রূপসীটির) বেশভূষা, প্রসাধন, স্মার্টনেস সব কিছুই ক্যাশানোদ্ধত বলেও মনে হতে পারে স্বাভাবিকভাবে।

আমি মনে মনে হাসতে হাসতেই গেলাম।

অমৃতদা সবস্ববে বসে ছিলেন—দেবেনদাও ছিলেন, দেবেনদাই বললেন—এই এসে গেছে।

অমৃতদা এসে হাত ধরে আমাকে বিছু বললেন না—ডাকতে লাগলেন মণিবউদিকে ।

—কোথায় গেলে! ওগো! ওগে !

বোধহয় কাছেই ছিলেন কোথাও মণি বউদি । ঝরে চুকে বললেন—এই তো গেলুম—
এরই মধ্যে ওগো-ওগো! কি ?

অমৃতদা বললেন—‘সংসার-শ্রাভ্যাল যুদ্ধে ওগো আমাদের ওগো ; একান্ত ভরসা সখি,
তোমারই এ্যাডমিরাল টোগো!’ বুঝেছ। নাও—ইনিই আমাদের—

সহাস্ত্রে মণিবউদি বললেন—আম্বন । অত্যাধুনিকা সুন্দরী তরুণী মণি বউদি, শুধু সামনের
দাঁত দুটি উচু । হাসলে বেশী উচু দেখায় কিন্তু খারাপ লাগে না । আমার কিন্তু বিশ্বয়ের
সীমা রইল না ।

ইনিই মণি-বউদি ?

দুই

অবাক হয়ে গেলাম । ইনিই মণি-বউদি ? বিচিত্র বিশ্বয়! মনশক্ষে ভেসে উঠল—খুব
চওড়াপাড় তাঁতের শাড়ী পরে কাঁধে দামী এবং শৌখীন শাস্তিনিকেতনী ঝোলা ঝুলিয়ে একটি
ছান্ধিশ-সাতাশ বছরের তরুণী দুপুরবেলা হেঁটে চলেছেন কলকাতার দ্বিপ্রহরের রাজপথ ধরে,
তাঁরও সামনের দাঁত দুটি এমনি উচু । দুপুরবেলা রাজপথে লোকজনের যাতায়াত কমে
চিরকালই আসে ; ভিড় পাতলা হয় । সেকালে সেকালের মতোই হতো । একালে একালের
মত হয় । তখন ১৯৪২ সাল চলছে । তখনও বোমা পড়েনি, সময়টা ছিল গরমের সময় ।
কলকাতার লোকের একটা অংশ তখন বোমার ভয়ে কলকাতা ছেড়ে পাড়ারগায়ে গিয়ে মকম্বল
শহরে ভিড় জমিয়ে সে কালের ‘ড্যাঙ্কিবাবু’ নামে খ্যাত হয়ে থাকলেও কলকাতায় ভিড়
মোটামুটি তখনও ছিল । এবং দুপুরের দিকে বেলা সাড়ে এগারটার পর থেকে বেলা তিনটে,
গ্রীষ্মের সময় চারটে পর্যন্ত, একটা সময় আপিস ও বাজার অঞ্চলের বাইরের অঞ্চলগুলোতে
একটা অলস নিশ্চলতার খাঁ খাঁ ভাব ফুটে উঠত । রাস্তায়-ঘাটে ভিড় পাতলা হয়ে যেত ।
দোকানপাট কিছু কিছু বন্ধ হত । কিছু কিছু দোকানের দরজা ভেজানো থাকত । দোকানী
বসে চুলত, না হয় কোন একখানা বই খুলে বসে থাকত । রেন্টুরেন্টগুলো খাঁ খাঁ করত ।
কুকুর, গরুগুলি নিশ্চিন্ত হয়ে পথের দুপাশে বসে বিমূর্ত । নির্জন রোয়াকে বসে মস্তানের
দল বিড়ি টানত এবং অলস মস্তুর স্বরে ও কণ্ঠে রসিকতা করত । মধ্যে মধ্যে দু’খানা চারখানা
গাড়ী হর্ন বাজিয়ে রাস্তার নির্জনতা ও শুষ্কতাকে একটু সচকিত করে দিয়ে চলে যেত । কখনও
বা র্তুন-র্তুন শব্দ তুলে যেত এক-আধখানা রিক্সা । এবং দু’চারখানা সেকালের খার্ডক্লাস ঘোড়ার-
গাড়ীর আওয়াজও উঠত মধ্যে মধ্যে । তখনও ঘোড়ার-গাড়ী যায়নি । তাই বা কেন—
মধ্যবিত্ত সমাজে ঘোড়ার-গাড়ীর আধিপত্য পড়ন্ত জমিদার বাড়ীর প্রতাপের মত বজায় ছিল ।
বরঞ্চ যুদ্ধের বাজারে মোটর আমদানীতে মন্দা পড়ায় কিছুটা যেন আবার চনমন করে

উঠেছিল।

এমনি সময়ে খুব চওড়াপাড় তাঁতের শাড়ীপরা শান্তিনিকেতনি ঝোলা কাঁধে শোখীন চটি পায়ে একটি সুন্দরী তরুণীকে দেখতাম—হেঁটে চলে যাচ্ছেন। সেটা অল্পদিন আগের ঘটনা ছিল তখন। জনবিরল পথে সুন্দরী তরুণী অবশ্য চোখ ও দৃষ্টিকে চকিত ও আকৃষ্ট করেই থাকে; এ মেয়েটিও করেছিল। বলতে গেলে একটু বেশী চকিত ও আকৃষ্ট করেছিল। কারণ ছিল—তাঁর বেশ, ভূষা, আচরণ ও চালচলনের মধ্যে প্রগতিশীলতা ও প্রতিক্রিয়াশীলতার এমন একটি বিচিত্র সংমিশ্রণ ঘটেছিল যে তা শুধু দৃষ্টিকেই আকর্ষণ করত না, সঙ্গে সঙ্গে মনকে সবেগে নাড়া দিয়ে কুমোরের চাকের মত ঘুরিয়ে দিত, যার ফলে চাকের মাথার মাটি থেকে যেমন গেলাস বা হাঁড়ি বা খুরি গড়ে ওঠে তেমনিভাবেই একটা প্রশ্ন চেহারা নিয়ে গড়ে উঠত—মন বলত—“আরে! এটা কিরকম হ’ল! শান্তিনিকেতনী ঝোলা এবং চটির সঙ্গে হাতীপাজা লালপেড়ে শাড়ী পুরনো ঢঙে পরা। মাথায় প্রচুর চূলে বাঁধা ঝুঁটি-খোঁপায় গাওতালী ঢঙ-এর রূপোর চেনে ঝুমকো ঝোলানো খোঁপাতরণ; তার সঙ্গে সিঁথিতে সিন্দুরের ঘটা; গলায় পলার মালা—যা সম্পূর্ণ আধুনিক এবং তার সঙ্গে হাতে শাঁখা ও নোয়া; এ কিরকম হল!” অথচ অনায়াসে মানিয়ে গেছে মেয়েটির চাল-চলনের স্বচ্ছন্দতায়। আরও আছে।

প্রথম দিন গুঁকে দেখেছিলাম গোড়ীয় মঠের পাশ দিয়ে যে রাস্তাটা এসে পড়েছে বাগবাজারে, সেই রাস্তা ধরে বাগবাজার স্ট্রীটে উঠলেন। ছিল গরমকাল, জ্যৈষ্ঠ মাস। বাড়ীর কলে জল ছিল না, চৌবাচ্চায় জলের এমন অবস্থা যে দুপুরবেলা খাবার পর হাত ধোয়াটা কোন মতে হলে বাঁচি। তাই যাচ্ছিলাম গঙ্গার দিকে। গঙ্গাস্নান করে আসব। জ্যৈষ্ঠ মাসের রৌদ্রে সাড়ে এগারটার সময় গঙ্গাস্নানে যাওয়া-আসা সহজ কাজ ছিল না। বিরক্তিত্বেরই হাঁটছিলাম। এরই মধ্যে বাঁদিকের রাস্তা থেকে বেঁটে ছাতা মাথায় মেয়েটি বাগবাজারে পৌঁছে আমার সামনে পশ্চিমমুখ করে একরকম ইঞ্জিনের মতই আমাকে একটা আকর্ষণের জোরে টান দিলেন। পিছন থেকে তাঁর চূলের ঝুঁটি-খোঁপাতে রূপোর ফুলে ঝোলানো চেনগুলির দোলা অবশ্যই আমার মনকে দোলা দিয়েছিল ১৯৪২ সালে। তখন আমি মাত্র চুয়াল্লিশ। শুধু চেন এবং গাওতালী ঢঙের ফুলই নয়, তাঁর হাতীপাজা পাড়ের ডগডগে রঙও মনে ছায়া ফেলেছিল। তার সঙ্গে তাঁর চলনভঙ্গি। সে ভঙ্গিতেও একটা আকর্ষণী ছিল। সারা অঙ্গ যেন দুলাত। না, দুলাত বলব না। ঠমক-লাগা কথাটা ব্যবহার করব। তুলসীদাসের ভঙ্গনে আছে—‘ঠমকি চলত রামচন্দ্র বাজত পায়জনিয়া।’ নিজের গতিকে দ্রুততর করে-ছিলাম। সকলেই করে। যে দৃষ্টি আকর্ষণ করে তাকে দেখতে সকলেই চায়। আমিও তাই চেয়েছিলাম, তাঁকে পিছনে কেলে এগিয়ে গিয়ে কোন দোকানের ধারে কোন ছুতোয় দাঁড়িয়ে দেখে নেব। কিন্তু তার আগেই একটা ঘটনা ঘটে গেল। বাগবাজারের বাজার যেটা, সেই বাজারের কোন দোকান থেকে অথবা বাজার ঢুকবার পথের মোড় থেকে একটা তরুণ-কণ্ঠ চীৎকার করে উঠল—এ-ই চলল ‘দস্তমনোরঞ্জিনীস্বহাসিনী টুথ পেস্ট’—! এবং এমন-

ভাবে বললে যে, সকলেই প্রায় হেসে কেললে। সঙ্গে সঙ্গে আমার সম্মুখবর্তিনী-হংসগামিনী কণেকের জন্ত ধমকে দাঁড়িয়ে পিছন ফিরে তাকালেন। বোধ হয় দেখতে চাইলেন বক্তাকে। কিন্তু সে তো হয় না, দেখতে এমন ক্ষেত্রে পাওয়া যায় না। ‘হাওয়া হয়ে যাওয়া’ বলে একটা কথা আছে; এমন ক্ষেত্রে যে এমন ধরণের কথা ছুঁড়ে মারে, সে মেরে আর দাঁড়িয়ে থাকে না, মেরেই ‘হাওয়া হয়ে যায়’। যে বলেছিল সে বোধ হয় মার্কেটের মধ্যে ঢুকে পড়েছিল। কিন্তু আমার লাভ হয়েছিল। আমি একেবারে তাঁকে মুখোমুখি দেখতে পেয়েছিলাম, ধূসর ছিল মাত্র হাত পাঁচ-ছয়, তার বেশী নয়। দেখলাম তাঁর সামনের দাঁত দুটি অল্প-একটু উচু, কিন্তু উচু হলেও বাকীগুলিকে নিয়ে এমনই আত্মপাতিক সামঞ্জস্য রেখে সাজানো যে, ভারী ভাল লাগে। আরও যেটা চোখে পড়েছিল এবং যেটা আমাকে বেশী মুগ্ধ করেছিল সেটা হল তাঁর মুখের হাসি, দেখলাম ঠোঁট দুটিতে অল্প একটু হাসি ফুটে উঠেছে। গালে দুটি টোল পড়েছে তাতে। মনে হল, ‘দস্তমনোরজিনীসুহাসিনী টুথ পেস্টের’ অস্তিত্ব অর্থের সঙ্গে সত্যিই একটা মিল আছে এবং তাঁরও রস-বোধ আছে যার জন্মে এমন কথাটা তাঁকে খুশী না করে পারেনি। তারপরই মনে হয়েছিল—না। হাসির মধ্যে এতবড় অবজ্ঞা বা ঘৃণা আর হয় না। থুথু ফেলে অবজ্ঞা প্রকাশ করাও এর থেকে হালকা ব্যাপার। তিনি এসে দাঁড়ালেন বাগবাজার স্ট্রীট এবং চিংপুর রোডের জংসনে, দক্ষিণ দিকে যে কালোবাড়িটি আছে সেখানে। কথা বলতে লাগলেন পুরুতের সঙ্গে। আমার আর দাঁড়াবার সময়ও ছিল না, উপায়ও ছিল না; মাথার উপর রোদ চড়ছে, সঙ্গে আছে বাড়ীর ঠাকুর আর চাকর, একসঙ্গেই স্থান করতে এসেছি। গৃহিনী হৈসেল নিয়ে বসে আছেন। গঙ্গান্নান থেকে কিরবার পথে ভাল করে এদিক-ওদিক দেখেও তাঁকে চোখে পড়ল না। এবং ততক্ষণে গঙ্গান্নানের সঙ্গেই বোধ হয় কৌতুহল অনেকটা ঠাণ্ডা হয়ে এসেছিল।

অমৃতদার বাড়ীতে মণি-বউদিকে দেখে আমি বিস্মিত হলাম, কিন্তু মণি-বউদি আদৌ বিস্মিত হলেন না। সেই মুখ, সেই ঈষৎ উচু দাঁত এবং পদক্ষেপের ভঙ্গির মধ্যে সেই সারা অঙ্গে দোলনলাগা ঢঙের মিল থাকলেও এ-মেয়ে সেই মেয়ে কিনা সে সম্পর্কে সন্দেহ জাগল আমার। ওদিকে তাঁর বিশ্বয়লেশহীন মুখ নিয়ে তিনি একরকম চ্যালেঞ্জ দিয়ে দাঁড়ালেন।

ইনি অর্থাৎ মণি-বউদি অবিকল সেই মেয়েটির মত দেখতে হলেও আজকের পোশাকে-পরিচ্ছদে, রকমে-সকমে একেবারে স্বতন্ত্র। এ মণি-বউদি একেবারে ১৯৪২ সালের নিখুঁত মডার্ন মেয়ে; ফেরতা দিয়ে স্কন্দর সাদা-জমির উপর সূক্ষ্ম সূচের তোলা বূটদার ঢাকাইশাড়ী পরেছেন। গায়ে টকটকে লাল বর্ডার দেওয়া সিঙ্কের ব্লাউজ; পাতা কেটে চুলের বিস্তার; মুখে স্নো-পাউডারের চড়া সূক্ষ্ম গুত্রতা, চোখে সূর্যী বা কাজল, তার সঙ্গে ঠোঁট দুটিতে লিপস্টিকের রঞ্জনী; হাতে চূড়ির গোছা, গলায় পাথর-বসানো নেকলেসটির ছটা আজও মনে পড়ছে আমার। আমার এই বিশ্বয়কে উপহাস করে তিনি বলে উঠলেন, আপনিই আমার প্রিয় লেখক এবং নন্দাই? ও মা? এ যে মনে ঝাঁকা ছবির সঙ্গে একেবারে মেলে না।

আমি হেসে বললাম, আপনি বুঝি আমাকে অমৃতবাবুর চেয়েও দেখতে সুপুরুষ ভেবেছিলেন ?

অমৃতবাবু বলেছিলেন—ওহে বাপু আমি তোমার সম্পর্কে জ্যেষ্ঠ, তোমার থেকে বয়সে অন্তত আট-দশ বছরের বড়। এবং তোমার স্ত্রীর দাদা! আমাকে দাদা বলবে।

আঘাত দিতে ইচ্ছে হল কিন্তু এই মেয়েটির দিকে তাকিয়ে তা পারলাম না। মেয়েটির অভ্যর্থনা এবং কথাবার্তার মধ্যে যে আন্তরিকতা ছিল সেটি একটি প্রসন্ন প্রদীপের মত জ্বলছিল—তাকে নিভিয়ে দিতে অথবা ফুঁ দিয়ে কাঁপিয়ে দিতে ভাল লাগল না। মনের মধ্যে তখন তাঁর-মনে-আঁকা আমার ছবিটির সম্পর্কে অনেক সর্কোতুক কল্পনা করছিলাম আমি।

মণি-বউদি বলে উঠলেন—তার জন্তে হুকুম ছাড়তে হবে না। তোমাকে, সে উনি নিশ্চয় বলবেন। বলবেন না ?

ইচ্ছে হল বলি, কথাটার মীমাংসা উমাকে ডেকে করলেই ভাল হয়। সে যদি দাদা বলে ডেকে বিগলিত হয়, তবে অবশ্যই আমি বলব। কিন্তু তার আগেই মণি-বউদি বাকী কথাটা শেষ করলেন—তোমার ছোটবোনের স্বামী হিসাবে তোমাকে দাদা বলুন চাই না-বলুন, আমার জন্তে তোমাকে দাদা বলবেন। কারণ আমি শালাজ এবং বউদি এক-আধারে দুই হব। বলে মুখ টিপে হাসলেন। সে হাসিতে দুই গালে দুটি টোল পড়ল এবং হাসিতে যে মিষ্টতা ফুটে উঠল তা সেদিনের সেই মেয়েটির সেই মিষ্টি হাসিকে মনে করিয়ে দিয়েই আর এ-হাসি ক্ষান্ত হল না, সে-হাসি যেন এক মুখেরই এক হাসি হয়ে জ্যামিতির দুটি ত্রিভূজের মত এক হয়ে মিলে গেল।

সেদিন সন্ধ্যাটি কেটেছিল ভাল। অমৃতদাকেও ভাল লেগেছিল। অমৃতদাকে লোকে পণ্ডিত জানে। প্রাক্তন দেশকর্মীদের যে একটি পৃষ্ঠপোষকমূলত অহঙ্কৃত স্নেহ বা করুণা বিতরণের ঔদ্ধত্য থাকে, তাঁর চরিত্রে তা কিছু কিছু থাকলেও এখন সে-সব ঘষেমেজে সমান মন্থন হয়ে এসেছে। এখন যেটা আছে সেটা মোটামুটি সম্পদের হাঁকডাক। অহরহই তিনি এটা দেখাতে ওটা দেখাতে ব্যস্ত। ফার্নিচারগুলো কোথা থেকে কেনা, মেঝের মারবেলের বিশেষত্ব কি, কোন্ কোন্ মেঝের মারবেল খাস ইটালিয়ান, এমন কি বাথরুমে যে পোরসেলিন টাইলস বসিয়েছেন, তা কিভাবে সংগ্রহ করেছেন, এতেই তিনি মগ্ন। কোনমতে বা কোনক্রমে যদি মণি-বউদির থাকায় এই চক্র থেকে ছিটকে বেরুচ্ছিলেন তো সোজা গিয়ে আবার একটা অল্পরূপ চক্রে ঢুকে ক্রমান্বয়ে ঘুরপাক খাচ্ছিলেন; সে চক্রটা হল সরকারী মহলের স্পাইর্যাল সিঁড়িতে উঠে একেবারে উপরে গোলকধাঁধার মত গোলাকার একটা মহল, যার দু'পাশেই ঘরগুলিতে রাজকর্মচারীদের দপ্তর। যারা খাঁটি দেশকর্মী তাঁদের পক্ষে সকালে এ মহল ছিল শৌণ্ডিকালয় বা বেঞ্চালয়ের তুল্যই অল্প একটি আলায়, যেখানে পদার্পণ করলে স্নাত্ত বিধানের নরকে পতন ছিল অনিবার্য। একালে কিন্তু তা নয়। উন্টে গোরবের স্থান হয়ে দাঁড়িয়েছে।

মণি-বউদির মুখখানার চেহারা আমার মনে পড়ছে। স্বামী সরকারী মহলের কথা

তুলভেই তাঁর মুখ লাল হয়ে উঠেছিল। মণি-বউদির রঙ হলদেটে করসা নয়, লালচেও ঠিক নয়, তাঁর দেহবর্ণে সাদার আভাস বেশী। তার উপর পাউডার এবং স্নোর লুস্ব আন্তরণ বিলেপনে মর্মরম্ভ্র দেখাচ্ছিল। সে মুখ লাল হয়ে উঠল। দুটি ক্রম মাঝখানে ঠিক নাকের উপরে ক'টি কুঁকন রেখাও দেখা যাচ্ছিল। তিনি ভেবে পাচ্ছিলেন না এ গোলকর্ধাধা থেকে স্বামীকে বের করবেন কি করে? হঠাৎ পথ পেলেন। বললেন—আমাকে না ঠুকে। বললেন—একটা কথা বলব কিন্তু। রাগ করো না যেন। করলে আমি নাচার। সেদিন কিন্তু কজলুল হক, নাজিমুদ্দিন, সুরাবর্দী তিনজন বাড়িতে এলেন তোমার জন্মদিনে। আর তুমি কড়া কথা বলে দিলে? এগুলো কিন্তু ঠিক নয়।

হা হা করে হেসে উঠলেন অমৃতদা। তিনি প্রায় বিগলিত হয়ে গিয়েছিলেন। হাসি খামিয়ে কি যেন বলতে গেলেন কিন্তু বউদি তাঁকে খামিয়ে দিয়ে বললেন—এইবার সেই কথাটা জিজ্ঞাসা করব কিন্তু। করি?

—কি? কোন্ কথা। অমৃতদা হাসি খামিয়ে জীর মুখপানে চাইলেন।

—সেদিন দুইপুরুষ দেখে ফেরবার পথে যে কথা হয়েছিল।

—ও। তা বেশ তো। কর না।

—আচ্ছা, সত্যি কথা বলবেন লেখক-মশাই। নুটবিহারীর চরিত্রটি কোথায় পেলেন? ওটি কার চরিত্রের ছায়া নিয়ে গড়েছেন? ঠর নয়?

আমি কি উত্তর দেব খুঁজে পাইনি। আবার হো হো করে হেসে উঠতেও পারিনি।

দুইপুরুষের নুটবিহারী,—অমৃতদা?

আমার বিস্ময় বা নীরবতায় তাঁদের কিছু এসে-গেল না। মণি-বউদি প্রমাণ করে দিলেন যে অমৃতদার চরিত্রের ছায়া থেকেই দুইপুরুষের নুটবিহারী চরিত্র আমি গড়ে তুলেছি। মণি-বউদি এককালে শিক্ষিকা ছিলেন শুনেছিলাম; অমৃতদা নুটবিহারী—এই তথ্যটিকে, সত্য হিসেবে প্রতিষ্ঠিত করেই, সেদিন তিনি তার প্রমাণ দিয়েছিলেন। কোন বক্ত অর্ধকে প্রচ্ছন্ন রেখে এ-কথা বলছি না। সত্যসত্যই মণি-বউদির বিশ্লেষণী ভঙ্গিটি ভাল লেগেছিল আমার। এবং কয়েক জায়গাতেই চরিত্রচিত্রণে ক্রটিও তিনি তুলে ধরেছিলেন। তখন নিমজ্জিতেরা একে একে আসছেন, বসছেন; চাকর ট্রের উপর শীতল পানীয় নিয়ে গিয়ে সামনে ধরছে। মণি-বউদি কথা বলতে বলতেই তাতে ছেদ টেনে অভ্যর্থনা করছেন এবং সঙ্গে সঙ্গেই তাতেও ছেদ টেনে বিশ্লেষণীতে ফিরে আসছেন। সে বেশ সাবলীলতার সঙ্গে। মনে পড়ছে, আমার সম্পর্কে ভায়রাভাই সম্বরদা, সঙ্গীক এসেছিলেন কথার মাঝখানে। তখন মণি-বউদি বলেছিলেন, নুটবাবুর সঙ্গে ঠর চরিত্র মিলিয়ে দেখুন; প্রথম প্রথম ষখন উনি এম-এ পাশ করে দেশ দেশ করে বেকার রয়েছেন, এর দোরে, ওর দোরে শেষার বিক্রী করে ফিরেছেন, তখন আত্মীয়দের সঙ্গে এতটুকু মনের মিল নেই; যা তা কথা বলতেন; লোকে বলতো, লোকটা দুর্বাস। এই-এই-এই সময়বাবু এসেছেন, উনি সাক্ষী দেবেন, আহন, আহন; আহন ভাই বীণাদি, আহন। বহন। খুব জমেছে কথা। আমি বলছি, উনি নুটবিহারীর চরিত্র একেছেন

আমার কর্তাটিকে দেখে। খুব ইনটারেস্টিং নয়? বলুন তো মেলে কিনা? যে মানুষ ধনীদেব ছাড়া মাড়াতো না, গভর্নমেন্ট অফিসিয়্যালদের সঙ্গে যার ছিল নন-কো-অপারেশন; এখন তিনি নিজে পয়সা করেছেন এবং মিনিস্টাররা তাঁর বন্ধু। মিলিয়ে নিন। তবে খুব ক্লেশার। এ বলতেই হবে। বিমলা আর কল্যাণীর ট্রাঙ্কলের মধ্যে নট্টকে প্লেস করে এমন ক্রেমে এঁটে দিয়েছেন যে আসল মানুষটিকে ওই ক্রেমের বাইরে এনে চরিত্রের আসল বৈশিষ্ট্য দেখতেই পায় না কেউ। আর দেখতে চায়ও না কেউ। কি? ও মা, কার গাড়ী খামল? মনে হচ্ছে খুব ভারী-গাড়ী খামল? কে এল বল তো গো? রায়বাহাদুর এলেন বোধ হয়। আসছি আমি—

আমি মুগ্ধ হয়ে শুনছিলামই না, তার সঙ্গে ভাবছিলামও। এই মণি-বউদি আর সেই মেয়ে কি এক হয় না, হতে পারে। সে-মেয়েকে তো একদিনই দেখি নি আমি। আরও কয়েকদিন—বেশ-ভূষায়, সেই চঙেচঙে, চালে-চলনে দেখেছি বাগবাজারের গন্ধার ঘাটে। যারা এইসব গন্ধার ঘাটের সঙ্গে পরিচিত, তাঁরা জানেন, অপরাহ্ন বেলা পড়লেই এই ঘাটের উপর ছোটখাটো পাঠের আসর বসে যায়। একজন পাঠক এসে যান তাঁর গ্রন্থ, আসন, গ্রন্থ রাখবার ছোট্ট একটি চৌকী, একটি পঞ্চপাত্র ও একটি কুশী নিয়ে। এবং বসে আচমন করে গ্রন্থপাঠ করতে লেগে যান :

নারায়ণঃ নমস্তুভ্য নরৈকৈব নরোত্তমম্/হংসং সরস্বতীংঽচৈব ততঃসয়োমূর্ধীরয়েৎ—ভাগবত হোক, মহাভারত হোক, চৈতন্যলীলা হোক—পাঠ শুরু করেন এবং আপনা-আপনি একটি ছুটি করে শ্রোতা এসে বসে যায় চারি পাশে এবং কিছুক্ষণের মধ্যেই ওই গন্ধার ঘাটের নৌকায় পণ্য ব্যবসা-বাণিজ্যের ক্রেতা-বিক্রেতা, (সে খড়ের, ইটের, বাগির, ইলিশ মাছের) নারীসঙ্ঘানী পুরুষ—পুরুষসঙ্ঘানী নারী, এবং খবরের কাগজ হাতে বায়ুসেবীদের জীবনশ্রোতের মাঝখানে ধর্মচর্চার একটি দ্বীপের মত গড়ে ওঠে। সন্ধ্যা হ'তে হ'তে এ আসর শেষ হয়। শেষ হয় আলোর জন্মে। শ্রোতার মধ্যে মেয়ের দলই বেশী। তারা কিছু কিছু দক্ষিণা দিয়ে প্রণাম ক'রে উঠে চলে যায়। এই ধর্মকাজিনীদের মধ্যে কিছু পুরুষ-সঙ্ঘানী ছদ্মবেশিনী থাকেন—যারা উঠবার সময় আঁচলের রটকায় একটা আহ্বানের ইশারা জানিয়ে চলতে শুরু করেন। চলেন আর কিরে তাকান। দেখে নেন কে আসছে! ওদিকে ঘাটের উপর যে দেবালয়গুলি আছে—সেখানে আরতির ঘণ্টা বাজতে শুরু করে। নতুন মুখের আমদানি হয়। শনিবারে শনি সত্যনারায়ণ হয়; পূর্ণিমায় সত্যনারায়ণ হয়। সে আবার বিশেষ সমারোহের দিন। সেদিন ভিড় আরও বেশী জমে।

এই এমনি একটি আসরে তাঁকে বসে থাকতে দেখেছি। ঠিক আসরে নয়। একটু স্বাভাব্য রেখে। কিন্তু এমন স্বাভাব্য নয় যাতে করে এই মণি-বউদি এবং ওই সাধারণ সত্যনারায়ণ করা মেয়ের মধ্যে স্পষ্ট পার্থক্য সঙ্গেও কোন এক অকাটা প্রমাণে দুইকে এক বলে প্রমাণ করা যায়। মনে পড়েছে সেই মহিলাটি ভিড় থেকে শানিকটা স'রে একখানা খবরের কাগজ পেতে বসেছিলেন। এবং ঠিক যে পাঠই শুনছিলেন এমনও ঠিক বলা যায় না,

কারণ তাঁর দৃষ্টি পাঠকটির দিকে নিবন্ধ ছিল না। তাঁর দৃষ্টি ছিল—সোজা দক্ষিণমুখে। গঙ্গার প্রবাহ যে ভরঙ্গ তুলে বয়ে যাচ্ছিল—তাঁর দৃষ্টি যেন সেই স্রোতে ভাসছিল।

আমি বেশ ধানিকক্ষণ দাঁড়িয়ে তাঁকে দেখেছিলাম। কিন্তু তিনি আমার দিকে তাকান নি।

আরও দেখেছি।

বাগবাজার স্ট্রীট ধরে ফিরে যাচ্ছিলেন সন্ধ্যার পর।

একদিন নয়, দু-দিন।

মধ্যে মধ্যে ফিরে তাকাচ্ছিলেন।

তার অর্থ খুব পরিচ্ছন্ন বলে মনে হয়নি। দৃষ্টিতে কিছু যেন ছিল।

মণি বউদির সঙ্গে তার ছবছ মিল—চেহারার দিক দিয়ে। কিন্তু এই দুই-পুরুষের নুটু চরিত্র বিশ্লেষণরতা মণি-বউদির সঙ্গে সে মেয়ের প্রভেদ আকাশ-পাতাল।

মণি-বউদির কাপড়ের পাড়টার দিকে তাকালাম, জমির দিকে তাকালাম। হুন্দর বুটিনার সাদা জমি উৎকৃষ্ট ঢাকাই শাড়ী। পাড়টা হু' আঙ্গুলের বেশী চওড়া নয়। ব্লাউজটা লাল সাটিনের।

তাঁর শাড়ীখানা তাঁতের শাড়ী হলেও ঢাকাই ছিল না। কেবরতা দিয়েও পরে ছিলেন না তিনি, এবং তাঁর শাড়ীর পাড় ছিল আধ হাতেরও বেশী চওড়া, তার রং একদিন ছিল লাল, একদিন ছিল তিনরঙ্গা বা চাররঙ্গা। আর একদিন বা দুদিন—ওই লালই ছিল। হাতীপাঞ্জা লালপেড়ে শাড়ী।

মণি-বউদি তখন দুই পুরুষ সেরে খাজী-দেবতা নিয়ে পড়েছেন। বলছেন—পিসীমা খুব রিয়েল আর গ্রেট। কিন্তু মায়ের কথায় একেবারে পঞ্চমুখ উনি। যাকে বলে মহিমময়ী—

হেসে উঠে বললেন—নন্দকে আমার আনলেন না কেন? একবার যাচাই করে নিভাম—ছোট্ট গোরীটির সঙ্গে মেলে কিনা?

আমি কিছুতেই একটা মীমাংসায় আসতে পারিনি।

সে মীমাংসায় এলাম—আর কিছুদিন পর।

তিন

সেদিন আর ক'টা দিন পরের কথাটি বলবার আগে তার মাঝের কটা দিনের কথা বলে নিতে হবে।

এই মাঝের দিনকতক আমার একটা নতুন বাতিক দাঁড়িয়েছিল, দুপুরবেলা বাগবাজার স্ট্রীট এবং ওই গোড়ীয় মঠের রাস্তাটির জংশনের কাছে দাঁড়ানো। এবং বিকেলবেলা বাগবাজারের অন্নপূর্ণা বাটে পাঠের আসরের আশে-পাশে ঘোরা। কিন্তু না; সেই মণি-বউদির সঙ্গে আশ্চর্য-সাদৃশ্যযুক্তা রহস্যময়ীর আর দেখা পাইনি। সন্দেহটা অনেকটা তাতেই

মিটেছিল; মনে হয়েছিল, তিনি এবং ইনি অর্থাৎ মণি-বউদি দুইয়েই এক ও একেই দুই? আমার সঙ্গে পরিচয়ের পর মণি-বউদি একদিকের রাস্তা ছেড়েছেন, পাছে দেখা হয়ে যায়। তবে প্রশ্ন জেগেছিল—কেন? দেখা-হওয়াটা এড়াতে চান কেন? এবং এমনভাবেই বা উনি ঘোরেন কেন, ছদ্মবেশিনীর মত?

মাহুষের মনের মধ্যে একজন করে চোরও আছে, একজন করে পুলিশও আছে। একই সঙ্গেই আছে। ফলে কখনও বা চুরি করতে গিয়ে অপরের চুরি ধরে পুলিশ হিসেবে পুরস্কৃত হই, কখনও বা পুলিশী করতে গিয়ে চুরির বস্তু দেখে চুরি করে বসি। কিম্বা চোর ধরতে গিয়ে চুরির বামাণ চুরি করে চোরের হাতেই ধরা পড়ে চোর বনে যাই। সঙ্গে সঙ্গে পালা-বদলও হয়ে যায়, দেখি যে-চোরকে ধরতে এসেছিলাম, সে-ই পুলিশ হয়ে গেছে। আমি হয়েছি চোর।

মণি-বউদিকে চোর হিসেবে ধরতে গিয়ে একদিন তাঁরই কাছে চোর অপবাদ নিয়ে মাথা হেঁট করে ফিরে এলাম।

ব্যাপারটা একটু গুছিয়ে বলা দরকার। ওই প্রথম দেখা হওয়ার দিনের পর অমৃতলা এবং মণি-বউদি যেন আমার সঙ্গে মেলামেশার দিকে একটু বেশী ঝুঁকে পড়লেন। এক সপ্তাহের মধ্যে আবার নিমন্ত্রণ পাঠালেন। এবার পত্র নিয়ে যিনি এলেন, তিনি এমন একজন ব্যক্তি, থাকে আমরা বলি স্মার্ট-ইয়ংম্যান—তাই।

সুন্দর স্ট পরা একজন যুবক—তিরিশ বা পঁয়ত্রিশের মত বয়স, দেখতেও তিনি সুদর্শন এবং সুপুরুষ। অনেক সময় সুদর্শন হলেও সুপুরুষ হয় না, চেহারা হয় নরম-নরম কমলকুমারের মত। এ তা নয়। নামটি কমলকুমার হলেও বেশ শক্তপোক্ত দীর্ঘাকৃতি মাহুষ। আগেই বলেছি, মণির আসল নাম মণি-দি নয়; অমৃতলাদাও অমৃতলাল নন। এ নামগুলি বদলে দিয়েছি, কিন্তু ‘কমলকুমারের’ নাম খাঁটি সত্য। কমলকুমার অমৃতলা-র মামাতো ভাইয়ের ছেলে অর্থাৎ ভাইপো। প্রথমেই বলেছি অমৃতলা—যেটেরা কালিচরণের প্রপৌত্র, কুলীনশ্রেষ্ঠ বিষ্ণুঠাকুরের সন্তান। যারা বাংলার কৌলীগ্র-প্রথার কথা জানেন, তাঁরা জানেন, কুলীন সন্তানের সেকালে পিতা ছিলেন, পিতামহ ইত্যাদি ছিলেন এবং প্রকাণ্ড বংশলতাপ্রয়ী একটি কৌলীগ্রমহিমাও ছিল; কিন্তু তাঁদের পৈত্রিক ভিটা বা পৈতৃক বলে কোন ভূমি কারও ছিল না। তাঁরা জন্মাতেন মাতুলালয়ে। যৌবন প্রাপ্ত হলে অনেকগুলি কুলীন কুমারীর পাণিগ্রহণ করে পালাক্রমে তাদের গৃহে জামাতা সমাদরে কাটিয়ে দিতেন বৎসরটা। যেটেরা কালিচরণ যাঁরাটা বিবাহ করেছিলেন—সেটা বড় বেশী করেছিলেন। সাধারণত ছটা বিবাহ ছিল হিসাবমাসিক, অভিজাত ব্যাপার; বছরে দুবার খণ্ডরালয় এনে একমাস করে কাটিয়ে পাওনা-গণ্ডা আদায় করে অল্প জীর বাড়ী গমন। এর বেশী হলে ঠিক হিসেব-মত হ’ত না। থাক থাক। মোট কথা কুলীনের ছেলেদের বাবার ভিটে নেই, তারা কাকের বাসায় কোকিলের ছানার মত মামার বাড়িতে বড় হয়। মামারা একটা ভিটে দেয়।

অমৃতলাও মামার বাড়ীতে মাহুষ। মামার বাড়ী বাকড়ো জেলায়। অমৃতলার বাবার

তিন বিবাহ ছিল। অমৃতদার মামাতো ভাইরা সজ্জা জ্যোতদার ছিলেন। কমলকুমার সেই বাড়ীর বড়ছেলে। এবং বর্তমানে সে-ই অমৃতদার সব। খানসামা বা পিওন থেকে পি-এ এবং জি-এম অর্থাৎ পার্সোয়াল অ্যাসিস্ট্যান্ট থেকে জেনারেল ম্যানেজার পর্যন্ত—সব।

এই কমলকুমার এসে আমার সঙ্গে পরিচয় করে বললে, একবার যেতে হবে আজ।

সে প্রায় জিরিবিরি করে (ওর মানে নেই—ধ্বনি আছে) জড়িয়ে ধরলে—যেতেই হবে; আমি না গেলে তাকে বিব্রত হতে হবে। কারণ খুড়ীমা চটবেন এবং খুড়ীমা চটলে খুড়ো-মশায় অর্থাৎ অমৃতবাবু হয়তো ফটকের দিকে আঙুল দেখিয়ে বলবেন—‘মাইনেপত্র মিটিয়ে নিয়ে বেরিয়ে যাও এফুনি।’ হুতরাং আমাকে যেতেই হবে, এই তার অহুরোধ। কি কাজ সে তা বলতে পারে না।

যেতে হয়েছিল। গিয়ে কাজ শুনে বিস্মিত হয়েছিলাম। তাঁদের পাড়াতে আবৃত্তি প্রতিযোগিতা হবে, তার ফাইনাল বিচার-বোর্ডে-এ মণি-বউদি আছেন, পাড়ার একজন আছেন, তার সঙ্গে আমাকেও থাকতে হবে। বিচারের ফল ঘোষণার সঙ্গে সঙ্গেই পুরস্কার বিতরণ হবে। পুরস্কার দেবেন মণি-বউদি, সভাপতি অমৃতদা, আমাকে হতে হবে প্রধান অতিথি। পুরস্কারের টাকা সবটাই দিয়েছেন অমৃতদা। তিনি পাড়ার পেট্রন। এবং আমার দিকের সম্মতিও তিনিই দিয়েছেন, কারণ তিনি আমার বিগ ব্রাদার-ইন-ল অর্থাৎ সম্পর্কে বড় সম্বন্ধী, স্ত্রীর বড়ভাই। মজার কথা এই যে, গিয়ে এসব শুনে একটু আপত্তি করলাম কিন্তু দানা বাঁধল না, মণি-বউদি জল ঢেলে দানা গলিয়ে জলে গুলে দিলেন।

এর দিন-চারেক পর আবার দেখা হল। এবার মণি-বউদি এবং অমৃতদা আনন্দ চ্যাটার্জি লেনে এলেন; এসে প্রথমেই ঢুকলেন শিল্পী যামিনী রায়ের বাড়ী। সেখানে ছবি কিনলেন। কমল সঙ্গে সঙ্গে এসেছিল; সে-ই আমার বাসায় এসে খবরটা দিয়ে গেল এবং যামিনীদার বাড়ী আসতে মণি-বউদির নির্দেশ জানালে, বললে—কাকী বললেন। কাকার স্ত্রী কাকী তা বলতে হবে না; শব্দটা শহরে না চললেও পাড়াগায়ে, বিশেষতঃ রাঢ়দেশে, দেশজুড়ে চলে। কাকীর শেষে ‘মা’ পর্যন্ত জোড়ে না।

ওদিকে যামিনীদার বাড়ীর উঠানে দাঁড়িয়ে অমৃতদা হাঁক পেড়ে আমাকে ডাকতে শুরু করেছিলেন, আমার না গিয়ে উপায় ছিল না। অমৃতদার পাশে দাঁড়িয়েছিলেন যামিনীদা খোদ। যামিনীদার দোতলার বারান্দা এবং আমার বাসার দোতলার বারান্দা মুখোমুখি। সেখানে এসে দাঁড়িয়েছিলেন মণি-বউদি। মূহ্ মূহ্ হাসছিলেন।

কথাটা আর একটু পরিষ্কার করতে হবে। সেটা এই—যামিনীদার পৈতৃক বাসভূমি হ’ল বাঁকুড়া জেলায়। সেই জেলার সম্পর্ক ধরে অমৃতদা জেলা-জ্ঞাতিত্বের দাবীতে যামিনীদার আপনজন হয়ে দাঁড়িয়েছেন, এবং তাঁর উঠানে দাঁড়িয়ে গলা চড়িয়ে হাঁক পাড়ছেন এবং মণি-বউদি দোতলার বারান্দায় দাঁড়িয়ে মূহ্ মূহ্ হাসছেন। যামিনীদারও দেশের লোক সম্পর্কে অন্তরে একফালি নরম সবুজ জমি আছে, রাঢ়ের লাল ধূলা সর্বদা মেখে যারা কাছে আসে তাদের ওইখানটিতে আসন পেতে বসতে দেন।

বেতে হল আমাকে। অমৃতলা তখন খুব জমিয়েছেন। এ ক্ষমতাটা ছিল অমৃতদার। সোনামুখী পাত্রসায়র প্রভৃতি বিখ্যাত গ্রামগুলির গল্প জুড়ে দিয়েছেন। এবং বয়স হিসেব করে, যামিনীদা থেকে বয়সে বড় হিসেবে জ্যেষ্ঠের দাবী মানতে হবে গোছের একটা নীরব ডিগ্রী যেন জারী করে ফেলেছেন। আমায় দেখিয়ে বললেন—আপনি আমার দেশের মাহুষ আর এই লেখকটি আমার আপনজন, ভে-রী স্-ইট রিলেশন—ব্রাদার-ইন-ল।

আপনার ছবি রাখব দেওয়ালে, এবং আমার ব্রাদার ইন-ল'র বই রাখব আলমারিতে। বুঝেছেন! সুন্দর করে বাঁধিয়ে নেব।

যামিনীদা চূপচাপ মাহুষ; অসাধারণ নয়, অনন্তসাধারণ তাঁর সহনশীলতা; চূপ করেই রইলেন তিনি সমস্তক্ষণটা। ছবি কেনা শেষ করে অমৃতলা এসে উঠলেন আমার বাড়ী। কমলকুমার মণি-বউদির হাতে একটা কাগজের বাস্ত তুলে দিলে। এবং ড্রাইভারটি একটা প্যাকেট নিয়ে এসে নিচের বসবার ঘরে নামিয়ে দিলে অমৃতদার চেয়ারের পাশে। কমলকুমার ঘরে বসল না, বাইরে দাঁড়িয়ে রইল।

মণি-বউদি প্যাকেটটা হাতে উপরে চলে গেলেন—আমার গৃহিণী তাঁর ননদের সঙ্গে আলাপ করতে; অমৃতলা বললেন—এ-সব তোমার বই। কিনেছি। লিখে দাও—মণি বউদি ও অমৃতলা শ্রীচরণেয়ু—না, প্রকৃতাভাজনেয়ু।

অমৃতলা, একালে ধনী হয়েও একটা জিনিস হারান নি, সেটা সোজা কথা বলার স্বভাব। তবে এককালে যেটাকে দরিদ্র দেশকর্মীর মুখে তপস্কার তেজ বলে মনে হ'ত, এখন সেটাকে ধনাঢ্যতার অহঙ্কার বলে মনে হয়, সে অহঙ্কার প্রকাশ করতে কিন্তু তাঁর লজ্জা নেই। বললেন—লোকে দেখবে। মনে প্রশ্ন জাগবে তাদের। তোমার লেখা দেখে নিশ্চয় অবাক হবে। তখন বলব—হি ইজ মাই 'ব্রাদার-ইন-ল'।

মণি-বউদি কিন্তু তা' নন।

কথাটা যেন বেরিয়ে পড়ল। তিনি আমাকে বললেন—আমাকে কিন্তু একটা কথা দিতে হবে। কাউকে বলতে পাবেন না যে বইগুলো আমরা কিনে আপনার কাছে লিখিয়ে নিয়েছি। আর—তু'খানা বই সত্যিসত্যিই প্রেজেন্ট করতে হবে আমাকে।

এরই মধ্যে বলে ফেললেন—আমি ওদের দেখাতে চাই—টাকার কাঁড়ির উপর বসে থাকলেই বড়-মাহুষ হয় না। আপনি যে ওদের আমল দেন না, ওদের সঙ্গে মেশেন না, তার জন্যে আপনাকে সত্যিসত্যি শ্রদ্ধা করি।

ওরা মানে হল—অমৃতলা ছাড়া আমার অপর আপনজন, যারা ধন-কৌলীন্তে প্রাচীন কুলীন—তাঁরা। জীবনের একটা প্রতিযোগিতা তাঁদের সঙ্গে অমৃতদার বরাবরই ছিল স্বাভাবিক নিয়মে। সেটাই এখন চেহারা পালটেছে।

বাই হোক—কিসের জন্য কি হয়েছে সে কথা থাক। যা হ'ল তাই বলি। সেদিন ওরা চলে গেলেন। আমার গৃহিণী খুব খীত হন নি। বেশী বিরক্ত হওয়া তাঁর উচিত ছিল মণি-বউদির উপর, কিন্তু তাও তিনি হলেন না। বেশী বিরক্তটা হলেন অমৃতদার উপর। বললেন

—কি চ্যাটাং চ্যাটাং কথা! বিত্ৰী! ছি। ওর থেকে ওর বউ অনেক ভালমানুষ। অহকার খুব আছে কিন্তু মিষ্ট।

ঠিক সাতদিন পর—গৃহিণী দক্ষিণ কলকাতায় তাঁর পিতৃভালয়ের আপনজনদের বাড়ী বেড়াতে গিয়ে ফিরে এসে আমাকে বললেন—অমৃতদা'র বাড়ী যদি যাবে তবে আমি দেশ চলে যাব। এখানে তুমি থেকে। যা ইচ্ছে হয় করো। এ তোমাকে বলে দিলাম আমি।

কথাটা কি? এ প্রশ্ন করবার সময়ই পেলাম না এবং প্রয়োজনও হল না; তিনি নিজেই বলে গেলেন। তবে সোজাসৃজি ধারাবাহিকতার পথে নয়। আঁকাবাঁকা বিচিত্র পথে; আরম্ভ করলেন মণি-বউদির স্বরূপ বর্ণনা দিয়ে—

সাংঘাতিক মেয়ে। একেবারে মায়াবিনী যাকে বলে। ঠিক তাই। ওই মণি-বউদি গো।

—মণি-বউদি? মানে?

—শোনই না মানেটা। ওপাড়ায় গিয়ে পা দেবা মাত্র সব একেবারে হেঁচক করে ধরলে। কি রে, তোদের বাড়ীতে নাকি তোর অমৃতদা আর তার বউ গিয়েছিল? খুব নাকি গলায়-গলায় ভাব হয়ে গেছে তোদের সঙ্গে? তোর কত্তা নাকি ওদের বাড়ী যায়? বই দিয়েছে? ঘটা ক'রে নাম লিখে?

বললাম—হাঁ গিয়ে তো ছিল সেদিন। বউটি তো বেশ মানুষ—। অমৃতদা বরং—।

কথা আর শেষ করতে দিলে না। হাঁ—হাঁ করে বলে উঠল—সব্বোনাম। বেশ মানুষ। ওই বউটা? ডেজারাস মেয়ে। আর অমৃতবাবুটা তো চোখ থাকতে কানা। বউয়ের রূপে চোখ বলসে গেছে। মরণ!

জিজ্ঞাসা করলাম—কেন বল তো?

—কেন বল তো কি? জান না কিছ? শোন নি কিছ?

—না তো। কি জানাশোনার কথা বলছ?

জানাশোনার কথা, অর্থাৎ যা তিনি জেনে ও শুনে এসেছেন তা হ'ল এই—এককালের দেশকর্মা অমৃতবাবু প্রৌঢ় পঞ্চায় বছর বয়সে ওই মাটির কল্যাণে অর্থ সঞ্চয় করে ধনী হয়েছেন, সে ধনসম্পদ নানা শিল্পোদ্যমের মধ্যে নিয়োগ ক'রে শিল্পপতি হয়ে দাঁড়িয়েছেন; লীগ মিনিষ্ট্রির মিনিষ্টারদের সঙ্গে খাতির জমিয়ে খ্যাতির্নামা হয়েছেন। তার উপর বিয়ে করেছেন মোহিনীমায়ার মত এই মেয়েটিকে। লোকে বলে, অমৃতবাবু ওকে নাকি টাকা দিয়ে কিনেছেন। আজ থেকে নয়—ছেলেবয়স থেকে ওকে পড়িয়েছেন, পাশ করিয়েছেন, তারপর রূপসী দেখে আর সামলাতে পারেন নি নিজেকে, মেয়েটাকে বিয়ে করেছেন। কিন্তু মেয়েটা অমৃতবাবুর থেকে অনেক চতুরা, অনেক বেশী পটীয়সী, ছলনায় অনেক নিপুণ।

অমৃতবাবুর চোখে ধুলো দিয়ে তিনি—।

অমৃতবাবুর ওই যে ভাইপোটি, যার নাম কমলকুমার, যে শুধু বয়সে নবীনই নয়, নারীর চিত্ত ও চক্ষুকে রঞ্জন করার মত উত্তাপ এবং দীপ্তির অধিকারী, ওকে নাকি এই মণি-বউই বলে-

কয়ে চাকরি দিয়ে কাছে রাখিয়েছে।

শুধু তাই নয়—আরও আছে।

মণি-বউ নাকি কলকাতার পথে পথে পথচারিণীর মত ঘুরে বেড়ায়। উদ্দেশ্য নাকি—

শুধু কি তাই?

মণি-বউ নিজে মেয়ে হয়েও মেয়ে-মহল পছন্দ করে না। পুরুষমহলেই সে তার ছন্দ খুঁজে পায়, মেয়েদের মধ্যে আড়ষ্ট হয়ে থাকে; কথায় কথায় বলে—জানেন, ওই যে মেয়ে-পাঁচালী বলে একটা কথা আছে না? ওর বর্ণবিন্দু আমি বুঝিনে।

পুরুষমহলে কিন্তু পাঁচালী থেকে পঞ্চরত্ন পর্যন্ত, পলিটিক্স থেকে ফ্রয়েড পর্যন্ত আলোচনার তার এতটুকু সঙ্কোচ নেই।

গৃহিণী বললেন—কি বলেছেন স্ত্রীকে, ওর নানান দুর্নাম। সে দুর্নামকে মণি-বউদি গ্রাহ্য করে না।

মণি-বউয়ের কলঙ্কে ভয় নেই। অস্তুরালে লোকে ওকে কলঙ্কিনীও বলে। সেকথা শুনেও শোনে না।

ক'রের স্ত্রী বলেছে—তোমার দাদা বলছিল—ওর সেটা ভালই লাগে। ওই একধারার মেয়ে ওরা।

গৃহিণী আমাকে বললেন—সকলে সাবধান করে দিলেন। বললেন—খবরদার, ওকে, 'মানে তোমাকে' ওর সঙ্গে মিশতে দিসনে। সম্পর্ক? এতদিন সম্পর্ক ছিল কোথায়? আজকালকার ফ্যাশন হল লেখক শিল্পী অভিনেতা আর্টিস্টদের সঙ্গে আলাপ করা। তারা ঘিরে বসে থাকবে আর মাঝখানে বসে খুকী আমার খুকীপনা করবেন। বলিস—ভেড়া বানিয়ে দেবে। এই তো নিজেই বলে গেছে—উনি? ওনার সঙ্গে আমাদের খুব মেলামেশ।

এর ক'দিন বা কিছুদিন পরেই। অর্থাৎ দু'চার দিন নয়, দশ বা পনের দিন পর। মণি-বউদির সঙ্গে সামনাসামনি হঠাৎ দাঁড়িয়ে গেলাম একদিন স্তর দ্বিপ্রহরে, একেবারে পথের উপর। কলকাতা শহরের রাজপথ, নইলে বলতাম পথের ঠিক মাঝখানে।

স্তর দ্বিপ্রহর—দুটো কি আড়াইটে বাজছে তখন। মনে পড়ছে একটা গল্প নিয়ে ছবি করবার কথা বলেছিলেন একজন। তাই নিয়ে একটা অ্যাপয়েন্টমেন্ট ছিল একটি ছবির আপিসে। তখন ছবির আপিস বা ছবি করবার প্রতিষ্ঠান খুব কমই ছিল। নিউ থিয়েটার্স ছাড়া কয়েকজন অবাঙালী প্রডিউসার কাজ করতেন। ডিরেক্টরদের মধ্যস্থতায় কাজ হ'ত। একজন ডিরেক্টরের অহুরোধে গিয়েছিলাম ছবির আপিসে। কাজ কিছু হয় নি; তবে হবে বলে একটা প্রত্যাশা আমার সেই কালের আশাবিত্ত মনকে আরও খানিকটা উজ্জ্বল করে তুলেছিল। বেশ হন হন করেই হাঁটছিলাম। হঠাৎ দেখলাম ওয়েলিংটন স্কোয়ারের পশ্চিম-দক্ষিণ কোণে ফুটপাথের উপর বাগবাজার স্ট্রিটের সেই মহিলাটি দাঁড়িয়ে আছেন। সেই তিনরঙা হাত্তি-পাজা পেড়ে তাঁতের শাড়ী খাঁটি বাঙালী মেয়ের চণ্ডে পরা, কাঁখে সেই

শান্তিনিকেতনী ঝোলা ঝুলছে, সেই ঠিক মণি-বউদির মত দেখতে, সেই সামনের দাঁত দুটি ঝুৎ ঝুৎ, সেই মেয়েটি। হাতের ছাতাটি খুললেন সেই মুহূর্তে এবং মাথার উপর তুলে ধরলেন। মুখখানা ঢাকা পড়ে গেল। বুঝতে পারলাম না, ইচ্ছে করে ঢাকা দিলেন কিনা। তবে এটা বুঝলাম যে আজ তিনি পদ্মস্বামী নন ; ষিপ্রহরের জনবিরল ট্রামকার-বিহারিণী। ট্রাম থেকে নামলেন। আমার আজও মনে পড়ছে, ইচ্ছে হয়েছিল বাগবাজারের বাজারের সেই দেখতে-না-পাওয়া ছোকরার মত বলে উঠি—‘দেখন-হাসি টুথপেস্ট।’ ছোড়াটা যা বলেছিল তার থেকে ‘দেখনহাসি’ টুথপেস্ট অনেক লাগসই এবং মডার্ন। কিন্তু আজও মণি-বউদিকে এবং এই ঐক্যে ঠিক জিভুজের মত মিলিয়ে এক করতে পারলাম না। চেহারায় এত মিল কিন্তু বেশভূষা চালচলনে এত প্রভেদ !

ইতিমধ্যে হনহন করে তিনি উত্তর দিক থেকে ধর্মতলা স্ট্রীট পার হয়ে উঠলেন দক্ষিণ দিকে, তারপর প্রায় আমার পাশ দিয়ে গিয়ে দাঁড়ালেন ওয়েলেসলি স্ট্রীটের পূর্ব দিকের ফুটপাথে। একটু এগিয়ে গিয়ে একখানা রিক্সা ডেকে তার উপর উঠে পড়লেন। রিক্সাখানা চলতে লাগল। আমিও হঠাৎ প্রায় রেকারের বেশে, আর একখানা রিক্সা ডেকে তার উপর চড়ে বসে বললাম—ওই রিক্সার পিছনে পিছনে চল।

সে রিক্সাটা স্থিরে ব্যানার্জী রোডে মোড় ফিরল।

আমার রিক্সাকে বলতে হল না। সেটাও ফিরল।

সামনের রিক্সাটা কিছুদূর এসে ফ্রি স্কুল স্ট্রীটে মোড় ফিরল দক্ষিণ দিকে। রাণী রাসমণির বাড়ীর পাশের বাজারটাকে পিছনে ফেলে কিছু দূর এসে একখানা পুরানো কালের কোন বড়লোকের বাড়ীর দরজায় নামল। আমিও বললাম—রোখো। এবং আমিও রিক্সা থেকে নেমে পড়লাম। দেখলাম আমার দিকে তাকিয়েই তিনি দাঁড়িয়ে আছেন। এবার দৃষ্টি দেখে সন্দেহ ঘুচল। হ্যাঁ—উনি মণি-বউদিই বটেন। চোখ দুটির দৃষ্টি কিছু উগ্র। কিছু কেন, বেশ উগ্র। তবুও আমি এগিয়ে গেলাম। এবং একটু হেসে বললাম—কি আশ্চর্য! আপনি? কি ব্যাপার বলুন তো?

তিনিও হাসলেন। আমার হাসিটা তাঁর মুখে গিয়ে আয়নার হাসির মত ফুটল কিনা জানি না, তবে সে হাসি যত ধারালো তত টান, ঠোঁট দুটো ধনুকের মতো বেঁকে গিয়েছিল, বললেন—আপনি এ রকম তা জানতুম না। ছি ছি ছি। ছি—। বলেই পিছনে ফিরে হন হন করে গিয়ে সেই বাড়িতে ঢুকে পড়লেন।

আমি হতভম্ব হয়ে দাঁড়িয়ে রইলাম। মাথার ভিতরটা কিম্বিকম করছিল। কয়েক মিনিট পরেই ওটা যেন কেটে গেল এবং এবার যেন মাথার মধ্যে খুন চড়তে লাগল। ছি-ছি-ছি?—ছি?—কাকে? ওই কথা কয়টা ফিরিয়ে বলবার জন্ম ইচ্ছে হল ঢুকে যাই ওই বাড়ীটার মধ্যে।

ফ্রি স্কুল স্ট্রীট—পুরানো বড় বাড়ী; একসঙ্গে অনেক কথা মনের মধ্যে ভিড় করে জেগে উঠল। আবার ভয়ও করল।

ঠিক এই সময়েই একটি ভদ্রজনবাড়ীর ভিতর থেকে বেরিয়ে এসে আমাকে বললেন—

নমস্কার। আপনি তো……। আপনাকে স্বামীজী ডাকছেন।

—স্বামীজী ?

—আমাদের গুরুদেব। আপনার বউদি হ'ন ওই মহিলাটি, মিসেস মুখার্জি আপনার কথা বলেছেন। তাই স্বামীজী বললেন—“ডাকো—ডাকো। বল একবার আসতে হবে। বল, উনি এলে আমি খুব খুশী হব।” আমি প্রত্যাখ্যান করতে পারলাম না। কিন্তু মনে হল চোর ধরতে এসে নিজেই চোর হয়েছে, শুধু তাই নয়—ধরা পড়ে গেলাম নিজের কাছে।

চার

সে দিন স্ত্রী ফুল স্ত্রীটির ওই পুরনো বড়লোকের পুরনো আমলের বাড়ীর মধ্যে এক আশ্চর্য পুরনো পটভূমিতে দেখলাম অতি-আধুনিক মণি-বউদিকে। অদ্ভুত লেগেছিল আমার। মস্ত বড় একখানা হলঘরে আসর হয়েছে, সেখানে এসে বসেছেন বিভিন্ন শ্রেণীর কিছু মানুষ। সামনে একটি ছোট চৌকি বা ডায়াসের উপরে সম্বরণচিত্ত স্থাসনের উপর তাকিয়া হেলান দিয়ে বসে আছেন একজন স্বামীজী। স্বামীজী ঠিক নন। স্বামীজী বললে একালের একটা চণ্ড আসে। স্বামীজীও সন্ন্যাসী, গোসাঁইবাবাও সন্ন্যাসী, তবুও গোসাঁইবাবা ঠাণ্ডা, তাঁরা সেকলে অর্থাৎ পুরনো কালের সন্ন্যাসী। স্বামীজীরা একালের, অর্থাৎ তাঁরা মডার্ন। ইনি মডার্ন নন, পুরনো কালের সেকলে গোসাঁইবাবার মতই পোশাক-পরিচ্ছদ। পরনে গেরুয়া বহির্বাস, গলায় রুদ্রাক্ষ, ডান হাতে রুদ্রাক্ষের তাগাও ছিল, মাথায় ছিল রুক্ষ পাকা চুল, তাতে জটা না থাকলেও তাকে ‘কেশভার’ অনায়াসেই বলা চলে। এক মুখ পাকা দাড়ি গৌক। কিন্তু এসব সত্ত্বেও একটি আশ্চর্য প্রসন্ন কোমল কাস্তি ছিল সন্ন্যাসীটির সর্বাঙ্গে। এবং সে কাস্তি তাঁর দেহের সূক্ষ্ম ও সবল বার্বক্যের স্পর্শে যেন প্রসন্নতর হয়ে উঠেছিল। চোখ দু'টি ছিল বেশ বড় এবং তাঁর দৃষ্টি ছিল শান্ত। সামনে ধূপকঠি জ্বলছে, কিছু ফুল রয়েছে সামনে; তাঁর স্থাসনের উপর এক পাশে সরানো রয়েছে। তাঁর অতি নিকটে একেবারে হাতের কাছে ছোট একটি চৌকির উপর ছোট কঙ্কসহ গাঁজার সরঞ্জামও দেখতে পেলাম। এখানেই তিনি পুরনো।

স্বরথানি তখন লোকজনে ভরে ওঠে নি। অল্প-স্বল্প লোকই তখন এসে জমেছিল, একদিকে পুরুষেরা, অল্পদিকে মেয়েরা। মেয়েরা বলতে তখনও পাঁচ-ছ'জনের বেশী ছিলেন না। পুরুষেরা জন দশ-বারো হবেন।

বৃদ্ধ মাল্লুঘটি আপন মনে কথা বলে যাচ্ছিলেন—দেখ না, দেখ না; কপাল দেখ না। সংসার ছেড়ে পাললাম, মা বলে সর্বনাশী হারামজাদীর পিছু ধরলাম। প্রথম দিনকতক ভয় দেখালে। সে কত ভয়। বাপরে-বাপরে। তারপর দেখ না। দেখ না কাণ্ড, লেলিয়ে দিলে, লোক লেলিয়ে দিলে পিছনে। পালা বললে পালায় না, মারতে গেলে মার খায়, গাল দিলে মাখে না, এখন নে ঠালা, নে। করি কি বল তো। কেন? কেন আমার পিছনে

লেগেছ বল তো তোমরা, কেন ?

একটু খেমে আবার বলেই যান—

—আরে বাপরে ! কেউ টাকা এনে বলে—নাও । কেউ হু হাতে পা জড়িয়ে ধরে বলে— ছাড়ব না । কেন রে বাপু, কেন ? ছাড়বি নে কেন ? যে নিজের সাঁতার জানে না, তাকে জড়িয়ে ধরে লাভটা কি ? তুই যদি বা বাঁচতিস তাও বাঁচবিনে ; ওই ওরই টানে তুইও ডুববি । কি করব ? নিরুপায় । আমি নিরুপায় । অগত্যা বলি—‘ডুবেছি না ডুবতে আছি, দেখি পাতাল কত দূর’ ?

আমার দিকে তাকিয়ে বললেন—না কি বাবা ? এঁয়া ? এ ছাড়া এর মানে কি হয় ? এঁয়া ? আমি বাবা নিজের পরিজ্ঞানই এখনও খুঁজে পাই নি, এদের কি করে জ্ঞান করি বল তো ?

এসবের একটা ধরাবাঁধা গৎ বা ছক আছে । জলের ধারা যেমন এঁকেবেঁকে এগিয়ে চলে ঠিক সেই ধরনেই এই সংসারে বৈরাগী মাহুষগুলি, যারা হঠাৎ মধ্যপথে অল্প মাহুষদের চোখে পড়েন বা ধরা পড়েন, তাঁরা এই এক ধরণের কথাই বলে যান । নদী নালায় শ্রোতের শব্দের মধ্যে যেমন পার্থক্য আছে, তেমনি পার্থক্য এঁদের মধ্যেও আছে । কেউ চড়া স্বরে গালি-গালাজ দিয়ে কথা বলেন, শাপ-শাপাস্ত করেন, কেউ মিষ্টি কথা বলেন । এঁর দেখেছিলাম চেহারার সৌম্যপ্রসন্নতার সঙ্গে সামঞ্জস্য রেখে কথাবার্তাটিও মিষ্টি । কিন্তু তাঁর কথাই উত্তর কি দেব খুঁজে পেলাম না । আমার মন খুব প্রসন্ন ছিল না তাঁর উপর । কারণ তখনকার কালের আমি যে-আমি ছিলাম, সে-আমি এসব মাহুষদের উপর কোন আহ্বাই রাখতাম না । সব কিছুই মধোই প্রচ্ছন্ন ভণ্ডামি খুঁজে বেড়াতাম । কিন্তু সেদিন তাঁর কথাবার্তার জবাবে কি বলব তা ঠিক ঠাওর করতে পারি নি ।

কারণ ছিল । এটি ছিল তাঁর নিজের এলাকা, বলতে গেলে এখানে তিনি রাজা-মহারাজার চেয়েও বড় হয়ে শোভা পাচ্ছিলেন । রামদাস স্বামী শিবাজীকে বলেছিলেন, ‘তোমাঁরে করিল বিধি ভিক্ষুকের প্রতিনিধি’, এবং সে-ভিক্ষুক তিনি নিজে ; কিন্তু তিনি নিজে কার প্রতিনিধি তা না বললেও শিবাজীর কাছে তিনি ছিলেন বিধাতার প্রতিনিধি । সেদিন ওই কলকাতার ওই পুরনো কালের বংশধরদের কাছে তিনি ছিলেন তাই । তাঁকে অকারণে কটু কথা বলতে পারি নি । পারা সম্ভবপর ছিল না । তাছাড়া জানতাম না, তিনি আমাকে কেন ডেকে-ছিলেন । তাঁর পাশে একদিকে মণি বউদি । বেশ একটু মুখ নামিয়েই যেন বসে আছেন । নিজের মনকেই আমি প্রশ্ন করেছিলাম মণি-বউদি ফুটপাতে আমাকে যে ছি-ছি-কার দিয়ে অভ্যর্থনা জানিয়েছিল, সে সব বিবরণ এখানে এসে নিবেদন করেছে নাকি ? স্মরণে উদ্বিগ্ন চিন্তে ভাবছিলাম, কি বলা উচিত, গুঁকে বিরূপ করে তোলা কি সমীচীন হবে ?

বিস্তৃত বিবরণের মধ্যে যাব না । গেলে তার মধ্যে হয়তো ওই সন্ন্যাসীটির চরিত্র অধিকতর দীপ্তিতে দৃশ্যমান হয়ে উঠবে । এবং মণি-বউদি নিশ্চয় হয়ে যাবেন । কিংবা আড়ালে পড়ে যাবেন । তবে এটুকু বলতেই হবে যে, সন্ন্যাসীটিকে আমার ভাল লেগেছিল শেষ পর্যন্ত । সে-

কালের সনাতন-পন্থী সন্ন্যাসী তিনি ; তাঁর সংঘ নেই, তাঁর আশ্রম নেই ; তাঁর লোকহিতকর কাজের কোন কতোয়া নেই, সোজাহুজি তিনি বলেন, আমি মাকে ডাকি রে বাবা ! আর কিছূ না । মাকে দেখি নি রে, তবে সাড়া যেন পেয়েছি । তা তিনি যখন আমার ডাকে সাড়া দিয়েছেন তখন তোরা আমাকে ডাকলে সাড়া না দিয়ে কি করে থাকি বল ? ভাগ্যটাগ্য ফিরিয়ে দিতে আমি পারি না বাবা, তবে মাকে বলতে পারি, মা, ওর ভাগ্যের মন্দটা তুই ভাল করে দে । সে সব পারে, তা পারে । তবে বাবা, কর্মটা তো তোর হাতে, যা তুই নিজে করিস তার ফলটা তো তাকে নিতে হবে । না হবে না ? হঁ হঁ বাবা । ওখানে তো তো ছাড়ান নাই ।

কে যেন বলেছিল—আপনি মাকে বলে মাক করিয়ে দিন বাবা । এ তো প্রণাম মন্ত্রেই আছে ‘অজ্ঞানদ্বা প্রমাদাৎবা বৈকল্যাৎ সাধনশ্চ চ, যম্ম্যনমতিরিক্তংবা তৎসর্বং কঙ্কমহঁসি’ । তা তিনি করেন ।

—ওরে বেটা । তুই তো দেখি খলিফা আদমী রে । এঁয়া ? পাপ করে বলবি, অজ্ঞানে করে কেলেছি, প্রমাদের বেশে করেছি, আপনি মাকে বলে ক্ষমা করিয়ে দিন । ভারী মজা রে । এঁয়া । তুই নিজে বল না রে । নিজে বল । আমি কেন বলতে যাব রে । কি বাবা বল তো তুমি ? ও বাবা, তুমি তো গুনি লিখেটিখে নাম করেছ গো । তোমার বই খিয়েটারে হয় । এ বেটারদের মত তো আমার কাছে পাপ মাক করাতে আসো নি । এঁয়া ? বল না গো । এরা সব হতভাগা, বুঝেছ বাবা, একেবারে হতভাগা । মা তো সবারই মা । মাকে সরাসরি না বলে পাণ্ডা পুরুত দালাল এসব পাকড়ায় কেন বল তো ?

এসব কথাবার্তা শুনলে মনে হবে এ তো সব বাঁধাবুলি । সনাতনপন্থী এইসব সন্ন্যাসীরা সেই বুদ্ধ শঙ্করের আগে থেকেই এই বুলি আউড়ে আসছেন । হয়তো এর সঙ্গে ছাই জটা এং হাঁকডাকের আড়খর কোথাও বেশী কোথাও বা কম এইমাত্র । আমি এই সন্ন্যাসীটিকে ভাল বা মন্দ কোন একটি নির্দিষ্ট বিশেষণে চিহ্নিত করতে পারিনি । তবে মণি-বউদির কোন অভিযোগে তিনি আমাকে তিরস্কার করবেন এ ভয়টা তখন গেছে । এর মধ্যে কয়েকবার চলে আসতেও চেয়েছিলাম, কিন্তু, তিনি বলেছিলেন—বসো বসো, একটু বসো । আমার একটু কথা আছে তোমার সঙ্গে । একটু আলাদা বলব ।

সঙ্গে সঙ্গে বুকের ভিতরটা আবার একবার খড়াস করে চমকে উঠেছিল । সে চমকটা প্রচণ্ডরূপে প্রবল হয়ে উঠল, যখন তিনি সান্ধ্য উপাসনার সময় আমাকে অগ্র ঘরে ডেকে পাঠালেন তখন । উপাসনার জন্তে তিনি অগ্র ঘরে গেলেন—সঙ্গে সঙ্গে উঠে গেলেন মণি-বউদি । আর একজন মহিলাও গেলেন । দু-চারজন ভক্তও গেলেন সঙ্গে সঙ্গে । কিছুক্ষণ পর একজন এসে আমাকে ডাকলেন ।

—বাবা একবার ডাকছেন আপনাকে ।

—আমাকে । চমকে উঠেছিলাম আমি ।

—হঁ্যা আপনাকে । আপনার উপর বাবার অসীম দয়া ।

বেশ নার্তাস হয়েই ঘরের মধ্যে গেলাম। যাবামাত্র বাবা বা সন্ন্যাসী সকলকে বললেন—
বাইরে যাও তো সকলে। একবার বাইরে যাও। মা তুমি থাক। মণি মা।

আমি অত্যন্ত ভয় পেয়ে গিয়েছিলাম। অল্পমান করতে পারছিলাম না, মণি বউদি কি
অভিযোগ করেছেন এই সন্ন্যাসীর কাছে। তবু কোন রকমে চুপ করে দাঁড়িয়ে থেকেছিলাম।
সকলে চলে যেতেই সন্ন্যাসী বলেছিলেন—হ্যাঁ বাবা, মণি মা তো তোমার বড় শালার স্ত্রী। তা
ওকে একটু বুঝিয়ে বল দেখি। আমার টাকা-কড়ির কি দরকার? নিয়ে আমি কি করব?
কিন্তু উনি ছাড়বেন না। কিছুতে ছাড়বেন না। পাঁচ-দশ, দুশো-চারশো হয়, তা নিয়ে না
হয় পাঁচটা গরীবকে দিই, কল্যাণ যেটা সেটা ঠুকেই অর্শাক। কিন্তু পাঁচ-পাঁচ হাজার টাকা, এ
নিয়ে কি করব বাবা? আমি বলছি—মা, তুমি নিজে টাকাটা দিয়ে কোন সং কার্য কর।
দান-ধর্ম কর। কিন্তু না। উনি ধরেছেন আমাকে দেবেন।

শুনে আমি অবাকই হয়ে গিয়েছিলাম সেদিন। দুজনের মুখের দিকে তাকিয়ে দেখেছিলাম।
সন্ন্যাসীর মুখে দেখবার বিশেষ কিছু ছিল না। তবে মাহুঘটির মুখের সেই সৌম্য প্রসন্নতা আমার
মনে একটি অকপট ও অকৃত্রিম রূপের আভাস কেলে দীপ্ত করে তুলেছিল, সঙ্গে সঙ্গে একটি
আশ্চর্য মিষ্ট রসের আশ্বাদনেও তৃপ্ত করেছিল। দেখবার যা-কিছু ছিল মণি বউদির মুখে। সে
যে কি ছিল তা বলে বা বর্ণনা করে বুঝাতে পারব না। তবে ছিল, আশ্চর্য কিছু ছিল। বিস্ময়কর
কিছু ছিল। যা কখনও দেখি নি মণি বউদির মুখে। আশ্চর্য সে মুখ। আবেগে আরক্তিম এবং
দু চোখে বইছিল জলের ধারা। এমন নীরব নিবেদন আমি আর দেখি নি। হাত জোড় করে
দাঁড়িয়েছিলেন তিনি।

কথাটা এইখানেই থাক। মোট কথাটা বলে নি। মোট কথা হল এই যে, সন্ন্যাসীটি
মণি-বউদির টাকা নেন নি। অস্তুত সেদিন নেন নি। এবং আমাকেই বলেছিলেন, মণি-
বউদিকে সঙ্গে করে বাড়ী পৌঁছে দিতে। বলেছিলেন—এ পাড়াটা তো নানান জাতের পাড়া।
তা ছাড়া এ সময়টাও ভাল নয়।

একখানা ট্যান্ডি নিয়ে ফিরেছিলাম। ব্ল্যাক আউটের রাত্রি। পাঠকদের নিশ্চয় স্মরণ
আছে যে, সেটা ১৯৪২ সাল। তখন মধ্য কলকাতায় চোরগাঁও এবং ফ্রি স্কুল স্ট্রীট এলাকা যুদ্ধের
বাজারে একটি বীভৎস চেহারা নিতে আরম্ভ করেছে। বউদিকে নিয়ে ফিরবার পথে তাঁর
সঙ্গে কথা বলতে আমার সাহস হয় নি, শুধু নির্বাক বিস্ময়ে তাঁর কথাই ভাবছিলাম আর মধ্যে
মধ্যে চকিত দৃষ্টিতে তাঁকে দেখে নিচ্ছিলাম। দেখে নিচ্ছিলাম কথা ঠিক নয়, দেখছিলাম।
বোধ হয় তাঁর মুখ দেখে তার অর্থ বুঝবার চেষ্টা করছিলাম। বউদির চোখের জল তখনও
ঠিক শুকায় নি। স্থিরভাবে, প্রায় যেন পুতুলের মত সামনের দিকে তাকিয়ে তিনি বসে
ছিলেন। তাঁর মাথার ঘোমটা খানিকটা স'রে ন'ড়ে গিয়েছিল, তাতেও তাঁর জ্রফেপ ছিল
না। আমি ভাবছিলাম।

তিনিই প্রথম কথা বলেছিলেন—আমি নই। কফি হাউস পার হয়ে এসে তিনি বলেছিলেন
—আপনাকে একটা কথা বলব।

—বলুন।

—যা বলব, তা শুনবেন ?

একটু চুপ করে থেকে বলেছিলাম—আগে শুন।

—এ কথা কাউকে বলবেন না।

এতে আমার আপত্তি হবার কারণ খুঁজে পাই নি। বলেছিলাম—বলব না।

বেশ মনে পড়ছে, গাড়ীর অঙ্ককারের মধ্যে মোটরের ইঞ্জিনের নিরবচ্ছিন্ন শব্দ-গুঞ্জিত বাতাবরণের মধ্যে আমাদের মৃদু স্বরের টুকরো-টুকরো কথাগুলি যেন পুকুরের জলে, পাড় থেকে ছুঁড়ে দেওয়া ঢিলের মত মধ্যে মধ্যে টুপ-টুপ শব্দ তুলে ডুবে যাচ্ছিল। বিশেষ করে ওই ‘বলব না’ কথাটি। আমার মনে হয়েছিল যেন আমার খুব কাছেই একেবারে পুকুরের কিনারার জলে, কথাটি ছোট একটি ঢিলের মত পড়ে ডুবে গেল। এবং এর মধ্যে কোথায় যেন কি একটা কিছু আছে, যা উদাসীন, যা বিষণ্ণ ও একান্তভাবে আধ্যাত্মিক বা রহস্যময়।

তার পর অনেকক্ষণ স্তব্ধতা।

গাড়ীটা এসে ট্রাক্টিক কনস্টবলের হাতের ঠেকায় আটকে থমকে দাঁড়িয়েছিল হারিসন রোড এবং সেন্ট্রাল এ্যাভেন্যু জংশনে।

এবার ইঞ্জিনের শব্দও ছিল না। গাড়ীর ভিতরের অঙ্ককার এবার বোবা। সেই বোবা অঙ্ককারের মধ্যে দেখলাম, তিনি ঠিক সেইভাবে তাকিয়ে আছেন সামনের দিকে। এক সময় একটা সশব্দ দীর্ঘনিঃশ্বাস ফেললেন। শব্দটাই বলে দিলে, এই দীর্ঘনিঃশ্বাসটি মণি-বউদির বৃকের গভীরতম প্রদেশ থেকে বেরিয়ে এসেছে। হঠাৎ আমি বললাম—বউদি, আপনি চল যান, আমি এইখানে নামি।

চমকে উঠলেন—নামবেন ? কেন ?

—এই তো নাট্যভারতী। ওই তো কলেজ স্ট্রীট হারিসন রোড জংশন।

—জানি। কিন্তু আজ তো থিয়েটার নেই। গিয়ে কি করবেন ?

উত্তর দিতে পারলাম না। বলতে পারলাম না যে, আমি হাঁপিয়ে উঠেছি। বউদিই বলে উঠলেন—আজকে তখন ফুটপাথের উপর কিন্তু আমি আপনাকে অগ্নায় কথা বলেছি। কিছু মনে করবেন না যেন। এঁ্যা—! এমন হঠাৎ সামনে এসে দাঁড়ালেন আপনি। চমকে উঠেছিলাম।

কথাটার উত্তর না দিয়ে একটু চুপ করে থেকে অগ্নয় এলাম, বললাম—একটা কথা জিজ্ঞেস করব বউদি ?

—কি বলুন ?

—ঠেকে টাকাটা দিতে চাচ্ছিলেন কেন ?

—কেন ? বলে কিছুক্ষণ চুপ করে থেকে বললেন, ইচ্ছে হচ্ছিল বললেই সত্যি বলা হবে। কিন্তু আপনি কি তা বিশ্বাস করবেন ?

—না ; তা করব না। আপনি নিজেই করছেন না। করলে নিজেই বলে নিজেই

সংশয় প্রকাশ করতেন না।

একটু চূপ করে থেকে বলেছিলেন—হ্যাঁ তা ঠিক বলেছেন। নিজেই সংশয় প্রকাশ করতাম না।

আবার একটু চূপ করে থেকে বললেন—কখন, ক দিনই ঠর কাছে আসছি। এসে-এসে কেমন খারগা হয়ে গেছে যে, টাকাটা উনি নিলে আমার ভাল হবে।

বলে ফেললাম—আপনার ভালোর অভাবটা কি বলতে—। মারপথে ধেমে গেলাম। মনে পড়ে গেল বউদি নিঃসস্তান।

বললাম—ওতে কি কল হয় বউদি? আপনি ডাক্তার-টাক্তার নিশ্চয় দেখিয়েছেন—ঠাঁরা কি বললেন? এ ভাবে ছুটে—

—ডাক্তার কিসের জন্তে? তারপরই বললেন—ও। বুঝছি। না, ভাই, আপনি আমার নন্দাই—আপনাকে লজ্জাও নেই, গোপনও করব না; ছেলেপুলে আমার হবে না। আর ও নিয়ে আমার মাথাব্যথাও নেই।

—তা হ'লে কোন্ ভালোটার আপনার অভাব বলুন তো?

একটু চূপ করে থেকে বললেন—তা জানিনে ভাই। কিন্তু মনের মধ্যে কি একটা নিদারুণ অভাব অশান্তি আমার আছে তা বলতে পারব না। উনি যখন থাকেন তখন নানান ভাবে মেতে থাকি, উনি বলেন আমি মাতিয়ে রাখি, আমি বলি উনি মাতিয়ে রাখেন। যাই হোক যিনিই রাখুন মাতিয়ে, মেতে থাকি। কিন্তু একলা হলেই মনে হয় সব মিথ্যে। সব ফাঁকি। সব শূন্য। বাড়ীঘর কাপড় গয়না টাকা সব তেতো। হয়ে যায়। আমার কোষ্ঠীতে এখন খুব খারাপ দশা চলছে। খুব খারাপ দশা।

অবাক হয়ে গেলাম। অতি মর্ডার মণি-বউদি সন্ন্যাসীকে পাঁচ হাজার টাকা দান করতে চেয়েছিলেন, সে তথ্য বা সত্যকে হজম করেছিলাম কোন বকমে, কিন্তু মণি-বউদির খারাপ দশা চলছে কোষ্ঠীতে, এই কথাটাকে বিশ্বাস করে নিজের মনের মধ্যে নিজেই আগুন জ্বলে বসে আছেন এটা হজম করতে পারলাম না।

বউদি বললেন—আমার ভাগ্যই খারাপ। জানেন, একবার ওই ছেলের জন্তেই অশান্তি কথাটা বিশ্বাস করে, একটি ছেলেকে নিয়েছিলাম, মানুষ করব, লেখাপড়া শেখাব—এইরকম ইচ্ছে ছিল। কিন্তু কিছুদিনের মধ্যেই সে এমন প্রবলেম হয়ে দাঁড়াল যে হে ঈশ্বর রক্ষা কর বলে বেশ কিছু খেসারত দিয়ে সে ছেলে কিরিয়ে দিয়েছি। এখনও মাস-মাস কিছু ক'রে খরচ গুনতে হয়।

আবার খানিকটা চূপ করে যেন ভেবে নিলেন। তারপর বললেন—কত বড় বড় জ্যোতিষীর কাছে গেছি, কতজনকে হাত দেখিয়েছি, কত সাধু সন্ন্যাসীর কাছে গেলাম, কত দেবতাস্থানে প্রণাম করলাম—কিন্তু মনের এই খালি খালি ভাব, এই একটা অশান্তি—এ আর আমার গেল না। বুঝছেন, উনি আপিস চলে যান, আমি বেরিয়ে যাই। ঘুরি—। কোন মন্দিরে নয়তো কোন সাধুর কাছে গিয়ে বলি, বাবা, আমার মনে বড় অশান্তি। আবার

উনি যখন কলকাতার বাইরে যান তখন তো আমার নিরঙ্কুশ অবকাশ। বাড়ী ফিরতে সম্ভো পার হয়ে যায়। আটটা ন'টাও বেজে যায়। এই তো দু'দিন থেকে তিনি বাড়ী নেই। দিল্লী গেছেন। কাল ফিরতে হয়েছিল রাত্রি ন'টা। এই বাইরে বাইরে আমি বেশ থাকি। পায়ে হেঁটে ঘুরি। গঙ্গার ঘাটে বসে পাঠ শুনি। বেশ লাগে।

আমি বলে বললাম—আমি জানি।

সচকিতের মত আমার দিকে মুখ ফিরিয়ে বললেন—জানেন? কে বললে? ওরা বুঝি?

ওরা মানে আমাদের অগ্র আত্মীয়-স্বজন। তাঁদের সঙ্গে অমৃতলা মণি-বউদির তৈল-বার্তাকুর মত সম্পর্কের কথা আগেই বলেছি। আমি, 'জানি' বলবামাত্র মণি-বউদি সঙ্গে সঙ্গে ধরে নিয়েছেন কথাটা আমি তাঁদের কাছে থেকেই জেনেছি। একটু হাসি আমার এসেছিল। কিন্তু সে হাসি নিজে জাহির করতে পারি নি। আমার মধ্যের পুলিশটা তখন একটা কুটিল বা ক্রুর ভঙ্গিতে আত্মপ্রকাশ করেছে। আমি তেমনি একটি ভঙ্গিতেই তাঁকে বললাম—বাগবাজারের ঘাটে আপনাকে দেখেছি। পাঠ শুনেছিলেন। সেদিন এমনি তিনরঙা হাতী-পাঞ্জা পেড়ে শাড়ী পরেছিলেন। আর একদিন—।

একটু ধেমে বললাম—এইদিনই আপনাকে প্রথম দেখেছিলুম গোড়ীয় মঠের রাস্তাটা ধরে বাগবাজার স্ট্রীটে পড়ে ঘাটের দিকে যাচ্ছিলেন। বাজারের সামনে একটা ছেলে—।

মুখে আটকে গেল কথাটা।

বউদি এবারে হেসে উঠলেন খিলখিল করে। বড় দাঁত দুটি বেরিয়ে পড়ল একটু বেশী করে। আঁচল চাপা দিয়ে বউদি দাঁতের লজ্জাটা ঢাকা দিলেন। হাসিটা একটু সামলে নিয়ে বললেন—ওমা। আপনি সেই দস্তরগুন মনোমোহিনী টুথ পেস্ট শুনেছেন বুঝি—কি বলব আপনাকে? হোঁড়াটা এই সবে পনের ষোল বছরের একটা ইতর। আগে বাগবাজার আমি প্রায় যেতাম। আপনার সঙ্গে পরিচয় হওয়ার পর ওদিকটা মাড়াইনে, আপনার সঙ্গে দেখা হওয়ার ভয়ে।

তারপর বললেন—কতজন যে কত বলে ঠাকুর জামাই। আর আমি যে কোথায় কিভাবে কাকে কটু কথা বলি আর কার কথা হেসে উড়িয়ে দিই তা কি আমারই মনে থাকে? এই আজ যেমন আপনাকে—!—কিছু মনে করবেন না যেন। কেমন?

গাড়ীটা ইতিমধ্যে তখন তাঁর বাড়ীর দরজায় এসে গেছে। বউদি বললেন—রোধো ড্রাইভার! এ হি মোকাম। রোধো।

মণি-বউদি তখন সম্পূর্ণ সচেতন হয়ে উঠেছেন। গাড়ী থেকে নামতে হঠাৎ যেন তাঁর মনে পড়ে গেল কথাটা। অন্ততঃ বলবার ভঙ্গি দেখে তাই মনে হল। গাড়ীর ভাড়া মিটিয়ে চেঞ্জ নিয়ে বাড়ীর দিকে পা বাড়িয়ে থমকে দাঁড়িয়ে আমার দিকে ফিরে জিজ্ঞেস করলেন—আচ্ছা, ওরা কি বলছে বলুন তো? ওরা—। যা তা বলে নি আমার নামে? বলে না?

পাঁচ

সেদিন মণি-বউদির বাড়ী থেকে কিরতে কিছু রাত্রি হয়েছিল। সাড়ে দশটা বেজে গিয়েছিল। মণি-বউদি সেদিন যে-বিচিত্র রূপে আমার কাছে ধরা দিয়েছিলেন তাতে তিনি হয়ে উঠেছিলেন চুষক এবং আমি হয়ে উঠেছিলাম লোহা।

গোটা বাড়ীটা সেদিন নিস্তরক মনে হচ্ছিল এবং তাই-ই ছিল। বাড়ীতে কেউ ছিল না। কারণ সমুদ্র দিল্লী গেছেন। দরজাতে লেখা আছে এ এল মুকুরজী—আউট, মিসেস মুকুরজী—আউট। এছাড়াও একটা ছোট কার্ডজাতীয় কাগজে লেখা আছে 'টু ডেল্‌হি'।

মিস্টারের সঙ্গে মিসেস বাইরে যান—এইটেই তাদের নিয়ম বলে সকলে জানলেও মিসেস মুকুরজী সব সময় যান না। কিন্তু ওই রকম লেখা থাকে। কমলকুমারও নেই। সে তার কাকার সঙ্গে গেছে।

বউদি ভিতরদিকের একটি ঘরে আমাকে বসিয়ে বলেছিলেন, বসুন—চা করতে বলি—খাবার আনি।

চা নয়, কফি খেয়েছিলাম। মণি-বউদি কফির পট নিয়ে বসে ছিলেন। বেশ বড় পট, আমাকে প্রায় আড়াই কাপ খাইয়েছিলেন। নিজে দেড় কাপ।

অস্তরকতার জন্ম হয় জীবনে-জীবনে কাছে আসার মধ্যে। আড়াল নেই, বাধাবন্ধ নেই এমন যেখানে মিল বা কাছে আসা—সেখানেই অস্তরকতা বর্ষার বীজের মত উদ্ভূত হয়—পাতা মেলে ডালপালা মেলে, ফুল ধরায়, ফল হয়। তবে তাতেও একটা সময়ের প্রয়োজন হয়, প্রকৃতির তাই বিধান। কিন্তু এমন বাঙ্গীকরণও আছে, যে এখনি আমার আঁটি পুতে, একটু জল দিয়ে, কিছুক্ষণের মধ্যেই জাহুবৃক্ষকে বড় ক'রে বাড়িয়েই তোলে না—তাতে ফল ধরায় এবং সে ফল দর্শকদের নাকি আনন্দনও করায়। আমি এমন আম কখনও আনন্দন করিনি কিন্তু সেদিন আমাদের অস্তরকতার যে বীজটি কিছুদিন আগে পুঁতেছিলাম, সেদিন সেটি জাহুবৃক্ষের বা লতার মতই বেড়ে উঠল এবং অল্প ফুল ফুটিয়ে তার সর্বাঙ্গ পুষ্পিত করে তুলল।

সে দিন দুজনে আমরা সেই বাঙ্গীকরের বিধানের আওতায় এসে পড়েছিলাম। ওই যে গাড়ীতে অর্থাৎ ট্যাক্সিতে দুজনে এসেছি, সেই সময় যদিও দুজনে খানিকটা আড়ষ্টভাবে যথাসম্ভব স্বল্প কথা করেছি এবং সে-কথাগুলোও নেহাৎ কোর্ডনারী আদালতের জেরাধর্মী প্রশ্নোত্তরের মত, তবুও তারই মধ্যে কোন জাহু ছিল জানি না—আমরা ওই বাঙ্গীকরের ভেল্কির মধ্যে পড়ে পরস্পরের সঙ্গে নিবিড় হয়ে উঠেছিলাম।

ওই জাহু বা ভেল্কি কোন কথার মধ্যে লুকনো ছিল তা বেশ অসুস্থান করতে পারি। ওই যে—যে-মুহুর্তে আমি বলেছিলাম—আমি জানি—আমি দেখেছি আপনাকে বাগবাজার স্ট্রীটে; বাগবাজারের বাজারে; সেই যে কে এক চ্যাংড়া ছোঁড়ার 'ঐ-ই যার—দস্তমনারজিনী সুহাসিনী টুথ পেস্ট' হাঁকটির কথা, সেই মুহুর্তে পরস্পরের কাছে দুই চোরের মত মুখোমুখি হয়ে দাঁড়িয়ে সেই বিচিত্র জাহুর মায়ায় পরস্পরের নিবিড় অস্তরক হয়ে উঠেছিলাম।

মণি-বউদির কিছ এতে কোন লঙ্কার হেতু ছিল না। বড় জোর কোন মতর্পণ বড়লোক বন্ধুর কাছে কথাটা প্রকাশ পেলে একটা লঙ্কার হেতু আছে—সেটা হল কোঞ্জীমানা দেবতা-মানা ধর্ম মানার জন্তে লঙ্কা, কিছ সেটা আর এমন কি? লক্ষ্মীর ঘর, একটু আড়ালে—পুঞ্জোর ঠাই, এ শতকরা নিরেনক্সইয়ের আজও আছে। কোঞ্জীও। যাক—মোট কথা মণি-বউদির এতে লঙ্কার হেতু বা চূরি করার দায়ের মত কোন দায় ছিল না। আমার বয়ঃ ছিল, অন্ততঃ ওই যে ছোঁড়াটার সূহাসিনী টুথ পেস্ট হাঁক শুনে উনি হাসিমুখে ঘুরে দাঁড়িয়ে-ছিলেন—সেই সূহাসিনীর মুখ-দেখবার জন্ত যে একটি অশোভন আগ্রহ আমি দেখিয়েছিলাম তার জন্ত লঙ্কা আমাকে স্পর্শ করা উচিত ছিল। কিছ মণি-বউদি যখন ট্যান্সি বিদায় করে আমাকে বসিয়ে—কফির পট এবং জল-খাবারের ডিস নিয়ে এসে সামনে বসলেন তখন কোন লঙ্কারই কোনদিক থেকে লম্বা ঘাড় বাড়িয়ে আমাদের মধ্যবর্তী স্থানটুকুর মধ্যে মুখ দেখাবার কোন সুযোগই হয় নি—বা তেমন স্থানটুকুও ছিল না। আমরা খুব কাছাকাছি এসে পড়েছিলাম।

কথায় কথায় সেদিন সন্ধ্যায় মণি-বউদি তাঁর সমস্ত অন্তরটাই আমার কাছে খুলে ধরেছিলেন। বলেছিলেন—জানেন ভাই, জীবনটা আমার আশ্চর্য। একলা থাকলে কথাগুলো মনে পড়ে। ভাবি আর নিজেই যেন কুলকিনারা হারিয়ে ফেলি। হাঁপিয়ে উঠি। বুঝতেই পারি না কেন আমি এই লোকটিকে বিয়ে করলাম। কেন আমি—এমন—

চুপ করে গিয়েছিলেন মণি-বউদি। যেন ওই ‘কেন’ প্রশ্নটির উত্তর কি—সহস্রবার ভেবে পাননি, একাধিক সহস্রবারের জন্ত ভাই আবার ভেবে দেখলেন।

তারপর আবার হঠাৎ মুখ খুললেন—জানেন—ওঁকে আমি একজনের কাছ থেকে যুদ্ধ করে কেড়ে নিয়েছি? আর তিনি যে-সে নন—তিনি ওঁর প্রথম যৌবনের ভালবাসার জন। এবং—

একটু বিষন্ন হেসে বললেন—এবং তিনি আমার মাসীমা হতেন। আপন মাসীমা। ওঃ—সে যুদ্ধ একটা ভীষণ যুদ্ধ। হুটুকে নিয়ে বিমলা আর কল্যাণীর যুদ্ধ আর কি—কতটুকু? কল্যাণী তো আপনার মরা মানে বিদেহিনী প্রতিদ্বন্দ্বিনী। হিন্দুর ঘরের বিধবাকে টেনে এনেছেন—এর থেকে আর তাকে কতটুকু প্রজ্জলিতা দেখাতে পারতেন?

আমার মনে পড়ছে—‘বিদেহিনী, এবং ‘প্রজ্জলিতা’ শব্দদুটি—মণি-বউদির মুখে শোনা শব্দ। শব্দদুটি শুনে পঁচিশ বছর আগে ১৯৪২ সালে চমকে গিয়েছিলাম; গিয়েছিলাম বলে মনে আছে শব্দ দুটির কথা। সন্দেহ সন্দেহ মনেও পড়েছিল যে, শব্দদুটি মণি-বউদির যোগাই হয়েছে। কারণ—মণি-বউদি সে আমলের বি-এ পাশ। এবং কিছুকাল মাস্টারীও করেছিলেন বিয়ের আগে। এই বাড়ীতে যেদিন প্রথম এসেছিলাম ওঁর আমন্ত্রণে, সেদিন মণি-বউদি নাটক নিয়ে যে আলোচনা করেছিলেন তাতে এ শব্দদুটো আমার কাছে একটু অভিনব প্রয়োগ বলে মনে হয়েছিল এবং মনে মনে তারিফ করেছিলাম বলে মনে পড়ছে। সপ্রশংস দৃষ্টিতে অসকোচেই তাঁর মুখের দিকে তাকিয়েছিলাম—মনে হয়েছিল তাঁর মনের-মহলের

খোলা জানালা দিয়ে—মহলের ভিতরের বিছা ও বুদ্ধির মণি-দীপের আলোর ঝলকানি ঘেন বেরিয়ে এসে আমার চোখের উপর টর্চের ছটার মত পড়ছে।

* * *

বলতে বলতে মণি-বউদি তাঁর নিজের কথা প্রায় সবটাই বলে ফেলেছিলেন সেদিন।

মণি-বউদির বাপ ছিলেন সে আমলের ‘রেবেল’ অর্থাৎ বিদ্রোহী। নাম ছিল গোপীকনবল্লভ চাটুজ্জৈ কিন্তু প্রকৃতিতে ছিলেন ত্রিশূলধর রুদ্র। ১৯১৬ সালের ওধারের কথা। স্মৃতরাং অনায়াসে বিনা ডিটেলসেই বিশ্বাস করতে এতটুকু বাধা হয়নি যে, মণি-বউদির বাবা একটি গোড়া হিন্দু মধ্যবিত্ত পরিবারের ছেলে, ক্যাথল মেডিকেল ইন্সুল থেকে পাশ ক’রে সে-আমলের একটি প্রগতিশীল ব্রাহ্ম পরিবারের মেয়েকে বিয়ে করেছিলেন। বিয়েটা কিন্তু হয়েছিল হিন্দুমতে। কারণ মণি-বউদির বাপের প্রথমা স্ত্রী ওদিকে বাড়ীতে বাড়ী দখল ক’রে বসে ছিলেন। এবং তা অগোচর ছিল না মণি-বউদির মার কাছে। স্মৃতরাং রেজিস্ট্রী করে বিয়ের উপায় ছিল না। তার জন্ম এ-বিয়ের ফলে পাত্র কন্যা উভয়কেই উভয়ের পিতৃপক্ষ ত্যাগ করেছিলেন।

মণি-বউদির বাবা ছিলেন গৌয়ার মানুষ। তিনি স্ত্রীকে নিয়ে অকূলে ভাসার মত—বাংলা দেশ ছেড়ে চলে গিয়েছিলেন বেহার অঞ্চলে। বেহারশরিকের কাছাকাছি একখানা গ্রাম—সে গ্রামে বৃন্দলা রাজপুতদের বাস এবং তাদের কুলপতি হিসেবে একঘর জমিদার তাঁদের দৌলভাণ্ডা গড়ে তুলেছেন। সেই গ্রামে এসে মাতার জল থেকে একহাঁটু জল পেয়ে—ভাঙ্গায় উঠলেন এবং প্র্যাক্টিসের জন্ম চেপে বসলেন।

মণি-বউদির সে গল্প আমার মনে আছে। তিনি বলেছিলেন—সে আমলটাই অল্পরকম ছিল—মানুষগুলোও আলাদা ধরণের ছিল। বৃন্দলা ঠাকুরসাহেবের বয়স হয়েছিল নাকি সত্তর বছর—সেই বয়সে হয়েছিল অমৃত্যু। ওঁদের ছিল কবিরাজ আর হাকিম। তারা ষাণ্ডার ধরা-কাটা করেছিল বলে ডাক্তার আনবার হুকুম হয়েছিল। আমার বাবা প্রথম কিছুদিন ‘রাঢ়’-এ ছিলেন। রাঢ় থেকে বক্তব্যারপুত্র, সেখান থেকে বিহারশরীকে এসে মাস দুতিন বসেছেন—এই সময় এল এক ডাক। গেলেন দেখতে। গিয়ে বিছানার পাশে বসলেন—তা ঠাকুরসাহেব হুকুম করলেন—শোন হে ডকডর সাব,—তুমি তো দেখি নেহাৎ ছোকরা হে! চিকিৎসার কিছু জান? শোন—আমাকে স্যারাতে হবে। এ বেটারা বৃড়বকের দল, বলছে উপোস করতে হবে। আরে বাবা ভূথাকে মারে তো ভূত-পিরেত ভি ভাগতা হায়—এ তো বেমার আর বৃথার। খেতে না পেলে তো আপনি সারবে। হাকিম কবরেজ ডাকডরে কি জরুর। আমি ধাব। তুমি ওষুধ দাও। দিয়ে সারাও, তবে তো তুমি ডাকডর।

ঠাকুরসাহেব খেতেন বি রাবড়ি, মিঠাই, হালুয়া, আর সে-সব ব্যঞ্জননের ফিরিস্তি কি দেব? ওঁদের ঠাকুরবাড়ীতে নেমস্তন্ন খেতে গিয়ে দেখেছি—সত্যি সত্যি এক-অন্ন পঞ্চাশ ব্যঞ্জন একুনে একাধ পদ ছাড়া ওঁদের ভোজনের পর্ব শেষ হয় না। তা সেই ষাণ্ডা তিনি খাবেন আর তাঁকে সারিয়ে তুলতে হবে ডাকডর সাহেবকে। সারিয়ে দিলে বহুৎ ইনাম শিরোপা মিলবে।

না-সারলে ডগডরের জান থাকবে ঠাকুরসাহেবের জিন্দাদারীতে ।

বাবা বলতেন—হয়েছিল আশায় । শেষ কি করবেন—ভেবে চিন্তে বললেন—হ্যাঁ খেতে আমি নিশ্চয় দেব—কিন্তু ওই ধরনের খাওয়া নয়—ঠাকুরসাহেবকে শিকারের পাখীর গোস্ত খেতে হবে । টাটকা, হোয়াইট মীট । আর মাংসে আশায় সারায় ।

মণি-বউদি হঠাৎ খুব হেসে উঠেছিলেন ।

আমি একটু চমকে উঠেছিলাম ।

মণি-বউদি বলেছিলেন—রোজ ক'টা পাখীর মাংস খেতেন জানেন ? বাগিহাঁস জানেন তো ? সেই বাগিহাঁস—মিনিমাম আটটা দশটা । খেতে খেতে আপসোস ক'রে বলতেন, একি খাব ডগডর সাব, আমি যে আমি বুঢ়া আদমী—আমার দাঁতে তোড়নে কো লায়েক এক হাড়ি নেহি ইসমে ।

বাই হোক—মণি-বউদির বাবার ভাগ্য ভাল, ঠাকুরসাহেবের সে অসুখ দিন-তিনের মধ্যে সেরে গেল । সঙ্গে সঙ্গে ঠাকুরসাহেব বললেন—ডাগডর ভাই, তুমি হামারা হিঁয়া আ যাও ভাই । এখানে লোকদের চিকিৎসা কর । আচ্ছা ডগডর তুমি ।

এক কোঠা অর্থাৎ ইটের দেওয়াল—খাপরার চাল বাড়ী, অন্দরটা দোতলা, আর সামনের বাহার মহলটা একতলা, চৌকা 'খাম'ওয়াল অংশটা ডগডরখানা, এর উপর মাসে দু মণ মিহি চাল—এক মণ ঘরে-পেশাই আটা, আর পকাশ রুপেয়া নগদ, এই বরাদ্দ হল—ঠাকুরসাহেবের কাছাহরী থেকে ।

এছাড়া একটা ছোটখাটো দাওয়াইখানা রইল ।

এসবের পরিবর্তে ডগডর সাহেব ঠাকুরসাহেবের বাড়ীর বাঁধা ডাক্তার হলেন । ঠাকুরসাহেব থেকে চাকরবাকর সকলকে দেখতে হবে ।

এরপর মণি-বউদির বাপেয় প্র্যাক্টিস্ জমে উঠতে দেরি হয়নি । মাসকয়েকের মধ্যেই পদাতিক ডাক্তারবাবু—শুধু অখারোহী পদেই উন্নীত হন নি—বাইসাইকেলারোহী হয়েও পাকা শড়কে কাপড় ও কোটের সঙ্গে শোলাছাট মাথায় দিয়ে রুখবাজীসম্বিত ভাগ্যবানে পরিণত হয়ে উঠেছিলেন ।

এইখানেই হয়েছিল মণি-বউদির জন্ম । বছর তিনেক পর—১৯১৪ সালে ।

এর বছর দুয়েক পর মণি-বউদির মা মারা গেলেন । মণি-বউদির বাবা আর বিয়ে করলেন না ; ঠাকুরসাহেব তখনও বেঁচে—তিনিই মেয়েটিকে মাহুষ করতে এবং ডগডর সাহেবের ষড়্ভাঙ্গি করতে দেখে দিলেন এক যুবতী দাসী । নাম ছিল তার 'সরবতিয়া' । জাতে কি ছিল তা জানেন না মণি-বউদি । জাত তার ছিল না, থাকলে সে ছিল জাতেই কি ।

মণি-বউদি বলেছিলেন, খুব বেশী খুলে তো বলার দরকার নেই । বুঝতেই তো পারেন । তবে যেটা বুঝতে পারবেন না সেটা বলে দি । সেটা হ'ল এই যে, মেয়েটা ছিল ঠাকুরসাহেবের বাড়ীর কেনাদাসীর পেটের মেয়ে । লোকে বলত সরবতিয়ার দেহে ছিল ঠাকুরসাহেবের বংশের রক্ত ।

সরবতিয়া খুব সন্ত্রমের এবং তরিবত্তের মেয়ে ছিল। তার সহবং ছিল কুলবধুর মত। সরবতিয়ার বিয়ে একটা দিয়েছিলেন ঠাকুরসাহেব কিন্তু সরবতিয়া বছর কয়েকের মধ্যেই পূর্ণবয়সকে বৃদ্ধি ধরে বিধবা হয়ে ফিরে এল। মেয়েটার একটা ছেলে হয়েছিল, সেটা গেল কিছুদিন পর। সাগাইয়ের কথা ভাবছিলেন ঠাকুরসাহেব। ওদিকে বাড়ীর ছেলেপিলেরা সরবতিয়ার উপর ঝুঁকে পড়েছিল, ঠিক সেই সময় ঘটল ঘটনাটা। ঠাকুরসাহেব ডাগডর সাহেবের হাতে সরবতিয়াকে দিয়ে বলেছিলেন—ডাগডর, সাদী যখন করবে—করবে—এখন একে নিয়ে যাও—তোমার মেয়েকে দেখবে তোমাকে দেখবে। মেয়েটারও ছেলে মরেছে—ও তোমার মেয়ে-টাকে পেয়ে খুশী হবে।

মণি-বউদির বাবা তখন পত্নীশোকে প্রায় সতীহারা শিবের মত হয়ে উঠেছেন। মণি-বউদির মা মারা গিয়েছিলেন হঠাৎ। হার্টফেল করেছিলেন। মণি-বউদির বাবা শেষসময়ে বাড়ী ছিলেন না। ডাকে বেরিয়েছিলেন রোগী দেখতে। এর ধাক্কাটা তিনি সামলাতে পারেন নি। মদ ধরলেন সেই দিনই। প্রায় সঙ্গে সঙ্গে বললেই হয়।

মণি-বউদির বয়স ছিল তখন বছর দুয়েক। এসব তাঁর মনে নেই, শুনেছিলেন। শুনেছিলেন ওই সরবতিয়ার কাছে। ডাগডরবাবুর বউ মরে গেছে খবরটা নিয়ে বুড়ী দাঙ্গীটা ছুটে গিয়েছিল ঠাকুরসাহেবের বাড়ী। ঠাকুরসাহেব নিজেকে এসে বসেছিলেন। এদিকে মণি-বউদি, তখন ছোট ছু বছরের মণিমালা, মায়ের সাড়া না পেয়ে কাঁদতে আরম্ভ করেছে। ঠাকুরসাহেব হাম দিয়েছিলেন—যা সরবতিয়াকে ডেকে আন। বিধবা সরবতিয়ার ছেলেও মরেছে—কচি ছেলে—তার বৃদ্ধি আছে—দু'ধ দিয়ে ডাগডরের মেয়েটিকে ঠাণ্ডা করুক।

মণি-বউদির বাপ ফিরে এসে মরা স্ত্রীকে দেখে কিছুক্ষণ পাথরের মত দাঁড়িয়েই থাকলেন। একবার শুধু নেড়েচেড়ে দেখে উঠে গিয়ে বসলেন তাঁর রোগী দেখবার ঘরে। ঠাকুরসাহেব যে ঠাকুরসাহেব, তাঁর ডাকেও সাড়া দেননি।

শ্মশানে গেলেন—মুখাণ্ডি করলেন। শব-সংকার করে ঘরে এলেন—সুস্তিত বাক্যহারা এক মাহুষের মত। তখনও পর্যন্ত ঠিক রইলেন। তারপর একসময় রাতে ডিসপেনসারির আলমারি থেকে ত্র্যাণ্ডির বোতল খুলে শুরু করেছিলেন মত্তপান। মদ খাওয়ার একটা অভ্যাস তাঁর ছিল—সেটা ছিল পরিমাণে পরিমিত এবং নির্দিষ্ট সময়ে নিয়মিত। রাতে খাবার সময় এক পেগ ক'রে ত্র্যাণ্ডি তিনি খেতেন। সেদিন থেকে পরিমাপ এবং নিয়ম এ দুটো উঠে গেল।

মাসখানেক পর আবার সবই যথানিয়মে চলতে লাগল—সব মানে ডাক্তারী আর আহাির নিদ্রা—শুধু মত্তপানটা আর পরিমিত ও নিয়মের বেড়ায় ঘিরে ফেলা গেল না।

ঠাকুরসাহেব ডাগডরকে ডেকে বলেছিলেন—সাদী কর ডাগডর।

ডাগডর মদ খেয়েই ছিলেন—বলেছিলেন—কতি না। এ কথা বলবেন না। তাহলে চলে যাব আমি।

—তোমার মেয়ে? তার কি হবে?

—কেন ? ওই তো একটা মেয়ে ওকে নিয়ে থাকে—দুধ পিলায় দেখেছি ; ওই-ই মাহুস করবে। মেয়েটা স্ত্রী এবং নোংরা নয়। স্বাস্থ্যও ভাল—। ওকে মাইনে দেব আমি।

ঠাকুরসাহেব বলেছিলেন—তা তুমি পেতে পার। কিন্তু তলব দিয়ে ওকে পাবে না তুমি। ও হল ঠাকুরসাহেবের ঝিয়ের মেয়ে ; নিজের মেয়ের মত ভালবাসি ওকে। ও বিধবা হয়েছে—ওকে সাগাই কর না কেন ?

—না। এ বাত অন্তে বললে আমি তার সঙ্গে লড়াই করতাম ঠাকুরসাব।

—বেশ, তবে ওর খাওয়াপরাইর আজীবন ভার তোমাকে নিতে হবে। সে নেবে তো ?

সে ভার নিতে রাজী হয়েছিলেন—মণি-বউদির বাপ।

মণি-বউদি একটু হেসেছিলেন এবং বিচিত্র অর্থত্বাতক একটি হাসি তাঁর মুখে ফুটিয়ে তুলে বলেছিলেন—কিন্তু যখন থেকে আমার মনে পড়ে ঘটনাগুলো ; সে ধরন পাঁচ ছ'বছর বয়স হবে, তখন থেকে আমি সরবতিয়া মাজ্জীকে—মা বলেই ডেকেছি এবং আমাদের বাড়ীর গিন্নী হিসেবে দেখেছি। কাপড়চোপড় যা পরত তা অবিভ্রি ঘাঘ্‌রি কাঁচোলী ওড়না হলেও সেসব ছিল যেমন রুচিসম্মত তেমনি দামী। হিসেবের অঙ্কে সরবতিয়া মাজ্জীর দাম ঝিয়ের দাম ছিল না। নাকে একটা হীরে ছিল—সেটা ঝকঝক করত। আরও একটা কথা বলি। সরবতিয়া মা সিঁধিতে সিঁহুর পরতেন তখন, আর সন্ধ্যাবেলা পাউডার মাখতেন। ঠাকুরসাহেবের বাড়ীর মেয়েরা তাকে পরিহাস করে বলত—“ডগডুর-গিন্নী”।

বাংলা-কথাটা বেহারী জিতে একটুখানি বেকে যেত। আমাদের জিতে যেমন হিন্দীভাষার বীকা তেরচা চালগুলো সরল ‘আকারাস্ত বা অন্তস্বর’ বা ব-এর উচ্চারণ যেমন এলিয়ে সোজা হয়ে যায়—তেমনি ভাবে।

মণি-বউদির মনের এবং বোধের স্তম্ভ এবং পাতলা পরিচয়জ্ঞাপক কথাগুলোর মধ্যে সেদিন আর এক মণি-বউদিকে পাচ্ছিলাম।

মণি-বউদি বলেছিলেন—

সরবতিয়া মাজ্জী বাবুজীকে কেমন করে জয় করেছিল সে কথা আমি শুনেছি ভাই—আমি জানি—কিন্তু সে আমাকে বলতে নেই। ও বলবার অধিকার আছে একমাত্র কালিদাসের মত মহাকবিদের। বাক্য এবং অর্থের মত, পার্বতী এবং পরমেশ্বরের মত, বাবা মাকে যারা অভিন্ন একাত্ম না ভাবতে পারে—তাদের অধিকার নেই বলেই আমি মনে করি।

অবাক হয়ে গিয়েছিলাম আমি।

মণি-বউদি কি ? এ বলছে কি ? কানের পাশে কে যেন আবৃত্তি করে যাচ্ছিল—“বাগর্ধ-মিবসংপৃক্তো বাগর্ধ প্রতিপত্তয়ে। জগতঃ পিতরৌ বন্দে পার্বতী পরমেশ্বরোঃ।”

সংসারে মনের মধ্যে একটা গোপন কুঠরী আছে—সেটার মধ্যে থাকে মনের কথা। শুধু কথা কেন ? মনের কথা থাকে, মনের মধু থাকে, সবশেষের স্তরে থাকে জাহ্নু। ও কুঠরীর দরজা সহজে খোলে না। কেন না ওই ঘরের দরজা কোন চাবিতে খোলেও না বন্ধও হয় না। কারণ ও দরজায় চাবি নেই। কোথায় আছে ওর চোরা-বোতাম, ষে-বোতামে

হাত পড়লে আপনি খুলে যায়। আবার একটু অসতর্ক হলেই আপনি বন্ধ হয়। তখন মশাল জ্বলে বিক্ষারিত চোখে ওই বোতামটাকে তন্নতন্ন করে খুঁজেও আর পাওয়া যায় না।

সেদিন মণি-বউদির ওই মনের ঘরের বন্ধ-দরজা চোরাবোতামে তাঁর বা আমার হাতের চাপ পড়ে খুলে গিয়েছিল—তা বলতে পারব না, তবে সেই খোলা দুয়ারের মধ্য দিয়ে মনের কথাগুলি মনের মধুতে অভিষিক্ত হয়ে বেরিয়ে এসে আমাদের অভিভূত করে দিয়েছিল। তিনিও যেন গঙ্গাস্নান করে যথাসর্বস্ব বিলিয়ে দেওয়ার মত উজাড় করে দিচ্ছিলেন নিজেকে।

হয়তো উচ্ছ্বাস একটু বেশী হয়ে গেল। কিন্তু না। উচ্ছ্বাস যদি হয়েই থাকে তবে বলব যে, এর থেকে কম উচ্ছ্বাস সেদিনের মণি-বউদিকে বা আমার নিজেকেও ঠিক বোঝাতে পারব না। উচ্ছ্বাসের এ গভীরতায় যদি নিজেরা না হারিয়ে যেতাম, যদি আমরা বাস্তব বুদ্ধিতে সজাগ থাকতাম—তাহলে আমরা নারী-পুরুষ হয়ে যেতাম এবং তখন আর ওইভাবে ওই নির্জন ঘরে মুখোমুখি বসে থাকবার অধিকারই আমাদের থাকত না।

সে থাক। এখন মণি-বউদি নিজের জীবনের যে কথাগুলি তিনি বলেছিলেন সেগুলি বলি। এরপর ন বছর চলে গিচ্ছিল।

মণি-বউদি এগারো বছরের হয়ে উঠলেন। এর মধ্যে সরবতিয়া মাস্টার্স হাতে মাহুঘ হয়ে মণি-বউদিও একরকম হিন্দুস্থানী মেয়ে হয়ে পড়েছিলেন। তবু মণি-বউদির বাবার বাংলা ভাষার উপর একটা বিশেষ আকর্ষণ ছিল—সেকালে ব্রাহ্মমেয়ে বিয়ে-করা বাঙালীর ছেলে হিসেবে।

হিন্দু বাঙালী ঋরা প্রবাসী হয়ে অল্প-প্রদেশে বাস করতেন তাঁদের বাংলাভাষার উপর কোন আকর্ষণই ছিল না—তাঁরা গোড়া থেকে ইংরিজীকে মাথায় করতেন আর মাটির বুলি হিসেবে হিন্দী শিখতেন আপনা থেকে। বাংলা বলতেন ভুল—লিখতে আরও বেশী ভুল করতেন। যা বলতেন তাও হিন্দীর ছাঁচে ফেলে বলতেন—‘ইংরিজী রাজভাষা হচ্ছে এবং ইংরিজী ভাষা পৃথিবীর শ্রেষ্ঠ ভাষা হচ্ছে সুতরাং বাংগালী ভাষা নিয়ে কেন ঝামেলা বাড়াচ্ছে বল তো!’—কিন্তু ব্রাহ্ম ঋরা তাঁরা বাংলা ভাষাকে পরিশ্ফুট করেছেন এবং বাংলাকে ভোলেন নি—কোনখানে গিয়েই। প্রবাসী পত্রিকা তার প্রমাণ। মণি-বউদির বাবা গোপীবাবু প্রবাসীর গ্রাহক ছিলেন এবং শুধু মণিকে নয়—সরবতিয়াকেও বাংলা বলতে ও পড়তে শিখিয়েছিলেন। তবে মণি-বউদি কাপড়-চোপড় পরতেন হিন্দুস্থানী মেয়ের মত। খাওয়াদাওয়ায় চালেও হিন্দুস্থানী স্বাদগন্ধ প্রবল ছিল। হয়তো বাংলা শিক্ষাটাও কাজে আদৌ লাগত না যদি পর পর কতকগুলো ঘটনা না ঘটত।

প্রথম ঘটনা ঠাকুরসাহেবের মৃত্যু।

দুর্দান্ত ঠাকুরসাহেব বিরাপি বছরে মারা গেলেন—তাঁর উত্তরাধিকারীদের মধ্যে লাগল মামলা। ঠাকুরসাহেবের বিয়ে করা বৌ পাঁচজন—এ ছাড়া কেনা দাসী, তার সংখ্যাও কম না। ঠাকুরসাহেব উইল করে সকলকেই কিছু কিছু দিয়ে গেছেন। তাতে সরবতিয়াও কিছু পেয়েছিল। কিন্তু মামলা বাধল ছেলেদের সঙ্গে নাতিদের। অর্থাৎ ঠাকুরসাহেবের যেসব

ছেলে মারা গেছে তাদের সঙ্গে ঠাকুরসাহেবের জীবিত ছেলেদের। উইলও একখানা নয় তিনখানা। তার দুখানাতেই সাক্ষী ছিলেন মণি-বউদির বাপ। পক্ষ দাঁড়িয়েছিল চারটে। মণি-বউদির বাপ যে সাক্ষীই দিন—তিন বিপক্ষের রোষবহিতে পড়তে হবেই। কালটা ১৯২২ সাল। মণি-বউদির বাবা গোপীবল্লভবাবু সে গ্রাম ছেড়ে চলে এলেন পাটনায়। কারণ কিছুদিনের মধ্যেই তিনি বুঝতে পেরেছিলেন—তার প্রাণই শুধু বিপন্ন নয়—আরও অনেক কিছু বিপন্ন—এরা তার সম্পত্তিটা কেড়ে নিতে চায়, এদের মধ্যে আবার দুজন হাত বাড়িয়েছে সরবতিয়ার দিকে। সরবতিয়া মণিমালিনীকে যখন কোলে তুলে নেয় তখন ওর বয়স ছিল বিশ বছর ; দশ বছর পর এখন তার বয়স ত্রিশ ; যাকে বলে যৌবন গন্ধার ভরাভাদর। এবং বাঙালী ডাক্তারবাবুর শিক্ষায় এবং সহবতে সে স্মার্জিত হয়ে এমনই অপরূপ হয়ে উঠেছিল যে তারা ঠাকুরসাহেবের ছেলে হয়েও এদিকে হাত বাড়াতে সংকোচবোধ করেনি।

এসব কথা অনায়াসে অসকোচে বলে যাচ্ছিলেন মণি-বউদি।

—জানেন ঠাকুরজামাই—তখন বারো বছরের আমি পশ্চিমে বড় হয়ে বেশ একটু হাপালো হয়ে উঠেছি এবং দেখতেও মন্দ নই ; তার উপর আমার এই উঁচু দাঁত-দুটোতে তো আমাকে চক্ষিণশব্দটাই দেখন-হাসি ক'রে রেখেছে। স্মতরাং বৃন্দলাদের সবাই বলে—আমায় দেখে ছোকরী হাসে। স্মতরাং আমার দিকে পর্যন্ত হাত, সে একখানা দুখানা নয়—ঠাকুরসাহেবের চার নাতির, এক ছেলের এই পাঁচজনের পাঁচ দু গুণে দশখানা হাত উত্তত হয়ে উঠেছিল। বাবা ছিলেন গোঁয়ার মানুষ ; ভীষণ জেদী। সে গোঁয়ারতুমি জীবনে প্রতিষ্ঠার সঙ্গে আরও মজবুত হয়ে হাতীর দাঁত হয়ে উঠেছিল এবং মদ বেশী বেশী খাওয়ার জন্তে সঙ্গে সঙ্গে বেশী প্রগল্ভ হয়েও উঠেছিলেন। প্রথমটা তিনি বেশ খানিকটা হাঁকডাক ক'রে লড়াই দেবার জন্ত খুঁট পেতে দাঁড়ালেন। কিন্তু কিছুকালের মধ্যেই বুঝলেন, আজকাল ফটিকস্তম্ভ কাটিয়ে নুসিংহাবতার বের হন না, সাবিত্রীর সতীত্বকেও যম এতটুকু সমীহ করে না ; এবং সত্য বা নীতি ইত্যাদির এমন কোন শক্তি-নেই যা নিছক পশুশক্তিকে বা বস্তুশক্তিকে হঠাতে পারে, হারাতে পারে।

আমার তখন এগারো বারো বছর বয়স, দিব্যি মনে আছে তখনকার কথা ; বাবা মদ খেতে খেতে সরবতিয়াকে বলছিলেন—আমি হিন্দু থেকে ব্রাহ্ম হয়েছিলাম। আজ থেকে নাস্তিক হলাম। কুছ নেহি ছায়—কুছ নেহি ছায়—। অবাঙমনসোগোচর মানে কুছ নেহি ছায়।

কিছু থাক বা না থাক—আমাকে নিয়ে বিপদ তখন এমন ঘনীভূত হয়েছে যে—দিন-কয়েকের মধ্যেই বাবা, আমাকে আর সরবতিয়া মাষ্টিকে নিয়ে, পালিয়ে এলেন বেহারশরীফ। কিন্তু বিহারশরীফও ১৯২২-২৩ সালে এমন নিরাপদ ছিল না যে—বৃন্দলা ঠাকুরসাহেবদের সঙ্গে বিবাদ করে নিরাপদে থাকা যায়। স্মতরাং শেষ পর্যন্ত মাস দুয়েক পর চলে এলেন পাটনায়। পাটনায় বসে মামলা জুড়লেন বৃন্দলাবাবুরের বিরুদ্ধে। তাতে টাকারই প্রাক হ'ল, ফল কিছু হ'ল না। এই সময়ে একদিন এলেন—আপনার এই দাদাজী।

দাদাজী ! পরক্ষণেই বুরলাম—

প্রায় তার সঙ্গে সঙ্গে একটু হেসে—মণি-বউদি বলেই দিলেন—মদীয় স্বামী, পতি, আপনার
শ্রালক !

অর্থাৎ অমৃতলা !

*

*

*

মণি-বউদির বয়স তখন বারো বছর । ১৯১৪ সালে জন্ম—সুতরাং সালে সেটা ১৯২৬ সাল ।
অমৃতবাবু তখন ১৯২১ সালে ক'মাসের জেলের পালা সেয়ে বেরিয়ে এসে গঠনমূলক কাজে মন
দিয়েছেন । অর্থাৎ ওই তুলোর চাষের জন্তু নেওয়া জমিটাতে ফায়ার ক্লে'র খোঁজ পাওয়া
গেছে । পতিত ব্রহ্মভাঙ্গা । বেনামীতে পড়ে ছিল । হঠাৎ বের হল মাটি । পূর্ব মালিকরা
বিষয়ীর পাঁচ ক'বে জমিটাকে ঘুড়ির মত অমৃতবাবু লাটাইয়ের স্মৃতোর বাঁধন থেকে কেটে
নিজের লাটাইয়ের স্মৃতোয় লটকে নেবার আয়োজন করলেন । লেখাপড়াজানা অবিষয়ী
লোকদের প্রতি বিষয়ী লোকদের গভীর শ্রদ্ধা এই কারণে—এঁরা স্মবোধ বালকের মত 'যাহা
পান তাহাই লইয়া' ঘরে ফিরে যান । কিন্তু অমৃতবাবু ঠিক তা না করে কোমর বেঁধে
লড়াইয়ে নেমেছেন । জায়গাটা বেহারের সীমানার মধ্যে । সুতরাং বেহারের হাইকোর্ট
দেখতে এসেছেন তিনি । সেই স্মত্রে আলাপ হয়ে গেছে মণি-বউদির বাবার সঙ্গে । কথায়
কথায় আলাপ গিয়ে পৌঁচেছে সম্পর্কের বা আত্মীয়তার দোরগোড়ায় ।

অমৃতবাবু বলেছেন—বিহারশরীকে একজন বাঙালী ডাক্তার আছেন—তঁারও নাম গোপী-
জনবল্লভ চ্যাটার্জী—

চমকে উঠে গোপীজনবল্লভ ডাক্তার বলেছিলেন—চেনেন তঁাকে ? কি ক'রে চিনলেন ?

—চিনি না । তবে নাম শুনেছি ।

—কি ক'রে ? কার কাছে ?

*

*

*

অমৃতবাবুর এক বান্ধবীর নাম রত্নমালা । সেই রত্নমালার দিদির নাম ছিল পুষ্পমালা ।
পুষ্পমালা এন্ট্রান্স ফেল ক'রে নার্সের কাজ শিখছিল—ক্যাম্বেল ইস্কুলের হাসপাতালে । সে
ওই ইস্কুলের একটি হিন্দু ছাত্রের সঙ্গে প্রেমে পড়ে তাকে বিয়ে করেছে । নাম গোপীজনবল্লভ
চ্যাটার্জী । ব্রাহ্ম মেয়ে পুষ্পমালাকে হিন্দু-মতে বিয়ে করে সেই গোপীবল্লভও বেহারে এসে-
ছিলেন । আর দেশে করেন নি । শোনা যায় বেহারশরীকে তঁার এখন অনেক পসার ।

গোপীবল্লভবাবু তার হাত চেপে ধরে বললেন—আপনার নাম তো বললেন অমৃতলাল
মুখুজে । গন্ধে অবিগ্নি জাত বোঝা আজকাল আর যাচ্ছে না । কিন্তু ঠিক ব্রাহ্ম বলেও তো
মনে হচ্ছে না ! অবশ্য গান্ধীজীর ছকটার সঙ্গে ব্রাহ্ম ছকটা অনেক জায়গায় বেশ মিশে
গেছে, তবু-ও তা যেন মনে নেয় না । তামাকু খান না চুরোটও খান না কিন্তু পান খান—
মাখায় তেল মাখেন—। কান-ফোড়ার দাগ রয়েছে । কর্ণবেধের দাগ ।

অমৃতবাবু বলেছিলেন—না ব্রাহ্ম আমি নই, তবে জাত আমি মানি না ।

—না মাহুন। রত্নমালা তো গৌড়া ব্রাহ্মণ ঘরের মেয়ে। পুস্পকে নিয়ে তো বেগ কম পাইনি আমি। যতদিন বেঁচে ছিল ততদিন খোঁটা দিয়েছে। আর দীর্ঘনিশ্বাস কেলে ভেপারে সেক্ষ করেছ। কিন্তু আপনার সঙ্গে রত্নমালার সম্পর্ক কতদিনের ?

সেদিন অমৃতবাবু আজকের অমৃতবাবু ছিলেন না। সোজা মাহুঘ—এম-এ পাশ—দেশ-সেবক, চোখে অনেক স্বপ্ন, অকুণ্ঠ বা সর্বপ্রকার কুণ্ঠাবিমুক্ত সোজা ধাপখোলা ভালোয়ারের মত মন। একবিন্দু মরচের দাগ পড়েনি। তার গড়নে-দীপ্তিতে উদ্দেশ্য গোপনের এতটুকু চেষ্টা ছিল না। সোজাহুজি বলেছিলেন—রত্নমালাদের ইন্সুলে বছর দুয়েক মাস্টারী করেছিলাম ; এ্যাসিস্ট্যান্ট হেড-মাস্টার ছিলাম। রত্নমালা ক্লাস টেনে উঠল সেবার। ক্লাসে ভাল মেয়ে ছিল। টেস্টের পর কিছুদিন কোচও করেছিলাম। তারপর ও পাশ করে আই-এ পড়তে গেল, আমি চাকরি ছেড়ে নেমে পড়লাম—দেশের কাজে।

—তারপর—?

—তারপর আর কি ? রত্না এখন চাকরি মানে ইন্সুলে মাস্টারী করে—বাড়ীর সঙ্গে একরকম আলাদাই সে। স্কলবোর্ডিংয়ের সুপারইনটেণ্ডেন্ট।

—কিন্তু বিয়ে করেনি কেন ? অবস্থার জন্তে ?

—অনেকটা তাই বটে। মানে অবস্থা পাল্টানো তো সোজা নয়। ভারতবর্ষ স্বাধীন হওয়া চাই। মানে এ-জীবনে বিয়ে আমরা করব না।

তখন খুশি হয়েছিলেন গোপীজনবল্লভবাবু। বাড়ী এনেছিলেন অমৃতবাবুকে।

মণি-বউদি বলেছিলেন,—জানেন—সেদিন মাহুঘটিকে আমার ভারী ভাল লেগেছিল। ১৯২৬ সাল—তখন ওর বয়স বত্রিশ বছর। লালচে চুল—লালচে টকটকে রঙ, কটা চোখ। বাবা বলেছিলেন—লোকটা খাসা লোক—ক্যাটস্ আই লোকটার। খুব পুশিং হবে। সে আমলে বারো বছরের মেয়েও প্রেমে পড়তে পারত। আপনার সঙ্গে ননদের বিয়ে এখন হয়, তখন তার বয়স তো তিনেছি এগারো ছিল।

হেসে বললাম, হ্যাঁ।

মণি-বউদি বললেন—আমি তখন বারো, কিন্তু আপনার দাদার প্রেমে আমি সেদিন ঠিক পড়িনি। পড়লাম পরে। ওই মাসী রত্নমালার সঙ্গে বিবাদ বাধল। সেই বিবাদে আমি জোর করে এঁর প্রেমে পড়লাম—এঁকে ছিনিয়ে নিলাম মাসীর কাছ থেকে। মাসীর উপর একটা আক্রোশ আমার গৌড়া থেকে—একেবারে সেই প্রথম দেখা থেকেই জন্মে গেল। ওর চোখে আমি দেখলাম আমার শত্রুকে—আমার চোখের মধ্যেও সে বোধ হয় ঠিক তাই দেখেছিল—নিজের জীবনের সবথেকে বড় শত্রুকে দেখতে পেয়েছিল।

ঘটনাটা ঘটল এইভাবে।

*

*

*

মণি-বউদি বললেন—বাবা মাহুঘটা ছিলেন দিল-দরিয়া মাহুঘ। সত্যবাদী মাহুঘ। সেটা এঁর বেশ ভাল লেগেছিল। বাবারও ভাল লেগেছিল—দেশ-সেবক—প্রেমিক লোক।

বলেছিলেন—তুমি আমার এখানে এসে উঠবে এবার থেকে। আরে আমার শালীর সঙ্গে প্রেম করেছে। বিয়ে করিনি, করবে না। ওয়াগারফুল। এখানে এসে উঠবে। অনেক জায়গা এখানে। বুকেছ? এবং আমার উপার্জন মন্দ নয়।

উনি উঠতেন তাই।

মাস ছয়েক পর। সেবার বোধ হয় তৃতীয় বার উঠেছেন। দিন পাঁচেক আছেন। সেবার ঠিক মামলার জন্তে যাননি। গিয়েছেন রাজগীর-নালান্দা যাবেন বলে। মাসীকেও নিয়ে বাবার কথা ছিল, কিন্তু মাসী যাননি। মাসী যাননি সরবতিয়ার জন্তে—সেটা পরে বুকেছিলাম। থাকগে। বাবা কলে বেরিয়েছিলেন; একখানা খার্ড ক্লাস গাড়ীর সঙ্গে বন্দোবস্ত ছিল—, বাবা সেইটেতে চড়ে কলে বেরুতেন। সেদিন উনিও সঙ্গে বেরিয়েছিলেন। কথা ছিল কল সেরে বাবা ঠেকে নিয়ে পাটনা সিটি দেখিয়ে আনবেন। পথে গাড়ীতে গাড়ীতে খাকা লেগে গাড়ীখানার পিছনের একটা চাকা ভাঙল। সেই দিকের কোণে বসেছিলেন বাবা। বাবা বসেই অজ্ঞান হয়ে গেলেন। কিছুক্ষণ পর নাক-মুখ দিয়ে রক্ত ঝানিকটা বেরিয়েছিল এই পর্যন্ত। হাসপাতালে নিয়ে গেল সেই অবস্থায়। অবস্থা দেখে ডাক্তারেরা বললে মারা গেছেন। সেরিব্রেল হেমারেজ হয়েছে। আপনার শ্রমকণ্ড আঘাত পেয়েছিলেন। কিন্তু সে সামান্য আঘাত। হাসপাতাল থেকে ষণ্ডরটা নিয়ে উনিই কিরে এলেন। এক মুহূর্তে আমরা অনাথ হয়ে গেলাম। আমি আর সরবতিয়া মা। কিন্তু উনি আমাদের পরিত্যাগ করলেন না। ওখানকার সমস্ত দায় চুকিয়ে আমাদের নিয়ে এসে তুলে দিলেন আমার মাসী রত্নমালা দেবীর বাড়ীতে। রত্নমালা দেবী ষণ্ডরটা জানতেন, পত্রাযোগে ষণ্ডর তিনি পেয়েছিলেন, প্রতীক্ষা করে তিনি দাঁড়িয়েও ছিলেন। আমি মাসীর মধ্যে মাকে প্রত্যাশা করিনি, মাসীকেই প্রত্যাশা করেছিলাম। কিন্তু দেখলাম আমাকে দেখে মাসীর চোখ দুটো জলে উঠল।

বাবা রেখে যা গিয়েছিলেন তা খুব খারাপ ছিল না। বরং ভালই বলতে হবে। সরবতিয়া মা বা আমি ষণ্ডের গলগ্রহ ছিলাম না। তবু মাসীর চোখ দুটো জলে উঠল। সে যে কি জ্বালা আপনাকে কি বলব।

নাকের পাশে ঠোঁটের ভঙ্গিতে এমন একটা বিষ ফুটে উঠেছিল আপনাকে কি বলব। আমি অবাক হয়ে তাঁর দিকে ভাকিয়ে ছিলাম।

মাসী আমাকে বলেছিল—ওকে ছেড়ে এদিকে এস। গুরুজনকে প্রণাম করতে হয়, তাও জান না? ছি-ছি-ছি। জানবে কি করে? শেখাবে কে?

তারপর ষণ্ডকে বলেছিলেন—তুমি কি বলে' ছাট উয়োম্যানটাকে সঙ্গে নিয়ে এলে বল তো? আমি ওকে ঠাই দিতে পারি না। উইদাউট টেকিং মাই কনসেন্ট—এ কি করলে তুমি? ও-তো একটা প্রস্টিটিউট।

সরবতিয়া মা চূপ করে দাঁড়িয়ে ছিল। কথাগুলো শুনে শুনে তার মুখ চোখ কঠিন হয়ে উঠেছিল। বাবার কাছে সে দশ বছর ছিল—বাবা তাকে গড়েপটে তৈরী করেছিলেন

নিজের পছন্দমত করে। ইংরেজী শব্দ প্রক্ষেপ দেওয়া কথা সে মোটামুটি বুঝত। দিন সাতেক সে বহু জালা বহু উদ্ভাপ সহ করেও ছিল আমার জন্ত। সাতদিন পর সে আমাকে বললে—বেটিয়া—আমি চলে যাই-রে। তুই কাঁদিস নে। আমার জন্তে ভাবিস নে। আমাকে যা তোর বাপ দিয়ে গেছে, তাই দিয়েই চলে যাবে বাকী দিনগুলো। আমি কাশী চলে যাবো।

তাই সে গিছিল।

বাবা তাকে গয়নাই শুধু দেননি—তার নামে পাঁচ হাজার টাকার ক্যাশ সার্টিফিকেটও কিনে দিয়েছিলেন।

মণিবউদ্দি বলেছিলেন—আরও একটা জিনিস দিয়েছিলেন বাবা। সেটা হ'ল—জীবনে একটা বিচিত্র বোধ। যে বোধে মানুষ শক্ত হয়ে দাঁড়িয়ে বেঁচে থাকতে পারে। সববত্তিয়া মার্জি তার ক্যাশ সার্টিফিকেট তাব নিজের কাছে রাখত। কারুর হাতে সে দেয়নি। বাবা তাকে খানিকটা লেখাপড়াও শিখিয়েছিলেন। হিন্দি, বাংলা দুটো ভাষাই সে বলতে পারত, পড়তে পারত।

স্বতরাং মাদীর কাছে আমাকে রেখে 'একলা চলরে' বলে কাশী চলে যেতে তার কোন বাধাই হয়নি। এতটুকু ভয়ও সে পায়নি। তবে আমাকে ছেড়ে চলে যেতে যে কষ্ট সে পেয়েছিল সে-কষ্ট পাবার কথা শুধু নিজের মায়ের।

ছয়

মণি-বউদ্দি সেদিন বসে বসে তাঁর গোটা জীবনের সমস্ত কথাই বলেছিলেন আমাকে। সেদিনের রাতটা ছিল চাঁদনী রাত। ১৯৪২ সাল। শহরের রাস্তার এবং বাড়ীঘরের বাইরের লাইটগুলো ব্ল্যাকআউটের ঠুঙি আটকে পড়ে মাটির বৃকেই যেন হাত-পা বাঁধা হয়ে মুখ গুঁজে পড়ে ছিল; শূণ্য-মণ্ডলে জ্যোৎস্না পেয়েছিল অবাধ খোলামেলা; কোনো প্রাসাদের জনহীন উদ্যান-সরোবরে একাকিনী স্নানার্থিনীর মত জ্যোৎস্না যেন বাঁধানো ঘাটের পৈঠেতে বসে স্ঠাম শুভ বরতস্থানিকে সম্পূর্ণরূপে অনাবৃত করে স্বপ্নাচ্ছন্ন হয়ে বসে ছিল। হয়তো জলের মধ্যে নিজের ছায়া দেখছিল। আমরা দু'জনে তারই মধ্যে খোলা জানালাটার ধারে বসেছিলাম। মণি-বউদ্দি বলে যাচ্ছিলেন, আমি শুনছিলাম। কোন সঙ্কোচ ছিল না। থাকলে ওই রূপসী জ্যোৎস্নার মায়াবিভ্রমে আমরা দু'জনে অনায়াসে কপোত-কপোতী হয়ে যেতে পারতাম। এই মায়ায় আচ্ছন্ন হয়ে নারী মণি-বউদ্দি চুপ করে যেতেন এবং তার বদলে বকতে শুরু করতাম আমি। কপোতগুজন তুলে আমি তাঁকে প্রদক্ষিণ করে কিরতাম। অনায়াসেই তা হ'তে পারত। আমাদের উভয়ের অজ্ঞাতসারে, জীবনের আচরণে সকল শালীনতা বজায় রেখেই হতে পারত। কিন্তু তা হয় নি। সাক্ষী তার আমি। আর থাকে সাক্ষী মানতে পারি তাঁকে একালের মাহুঘেরা জীবিত বলে স্বীকার করেন না। ঈশ্বর মৃত

একথা এ যুগের দ্বারা ঘোষিত ।

*

*

*

পৃথিবীতে জীবন ক্ষণস্থায়ী এবং ক্ষণভঙ্গুর ; জীবনের কথা কিন্তু ক্ষণস্থায়ীও নয় ক্ষণভঙ্গুরও নয় । পৃথিবীতে মানুষ মরে যায়, মরা মানুষটাকেও মানুষ ভুলে যায়, কিন্তু তার কথা থাকে । তার চিহ্নও থাকে—সে কোথায় কোন দিন কপালে সিঁদুরের টিপ প’রে তার আঙুলটি মুছে গেছে—তার দাগটি রয়েই যায় । বিবর্ণ হতে হতে ধূলোময়লার আবরণের তলায় লুকায় । ধূলোময়লা ধুলেই আবার পাওয়া যায় তাকে । খুঁজলে হয়তো আদিম মানুষটির কোন-না-কোন চিহ্ন পৃথিবীর কোথাও না কোথাও পড়ে আছে, লুকিয়ে আছে, কোনদিন বেরিয়ে পড়তে পারে ।

মণি বউদি বললেন—একটু বসুন । আমি এক্ষুনি এলাম ব’লে । যেন হঠাৎ মনেপড়া কাজের তাগিদে উঠে চলে গেলেন তিনি ।

কয়েক মিনিট পর ফিরে এসে আমাকে বললেন—পড়ুন ।

একখানা চিঠি । চিঠিখানা নিজের হাতেই রাখলেন এবং বললেন—সম্বোধনটুকু পড়ুন আর নিচে লেখক বা লেখিকার নাম পড়ুন ।

দেখলাম—‘প্রিয়তম অমৃত’, আর পরিশেষে ‘তোমার রত্না’ ।

মণি-বউদি বললেন—খানিকটা আমি পড়ে শোনাই । সবটা শোনাব না । শোনানো যায় না । পড়তে দিতেও যেন কেমন লাগবে আমার, দেব মা । শুনুন ।

“যে রমণী তোমাকে কিশোরী বয়স হইতে মনপ্রাণ সমর্পণ করিয়া ভালবাসিয়াছে, তোমার নিকট শিক্ষালাভ করিয়াছে, যে তোমার প্রিয়তমা ছাত্রী ছিল, যে প্রথম যৌবনে তোমার জন্ম পাগলিনী হইয়াছিল, ধর-সংসার সব ত্যাগ করিয়া পথে দাঁড়াইতে প্রস্তুত ছিল, যে তোমার জন্ম রাত্রির পর রাত্রি ক্রন্দন করিয়াছে ; অবশেষে তোমার কথায় তোমার নিকট দীক্ষা লইয়া কুমারী থাকিয়াই আজও অবধি তোমার পথ চাহিয়া রহিয়াছে, তাহাকেই তুমি এত বড় সন্দেহ করিবে, এতখানি ছোট করিবে, এতখানি ছোট চোখে নিরীক্ষণ করিবে তাহা কোনদিনই এই হতভাগিনী কল্পনা করিতে পারে নাই ।

“তুমি আমাকেই শেষ পর্যন্ত চোর বলিয়া সন্দেহ করিলে ? আমি মণির গহনা চুরি করিব, ক্যাশ সার্টিফিকেটগুলো নষ্ট করিয়া দিব ? ‘মণি’ আমার দিদির মেয়ে । তোমার চেয়ে আমি তাহার অনেক আপন জন । আমি তাহার আপন মাসী । আমি এই পাপকার্য করিব ?

“তুমি কল্যাণ আমার মুখের উপর বলিলে যে, আমি তাহাকে হিংসা করি । আমি মণিকে হিংসা করিব ?”

এর পরই মণি-বউদি চিঠিখানা মুড়ে নিজের ভ্যানিটি ব্যাগের মধ্যে রাখলেন এবং একটু হেসে বললেন—‘মানুষ যায় কথা থাকে’ কথাটা আপনাদের মানে আমার স্বামীর গোষ্ঠীর কাছে শেখা কথা । কথাটা যেমন সত্যি তেমনি ভাল । আমার মাসী রত্নার কথাগুলোই শুধু আমার মনে খোলাই করা আছে তাই নয়, তার চিঠিপত্র এবং কয়েকটা জিনিস আমি

অত্যন্ত যত্ন করে রেখে দিয়েছি। একটা হারের লকেট দেখাই দাঁড়ান।

উঠে দাঁড়িয়েও বউদি বসলেন—পরে দেখাব আপনাকে। লকেটটায় মীনা করে লেখা 'মালা'। ওটা উনি দিয়েছিলেন মাসীকে। মায়ের নাম ছিল পুষ্পমালা, মাসীর নাম রত্নমালা—আমার নাম মণিমালা। কিন্তু ওটা ছিল মাসীর।

আগেই তো বলেছি, আপনার দাদা এম-এ পাশ করে স্কুলে মাস্টারী করতে গিয়ে মাসীর সঙ্গে প্রেমে পড়েছিলেন। তারপর সে প্রেম এমন জমাট হল যে মাসী ঘর ছাড়ল, এঁর জগে মাস্টারী করতে লাগল। দু'জনে সেকালে প্রতিজ্ঞা করেছিলেন দেশ যতদিন স্বাধীন না হবে ততদিন বিয়ে করবেন না। পরে আপনার দাদা আমাকে এর একটা বিবরণ দিয়েছিলেন। সেটা হল এই যে, ওঁরা দু'জনে একদিন রাণা প্রতাপসিং খিয়েটার দেখতে গিয়েছিলেন—সেকালে; তাতেই দেখেছিলেন মা কালীর সম্মুখে প্রতাপসিং সর্দারদের শপথ করাচ্ছেন—মা কালীর সম্মুখে প্রতিজ্ঞা কর, যতদিন চিতোর না স্বাধীন হবে ততদিন আমরা বৃক্ষপত্রে ভোজন করব, তৃণশযায় শয়ন করব। এইরকম একটা মস্ত ইতিহাস-বিখ্যাত প্রতিজ্ঞা।

একটু হেসে বলেছিলেন—এখন নাকি চিতোরের রাণাবংশের সকলে এবং রাজপুত সর্দারদের অনেকে খালার নিচে গাছের পাতা রাখে আর খাট পালংকের গদির তলায় কয়েক-গাছা ধড় রেখে দেয়। এঁরা দু'জনে সেদিন খিয়েটার থেকে ফিরে পরের দিন গন্ধার ঘাটে গিয়ে সেই প্রতিজ্ঞা করেছিলেন। এবং তাই পালনও করেছিলেন দু'জনে। কিন্তু হঠাৎ বিধাতা-পুরুষই যেন আমাকে ওঁর ঘাড়ে দিলেন চাপিয়ে।

মাসী ব্রাহ্মণের মেয়ে, সরবতিয়া মাসীকে দেখে তার চটবার হয়তো কারণ ছিল। কিন্তু বারো বছরের আমাকে দেখে তো চটবার কারণ ছিল না, থাকবার কথাও নয়, তবু মাসী আমার আমাকে দেখেও চটলেন।

আমার বয়স তখন বারোর মাঝখান পেরিয়ে তেরোর কোঠার দিকে বেশী খুঁকেছে। আর সেকালে বারো তেরো বছরেই মেয়েরা এ বিষয়ে অনেক বেশী পেকে উঠত। স্মরণ্য মাসী যাই বলুন, যে ভাবে ভক্তিতে বলুন, আমি তার গন্ধ থেকে ঠিক বুঝতে পেরেছিলাম যে, মাসী আমাকে প্রতিদ্বন্দ্বিনীর দৃষ্টিতে দেখছে। আপনার দাদার বয়স তখন বত্রিশ তেত্রিশ, মাসীর বয়স ছাব্বিশ, আমার বয়স বারো। তাতে কিছু যায়-আসে নি। জিবুজটি দস্তুরমত শক্তপোক্ত হয়েছিল। সেই বারো, বছর বয়সেই কেউ যেন খুঁচে, খোঁচা দিয়ে দিয়ে জাগিয়ে আমাকে মাসীর চ্যালেঞ্জ দিয়ে জীবনের আসরে নামিয়ে দিল। এবং নামিয়ে দেবামাত্র আমি দিব্যি সে চ্যালেঞ্জ এ্যাকসেপ্ট করে কোমর বেঁধে নেমে গেলাম লড়তে।

কেমন ভাবে জানেন? যাত্রীতে ঠাসাঠাসি কামরায় একটুখানি জায়গা পেয়ে কেউ যদি হঠাৎ মাঝখানে বসে পড়ে, এমন কি অক্ষম হয়েও টলে পড়ে যায়, তা হলেও সঙ্গে সঙ্গে পাশের যাত্রীর কনুই দুটো যেমন রুটভাবে সক্রিয় হয়ে ওঠে এবং তার প্রতিক্রিয়ায় ওই ব'সে-পড়া যাত্রীটির কনুই বা সর্বাঙ্গ শক্ত হয়ে প্রতিরোধ করে, ঠিক তেমনভাবে ব্যাপারটা শুরু হল।

রত্না মাসী সরবতিয়া মাসীকে নিয়ে যে ঝগড়া শুরু করলে, তা দেখতে-শুনতে বেশ একটা

পবিত্র গঙ্গাজল-খাওয়া হবিষ্কাম-করা তপস্বী গোছের ব্যাপার হলেও বারো বছরের মণিমালার মন তাতে প্রভাবিত হয়নি, সে ঠিক বুঝতে পেরেছিল, মাসী ঝিকে মেরে বউকে শেখাচ্ছেন। অর্থাৎ সরবতিয়া উপলক্ষ মাত্র, লক্ষ্য সে অর্থাৎ বারো বছরের মণি।

বারো বছরের মণিমালার কৈশোর বাল্যকালকে দুই-এক নয়, বোধহয় চার পাঁচ পাঁচনে ফেলে ঘোবনের দিকে যেন দীর্ঘ পদক্ষেপে বেশ একটু জোরেই হাঁটছিল। সরবতিয়া থাকলে হয়তো সরবতিয়ার প্রসঙ্গ নিয়েই লড়াইটা করতো রত্নমালা, করতো অমৃত মুখুষ্যের সঙ্গে। বলতে পারত, নিজেরা পরস্পরকে ভালবেসেও যখন ব্রহ্মচর্যকে মাথায় করে তপস্বী করে যাচ্ছি, তখন সরবতিয়ার মত ভ্রষ্টার কলঙ্কিত হোঁয়াতে কেন পড়ব? কেন?

কিন্তু সরবতিয়া মার্জিত তখন চলে গেছে। স্মতরাং সোজাহুজি বগড়া বাধল আমাকে নিয়ে।

হেসে মণি-বউদি বলেছিলেন—মেয়েদের কথা আপনি বোঝেন, লেখক মানুষ। ইহু পুরুষে বিমলার চরিত্রের মধ্যে ব্যাপারটা সুন্দর করে দেখিয়েছেন। কল্যাণীকে যখন হুটু ফিরিয়ে দিচ্ছে, তখন বিমলা এসে মহিমময়ীর মত বলছে—যেয়ো না ঠাকুরঝি, দাঁড়াও। স্বামীকে তিরস্কার করে তাকে ঘরে আশ্রয় দিচ্ছে। আবার হুটু যখন কল্যাণীর মুখ চেয়ে স্মশোভনকে সহ্য করছে, তখন আশ্রয় হয়ে এসে বলছে—আমার অরুণ যদি স্মশোভনের মত হত, তা হলে কি তুমি তাকে সহ্য করতে?

ঠাকুরজামাই—আমার মাসী রত্নমালার চরিত্র ঠিক তাই। কল্যাণী আপনার নাটুকে চরিত্র, অথবা এমনি প্যাসিভ না-হলে নাটক জমত না, অন্ততঃ এইভাবে জমত না। আমি কল্যাণীর মত এতখানি কনসাস ছিলাম না। নিজের গুঁচিটা নিয়ে এতটুকু আশঙ্কাও ছিল না; কথাটা মনেও উঠত না। তা ছাড়া আমার বাবা টাকাকড়ি রেখে গিছিলেন, গয়না রেখে গিছিলেন, আমি ওদের উপর ভার-বোঝাও ছিলাম না। বুঝেছেন ব্যাপারটা?

শুধু ব্যাপারটাই বুঝিনি, আরও বুঝেছিলাম যে, মণি-বউদি আমার আশ্চর্য মেয়ে। এমন করে নিজেকে সে খতিয়ে খতিয়ে দেখেছে।

মণি-বউদিকে এ সম্পর্কে সচেতনভাবে সক্রিয় করে দিয়েছিলেন গুঁর সেই মাসী রত্নমালা এবং আংশিকভাবে অমৃতবাবু।

সরবতিয়া চলে যাওয়ার পরের দিনই। একটা ঘরে একলা তখনকার বারো বছরের মণিমালার খুব কাঁতার হয়েই বালিশে মুখ গুঁজে কাঁদছিল। পাশের ঘরে অমৃতবাবু চুপ করে-বসে ছিলেন। আপন মনে বকছিলেন মণিমালার মাসী রত্নমালা। বলছিলেন—গেছে বেশ হয়েছে। একটা প্রতিটুটি—একটা পাপ—বেশ হয়েছে গেছে। গঙ্গাজল দিয়ে ঘরদোর খুঁয়ে ফেলা উচিত।

অমৃতবাবু কোন উত্তর করেন নি। মাটির দিকে তাকিয়েছিলেন, যেন ভাবছিলেন।

কি ভাবছিলেন তিনিই জানেন। মণিমালা ছিল পাশের ঘরে; মাঝখানের খোলা দরজাটা দিয়ে মধ্যে মধ্যে তীর্যক দৃষ্টিতে সে ও ঘরের দিকে তাকাচ্ছিল। মাসীর কথায় উত্তাপে ও তীব্রতায় তার চোখে জল পড়লেও আশ্রয়স্থল অমৃতবাবু কি বলেন শুনবার জ্ঞান সে উদগ্রীব হয়েছিল; কথা শুনতে না পেয়ে তীর্যক দৃষ্টিতে অমৃতবাবুর মুখ দেখে বুঝতে চাচ্ছিল, মন তাঁর কি বলছে। অমৃতবাবুর নির্বাক হয়ে থাকিয়ে থাকাকাটা তাকে যেন ভরসা দিয়েছিল। বুঝতে পেরেছিল রত্না মাসীর কথা তিনি ঠিক সমর্থন করতে পারছেন না।

মাসী সেটা আরও পরিষ্কার করে দিয়েছিল, বলেছিল, কি—? কিছু বলছ না যে? কথাগুলো খুব পছন্দ হচ্ছে না বুঝি?

একটুকু চুপ করে থেকেছিলেন, যেন প্রতীক্ষা করেছিলেন তাঁর উত্তরের; উত্তর না পেয়ে কেটে পড়েছিলেন—শেষ। আজ থেকে তোমার সঙ্গে আমার সম্পর্কের শেষ।

অমৃতবাবু এতক্ষণে বলেছিলেন—আঃ, কি করছ রত্না? মেয়েটি পাশের ঘরে রয়েছে।

—হ্যাঁ রয়েছে। কাঁদছে। হয়তো জেগে আছে। শুনছে। তাতে কি হয়েছে? আমি ওর মাসী। মায়ের সহোদরা। তুমি কে? তোমার এত দরদ?

—দরদ মানুষের জন্তে মানুষের হয়, সে সম্পর্ক থাকলেও হয়, না থাকলেও হয়। এমন কি জন্তুর জন্তেও হয়; ওর দুঃখ একটা হয়েছে সেটা মানতেই হবে। সে-মেয়েটি ওকে মায়ের মতই মানুষ করেছিল। ভালবাসত।

—মায়ের নামটা মুখে এনো না। নামটা কলঙ্কিত হবে। একটা বি, বাপের মিস্ট্রেস, তার মা ছিল বুদ্ধলা ঠাকুরসাহেবের রক্ষিতা। পাপ। মূর্তিমতী পাপ। সেই পাপের হাত থেকে ওকে আমি রক্ষা করেছি।

* * *

সে এক অন্তহীন এবং অর্থহীন, অন্ততঃ নিরর্থক, জোর করে বাধানো ঝগড়া। শুরুই হল কিন্তু শেষ হল না কোন দিন। দিন দিন বেড়েই চলল অকারণে।

সরবত্তিয়ার উপলক্ষ পুরানো হয়ে গেল—ঘষে প্লেন হয়ে যাওয়া বাক্স এবং মিইয়ে যাওয়া দেশলাইয়ের মত হাজার সংঘর্ষেও আগুন যখন জ্বালানো গেল না, তখন সরাসরি লক্ষ্যকে কেন্দ্র করেই আগুন জ্বলল।

১৯৪২ সালে সেদিন রাত্রে নিজের জীবনের গল্প বলতে বলতে যেন হঠাৎ হেসে মণি-বউদি বললেন—আগুন জ্বালানো তো খুব কঠিন নয় ঠাকুর-জামাই, কিন্তু আগুন জ্বলে যাকে পোড়াতে চাই তাকে পোড়ানো খুব কঠিন কথা। কারণ, যাকে পোড়াতে চাই তারও তো একটা আত্মরক্ষার ক্ষমতা আছে। আগুন প্রতিহত হলে কিরে গিয়ে যে জ্বালিয়েছে তার কাছে চায় তার ক্ষুধার খাওয়া; অথবা পূজার বলি, যাই বলুন। অশান্তি করে গেলে তো আগে নিজেকে অশান্ত হতে হয়; সেই তো আগুনে জ্বলা। মাসী আমার আগুন জ্বালতে গিয়ে গোড়াতেই আগুন জ্বাললে নিজের বুকে, তারপর থেকে

আঙুরা নিয়ে অগ্নিবান ছুঁড়তে লাগল ভাগাভাগি করে আমাদের হুঁজনের দিকে ।

সরবতিয়া প্রসঙ্গ পুরনো হ'ল, মুছে গেল ; তারপর শুরু হ'ল, এ অসভ্য মন্দ-ভরিত্ব বিক্রী-সহবৎ মেয়েকে নিয়ে আমি করব কি ? এবং ঠেকে দৃঢ়স্বরে দাবী করলেন, কেন তুমি ওকে এনে ঘাড়ে চাপালে ? কেন ? কি তোমার স্বার্থ ?

স্বার্থ কথাটা শুনে অমৃতবাবু প্রথম দিন বোমার মত কাটলেন ।—স্বার্থ ? তুমি স্বার্থ খুঁজছ ? একটি অসহায় মেয়ের বাপ হঠাৎ মারা গেলেন, আমাকে বলে গেলেন—ওকে দেখো ভাই তুমি । রত্নমালাকে বলো—বলেই আমাকে তার দিয়ে গেলেন । I promised—and I tried to keep that promise.—তোমার কাছে এনে দিয়েছি ।

—আমি কেন এ দায়দায়িত্ব নিতে গেলাম ? কি গরজ আমার ?

—তোমার দিদির মেয়ে । তুমি মাসী ।

—কিন্তু সে দিদি আমাদের সকলকে পরিত্যাগ করে চলে গেছিল একজন সমাজের বাইরের লোকের সঙ্গে ।

একটু হেসে অমৃতবাবু বলছিলেন—খাক । এর পর আর পা বাড়িয়ে না রত্না, জায়গা নেই ।

রত্নমালা কিন্তু এতেও খামে নি । শূন্যলোকেই পা-ফেলে আকাশপথে চলতে চেষ্টা করে ছিল । বলে ছিল—আমি ভালবেসেছি তোমাকে কিন্তু নিজেকে কলুষিত করি নি ।

একটুকণ গুম হয়ে থেকে অমৃতবাবু বলছিলেন—এমন হবে তা ভাবি নি আমি । ও মেয়েটি আর্থিক দিক থেকে কারুর ভার-বোঝা নয় এবং স্বভাবটভাবের কথা—; খাক সেকথা । প্রয়োজন নেই সে বিতণ্ডায় । ওকে আমি কোন ভাল রেসিডেনসিয়েল ইঙ্কুলে ভর্তি করে দেব ।

মাসী চমকে উঠেছিল ঠাকুর-জামাই ।

বলতে বলতে মণি-বউদি হেসে উঠে বলেছিলেন—সে চমক আমার মনে আছে, হাতে চায়ের কাপ-ডিশ ছিল, চা খেতে-খেতে বগড়া হচ্ছিল ; মাসী আমার চমকে বলে উঠল—কি বললে ?

সঙ্গে সঙ্গে হাতের ডিশটার উপর থেকে কাপটা পড়ে গেল প্রথমে মাসীর কাপড়ে তারপর মেঝের উপর । এবং তপ্ত চায়ের ছাঁকায়—‘মাগো—মাগো’ ব'লে, যাকে বলে ঝেড়েপেড়ে উঠে দাঁড়ানো, সেইভাবে কাপড় ঝাড়তে ঝাড়তে উঠে দাঁড়ালেন । যথাসাধ্য কাপড় ঝেড়ে চা ছিটিয়ে কেলে দিয়ে ঘরের ভেতর চলে গেলেন কাপড়খানা ছাড়বার জন্ত । বাবার সময় বলে গেলেন—সারটেনলি নট । ইউ কান্ট, ইউ কান্ট ডু ইট । তোমার কোন অধিকার নেই । কো—নো—অধিকার নেই । সী ইজ মাই নিস্—আমার সহোদর বোনের মেয়ে, আমি মাসী, আমিই তার একমাত্র গার্জেন । তার সম্বন্ধে তোমার কোন অধিকার নেই । আশা করি সে সম্পর্কে তুমি কনসাস্ হবে ।

এবার আমার কথা বলি ঠাকুরজামাই ।

এ ভার্মী মজার ব্যাপার। খেলা তো ঠিক নয়। কারণ খেলা মানুষ ইচ্ছে করে খেলে বা খেলতে বসে। এতে বা সংসারে যা ঘটে তাতে মানুষের ইচ্ছের কোন দাম নেই ; এতে যে যা করে—তাকে তাই একরকম যেন করতেই হয়। বর্ষার দিনে পোকাগুলো আলো দেখে উড়ে আসে, শুকনো দিনে আসে না, কিন্তু মাটি ভিজলে আসবেই ; যেন নেমস্তর দেওয়া আছে। আলোর চারিধারে পোকা ওড়ে, কেন ওড়ে পোকা জানে না ; টিক্‌টিকি ঘোরে পোকা ধাবার জন্তে। তাকিয়ে দেখলে দেখবেন টিক্‌টিকিটা ঠিক খেলা করছে, পোকাগুলো আলোকে ঘিরেও খেলছে, কিন্তু তাতে চলছে জীবনমৃত্যুর পালাগান।

যে-খেলায় বা যে-পালায় আমি ভিজ়ে মাটির আশ্রয়হারা পতঙ্গ, পাখা মেলে অমৃতবাবুরূপী আলোটির কাছে উড়ে আসতে গিয়ে মাসীরূপী টিক্‌টিকিটির গ্রাসের মুখে পড়েছিলাম, সে পালায় আমিও ক্রমাগত ওই আলোটাকেই স্বাভাবিকভাবে আঁকড়ে ধরতে চেয়েছি। টিক্‌টিকিটা যখনই তাড়া করেছে তখনই আমি ওই আলোর ফাল্গুনে ঝাঁপিয়ে পড়তে চেয়েছি।

প্রথম শুরু হয় শ্বিতহাস্তে সস্তাষণ দিয়ে। উর্নি এলেই আবার মুখে হাসি ফুটত। আশ্বস্ত হতাম। এবং স্ত্র্যোগমত অস্ত্রবিধার কথা বলতাম।

মাসীই এগুলো ধরিয়ে দিত। বলত—তুমি ওর সম্বন্ধে কোন ইন্টারেস্ট নিয়ে না।

ইনি বলতেন—কেন ?

—কেন কি ? তোমার উচিত নয়। তুমি এলেই মেয়েটা যেন হেসে ওঠে। তোমার কাছে ও আমার নামে লাগায়।

ইনি বলতেন—না। তা লাগায় না। তবে দু' চারটে অস্ত্রবিধার কথা বলে। আমাকে না-বলে কাকে বলবে ? আর তো কাউকে চেনে না। এবং ওর বাপের কাছে আমি কথা দিয়ে খানিকটা মরালি রেস্পনসিবল, তাও অস্বীকার করতে পারি না। তুমিই বল না। পারি কি ? তা ছাড়া সংসার অত্যন্ত নিষ্ঠুর এবং ক্রুট, এখানে মানুষ আশ্রয়স্থল স্বাভাবিকভাবেই খোঁজে। তাকে অভিযোগ করা চলে না।

মাসী তৎক্ষণাৎ কথাটার বাঁকা মানে করে নিয়ে বলত—তার মানে আমি অত্যন্ত নিষ্ঠুর এবং ক্রুট, কেমন ?

ইনি বলতেন—না, তা আমি বলি নি।

—তাই বলছ। নইলে ও কথার মানে কি হয় ? ওর কাছে সংসার বলতে তো আমার এই কোয়ার্টারটুকু এবং আমি।

ইনি বিরক্ত হয়ে একদিন বলেছিলেন—আমি আর তোমার এখানে আসব না।

মণি বউদি বললেন—সত্যিই আসা ছাড়লেন ভদ্রলোক। ঘটনাটা প্রায় এক বছরের মাথায়। এলেন না মাসখানেক।

তারপর মাসী চিঠি লিখলে প্রেমের টানে। এবং নুকিয়ে আমিও চিঠি লিখলাম প্রাণের দায়ে। কারণ মাসী এই ভদ্রলোকের না-আসার জন্ত আমাকে ষোল আনা দায়ী করে আমার

উপর আক্রমণ ভীতভর করে তুললেন। আমি বাঁচবার পথ বা আমাকে বাঁচাতে পারে এ আক্রমণ থেকে এমন মানুষ খুঁজতে গিয়ে একে ছাড়া আর দ্বিতীয়জনকে মনে মনে খুঁজে পেলাম না।

সেই শুরু হল চিঠি লেখা। ইনি এলেন চিঠি পেয়ে কিন্তু মাসীর কাছে আমার চিঠির কোন উল্লেখ করলেন না। অথচ আমি চিঠির জবাব পেয়ে গেলাম। এক ফাঁকে আমাকে একটা টুকরো কাগজে লিখে হাতে গুঁজে দিলেন। তাতে লেখা ছিল—“তোমার কোন অসুবিধা হলে আমাকে এমনি করে চিঠি লিখে জানিয়ে।”

*

*

*

মনি-বউদি হেসে বললেন আমাকে—সেই ১৯৪২ সালের সেই রাত্রিটিতে, হঠাৎ কাহিনীর মাঝখানে ছন্দ টেনে বললেন—মুখোমুখি কথা বলে প্রেম জমানো বা প্রেমে দানা বাঁধানোর ভিয়েনটা কঠিন ঠাকুরজামাই; আমাদের দেশে মা-বাপে ছেলেমেয়েদের বিয়ে দিয়ে দেয়, সঙ্গে সঙ্গে প্রেম একেবারে রেডিমড জামা পোশাকের মত গায়ে উঠে চেপে বসে। হাতে বড় হলে খাটিয়ে নেয়, খাটো হলে জোড়াতালি দিয়ে নেয় অথবা আজন্মই খাটো জামা পরে কেটে যায়। তার মধ্যেও প্রেম জমাতে ওই প্রেমপত্র ভরসা। মুখোমুখি দাঁড়িয়ে খিয়েটারে যাত্রায় রিহাশুর্গালে অভ্যাস করে তবে বলা যায়—‘ওগো তোমায় ভালোবাসি।’ এমনিতে এটা ভারী কঠিন। চিঠির মত সুবিধে মুখোমুখি চোখে চোখ রেখে ‘ভালবাসি’ কথাটা বলতে হয় না; নির্জন স্থানের দরকার হয় না। দিব্যি ‘কেমন আছ? কেমন আছ?’ লিখতে লিখতে দিব্যি লেখা যায়—“হৃদয়ে বড়ই যাতনা হইতেছে আজকাল—কেন তাহা বুঝিতেছি না?” সঙ্গে সঙ্গে ও তরফ থেকে উৎকণ্ঠিত উত্তর আসবামাত্র আবার দিব্যি লেখা যায়—“হৃদয়ে কেন যাতনা হইতেছে তাহা কি বুঝিতে পারেন না?”

মনি-বউদি প্রগল্ভা হয়ে উঠেছিলেন। বাক্যে প্রগল্ভা, হাশ্বে প্রগল্ভা, চিন্তেও বুকি বা প্রগল্ভা হয়ে উঠেছিলেন। কিন্তু তার মধ্যেও একটি নির্বিকারত্ব ছিল, সেটা আমি অতি অনায়াসেই অনুভব করেছিলাম।

বাল্যবয়সে প্রেম করেছিলেন, জীবনসংকট ও সমস্যার যন্ত্রণার মধ্যে পড়ে। তখন তার মধ্যে বিলাসের বৈভব ছিল না, হয়তো বা কোন মোহেরই স্থান ছিল না। আর আজ—অর্থাৎ ১৯৪২ সালের সেই রাত্রিটিতে স্মৃতিস্মরণের মধ্যে বিলাস-কৌতুক ও মোহের সরস জীবন-ভাণ্ডি উপচে উপচে পড়ে আমাদের দুজনকে ভাসিয়ে দিতে চাচ্ছিল।

মনি-বউদি অবলীলাক্রমে বলে গেলেন, কবে কখন কোন চিঠিতে যে গুঁকে প্রাণ সমর্পণ করেছিলাম তা আমি জানি না। উনিই বা যে কবে আমাকে চেয়ে ছিলেন মনে মনে তারও হিসেব গুঁর ঠিক নেই। কিন্তু এ সবে ঠিক হিসেব রেখেছিলেন রত্না মাসী। তিনি চিঠির খবর সন্দেহ করতেন কিন্তু ধরতে পারতেন না। ফলে আমার উপর নির্ভাতন ক্রমশ বাড়ছিল। বাড়ছিল আমার পড়াশুনো উপলক্ষ করে এবং গুঁর সঙ্গে ঝগড়ার পরিমাণ বাড়ছিল যে-কোন ছুতো অবলম্বন করে। সুতরাং তিনি বলতে পারতেন কার চোখের ভাষায় কবে কোন তারিখে

চাওয়ার কথা ফুটে উঠতে তিনি দেখেছিলেন।

এ ভদ্রলোকের তখন সবে কপাল খুলছে। দস্তুরমত আপিস টাপিস খুলে ইনি সবে বসছেন। এক ঘোড়ায় টানা একখানা পাঙ্কিগাড়ী, যাকে কম্পাসের গাড়ী বলে, তাই কিনেছেন। মাসীর বাড়ী যাওয়া আসা কমে গেছে। আমি পনেরো পার হয়ে ষোলতে পড়েছি। পড়ছি সেকেণ্ড ক্লাসে মানে ক্লাস নাইনে। মাসীর পাহারায় থাকি। ইস্কুলে মাসী বাড়ীতে মাসী পথে মাসী। তবু মাসীর সন্দেহ যায় না। মাসী হঠাৎ আমার জন্তে পাড় খুঁজতে লাগলেন। আগেই বলেছি আমি তখন ষোলতে পা দিয়ে ঘোড়শী হয়েছি। দাঁত দুটি উঁচু বলে এমনিতেই দেখনহাসি কিম্বা সুহাসিনী টুথপেন্স্টের বিজ্ঞাপনের ছবি বলে মনে হতে লেগেছে। ওদিকে রত্না মাসী তিরিশে পা দিয়েছেন এবং কোন্ কারণে জানি না মনের দারুণ অশান্তি সত্ত্বেও দস্তুরমত মোটা হতে শুরু করেছেন। সুতরাং ‘তরী-শ্রামা শিখরিন্দননা’ আমাকে দেখে যদি মাসী ঘাবড়ে গিয়ে থাকেন তাহলে তার জন্তে কোন দোষ তাঁকে কেউই দিতে পারবে না। ঠাকুরজামাই, রত্না মাসীকে সেজন্তে অর্থাৎ আমার বিয়ের জন্তে ব্যস্ত হওয়ার আমি দোষী মনে করিনে।

আমি ঘাবড়ে গেলাম। কেন ঘাবড়ে গেলাম তা বুঝি নি। তবে ঘাবড়ে গিছলাম এটা ঠিক কথা। প্রস্তাবটা শুনে মনে হয়েছিল, মাসী আমাকে বিচিত্র পন্থায় যাবজ্জীবন দীপান্তর বা কারাদণ্ডের মত একটা দণ্ড দিতে চাইছে।

সুতরাং আমি বলেছিলাম—না।

মাসী আশ্চর্য ভীক এবং তীর্যক দৃষ্টিতে আমার অন্তর ভেদ করে তাকিয়ে প্রশ্ন করেছিল—
কেন ?

উত্তর তো ছিল না, সুতরাং চূপ করে ছিলাম।

মাসী গর্জন করে উঠেছিল—‘বল’।

কিছুক্ষণ চূপ করে থেকে আবার বলেছিলেন—‘বল। কেন বিয়ে করবে না সেটা বলতে হবে তো! বল’।

আমি এবার সাহস সঞ্চয় করে বলেছিলাম—বিয়ে আমি করব না।

—বিয়ে করবে না ? কেন ?

—তুমিও তো বিয়ে কর নি।

—না। করি নি। তার কারণ আছে—। তুমি বিয়ে করবে না, তার কারণটা কি ?
বল ?

উত্তর আর চালিয়ে যেতে পারি নি, সুতরাং মাসী বিজয়িনীর মত বলেছিলেন—যাও, পড়া-শুনা কর গে। যা করবার সে আমি করব। বাদরামি, পাকামি।

ঠিক সেইদিন সন্ধ্যাবেলা আমার না-দেওয়া জবাবটা দিলেন উনি। অর্থাৎ মাসীর প্রিয়তম বন্ধু। অমৃতবারু তখন আসাযাওয়া কমিয়ে দিয়েছেন। যার মধ্যে ফুটে উঠেছে রত্নমালার প্রতি তাঁর বিরক্তির চিহ্ন। কিন্তু ঠিক সেইদিনই এলেন তিনি। তিনি সমস্ত শুনে বললেন—

না। ওর অমতে কেন বিয়ে দেবে তুমি? ওর বাপ আমাকে বলেছিলেন—দেখ, ওকে পড়িয়ে। মনটাকে ভৈরী করে দিয়ে।

মাসী বলে উঠেছিল—না। লেখাপড়া শিখে কি হবে? এই তো আমার মত হবে। না। তা আমি হ'তে দেব না। মেয়েদের চাকরী করে খাওয়ার মধ্যে গোরব হয়তো অনেক-অনেক কিন্তু তার মধ্যে শাস্তিও নেই সুখও নেই। আমি মানি না।

উনি—অর্থাৎ অমৃতবাবু বলেছিলেন—

মণি বউদি বলেছিলেন—আশ্চর্য শাস্তভাবে এবং তার থেকেও আশ্চর্যতর দৃঢ়তা ছিল ঠর শাস্ত ভাবটির মধ্যে। উনি (অমৃতবাবু) বলেছিলেন—সে তুমি মানো বা না-মানো তাতে কিছুই আসছে যাচ্ছে না রত্ন। এক্ষেত্রে যা মানতে হবে সেটা হ'ল ওর বাপের অস্তিত্ব ইচ্ছা এবং ওর নিজের অস্তরের বাসনা। অবশ্য তার সঙ্গে ওর যোগ্যতাও বিচার্য নিশ্চয়। এ তিনটিই কিন্তু তোমার মতকে সমর্থন করে না। এরপর সব থেকে যেটা বড় কথা সেটা হ'ল—মেয়েটি কারুর পোষ্য নয়। কাছে থাকলেও তোমাকে ওর জন্তে অর্থব্যয় করতে হয় না। ওর বাপ যে টাকা রেখে গেছেন—ক্যাশ সার্টিফিকেট রেখে গেছেন—ওর মায়ের যা গহনা আছে, তাতে ও কারুর দয়ার উপর নির্ভর করে না। ওর মজুত টাকা থেকে প্রতি মাসে তুমি টাকা নাও।

মাসী চীৎকার করে উঠেছিলেন—সে ওর মা থাকলে তাকেও এই টাকা থেকেই খরচ করতে হ'ত। সে রোজগার ক'রে আনত না।

অমৃতবাবু বলেছিলেন—সেক্ষেত্রে টাকাটায় মায়ের অধিকার থাকত। মা আর মাসী ঠিক সমান কথা নয়।

মাসী আবার বলে উঠেছিল—অত্যন্ত অসহিষ্ণুভাবে বলে উঠেছিল—ভাল কথা, তুমি কি ক'রে বাধা দাও আমি দেখব। বিয়ে দিয়ে ওকে আমি বিদায় করব, তবে আমি রত্নমালা।

অমৃতবাবু বলেছিলেন—শোন, ভাহলে বলি। তা করতে চাইলে আমি কোর্টে গিয়ে দরখাস্ত করব, বলব—ওর বাপের শেষ ইচ্ছা আমি বহন করছি এই অধিকারে আদালতে আশ্রয় নিচ্ছি। ওর বাপের শেষ ইচ্ছা অনুযায়ীই আমি ওকে ওর মাসীর কাছে পৌঁছে দিয়েছিলাম। এখন দেখছি মাসী মেয়েটির নিজের ইচ্ছার বিরুদ্ধে এবং ওর বাপের শেষ ইচ্ছার বিরুদ্ধে জোর করে বিয়ে দিতে চায়। সুতরাং মেয়েটির স্বাধীন ইচ্ছা পড়াশুনা করা, এবং বাপেরও সেই অস্তিত্ব ইচ্ছা যাতে পালিত ও পূর্ণ হতে পারে তার জন্ত এই বিরুদ্ধবাদিনী মাসীর কাছ থেকে তাকে সরিয়ে নিয়ে কোন নিরাপদ হোম বা বোর্ডিংহাউসে বা রেসিডেনসিয়াল ইন্সুলে তাকে রাখার অর্ডার হোক এবং তার পৈতৃক টাকা গহনা ক্যাশ সার্টিফিকেট ইত্যাদি কোন এ্যাটর্নির হাতে দিয়ে তাঁকেই আইনসম্মত গার্জেন-নিযুক্ত করা হোক।

এক নিশ্বাসে বলে গিয়েছিলেন অমৃতবাবু। যেন মনে মনে সমস্ত কথাগুলো ফেঁদে মকুশো

করে এসেছিলেন।

ওনে রত্নামাসী স্তম্ভিত হয়ে গিয়েছিলেন। মুখখানা লাল হয়ে উঠেছিল—চোখদুটো নিম্পলক—চোখের তারা দুটোতে যেন একটা ঝকমকানি খেলে যাচ্ছিল।

মণিবউদ্দি বললেন—আমাকে নিয়ে মাসীর সঙ্গে গুর বগড়া সেই নতুন নয়। বারো বছরে এসেছিলাম—এখন পনেরো পার হয়ে যোলতে পড়েছি। চার বছর গেছে। বগড়া আরম্ভ হয়েছে সববতিয়া মাসীকে নিয়ে—ওর কাছে এসে পৌছানোর ঠিক পরদিন থেকে। কিন্তু কখনও রত্না মাসীকে হারতে দেখি নি। উনিও (অমৃতবারু) কখনও বান্ধবীকে অর্থাৎ আমার মাসীকে এমন ক'রে হার মানান নি। বগড়া শুরু করে একটা জায়গায় এসে মাসীকে কোঁশলে নিরস্ত এবং নিরস্ত দুইই ক'রে মুখে নিজে হার মেনে নিতেন এবং নিতেন প্রেমিকের মতই সহাস্ত আত্মনিবেদনের ভঙ্গিতে—বলতেন—বেশ-বেশ তাই, তাই হ'ল গো। আমি হার স্বীকার করছি। তুমি যা করবে তাই হবে। তবে তোমার সাম্রাজ্যে এ অধীন অল্পগৃহীত জন বলতে চায় যে, আমার বাক্যদানের কথাটা স্মরণ করো। আমার যুক্তিটা ভেবে দেখ।

মাসী হেসে ফেলে বলতেন—খুব যাহোক তুমি।

সে-দিনই হ'ল প্রথম, স্পষ্ট, প্রত্যক্ষ ব্যতিক্রম। উনি ওই কঠিন কথাগুলি বলেই উঠে চলে গেলেন। নিজের তরফ থেকে আপোসের চেষ্টা করা দূরে-থাক, মাসীকেও তার নিজের হাতে রান্নাকরা চড়াহুন তরকারিটাতে খানিকটা গুড় মিশিয়ে মুখে দেবার মত করে নেবার অবকাশ দিলেন না।

আমি মনে মনে খুব খুশী হয়েছিলাম ঠাকুরজামাই। মুখে আমার হাসির রেখা ফুটেছিল। হঠাৎ সশব্দ পদক্ষেপে মাসী গোটা বাড়ীটাকে চমকে দিয়ে আমার সামনে এসে দাঁড়িয়ে ঠাস-ঠাস করে কয়েকটা চড় কষিয়ে দিলেন। একটা গালে, একটা মুখের ওপর কপালে আর একটা মাথায়। বললেন—কে ওকে এসব খবর দিলে? কে? আজ সকালে কথা হয়েছে—আজই এসেছে। অথচ এ বাড়ী মাড়ানো ছেড়েছে। হঠাৎ আজই কেন এল বল? বল? বল? কে খবর দিয়েছে বল?

সাত

মণি-বউদ্দি কথা বলতে বলতে হঠাৎ হেসে ফেললেন। বেশ বিচিত্র হাসি-মুখেই আমার দিকে নিম্পলক দৃষ্টিতে তাকিয়ে রইলেন। সে তাকানো এমন যে আমি অশস্তি অনুভব না করে পারলাম না। অথচ এ বাড়ীতে চুকে অবধি এ পর্যন্ত এতটুকু সন্কোচের কোন হেতু পাইনি। মণি-বউদ্দির ঠোঁটের সেই বিচিত্র হাসি যেন অল্পে-অল্পে বেড়ে চলেছিল কোন সবিশেষ কারণে।

আমি জিজ্ঞাসা না করে পারলাম না—কি হল?

গভীর কোন ভাবনা না-হোক ভাবরসের আত্মদনের মধ্যে বউদ্দি যেন মগ্ন হয়ে ছিলেন;

প্রশ্নটা এক ডাকে ঠিক সাজা জাগালে না। দ্বিতীয়বারে একটু চকিত হয়ে উঠে সাজা দিলেন—
—এঁয়া ?

বললাম—খামলেন যে ? কি হল ? এবং আমার মুখের দিকে তাকিয়ে হাসছেন কেন ?

এবার, কি কবে করে হাসা যাকে বলে, সেই কি কবে করে হেসে বউদি বললেন, নারী পুরুষের সম্পর্কের কথা ভাবছিলাম। সংসারে কার্যের পিছনে কারণ থাকে। সে কারণের মূল ধরে এগিয়ে গভীরে গেলে আত্মা প্রকৃতির সেই উষ্ণ প্রশ্রবণে গিয়ে পৌঁছতে হয়। কিন্তু সেখানে গিয়েও বোকা কিছু যায় না তবে তার জিজ্ঞাসা থাকে না, বোকা হয়ে যায়।

মানে বুঝি নি। একটু অবাক হয়ে তাকিয়ে রইলাম।

বউদি বললেন—মাসী সেদিন আমার গালে মুখে ক্রোধবশে চপেটাঘাত করেছিলেন, আঘাতগুলো আমার মুখে কিন্তু ঠিক পড়েনি ; বলতে গেলে মাসীই নিজের গালে-মুখে চড় মেয়েছিলেন। এবং প্রশ্ন করেছিলেন, কি করে জানলে ? কে জানালে ? বল। কে জানালে বল ? এ প্রশ্নের উত্তর সেদিন সে মুহূর্তে আমি জানতাম না। কল্পনাও করতে পারিনি যে এ বিশ্বসংসারে এমন দরদী আমার কেউ আছে যে আমার দুঃখ সহিতে না পেরে তা অমৃতবাবুর কাছ পর্যন্ত বয়ে নিয়ে গিয়ে নিবেদন করে দিয়ে আসবে।

আমি ভেবেছিলাম বা ভাবতে চেষ্টা করেছিলাম যে, কাকতালীয় গ্রাম অমৃতবাবু তিন নিতান্ত আকস্মিকভাবেই এসে পড়েছিলেন সেদিন ; কিন্তু না। তা নয়, তিনি মাসীর সন্দেহমত খবর পেয়েই এসেছিলেন। খবর সত্যিই একজন তাঁর কাছে পৌঁছে দিয়ে এসেছিল। প্রকৃতির রাজ্যে বাতাস যেমন ফুলের গন্ধ মোমাছিকে পৌঁছে দেয়, অনেকটা সেইভাবে পৌঁছেছিল।

মাসীর বাড়ীতে ছিল এক প্রৌঢ়া ঝি, আর এক ছোঁড়া চাকর। রয়স তখন তার তের কি চৌদ্দ, তার বেশী নয় ; বছর চারেক আগে যখন মণি-বউদি এ বাড়ীতে প্রথম আসেন তখন ছেলেটা ছিল ন'-দশ বছরের। নিতান্ত অমুগত ভালোমানুষ চাকর। 'সাত চড়েও রা কাড়ে না' বলে একটা কথার কথা প্রচলিত আছে, সেটা আশ্চর্যরকমে সত্যি ছিল এই চাকরটার বেলা। ছেলেটা কানে একটু খাটো ছিল, তারই জন্মে মুখের দিকে বোকামত তাকিয়ে থাকত। একটা কথা অস্তুতঃ বারকয়েক জিজ্ঞাসা করলে পর তবে সে তার জবাব দিত। একটু বোকামতের দেখেই রত্নামাসী ছোঁড়াটাকে রেখেছিল। মাইনে কম দিত। এঁটো—কাঁটা যা থাকত তার কিছুই ফেলতে দিত না। মাছের কাঁটা, মাংসের হাড় চুষেই কান্ড হত না, চিবিয়ে চুর করে ছাড়ত। সেই ছোঁড়াটা তখন চার বছরে বেড়ে চৌদ্দ কম্প্রিট করে পনেরোতে পড়েছে। আমার একটু অমুগত হয়ে পড়েছিল।

কাজ-কর্মের মধ্যে ফাঁক পেলেই কাছে এসে দাঁড়িয়ে চুপিচুপি বলত, কোন কাজ করতে হবে দিদিমণি।

ছোঁড়াটার তখন বোকা ভাবটা কিছুটা কেটেছে বয়সের সঙ্গে, না হলে, বুঝতেই পারছেন, চুপিচুপি জিজ্ঞাসা করত না।

আনিয়ে এসেছিল সেই ছোঁড়াটা। নাম ছিল 'পরসাদ'; কি পরসাদ তাও কেউ কোন দিন জিজ্ঞাসা করেনি, তবে শুধু পরসাদ তো হয় না, হয় রাম, নয় শিব, কালী, দুর্গা, বা দেব বা দেবী কোন একটা শব্দের পরসাদ হতেই হয়, কিন্তু সেটা কেউ জানত না।

আমাকে সেদিন বিয়ের কথা নিয়ে মাসী যে লাঞ্ছনা করেছিল, সেটা তার চৌদ্দ-পনের বছরের নবীন মনটিকে বেশ সহানুভূতিসম্পন্ন করে তুলেছিল। খবরটা সেদিন সে-ই গিয়ে দিয়ে এসেছিল অমৃতবাবুর কাছে। বেশ ভক্তি করে, কণ্ঠস্বরে সেই চৌদ্দ-পনের বছরের ছেলেটির বেদনার্ত কণ্ঠস্বরের আমেজ নকল করে, মণি-বউদি বলেছিলেন, পরসাদ বলেছিল, বহুৎ দুখ দেতি ছায় মাইজী। ব-হ-ত্। দিদিমণিকে এমুন করে বক্লে—। দিদিমণির ব-হ-ত দুখ লাগল। দোনো আঁখে পানি আয়া।

একটু চূপ করে থেকে মণি-বউদি বললেন, পরসাদ আছে, বেশ সুখে-স্বচ্ছন্দেই আছে। আমাদের ফায়ার-ব্রিকস ফায়ার-ক্লেসে ওখানে একটা বেশ দোকান করেছে। কিছু ফায়ার-ক্লে কেটে সাপ্লাই-এর কারবারও করে। বোকা আর নয়। আমিই তাকে দোকান-টোকান করে দিয়েছি। আমার সঙ্গে ঠুর বিয়ে না হওয়া পর্যন্ত পরসাদ আমাদের কাছেই ছিল।

আবার একটু চূপ করে থেকে যেন ভেবেটেবে নিয়ে বউদি বললেন, আপনাদের সাহিত্যে রবীন্দ্রনাথের কেষ্টা, রাজারানীর শঙ্কর, শরৎবাবুর বেহারী, অমুরুপাদেবীর মথুরো—এরা অমর চরিত্র। চাকর হয়েও সত্যিকার মানুষ, চাকরদের যে নিচু-তলা, সে তলা ছাড়িয়ে তারা বড় হয়ে উঠেছে। পরসাদও আমার তাই। অনেকটা তাই। আবার তফাৎও অনেকটা। হয়তো বা—।

চূপ করে গেলেন আবার। মনে হল যেন মনে-মনে কথা খুঁজে বেড়াচ্ছেন। চোখের চাউনির মধ্যে যেন অন্যান্মনস্কতা, সেই অগ্ৰম্নস্কতাই কথা জুগিয়ে ছিচ্ছিল। হঠাৎ বললেন—
মানে—।

কি বলব? আবারও একটু চূপ করে থেকে বললেন, এবার যেদিন আসবে, সেদিন আপনাকে খবর দেব। নিশ্চয় আসবেন। কারণ খুশী হবেন। সত্যিকারের একটা মানুষকে দেখবেন। এই লম্বা। কালো কষ্টপাথরে গড়া চেহারা। চল্লিশ ইঞ্চি বুকের পাটা, কোমরটা আটাশ-তিরিশের বেশী নয়। অসাধারণ সাহস, সহশক্তি। আর খুব ভালো গোলাপ ফোঁটাতে পারে। ওই কারখানার এলাকায় একটা ছোট বাংলাবাড়ী করেছে এখন; এখন তো তার অবস্থা ভাল, সেখানে বাগান করেছে। চমৎকার বাগান। চমৎকার ফুল। বিশেষ করে গোলাপ, রজনীগন্ধা, বেলা আর চামেলী। যখন এখানে আসে তখন ঝুড়ি ভর্তি করে নিয়ে আসে। আগে তো নিয়মিত পাঠাতো সে রোজ। অনেক কষ্টে বুঝিয়ে বন্ধ করেছি।

আপনি নিশ্চয় জানেন, কানে আপনার নিশ্চয় এসেছে যে, মণিমালা মুখার্জী, মিসেস এ মুকুরজীর চালচলন সম্প্রহজনক। সেটা দুপুরে এইভাবে সাধুসন্ন্যাসী গণৎকার দেবতাস্থান বেড়ানোর জগ্গেই শুধু নয়। আর নাকি অনেক কারণ আছে যা অত্যন্ত কদম্ব। তার প্রথম

কারণ আমার বয়স আর আপনার শ্রালকের বয়সের তফাৎ ; আমার দেখনহাসি এই চেহারা এবং আমার হাসিখুশী ; তাছাড়া উলসিত বিলসিত চরিত্র এবং বি-এ ডিগ্রির মধ্যে যে অসামঞ্জস্য সেই অসামঞ্জস্য দোষ আর তার সঙ্গে ওই পরসাদের ফুলের রাশির উপটোকন—সোনার সঙ্গে সোহাগার মত জুটে গেছে ।

আমার মুখে বোধ করি কোন ভাবান্তরের চিহ্ন দেখেছিলেন মণি-বউদি । তিনি বললেন— থাক, কথাটা বেশী আড়ম্বর করে নাটুকে ভক্তিবে বলব না ; সোজা রাস্তায়, সাদামাটাভাবে সত্য কথাটা বলি আপনাকে । আপনার মুখে লাল ছোপ ধরেছে ; আমার জগ্রে হয় আপনি লজ্জা পাচ্ছেন, নয় অস্বস্তি, অশাস্তি ভোগ করছেন ।

মণি-বউদি একটা দীর্ঘশ্বাস ফেলে বললেন, আমার মাসীই আমার গায়ে কলঙ্কের কালি ছিটিয়ে দিয়েছিল প্রথম । আমার জীবনের কলঙ্ক সেই যে চন্দ্রগ্রহণের মত লাগল, ওর আর মোক্ষ হল না কোনদিন । সেদিন মাসীর সঙ্গে অমৃতবাবুর কথাবার্তায় তপ্ত খোলায় ধান থেকে খই ফুটল এবং মাসী আমাকে চড় ঘেরে জিজ্ঞাসা করলে—ওকে কে খবর দিলে বল, সেদিন সে-প্রশ্নের উত্তর আমিও দিতে পারলাম না, তিনিও বের করতে পারলেন না । কিন্তু বছর দুই পর মাসীই প্রথম বের করলেন যে, খবরটা দিয়ে এসেছিল ওই বোবার মত ইন্ডিয়ট পরসাদ । এবং তার অন্তর্নিহিত কারণ আমার প্রতি অন্ধ অবুঝ উন্মাদ কামনা ।

হেসে আবার বললেন, এসব শব্দগুলো বেশ ভেবে বেছে, বাছাই করে প্রয়োগ করছি, নইলে প্রথম যেদিন মাসী এ অপবাদ দিলে, সেদিন ওই সংস্কৃতিবান ঘরের লেখাপড়া-জানা পেশায়-শিক্ষিকা মেয়েটি সোজাসৃজি যে ভাষা প্রয়োগ করেছিল, সে শুনে কানে আঙুল দিতে হয় । ‘পিরীত’ ‘ছেনাল’ শব্দ দুটো সেদিন তার মুখ থেকে নিরাপদে ঘরের ভেতরে সাপ বের হওয়ার মত বের হয়ে এল । আমি প্রথম দিনটায় স্তম্ভিত হয়ে গিয়েছিলাম । তারপর মাসীর মুখ আরও খুলল, তার ধারালো জিভ আরও খেলতে লাগল । এবং ওই সব শব্দের সংখ্যা বাড়তে লাগল ।

ওদিকে অমৃতবাবুর সঙ্গে মাসীর বগড়া বাড়তে লাগল ।

একটা কিছু হলই অমৃতবাবু ঠিক খবরটি পেয়ে যেতেন । এ-বেলা হলে ও-বেলায়, রাতে হলে পরদিন সকালে ।

এরই মধ্যে আমার ম্যাট্রিকুলেশন পরীক্ষা দেওয়া হয়ে গেল । ইন্সুল থেকে ছুটি পেলাম । ইন্সুল যেতে হত না আমাকে, কিন্তু মাসীকে যেতে হত । আমি বাড়ীতে থাকতাম । কিছুদিন ঘেন বেঁচে গিছিলাম ।

মাসীর তখন সন্দেহের বীজ থেকে অন্ধুর কেন, গাছ হয়েছে । মাসীর সন্দেহ ছিল অমৃতবাবু আমার ষোল বছরের ষোঁবন ও রূপের আঙুনে পতঙ্গের মত আকৃষ্ট হয়েছেন । ভাবতেন মাসী নিজে লঠনের কাহুসের মত আমার রূপর্যোবন শিখাকে ঘিরে রেখেছেন তাই রক্ষে, নইলে এতদিন কবে অমৃতবাবু রূপ করে কাঁপ দিয়ে পড়ে নিজে পুড়তেন এবং আমার শিখাকেও নিভিয়ে দিতেন । এবং পোকা পোড়ার কর্দম গন্ধ বিশ্বব্রহ্মাণ্ড ব্যাপ্ত করে

কলঙ্কের গন্ধে ভরে দিত।

এবার যখন কাহ্নসরূপিণী মাসীকে আমাকে একলা রেখে ইন্ডুলে যেতে হল, আমি একলা বাড়ীতে থাকতে লাগলাম, তখন তাঁর উৎকর্ষা-উষেগের আর সীমা রইল না। দিন আট-দশ বেশ শান্তিতে কেটেছিল। তারপরই মাসী জিনিস ফেলে যেতে লাগলেন। ইন্ডুল থেকে রিক্শা করে এসে হাজির হতেন। এবং দরজায় ধাক্কা মেরে শোরগোল তুলে সেই দুপুরবেলায় গোটা পাড়াটাকেই চঞ্চল এবং চকিত করে তুলতেন। প্রথম কয়েক দিন লোক কিছু চকিত হয়েছিল চাৎকারের জন্তে, কিন্তু দুতিনদিন পর থেকে বিষয়বস্তুর মধ্যে কলঙ্কের স্বাদ পেয়ে তারা উল্লসিত কোঁতুহলে কোঁতুহলী হয়ে উঠেছিল। উদ্গ্রীব হয়ে থাকত মাসীর উত্তপ্ত উচ্চ কণ্ঠস্বরের জন্ত। তারপর ক্রমে ক্রমে এতেও মন্দা পড়ল, কারণ স্বাদটা পুরনো একঘেয়ে হয়ে আর তেমন রুচিকর রইল না।

অগ্নাদিকে মাসী যেন তাঁর দিক থেকে জোর হারাচ্ছিলেন। আমাকে ঠিক হাতেনাতে ধরতে পারছিলেন না। এবং এই অগ্নাদিকের অগ্নাদিকে অহুভব করছিলেন, যে-অমৃতবাবু তাঁর কৈশোর-ঘোবনের বন্ধু, তিনি তাঁর কাছ থেকে দূরে চলে যাচ্ছেন।

মানুষটা তখন বিষয়-ব্যাপার নিয়ে বেশ মেতে উঠেছে। ব্যবসায়ের আয় হচ্ছে। ভাল আয়। আয়কর বিভাগের আওতায় গিয়ে পড়েছেন। আমার ব্যাপার নিয়ে ঝগড়াট এড়াবার জন্তে তিনি ঠিক করে ফেললেন, আমার পরীক্ষার ফল বের হলেই আমাকে পাঠিয়ে দেবেন কোন বোর্ডিংহাউসে। আমি সেখানেই থাকব। মাসীর সঙ্গে কোন সম্পর্ক আর আমার থাকবে না।

আমি তখন সপ্তদশী। সতেরোতে পা দিচ্ছি।

মনে মনে, যেন উনোনে-চড়ানো কড়ায় টগবগ করে ফুটেতে শুরু করেছি।

নিশ্চয় বুঝেছেন কথাটা।

মুচকি মুচকি হাসতে লাগলেন মণি-বউদি।

তারপর বললেন, দুদিনের দুটো কথা বলি আপনাকে। বেহায়া হয়তো ভাববেন। তা ভাবুন। বেহায়া আমাকে করে দিয়ে গিয়েছে আমার মাসী। আমার প্রতি পদক্ষেপে, প্রতি কথায়, প্রত্যেক চাউনিতে সে বেহায়াপনা দেখতে পেত এবং তার জন্তে আমার লাঞ্চার বাকি রাখত না। আমার জীবনের সব কিছুতেই, চাউনি, চলাফেরা, হাসি-কান্নাতেও আমার অজ্ঞাত বেহায়াপনা আবিষ্কার করে ওই—‘পিরীত’, ‘ছেনালি’ গোছের অজস্র কথা আমাকে শুনিয়ে শিথিয়ে পাকা বেহায়া করে তুলেছিল।

ঠাকুরজামাই, বেহাাদের সঙ্গে পরিচয় আছে? তাদের বেহায়াপনা দেখেছেন? তাদের মুখে অশ্লীল কথা শুনেছেন? কণ্ঠস্বর তাঁর শব্দ এবং বাঁঝালো হয়ে উঠল।

বললেন, শোনে নি বললে বিশ্বাস করব না। আপনি বিব্রত হবেন না। আপনার কাছে কনফেসন আদায় করছি নে। বলছি তাদের কথা ভাবলেই বুঝতে পারবেন যে, ওই অশ্লীল শব্দগুলো এবং ধারাপ ধারাপ ইমেজগুলো মানুষের মনে জন্মদোষে বা আপনা-আপনি, ফাল্গনের

শেষের পাতাঝরা ডাল-ভরা পলাশ-শিমুলের মত কোটে না। ওগুলোকে চাষ-আবাদ করে ফলাতে হয়। ভদ্রঘরের বউ বা মেয়ে যখন ওপাড়ায় ওদের বাড়ী গিয়ে পড়ে, তখন ওই শব্দ আর ওই ভাব-ভাবনাগুলো হাসির মধ্যে, রাগের মধ্যে, টেচিয়ে খুঁচিয়ে তার কানে ঢুকিয়ে দেয়।

বলতে বলতে মণি-বউদি পালটালেন।

হাস্ত-রহস্ত-কৌতুকময়ী মেয়েটি যেন শব্দ কঠিন সোজা কোন ইম্পাতের ধারালো অস্ত্রের মত ঝকঝক হয়ে উঠলেন। চোখের দৃষ্টিতে জালা ফুটল। মুখখানা রাঙা হয়ে উঠল, নিজেও যেন শব্দ হয়ে উঠলেন।

আরও একটি কথা বলে নিই এইখানে। মণি-বউদির এ কথা তো আজকের কথা নয়। পঁচিশ বছরের বেশী আগের কথা। স্মৃতরাং মণি-বউদির সংলাপ যা বসিয়েছি তা ঠিক মণি-বউদির শ্রীমতী-মুখ-নিঃসৃত অবিকল কথাগুলি নয়। তবে তার সঙ্গে ভাবভঙ্গিতে মিল আছে। মণি-বউদি বি-এ পাশকরা মেয়ে এবং ব্রাহ্ম বাপ ও মাসীর কাছে মানুষ। এ-মেয়ে যে-কালেরই হোন এ-মেয়েরা দীপ্তিমতীই হয়ে থাকেন। অর্থাৎ জীবনে যেভাবে যেদিকেই মুখ ফেরান বা ফিরে তাকান একটা ঝকঝকানি থাকে। সে হাসিতেও বটে, কথাতেও বটে, রসিকতাতেও বটে, এমনকি কান্নাতেও বটে। সেই কথা মনে রেখেই মোটামুটি, সেই ১৯৪২ সালের আগস্টের শেষ বা সেপ্টেম্বরের প্রথমে এক গুরুপক্ষের রাত্রে তাঁর কাছে শোনা তাঁর কথাগুলিকে আমার ভাষাতেই প্রকাশ করেছি। তবে এমনি ধরনের একটা তীর্থক ভঙ্গিতেই সে কথাগুলো তিনি বলেছিলেন। কিন্তু এই যে শেষের কয়েকটা, সেখানে কৌতুকময়ী মনোরমা মণি-বউদি অকস্মাৎ শব্দ এবং সোজা ইম্পাতের কোন ধারালো অস্ত্রের মত হয়ে উঠে কথাগুলো বলেছেন, সেগুলো আমার ভালভাবে মনে আছে। কারণ, কথাটা শেষ করেছিলেন একটা গল্প বলে।

বলেছিলেন, একটা গল্প শুনেছিলাম বৃন্দলা ঠাকুরসাহেবের ঠাকুরবাড়ীতে পণ্ডিতজীর কাছে। এক ব্যাধ বন থেকে দুটো ময়নার বাচ্চা এনেছিল এবং একটা বিক্রী করেছিল এক ব্রাহ্মণকে, আর একটা বিক্রী করেছিল এক ব্রাত্যকে। (এখানে তিনি একটা জাতের নাম করেছিলেন।) বামূনের বাড়ীরটা বড় হয়ে উঠে ভোর থেকেই শুরু করত—কুম্ভরাধা, কুম্ভরাধা। সীতারাম, সীতারাম। লোক দেখলে বলত—আহ্নন, আহ্নন। আর ব্রাত্যের বাড়ীরটা সকাল থেকেই শুরু করত অন্নীল কথা। কুৎসিত গালাগালি।

এর পরে বলেছিলেন—আমি দুই বাড়ীর সকল বুলিই শিখেছিলাম। পাখী শুধু বুলি বলে, বুলির কোন ভাব তার অন্তরকে দোলা দেয় না, নাড়ায় না, কিন্তু মানুষের মুখে যা বের হয়, বৃকের ভেতর থেকেই তার জন্ম হয়। কানে যা ঢোকে, তার মানেটা বৃকের ভিতরটায় ভাবের চেউ তুলে আছাড় খেয়ে পড়ে।

ঠাকুরজামাই, সন্তের বছর বয়সে তখন সবই শিখেছি। কানে আর তখন কথাগুলো খুব

কটু ঠেকে না। খুব ঝাল-ভরকারি খেয়ে অভ্যেস হয়ে গেলে যেমন নামেই ভিজ্জে জল আসে এবং খেয়ে পেট-মুখ জ্বললেও মনে হয় আরও খাই, না খেতে পেলেই যেমন সবকিছুতে অরুচি ধরে, তেমনি অবস্থা হল আমার। ঠিক এই সময়েই একদিন আবিষ্কার করলাম চারটে বা ছজোড়া লুকু দৃষ্টি আমার দিকে তাকিয়ে আছে।

একজোড়া চোখ অমৃতবাবুর, অল্প জোড়া ওই ছোকরা চাকর পরসাদের।

শুধু আমি দেখলাম না। সে হলে আজ আমিই আপনাকে বলতাম—ঠাকুরজামাই, ঠিক বলতে পারছি না ভাই, লোভটা তাদের না আমার নিজস্ব মনের? আয়নাতে ছাপ পড়ার মত ছাপ পড়েছিল। দাঁড়ান, আগের কথাটা বলে নিই।

* * *

এরই মধ্যে, মানে, ঠিক আমার পরীক্ষার কল বের হবার প্রায় এক সপ্তাহ আগে একটা কাণ্ড ঘটে গেল।

অবশ্য অমৃতবাবু চেষ্টা করে আমার পাশের খবরটা আগেই জেনেছেন ও জানিয়েছেন। আমি তখন খুব খুশী। বেশ হেসেই অমৃতবাবুর সঙ্গে কথা বলি, আবদার করি। এবং আরও যত্ন তীর্থক ভঙ্গিতে পরসাদের দিকে তাকিয়ে হাসি। তখন একদিন চুরি হয়ে গেল মাসীর বাড়ীতে।

আট

এবার মণি বউদির কথা আমার জবানীতে বলছি—

মণিবউদির মাসীর বাড়ীতে হঠাৎ চুরি হয়ে গেল। তাতে যা গেল তা সবই গেল মণিবউদির। রত্নমালা-মাসীর গয়নাগাটি বিশেষ ছিল না। ইস্কুলের শিক্ষয়িত্রী, তাঁর গয়নার উপর সাধ থাকলেও সাধা ছিল না; থাকবার মধ্যে প্লেন বালা, কানের টাপ, গলার হার আর একটা হাতঘড়ি। সে সবে মধ্য হাতঘড়িটা ছিল বালিশের তলায়, বাকী যা কিছু তা ছিল গায়ে। সে সবে তারা হাত দেয় নি। তারা ঘরের কোণে একটা লোহার সেক ছিল সেটা বিচিত্র কোন কোশলে খুলে তার ভিতর থেকে নিয়ে গিয়েছিল দামী এবং মজবুত একটা ষ্টিলের ক্যাশবাক্স। তার মধ্যে ছিল মণিমালার মায়ের গহনা, মণিমালারও বাড়তি বা তোলা গহনা যাকে বলে তাই কয়েকখানা, আর তার বাপের কেনা ক্যাশ সাটিক্রিকেট।

মণি বউদি বলেছিলেন, বলতে ভুলে গেছি, আয়রণ সেকটা সমেত গয়নার বাক্স উনি নিয়ে এসেছিলেন পাটনা থেকে আমারই সঙ্গে। আমাকে এনে ভুলে দিলেন মাসীর বাড়ী, তাই ওই আয়রণ সেক সমেত ক্যাশবাক্সটাও এসে উঠেছিল মাসীর বাড়ী। চাবি কয়েকটা প্রথম ওঁর কাছেই থাকত, তারপর এসেছিল মাসীর হাতে।

কলকাতায় এই ধরনের চুরি আশ্চর্য চুরি হলেও বছরে অনেক কয়েকটা ঘটে, বাইরে থেকে ভিতরের ছিটকিনি হড়কো খিল খুলে তারা ঘরে ঢুকে অঙ্কারের মধ্যে বা টর্চ

জেলে বাস্ক-পেটরা বের করে নিয়ে চলে যায়, ঘরের মাহুঘেরা ঘরে অগাধ ঘুমে ঘুমিয়ে থাকে ; কোনক্রমেই লোকজনের চলাফেরায় বা জিনিসপত্র সরানোর শব্দে তাদের ঘুমের কোন ব্যাঘাত হয় না । এ সেই ধরনের চুরি ।

সিন্দুক খুলে ক্যাশবাক্সটা এবং চৌকির ওপর রাখা গোটা দুই ট্রাক নিয়ে চলে গেছে । কোন প্রকারের কোন নিশানা রেখে যায়নি । নিশানার মধ্যে পাওয়া গেল পরিত্যক্ত ভাতা বাস্ক কয়েকটা : বাড়ীর ঠিক পিছনেই জমাদার যাতায়াতের গলির মধ্যে । ভিতরের বস্ত্র-গুলির কোন সন্ধানই কোন সূত্রে পুলিশ আবিষ্কার করতে পারলে না । আবিষ্কার করবার জন্ত ধরে নিয়ে গেল পরসাদ অর্থাৎ ছোকরা চাকরটাকে : বোকা সরল পরসাদ তখন কৈশোর পার হবো-হবো করছে ; তার চোখের দৃষ্টি বদলের কথা আপনাকে বলেছি, সম্ভবতঃ সেই নতুন-রকম দৃষ্টি দেখেই তারা তাকে ধরে নিয়ে গেল, বলে গেল, ছেলেটার রকম-সকম খুব সাস-পিসাস, ওকে নেড়ে দেখতে হবে । আর বাড়ীর লোক ভিতর থেকে খবর না-দিয়ে থাকলে এ চুরি হয় না ।

প্রায় মাস দুয়েক ধরে নাড়া খেয়েছিল পরসাদ এবং লছমন পরসাদ ছাঁড়াও আরও কিছু-লোকও নাড়া খেয়েছিল ; রেহাই পায় নি ।

মণিবউদি বললেন—সে আমার মাসী থেকে আপনার দাদা পর্যন্ত । মাসীর বাড়ীতে থাকত একটা ঝি, সে তো পাগল হয়ে যাবার উপক্রম করলে । মাসীকে অমৃতবাবুকে জিজ্ঞাসাবাদ করত বাড়ীতে এসে ; আমাকেও বাদ দেয় নি ; আমাকেও জিজ্ঞাসা করত । যখন জিজ্ঞাসা করত তখন আমার ভয় হত, মনে হত হয়ত আমাকেই জেলে ধরে নিয়ে যাবে ।

জিজ্ঞাসা করত কি জানেন, জিজ্ঞাসা করত কাকে-কাকে তুমি তোমার মায়ের গমনার কথা বলেছ ? মনে কর তো ? কোন মেয়েবন্ধুকে বল নি ? কোন মেয়েবন্ধুর ভাইয়ের সঙ্গে আলাপ নেই ? ওই পরসাদ ছোঁড়াটাকে বল নি যে, তোমার মায়ের গমনা টাকাগুলো পেলে তুমি মাসীর কাছ থেকে গিয়ে বাঁচতে ? বলতে না ?

আমার দম বন্ধ হয়ে আসত । আমারই যখন এই অবস্থা তখন মাসীর এবং মাসীর ঝি'র অবস্থা সহজেই অনুমান করা যায় । ঝিটা থানা থেকে এসে ডাক-ছেড়ে কাঁদত । আমাকে অভিসম্পাত দিত ।

মাসীও তাই । এক-একদিন বলত—আমি বিষ খাব । বিষ খেয়ে মরব । কাপড়ে কেরোসিন ঢেলে আগুন লাগিয়ে পুড়ে মরব ।

অমৃতবাবু এ বাড়ীতে আসতেন না । তাকে সম্মুখে না-পেয়ে উদ্দেশে অভিযোগ করে বলত আমার জীবনের অভিশাপ, আমার কুগ্রহ । ওই কুগ্রহের জন্তেই আজ আমার এই অবস্থা । আজ আমি পথের কুকুরের থেকেও অধম হয়ে গেছি । সারা জীবনটাকে শুকিয়ে ঝরিয়ে পথের ধুলোয় মিথেমিথি মিশিয়ে দিলাম । সাধ আকাজ্জা আশা সব কপূরের মত কোন দিকে উবে গেল । এঁটো পাতার মত অবস্থা আমার । ওই একটা লোকের জন্যে । ওই লোকটা ।

অর্থাৎ অমৃতবাবু।

বউদি অর্থাৎ মণিমালা-বউদি হেসে বললেন—আর আমার সম্পর্কে যা বলতেন, যে-শাপ-শাপাস্ত দিতেন, তার কথা ঠিক বলে প্রকাশ করতে পারব না ঠাকুরজামাই। কারণ ময়্যার বাড়ি তো গাল নেই। শান্তিও নেই। কখনও কখনও নানান রোগ হোক বলে শাপ-শাপাস্ত করে কেউ-কেউ। আপনার শ্রালকের দেশে মেয়েদের বগড়ায় শুনেছি—বলে—চোখের মাথা খেয়ে। একটি একটি করে অঙ্গগুলি পচে-পচে খসে যাক। কিন্তু কথায় তো শাপ নেই নন্দাই, শাপ আছে, কথা বলার কোপের মধ্যে নির্ভরতার মধ্যে। সে জেহুইন—মানে আদি ও অকৃজিম না হলে নকল করে আনা যায় না। তবে শেষ যে শাপই বলুন আর বাণই বলুন যেটা নিক্ষেপ করলেন, সেটা এসে সোজা আমার বুকে বিঁধল। এবং গভীর অন্তঃস্থলে প্রবেশ করল। কিন্তু আশ্চর্যের কথা আমি মরলাম না।

মাসী পুলিশের কাছে বলে বসল, আমার বোনবি, আমি বলতে ঠিক পারি নি। আমার সন্দেহ হয়—। সন্দেহ হয়—ওই পরসাদ ছোঁড়াটার সঙ্গে ওর—।

কথাটা বাল এবং নোস্টা। শুনবা মাত্র জ্বিতে জল আসে; জ্বিতে দেবা মাত্র আরও একটু মুখে দিতে ইচ্ছে করে। পুলিশ কথাটা শক্ত করে ধরে বসল।

আমার গায়ে ছাপ পড়ে গেল।

কলঙ্কের ছাপ।

মণিবউদি হেসে বললেন—সেই প্রথম। সেদিন বিহ্বল হয়ে গিয়েছিলাম নন্দাই। একেবারে দোবা যাকে বলে তাই। এর কোন জবাব থাকতে পারে তা আমার কল্পনাতেও আসে নি। আমি ওই প্রসাদ—ওই চাকরটার সঙ্গে—?

পরসাদকেও এর জন্তে কম নির্ধাতন করেনি পুলিশ। পরসাদ পুলিশকে বলেছিল, চুরির কথা সে কিছু জানে না। সে শিউজী মহারাজের মন্দির ছুঁয়ে একথা বলতে পারে। আর মণিদ্বি তাকে ভালবাসে কিনা সে জানে না, তবে মণিদ্বিকে যেভাবে তার মৌসী দুধ দেয় তাতে তার মনে খুব দুখ লাগে। এবং সে-ই এ সব খবর দিয়ে আসে অমৃতবাবুকে। এর বেশী কিছু নয়।

এরই মধ্যে হঠাৎ আমি সন্দিগ্ধ ফিরে পেলাম। সন্দিগ্ধের সঙ্গে কথা; কথার সঙ্গে মাসীর অভিযোগের জবাব।

বলে বসলাম—আমার সন্দেহ হয় মাসীই আমার গহনা টাকা চুরি করিয়েছে। এতদিন মাসী বলে চুপ করে ছিলাম। আজ আর চুপ করে থাকব না। কেন থাকব? মাসী অমৃতবাবুকে ভালবেসে বিয়ে করে নি, বাড়ী থেকে চলে এসে চিরকুমারী হয়ে রয়েছে এ তো সবাই জানে। এখন অমৃতবাবু আমাকে ভালবাসে, বিয়ে করতে চায় সন্দেহ করে আমার গহনা চুরি করিয়েছে, সঙ্গে-সঙ্গে চাকরের সঙ্গে কলঙ্ক রটিয়ে দিচ্ছে।

কথাটা মণিমালা বা মণিবউদি ভেবেচিন্তে বলেন নি।

সেদিন অর্থাৎ ১৯৩২ সালে সেদিন রাত্রে আমাকে তাঁর জীবন-কথা বলতে গিয়ে ঠিক এই

কথাটাই বলেছিলেন, আমার বেশ মনে পড়ছে। বলেছিলেন, কথাটা খুব ভেবে-চিন্তে আমি বলি নি নন্দাই; ছেলেমানুষের রগড়ায় একজন অল্পজনকে চোর বললে সে যেমন সঙ্গে-সঙ্গে বলে বসে—কি, আমি চোর? তুই চোর, তুই চোর, তুই চোর। ঠিক তেমনিভাবেই বলেছিলাম কথাটা। বলেছিলাম—আমি যদি পরসাদকে ভালবেসে তাকে দিয়ে আমার গহনা টাকা চুরি করিয়ে পালাতে চেয়ে থাকি, তবে মাসীই বা অমৃতবাবুকে আমার উপর এত সদয় দেখে পরসাদের সঙ্গে জড়িয়ে আমার নামে মিথ্যা কলঙ্ক দিচ্ছে না, এমনই বা হবে না কেন এবং আমার গহনা ক্যাশ-সার্টিফিকেট চুরি করিয়ে আমাকে সাজা দিতে চাচ্ছে না, এমনই বা নয় কেন? আরও একটা কথা বলে বসলাম। জানি না কেমন করে বলতে পেরেছিলাম। বলে বসলাম, পরসাদকে আমি ভালটাল বাসি নে। আমি ভালবেসে ফেলেছি অমৃতবাবুকে। অমৃতবাবুও আমাকে ভালবাসে। মাসীর রাগ সেইখানে। মাসীই বলুক না বুকে হাত দিয়ে নিজের মুখে সে কতবার এই কথাটা টেঁচিয়ে-টেঁচিয়ে বলেছে। মাসীর বিটা, তার নাম ছিল সত্যাবালা, সে শুনেছে, সেও এর সাক্ষী; বলুক না সে। অমৃতবাবু নিজেরই বলুন না, তাঁকেও একথা শুনেছে হয়েছে কিনা। বলুন উনি।

পুলিশ আমার কথা দিয়ে মাসীকে চার্জ করলে। মাসীর মুখ ফ্যাকাশে হয়ে গেল।

ফ্যাকাশে মুখে পুলিশ অফিসারকে বলে ছিল, এই কথা বলেছে মণি?

অফিসারটি বলেছিল, ডেকে মোকাবিলা করে দেব?

বোবা হয়ে গেল মাসী।

অফিসার তবু আমাকে ডেকেছিল, বলেছিল—আমাকে যা বলেছ তা তুমি আবার তোমার মাসীর সামনে বলতে পারবে?

মণিবউদি বললেন—আমি চূপ করে ছিলাম। আমার সাহস মুখোমুখি হয়ে ভেঙে আসছিল। অফিসারটি বললেন—আমাদের খাতা থেকে পড়ে শোনাচ্ছি।

মাসী বলছিল, থাক। আমি অমৃতবাবুকে ভালবাসি এ সবাই জানে। অমৃতবাবুই ওকে নিয়ে এসেছে ঘাড়ে করে এও সত্যি। আমি সন্দেহও করি এও সত্যি। অমৃতবাবু ওকে ভালবাসে এও খুব সম্ভব সত্যি; কিন্তু ও অমৃতবাবুকে ভালবাসে?

আরও কিছুক্ষণ চূপ করে থেকে বলে ছিল, কিন্তু চুরির কিছু জানি না আমি।

আমি মাসীর মুখের দিকে তাকিয়ে দেখছিলাম। মাসীর মুখ যেন ফ্যাকাশে সাদা হয়ে গিয়েছিল। মড়ার মত মুখ। ঠোঁট দুটো শুকনো মনে হচ্ছিল। চোখের চাউনি যেন বোকার মত, বিহ্বলের মত।

সব থেকে কৌতূহলজনক বা বিস্ময়জনক কি জানেন? সেটা হল অমৃতবাবুর কথা। অমৃতবাবুর মুখ ফ্যাকাশে হয়ে গেল না। অমৃতবাবুর টকটকে ফর্সা রঙ আরও যেন লাল হয়ে উঠল। বয়স তখন তাঁর চল্লিশ। মাথায় টাক পড়তে শুরু করেছে। তাছাড়া এঁদের বংশে চুল তিরিশের পরই ফিকে হতে শুরু করে; এঁর আবার একটু বেশী। ফলে বেশ ভারি ভারি

দেখায়। তার উপর দেশসেবক ব্রহ্মচারী বলে একটা নামডাক আছে। সেই মাহুঘটা কেমন যেন বাসরঘরের অল্পবয়সী বরের মত লজ্জিত এবং পুলকিত এবং সুরঞ্জিত হয়ে উঠলেন। এবং স্বীকার করলেন পুলিশ অফিসারের কাছে যে, মণিমালা যা বলেছে তাতে তাঁর প্রসঙ্গ যতটুকু আছে তা, সত্য বলেই তিনি স্বীকার করছেন। হ্যাঁ, মেয়েটির ভার তিনি সন্দেহে নিয়েছিলেন, তার বাপের মৃত্যুশয্যায়। এবং আজ তিনি এতদিন পর স্বীকার করছেন যে, ক্রমে ক্রমে স্নেহ এখন একটি উত্তম আকর্ষণে পরিণত হয়েছে। তবে তাকে তিনি প্রাণপণে সংযত রেখে এসেছেন। রত্নমালাই তাকে খুঁচে-খুঁচে ধোঁয়াটে উনোনকে খুঁচিয়ে জ্বালিয়ে তোলার মত প্রজ্ঞলস্ত করে তুলেছে। এবং মণিমালা যে সন্দেহ করেছে সে সন্দেহকে একেবারে অমূলক বলে উড়িয়েও দিতে পারেন না তিনি। তবে অবশ্য তিনি এ সম্পর্কে নীরবই থাকছেন। কোন মন্তব্যই করছেন না।

সেই দিন রাতে রত্নমালা-মাসী অমৃতবাবুকে চিঠি লিখেছিল। প্রিয়তম অমৃত বলে।

মণিবউদি বলেছিলেন, মাসী আমার এর পর চিঠির পর চিঠি লিখেছে; এবেলা লিখেছে ওবেলা লিখেছে। কিন্তু অমৃতবাবু একখানারও উত্তর দেন নি। সে সব চিঠিগুলো আমি সংগ্রহ করে রেখেছি।

—সে সব অনেক চিঠি। মাসীই চিঠি লিখত অমৃতবাবুকে। অমৃতবাবু কিন্তু তাকে কোন উত্তর দিতেন না। প্রথম কিছুদিন চুপচাপ ছিলেন। ওদিকে পুলিশ একটু-একটু করে বেশ সক্রিয় হয়ে উঠেছিল। এবং অগ্ৰদিকে আমার নামে অনেক রটনা রটছিল। পাড়াটা মুখর হয়ে উঠল। রটনার স্কোশলে সপ্তদশী মণিমালা টাগ অব ওয়ারের দাঁড়িতে পরিণত হয়ে গেল, যার একদিকে পরসাদ, অন্যদিকে অমৃতবাবু ধরে টানছেন। এবং ক্রমে-ক্রমে আমার নিজেও যেন তাই ধারণা হয়ে যাচ্ছিল।

হঠাৎ হেসে ফেললেন মণিবউদি।

সামনের দাঁতভূটি উচু, মণি-বউদির চেহারাই দেখনহাসির মত; এবং সেটুকু তিনি নিজে জানেন, তাই যখন হেসে ফেলেন তখন ডান হাতে রুমাল বা কাপড়ের আঁচল তুলে মুখ মোছায় ভান করেন, কখনও অকপটভাবেই মুখে কাপড় চাপা দেন।

হেসে ফেলে আঁচল টেনে চাপা দিয়ে বললেন, আমার কিন্তু বেশ লাগত ঠাকুরজামাই। মনে-মনে গরবিনী-গরবিনী ভাব একটা আমার দেমাক বাড়িয়ে দিয়েছিল। ফলে আমার চও বেড়েছিল, ছলাকলা বেড়েছিল। আমি যেন পদ্মপত্রে জলের মত টলমল করে নেচে বেড়াইতাম। কথাগুলো আমার নয়। কথাগুলো আমার মাসীর বিয়। বিটার নাম ছিল সত্যাবালা সে আবার মধ্যে-মধ্যে ছড়া কাটত। অশ্লীলতা ঘেঁষা ছড়া।

আমি মুখ টিপে হাসতাম।

এরই মধ্যে একদিন অমৃতবাবু আমাকে চিঠি লিখলেন। একখানা চিঠি বের করে খুলে ধরে বললেন—আরম্ভ করেছেন ‘স্নেহের মণিমালা’ সংসোধন দিয়ে; শুরু করেছেন বেশ—এরপর পড়ে গেলেন, “অনেকদিন হইতে তোমাকে লিখিব-লিখিব করিয়াও লিখিতে পার

নাই। কোথা হইতে কে বা কি যেন আমার কলম চাপিয়া ধরিত ; লিখিতে পারিতাম না। বিশেষ করিয়া তুমি পুলিশ অফিসার সুরেনবাবুকে যাহা বলিয়াছ, তাহা শুনিয়া অবধি আমি বিহ্বল হইয়া পড়িয়াছি, আমার সারা জীবনটাই যেন অকস্মাৎ এক মুহূর্তে বদলাইয়া গিয়াছে। আকাশের রঙ বদলাইয়াছে, মাটির চেহারা পাণ্টাইয়াছে, বাতাসের স্পর্শ পাণ্টাইয়াছে, সারা জীবনের মানে পাণ্টাইয়াছে। মধ্য-মধ্যে নিজেরই যেন দাঁড়া লাগিয়া যায়। নিজেকেই নিজেকে প্রশ্ন করি, ইহা মায়া নহে তো? ইহা ভোজবিচার খেলা নহে তো? আমি দিবানিশি দেখিতেছি না তো? ইহা কি সত্য হইতে পারে? তুমি আমাকে ভালবাসিয়াছ? আমি যৌবনের প্রায় শেষদীমায় আসিয়া পৌছিয়াছি, তুমি দত্তকুম্বিত যৌবনের মাধবীকুঞ্জে মঞ্জু-বিকচ কুম্বমপুঞ্জ; তুমি আমাকে ভালবাসিয়াছ? ইহা যে আমার স্বপ্নের অভীত। ইহা যে আমি কখনও কল্পনাও করি নাই।”

আবার মুখে কাপড় চাপা দিলেন মণিবউদি। এবং এবার সশব্দে হেসে উঠলেন। তারপর বললেন—এ যে কত আছে কি বলব আপনাকে? পাঁচ পৃষ্ঠা চিঠি, মূল্যবান কাগজ, সুন্দর করে লিখতে চেষ্টা করেছেন, কিন্তু হাতের বাংলা লেখা এত খারাপ যে রীতিমত প্রাচীন-লিপি উদ্ধার করার মত কষ্ট করে পড়তে হয়। কথা কিন্তু ওই একটা বা দুটো, যে যেমন হিসেব করে ধরে আর কি।

ওই—“ইহা কি সত্য? তুমি আমাকে ভালবাস?”

পরিশেষে বক্তব্য আছে কিছু। চিঠিখানা সেই উদ্দেশ্যেই লেখা। লিখেছেন—“রত্নমালা এখন চাহিতেছে যে, এই চুরির সমস্ত ব্যাপারটাকেই আমি উপরে বলিয়া-কহিয়া চাপা দিয়া দিই। তুমি নিশ্চয় জান যে মন্ত্রীমণ্ডলীর সঙ্গে আমার জানা-শোনা আছে। দুই-চারিজন বন্ধু-বান্ধবও আছেন। স্বয়ং হকসাহেব আমাকে স্নেহ করেন। আমি বলিলে কথাটা থাকিবে বলিয়া আশা করি। এখন সবই নির্ভর করিতেছে তোমার সম্মতির উপর। তুমি সম্মতি দিলে ব্যাপারটা আমি চাপা দিয়া দিব। রত্নমালা যে হাঙ্গামায় পড়িয়াছে তাহা হইতে সে উদ্ধার পাইবে।

অবশ্য তোমার গহনাগুলি গেল। ক্যান্সারটি ফিকেট উদ্ধার করিবার চেষ্টা করিব। গহনার জন্ত দুঃখ করিও না। তোমার জন্ত বিধাতা লক্ষ্মীর ভাণ্ডারে আসন পাতিয়া রাখিয়াছেন।

তুমি ইহাতে সম্মতি দিলে আমি ব্যাপারটা চাপা দিব, বিনিময়ে রত্নমালা তোমার এবং আমার জীবন হইতে সরিয়া যাইবে।”

নয়

এই পর্যন্ত বলে মণি-বউদি অনেকক্ষণ চুপ করে রইলেন। যেন ভেবে নিচ্ছিলেন। সেদিন তখন রাত্রি দশটা বেজে গেছে। আমি এবার একটু চঞ্চল হয়ে পড়েছিলাম। গোড়ার দিকটা বেশ ভাল লেগেছিল কিন্তু এতক্ষণ ধরে বলার পর যেন তেমনটুকোন জম্বাট কিছু পাই

নি বলে আর ততটা ভাল লাগছিল না।

একটি তিরিশ-উর্ধ্বা শিক্ষয়িত্রীর সঙ্গে একটি কিশোরী বা সপ্তদশী সতযুবতীর এই ধন্দ্ব যতটা কৌতুকজনক হোক না কেন তার থেকেও যেন বেশী বিয়োগান্ত, বেদনাদায়ক। অস্তিত্ব: আমার ক্ষেত্রে বলতে পারি, আমি মণি-বউদির মাসীর জয় হলেই খুশী হতাম। মণি-বউদির জয় হয়েও তো জয় ঠিক হয় নি, স্পষ্ট দেখতে পাচ্ছি মণি-বউদি নিজে সুখী হন নি। সুখী হবার কথাই যে নয়। একটি সপ্তদশ বসন্তের মালার পক্ষে উপযুক্ত কণ্ঠদেশটির বয়স তিরিশের নিচেই হওয়া উচিত।

আমি উঠে আসতে চাচ্ছিলাম।

মণি-বউদি হঠাৎ বলতে শুরু করলেন—বললেন—পাড়ানী অঞ্চলে একটা কথা আছে, লোকে বলে—সতীনের হাড়ে মেয়ের জন্ম। তার মানে মায়ের ভাগ্যে মেয়ে হিংসে করে। মায়ের গয়না হলে মায়ের নন্দন বা জায়ের হিংসার কথা মুখ ফুটে বলতে পারে না কিন্তু মেয়ে হাত-পা ছড়িয়ে কাঁদতে বসে যায়—আমার কই? আমার কই? আমি নেব। বাবা মাকে আদর করলেও মেয়ের হিংসে হয়। মেয়ের বিয়ে হলে দিনকতক মা মেতে ওঠে মেয়েকে নিয়ে। ক্ষেত্রবিশেষে মায়েও মেয়ের হিংসে করে বলেই আমার বিশ্বাস ঠাকুর-জামাই। মাসীর কথা তো শুনেছিই। এবং মেয়ের সব থেকে বড় শত্রু পুরুষ নয়, খাণ্ডখাদক সন্দ্ব হলেও নয়; মেয়ের সব থেকে মারাত্মক শত্রু হল মেয়ে।

আমি—; মণি-বউদি বললেন—আমি গুঁর চিঠি পেয়ে মাসীর এই লাঞ্জনায় এবং তার পরাজয়ে আশ্চর্য রকমের খুশী হয়ে উঠেছিলাম। আজকাল লোকে বলে ‘ভীষণ আনন্দ’ হয়েছে, তা আমার ক্ষেত্রে সেদিনের সে আনন্দ সত্যি সত্যিই ভীষণ আনন্দই ছিল। সেই ভীষণ আনন্দটুকু আশ্চর্য রকমের রোমাটিক করে তুলেছিল, আমার থেকে কুড়ি বছরের বড়—আমার মেসোর বয়সী অমৃতবাবুর ওই বিহ্বল প্রেম-নিবেদন, কি বলব আপনাকে; ছোটো আনন্দ মিলিয়ে সে যেন আনন্দের তাল-বেতাল-সিঁদুর আনন্দ অনুভব করেছিলাম; সর্বাঙ্গে যেন খুশি কানায়-কানায়-ভরা সরোবর-দীঘির মত টলমল করছিল, একটু নড়াচড়া করতে গেলেই উছলে পড়ে চারি পাড় বা চারিপাশকে ভিজিয়ে ভাসিয়ে দিচ্ছিল।

এখানেই একবার একটু থেমে আমার মুখের দিকে সঙ্কোচহীন প্রসন্ন দৃষ্টিতে তাকিয়ে হেসে বললেন—আপনাকে আজ পরম বন্ধুর মত মনে হচ্ছে নন্দাই—কোন কথা গোপন করব না আপনার কাছে। সেদিন আমি চার পাঁচবার আয়নার সামনে দাঁড়িয়ে নিজের ছবিব দিকে তাকিয়ে মুচকে হেসে কটাক্ষ হেনেছি এবং উল্লাসে হেসে প্রায় ভেঙে পড়েছি। বিশ্বাস করুন, এর মধ্যে একবারও পরসাদের কথা ভাবি নি বা একবারও মনে হয় নি যে, অমৃতবাবু আমার থেকে কুড়ি বছরের বড়, মাথার চুলে তার পাক ধরেছে এবং সামনের দিকটার চুল বেশ পাতলা হয়ে এসে টাক ফেলছে। অসাধারণ মজা লাগছিল, এতবড় একটা মানুষ আমার দিকে তাকিয়ে লাল হয়ে যাচ্ছে, বোকা হয়ে যাচ্ছে, ছেলেমানুষির আর শেষ রাখছে না।

খাক। সে সব অনেক কথা। আপনি যদি এই নিয়ে একটা নাটক লেখেন তবে আমার কাছে বসবেন খাতা কলম নিয়ে; আমি বলব আপনি লিখে নেবেন। তারপর মেছেখম্বে নিলেই সে যেমন রিয়েল হবে তেমনি সাহিত্যও হবে। এবং নাটকও হবে। একটু খামলেন আবার। একটা চিন্তা থেকে চিন্তান্তরে এলেই যে ভাবান্তর হয় তাতে এই হঠাৎ ছেদের প্রয়োজন আছে। ইলেকট্রিক পাখার সুইচ অনই করুন বা অফই করুন একটা শব্দ হবেই। ওইটেই ছন্দ। একটু খেমে বললেন—কিন্তু মাসীর উপর শোধ নিতে যে কি নির্ভুর হয়েছিলাম তা আজ যখন ভাবি তখন নিজেই আমি অবাচ হয়ে যাই। যেমন করে ঈশপের গল্পের ছেলেরা ব্যাঙ নিয়ে খুঁচে খুঁচে আমোদ করেছিল ঠিক তেমনি ভাবে। খুঁচে খুঁচে তাকে ক্ষতবিক্ষত করেছিলাম। এতটুকু মায়া হয় নি। উণ্টে আনন্দ হয়েছিল।

না, ঠাকুর-জামাই, তুল বললাম। মাসী, আমার ব্যাঙ ছিল না, আমিও ছেলেমানুষের ছেলেমি করি নি। মাসী ছিল আমার সাপ আমি ছিলাম বেজি। না, ঠাকুর-জামাই, ঠিক বলা হল না। বেজীতে সাপে লড়াইয়ে যে হারে সে বেঁচে থাকে না, তাকে মরতে হয়। মাসী শেষ পর্যন্ত মরে নি। আজও তার দ্বন্দ্ব পাগলা গারদের খরচ যোগাচ্ছি। উন্মাদ পাগল হয়ে গেছে। বিশাল একটা মাংসসূপ। এ-ই মোটা হয়েছে। এবং—

বলতে বাধে মুখে।

জীবনের তার সব চলে গেছে, আছে শুধু জীবনের যা অশ্লীলতা তাই। যত দিন যাচ্ছে তত যেন পচে ফুলে, আয়তনে বাড়ছে।

খাক। এ হল অনেক পরের কথা। সে সময় অমৃতবাবুর পত্র পেয়ে—। পত্রখানা নিয়ে এসেছিল অমৃতবাবুর আরদালী। পত্রখানা দিয়ে বললে—উত্তর নিয়ে যেতে বলেছেন। বাড়ীর বাইরে তখন ইনস্পেক্টর বসে আছে, মাসীর সঙ্গে চুরি সম্পর্কে তদন্ত করছে।

অমৃতবাবুর নিজের লেখা চিঠিখানার সঙ্গে আমার মাসী তাঁকে যে চিঠিখানা লিখেছিল সেখানা একাধারে বিগলিত প্রেমপত্র এবং সকাতির মার্জনা ভিক্ষার স্বীকারোক্তি বহন করছিল, যেখানা পড়ে শোনালাম আপনাকে, সেখানকারও একখানা নকল ছিল। সম্ভবতঃ আমাকে অমৃতবাবু যে প্রেম নিবেদন করেছিলেন তার অকপটতা প্রমাণের জগ্গই পাঠিয়েছিলেন। আমার অমতে তিনি প্রথম যৌবনের অঙ্গরঙ্গ বাঙ্কনীকেও কমা করতে প্রস্তুত ছিলেন না। আমার প্রতি তাঁর অহুরাগের গভীরতার প্রমাণ দেবার জগ্গ জীবনের গোপনতার তলদেশ থেকে প্রেমপত্রখানা তুলে পাঠাতে চেয়েছিলেন বোধ হয়।

একটু বেশী হেসে ফেলে বললেন—প্রেমে পড়লে মানুষ বোকা হয়ে যায়। প্রেমিকার কাছে সিনসিয়রিটি প্রমাণ করা তো সহজ কথা নয়।

সঙ্গে সঙ্গে মনে পড়ছে—আমার উল্লাস। এবং চাইতাম কি জানেন—চাইতাম কোন-না-কোন ছুতোতে একটু আনুখানু চলে ও পোশাকে ওঁর সামনে পড়ে গিয়ে জিত কেটে সলজ্জিত হয়ে ধমকে দাঁড়াতে।

এমনি অবস্থার পটভূমিতে চিঠিখানা পেলাম। মাসীর লেখা চিঠিখানা (অমৃতবাবুকে

লেখা) পড়ে মন বলে উঠল—হেরে গেছে, হেরে গেছে, মাসী রাকসী হেরে গেছে ।

শুধু হেরে যাওয়া নয় ; মাসী হাতজোড় করলে । হাতজোড় করিয়ে আমি ছাড়লাম । মাসী কথা বলছিল থানা অফিসারের সঙ্গে । আমি ঝিটাকে বললাম—একবার মাসীকে ডাকো । বল খুব জরুরী দরকার । খুব জরুরী ।

মাসী আসতেই তাঁর লেখা চিঠির সেই নকলখানা তাঁকে এগিয়ে দিয়ে বলেছিলাম—অমৃতবাবু এই চিঠিখানা আমাকে পাঠিয়েছেন, আর আমাকে লিখেছেন—আমি রাজী থাকলে উনি এ ব্যাপারটা চাপা দিয়ে দেবেন । আমি কি বলব ? কি লিখবো ? তুমি যদি বল—মণি, তুই চাপা দিতে বল, আমি তোকে বলছি—তা হ'লে তাই বলব আমি । কিন্তু নিজে থেকে তুমি না বললে আমি তা বলব না ।

মাসী হতবাক হয়ে নিম্পলক চোখে আমার দিকে শুধু তাকিয়েই ছিল, কিন্তু সে তাকানোর মধ্যে কোন ভাষা ছিল না । সে যেন বোবা চাউনি । শুধু বার কয়েক তার নিচের ঠোঁট দুটি খুব ক্ষুদ্র কম্পনে কেঁপে কেঁপে উঠেছিল । আমি চোখ নামিয়ে একটু অপেক্ষা করে বলেছিলাম—মাসী ?

মাসী বলেছিল—বেশ তাই বলছি ।

আমিও তাই লিখলাম । এবং হলও তাই । কেসটা খামাচাপা পড়ল ।

বউদি বললেন—আপনি নিশ্চয় শুনেছেন ঠাকুর-জামাই যে, দেশের কর্তা মহলে গুঁর জানাশোনা আছে । হক সাহেব গুঁকে স্নেহ করতেন ; উনি বলে ক'য়ে চাপা দিলেন ব্যাপারটা । কিছু যেন নগদও খরচ করেছিলেন । আমার গয়না গেল, ক্যাশ সার্টিফিকেটেরও হদিশ হল না ; কিন্তু উনি লিখলেন—আমার সর্বস্বই তোমার । গহনার জগ্ন ক্ষেদ করিও না ।

আবার উজ্জ্বলিত হয়ে উঠলেন মণিবউদি ; মুখে কাপড় দিয়ে হাসি ঢেকে বললেন—নিশ্চয় বুঝতে পারছেন—চল্লিশ বছরের আধটাকাপড়া অমৃতবাবুর যথাসর্বস্ব বিষয়সম্পত্তি সম্পদ সক্ষয় থেকে হৃদয় পর্যন্ত সব কিছু ঝপঝপ করে এসে পড়ল এই অষ্টাদশী দেখনহাসি মণিমালার চরণতলে ।

মাসখানেকের মধ্যে পত্র মারফতে আমাদের, কি বলব ;—মন দেওয়া-নেওয়াই বলি, মন দেওয়া-নেওয়ার পালাটি সূশেষ হয়ে গেল । অপেক্ষা রইল আঠারো বছর পূর্ণ হওয়ার । আঠারো বছর পূর্ণ হলেই আমি সাবালিকা হব । তার আগে হাতে হাতে বন্ধন হতে গেলে মাসী হয়তো অভিভাবিকা হিসাবে সে বাঁধনে কোপ মারতে পারে এই আশঙ্কায় অপেক্ষা করাই স্থির হয়েছিল । অমৃতবাবু, আপনার শালকটি—আমার থেকে কুড়ি বছরের বড়—এবং তখন তাঁর বয়স এসেছে ঘোঁবনের ওপারের সিংহদরজার কাহাকাছি ; আমার মত পূর্ণ সপ্তদশীর রূপর্যোবনের প্রতি লালসা এবং লোভ যথেষ্টই ছিল, প্রেম-পত্রে প্রেমের কথা লেখবার সময় দিশাও হারাতেন, তবুও বলব লোকটি সৃষ্টির মাতৃঘ, যাকে বলা হয় ধীর এবং

বিচক্ষণ তাই। তিনি নিজেই অপেক্ষা করতে চেয়েছিলেন।

মাসীর কাছ থেকে মাসখানেকের পরই আমার স্বতন্ত্র থাকবার ব্যবস্থা করলেন। স্থির হল আমি এর পর থাকব Y. W. C. A. ইয়ং উয়োমেনস ক্লবান এ্যাসোসিয়েশন বোর্ডিং-এ।

মাসী আমার তখনই দু' চারটে কথায় ও কাজে পাগলামির পরিচয় দিতে শুরু করেছে। কিন্তু তখন আমরা কেউই সেটা বুঝতে পারি নি।

ঠাণ্ডা মাসী আমার পদাবলী কীর্তন গাইতে শুরু করলে। একদিনের কথা বলি—ক'দিন থেকেই আমার ঘর থেকেই শুনতাম মাসী কীর্তন গাইছে। সেকালে তখনও পালা কীর্তন-ওয়ালীর “ও কুজার বন্ধু। কেমন করে পাসয়িলে রাই-মুখ-ইন্দু?” গানের রেকর্ডখানার যথেষ্ট সমাদর ছিল দেশে। যাদেরই গ্রামোফোন ছিল তারাই ওখানা রাখত। এবং কীর্তনের কথা উঠলেই লোকের ওখানার কথা মনে পড়ত। প্রথম দিন ওই দু' লাইন কানে এসেছিল, কিন্তু মনে এমন কিছু হল না বা হয় নি। তখন আমি যেন খানিকটা কেমন-কেমন হয়ে গেছি, বেশ অস্বস্তি করছি যে, মাসীর দড়ি ছিঁড়ে ফেললেও ঠিক মুক্তি পাই নি। মনে হচ্ছে যেন আর একটা শেকলে বাঁধা পড়ছি। অমৃতবাবু তখন প্রত্যেকদিন একবার করে আসছেন। বাইরের ঘরে বসে আমার সঙ্গে দু' চারটে কথা বলে যাচ্ছেন। নিতান্ত সাধারণ কথা, তারই মধ্যে কয়েক বার লাল হয়ে যাচ্ছেন, তোলতার মত কথা আটকাচ্ছে।

—কেমন আছ ?

—কিছু দরকার টরকার থাকে তো বল ?

—চল না একদিন মার্কেটে গিয়ে পছন্দ করে কাপড়-চোপড় কিনে আনব।

—ভাড়ুড়ীমশায়ের সাতা দেখে আসি চল। যাবে ?

এখানে মাসীর কথা উঠত। আমিই বলতাম—অভ্যাসবশে আপনি থেকেই যেন বলে ফেলতাম—মাসীকে বলুন।

হেসে অমৃতবাবু বলতেন—কেন ? কি প্রয়োজন ? তবে তুমি চাও তো বলতে পারি। সঙ্গে নিতে চাও ? সে কিন্তু ঠিক হবে না।

বিচিত্রভাবে অমৃতবাবুর ভিতর থেকে সনাতন পুরুষ তার অকৃত্রিম চেহারা নিয়ে সবল মূর্তিতে প্রথমে আঁচল তারপর হাত, তারপর দু'হাতে কাপটে বুকে জড়িয়ে ধরলে।

আমি খানিকটা অসহায়ভাবে, খানিকটা পুলকিত-তরু হয়ে আত্মসমর্পণ করলাম।

ভালই লেগেছিল নন্দাই। অত্যন্ত ভাল লেগেছিল। একটি সন্ত-উদ্ভিন্নযোবনা মেয়ের কাছে বোধকরি এর থেকে মিষ্ট এবং কাম্য আর কিছু নেই। এই সনাতন, এই শাখত।

মাসী রত্নমালা যেদিন বাপের বাড়ীর সম্বন্ধ কাটিয়ে প্রেমে ভগ্নিনী হয়ে বাড়ী থেকে বেরিয়ে চলে এসেছিল সেদিনও এই সনাতন, এই শাখত আকর্ষণেই এসেছিল। কিন্তু মাসীর এই পরিণামের কথাটা আমাকে ভয় দেখায় নি, আমি তাতে ভয় পাই নি।

কবির অস্বস্তি মেয়েদের রূপকেই বলেন আঙনের শিখা।

বেটাছেলেদের বলেন পতঙ্গ।

বলেন, পুরুষেরাই পতনের মত কাঁপিয়ে পড়ে পাখা পুড়িয়ে মরে। কিন্তু না, বেটাছেলেরাই আশুন—মেয়েরাই পতন। মেয়েরাই পুড়ে মরে।

হঠাৎ হেসে বললেন—আপনার শালক খিয়েটারে সৌভা দেখতে গিয়ে এই কথা বলে অভিযোগ করেছিলেন। মেয়ে জাতটাই হল আশুন; পুরুষ জাতকে পুড়িয়ে মারবার জন্তে বিধাতা এই আশুন জেলেছেন সৃষ্টির আদিতে। আজও তাই করে যাচ্ছে। আমি বলেছিলাম—না। আশুন তোমরাই। তবে নেহাতই যদি জোয় কর তাহলে বলব—মেয়েরা আশুন যেকালে ছিল—ছিল; একালে তারা পুরুষদের হাতের কোণলে দেশলাইয়ের কাঠিতে পরিণত হয়েছে। সেও নেহাৎ সিগারেট ধরাবার জন্যে।

উনি হেসে বলেছিলেন—তুমি এমন কথা বল যে অবাক হয়ে যাই।

আমি হেসে বলেছিলাম—তুমি কেমন করে গান কর যে গুণী। আমি অবাক হয়ে শুনি—কেবল শুনি।

আমার হাতখানা নিজের হাতের মুঠোর মধ্যে ধরে উনি বলেছিলেন—চল এখান থেকেই যাই কালীঘাট। মায়ের প্রসাদী সিন্দুর—।

আমি ভয় পেয়েছিলাম একক্ষণে। বুঝতে পেরেছিলাম শাহু'লের ঘুম ভেঙেছে। মনে মনে পিছিয়ে এসে বলেছিলাম—না। আমি পড়ব। অন্ততঃ আই-এটা পাশ করতে দাও আমাকে—তার আগে না।

উনি চূপ করে বসেছিলেন। বুঝতে পারছিলাম নিজেকে সংযত করছেন। আমি ভয়ে ঘামছিলাম।

কিছুক্ষণ পর বলেছিলেন—বড় ঘামছ তুমি।

আসল সত্য ঢাকবার জন্যে হ্যাঁ বলে এড়াতে চেয়েছিলাম। হাতখানা একটু টেনেও ছিলাম। তিনিও ছেড়ে দিয়েছিলেন।

আমি স্বস্তির নিঃশ্বাস ফেলেছিলাম।

কথাগুলো হচ্ছিল খিয়েটারের বক্সে বসে।

এত-কথা এমন করে বলছি কেন জানেন। বলছি এই জন্যে যে এখনও আমি ঠিক যাচাই করে বুঝতে পারিনি কেন এমনভাবে ওঁর সঙ্গে লুকোচুরির মত খেলা খেলেছিলাম।

সবটাই কি মাসীর বন্ধুকে কেড়ে নেবার জন্যে ?

কখনও মনে হয় তাই। হ্যাঁ, রত্নমালা মাসীর পরিণত ঘোবনের শতকামনার যে বন্ধুটিকে সে পূজোর আসনে বসিয়ে পূজা করেও পায় নি, তাকেই আমার সপ্তদশ বসন্তের একখানি বকুল মালার লোভ দেখিয়ে হাতছানি দিয়ে দিব্যি হাঁটি হাঁটি পা-পা করে হাঁটিয়ে আসন থেকে উঠিয়ে আনাই ছিল এ খেলার মূল কথা।

কখনও মনে হয়—না। তাই সব নয়। পুরুষের সঙ্গে এই খেলা খেলার মত সাধের খেলা, স্নেহের খেলা মেয়েদের আর নেই—আর হয় না। এতে একবার নামলে আর রক্ষা থাকে না। বাঁধবাঁধা জল যেমন একবার বাঁধ ভেঙে স্রু একটি ধারায় বেরিয়ে যেতে শুরু

করলে প্রতি ক্ষণে ক্ষণে সে ধারা গতিতে সবলা প্রবল হয়ে ওঠে, দু'-কূলভাসিনী হয়ে ভরঙ্গিনী হয়ে ওঠে, তেমনি ভাবেই আমিও সেদিন ক্রমশঃ প্রগল্ভা হয়ে উঠেছিলাম—আর তখন পিছনের ডাকে ফেরার উপায় নেই।

আবার চূপ করে গেলেন বউদি। একটুকুণ চূপ করে থেকে বললেন—সেইদিনই থিয়েটার থেকে বাড়ী ফিরে শুনলাম মাসীর কি বললে—মাসী নাকি পাগল হয়ে গেছে। ব্যাটাছেলের মত কাপড় পরে বসে আছে, বলছে—আমি কৃষ্ণ হয়ে গেছি। আমি কৃষ্ণ হয়ে গেছি।

আড়াল থেকে চোখে দেখলাম।

কানেও শুনলাম। অনেক অশ্রাব্য কথার সঙ্গে অনেক গান কীর্তন—পদাবলী।

পরের দিনই আমি চলে গেলাম হোস্টেলে।

মাসীর চিকিৎসার ব্যবস্থা করলেন অমৃতবাবু। কিন্তু কিছুই হয় নি চিকিৎসায়। দু'বছর পরে মাসীকে রাঁচীতে পাঠিয়ে তবে আমাদের বিয়ে হল। তবে এই দু' বছরের ভেতর মধ্যে মধ্যে মাসী বেশ ভালই থাকত; সে একেবারে ভাল থাকার মত ভালো। তখন আমার নামে নানান কলঙ্ক রটিয়ে আমাকে নামজাদা কলঙ্কিনী করে তোলাই ছিল তার একমাত্র কাজ। এইটাই ছিল তার পাগলামি।

অমৃতবাবুর আত্মীয়দের সকলকেই সে জানত। তাদের জনে জনে চিঠি লিখে আমার কলঙ্ক-কথা জানিয়েছিল।

কলঙ্ক পরসাদের সঙ্গে।

কলঙ্ক কমলকুমারের সঙ্গে। কমলকুমারও তখন এসেছে, গুঁর বাড়ীতে থাকে। আরও অনেকজনের সঙ্গে অনেক কলঙ্ক।

১৯৪২ সালের সেদিন রাত্রে মণি-বউদির কাহিনীতে এইখানেই ছেদ পড়েছিল।

রাত্রি তখন অনেকটা হয়েছিল।

প্রায় এগারটা। তিনি বলেছিলেন—তবে বুঝতেই পারলাম না ঠাকুরজামাই আমি হুশী না দুশী? অভাবটাই বা কিসের? কেন এমন ক'রে কিরি? আপনি বলতে পারেন? আপনি তো লেখক! আমার মনটা পড়ে দিতে পারেন?

আমার মনে সেদিন নানান কথা ঘুরপাক খেয়েছিল। কিন্তু বলতে সাহস করিনি। অথবা মণি-বউদিকে এমন কোন আঘাত দিতে চাই নি যা শক্বেরাপীর কাজ করে। এই এক ধরনের পাগলামির মধ্যে বেশ আছেন। কাজ নেই তাঁর ভাল হয়ে।

আমি একদৃষ্টে তাঁর মুখের দিকে তাকিয়ে একটা দীর্ঘশ্বাস ফেলেছিলাম।

মুহূর্তে মণি-বউদি পাণ্টে গিয়েছিলেন, মুচকি হেসে বলেছিলেন—নষ্ট চাঁদ দেখলে—আপনার নামে মিথ্যে কলঙ্ক হবে।

বুঝলাম ইজিতটা। মণি-বউদির তারিফ করলাম গুঁর বাকশক্তির জন্তু এবং গুঁর এই অতি-

সহজ ললিত-রাগ-বিভোর চিত্তের জগৎ। ইচ্ছে হ'ল বসে কথাগুলো বলে যাই। কিন্তু ভাগ্যে বলি নি। ওঃ কিছুদিনের মধ্যেই মণি-বউদিকে আবার যে নূতনরূপে দেখলাম—! মনে হ'ল মণি-বউদি বহুরূপা। বহুরূপী অর্থে নয়। সত্য অর্থে।

দশ

মণি-বউদিকে যে কারণে বহুরূপা বলছি তা হল এই—

যে মণি-বউদিকে, ভর্তিহুপুরে কলকাতার জনবিরল পথে, গিন্নীবারীর মত হাতীপাজাপেড়ে তাঁতের শাড়ী ঢলকো ছাঁদে পরে, শাহিনিকেতনী ঝোলা কাঁধে, ঠাকুরমন্দির, গঙ্গার ঘাট, ভাগবতপার্শ্বের আসন, জ্যোতিষী সাধু-সন্ন্যাসীর কাছে ঘুরতে দেখেছি, আবার যাকে নিজের বাড়ীতে স্বামী অমৃতবাবুর নিমন্ত্রিত সংস্কৃতিবান, ধনবান, রাজনীতিক্ষেত্রের শক্তিমানদের মধ্যে ফেরতা দিয়ে আধুনি-এ চণ্ডে সাজসজ্জা করে, বঁকা ছাঁদে বেশ হর করে প্যাঁচালো কথাবার্তা বলতে শুনেছি, সেই তাঁকেই একদা দেখলাম গ্র্যাণ্ড হোটেলে একজন বিলোভি বা আমেরিকান সাহেবের প্রায় অঙ্গলগ্না হয়ে উপর থেকে নীচে নেমে আসছেন। পোশাকে যা দেখেছিলাম, তা এর আগে আর কখনও মণি-বউদিকে পরতে দেখিনি। বগলকাটা, কাঁধকাটা, অর্ধেক বুক বের-করা জামা, রেশমী খসখসে কাপড়, যার আঁচল ক্ষণে ক্ষণে কাঁধ ও হাত থেকে খসে খসে পড়েছিল, পায়ে শৌধিন নাগরা, এবং চোখে গাঢ় কালো গগল্‌স্—এই ছিল সেদিনের পোশাক; চুলের প্রসাধনও ছিল অদ্ভুত যার নাম আমি ঠিক জানি না। এবং তাঁর সারা অঙ্গ থেকে নির্গত প্রসাধনের স্বরভির সঙ্গে একটা তীব্র অগ্নি গন্ধও মিশ্রিত ছিল—যেটা আমার মনে হয় তাঁর নিখাস এবং দেহের রোমকূপ থেকে বের হচ্ছিল।

কালটা ১৯৪৪-এর প্রথম। ১৯৪২-এর সেই সেপ্টেম্বরের চন্দ্রালোকিত রাত্রিটির পোনে হুঁবছর পর। এই পোনে হুঁবছরের জীবন-নদীতে যত জল প্রবাহিত হয়েছিল, এবং তার তীব্র তরঙ্গভঙ্গে দুই কূলে যত ভাঙাগড়া ঘটেছিল, তার জোয়ারভাঁটা খেলা ভাগীরথীর বৃকে প্রবাহিত হয়নি কিংবা তার দুই কূলে অত ভাঙাভড়া ঘটেনি।

সে-ভাঙাগড়া আমার জীবনের ভাঙাগড়াও বটে এবং অমৃতবাবু মণি-বউদির জীবনের ভাঙাগড়াও বটে। ওই 'দুই পুরুষ' নাটকের পর থেকে যে খ্যাতি প্রতিষ্ঠার দ্বীপ গড়ে উঠল তার উপর ছোটখাটো দালানকোঠারও পত্তন হয়ে গেল। ওই সেপ্টেম্বরের রাত্রিটির মাসচারেকের মধ্যেই দুই পুরুষের শততম রাত্রির উৎসবের দিনে একদিকে বোমা পড়ল, অগ্নিদিকে আমার ভাগ্যে দুই পুরুষের সিনেমা কন্ট্রাক্ট সই হয়ে গেল। দুই পুরুষের শততম রাত্রিতে মণি-বউদি এবং অমৃতবাবুকে প্রত্যাশা করেছিলাম, কিন্তু তাঁরা আসেন নি; একটা ফুলের তোড়া এবং একখানা পত্রে অভিনন্দন জানিয়েছিলেন। ভাষাটা ছিল ইংরেজী মিশানো, ইংরাজী অংশটুকুর গড়ন-বৈচিত্র্যের জগৎ আবছা আবছা মনে আছে। আমার সাহিত্যকর্মকে ক্রিকেট খেলার সঙ্গে তুলনা করে লিখেছিলেন—

Congratulations for first century—go on completing another hundred not out.

এ-পত্রখানা অমৃতবাবুর। মণিবউদির পত্রও একখানা ছিল, সেখানা খুবই বিচিত্র। কমলকুমার এবং আর একজন লম্বা শক্ত-সবল দেহ হিন্দুস্থানী এসেছিল ওঁদের চিঠি এবং তোড়া নিয়ে। ফাস্ট রো-এর পরই সেকেণ্ড বা থার্ড রোয়ের টিকিট কেটে দুই পুরুষ দেখে গিয়েছিল। বলেছিল, ওঁরা দিল্লি চলে গেলেন।

কমলকুমার বলেছিল, বড় কাজ ধরেছেন। একেবারে মিলিয়নেয়ার হয়ে যাবেন।

হিন্দুস্থানীটিই লছমন প্রসাদ। সে এসে ছিল তিন বুড়ি ফুল নিয়ে, গোলাপ ক্রিসেনখামাম; যার সবই ওঁরা নিয়ে গেছেন দিল্লী, বড়দিনের বাজার তখন সামনে। দিল্লীতে ভেট দেবেন। তারই মধ্য থেকে কিছু ফুল এবং পাতা দিয়ে একটা তোড়া বেঁধে আমাকে পাঠিয়ে দিয়েছিলেন ওঁরা। এসব আমার ভাল লাগেনি, তবে বউদি একখানা চিঠি দিয়েছিলেন লছমন-প্রসাদের হাতে। সে এক সময় আমাকে কমলকুমারের অগোচরে চিঠিখানা হাতে দিয়ে বলেছিল—ইয়ে চিঠি তো দিদি আপকে দিলেন।

খামখানা সুদৃশ্য এবং স্বরভিত।

খুলে দেখলাম, দুটি ছত্রে লেখা একখানি পত্র। প্রথমেই পদাবলীর কোটেশন—“তোমারই গরবে গরবিনী হাম।” তারপরই লেখা—“কিন্তু ভাগ্যে নেই। কি করব? দিল্লী যাচ্ছি। ইতি—বউদি। ভাল লাগল, বিশেষ করে পদাবলীর উদ্ধৃতিটুকু। কিন্তু এর মেকীভ কতটা তা আমার অজানা ছিল না।

দুই পুরুষের সেক্টিনারির পর আর দেখা একরকম হয়নি ওঁদের সঙ্গে। তবে তার আগে দেখা হয়েছিল। যার ফলে আর আমার আকর্ষণ বিশেষ ছিল না। কিন্তু সে থাক।

অমৃতবাবু দিল্লীতে আপিস খুলেছিলেন, বাসাও করেছিলেন ওখানে। কলকাতায় আসতেন-যেতেন; সে যাওয়া-আসা ভি-আই-পি পদচিহ্ন-লাঞ্ছিত মার্গ ধরে যাওয়া-আসা। কখনও-সখনও খবর পেতাম, কখনও পেতাম না; তবে ছাঁচারবার তত্ত্বতল্লাসের দ্বারা আপ্যায়িত হয়েছি। এর মধ্যে আমার মেয়ের বিয়ে গেছে, বড় ছেলের বিয়ে; নেমস্তন্নপত্র আমার দিক থেকে করা হয়নি; আপত্তি ছিল অন্দর মহলের। গৃহিণী বলেছিলেন—দেখ, কুলীনের জ্ঞাতিত্বের দাবী, মরলে অশোচ হয়। তিনদিন কোনরকম মাছটা না খেয়ে থাকে; আগে দাড়ী-গৌক কামাত না; এখন এইসব আপিসী সভ্যতার যুগে একদিন বাদ দিয়ে দ্বিতীয় দিনে নিজে কামিয়ে নিয়ে চান করলেই অশোচ চলে যায়। জাতাশোচে তো খবরই দেয় না। অন্তপ্রাণন, বিয়ে এসবে কোন দায়ই নেই। কুটুম্বিতে রাখলে থাকে, না-রাখলে থাকে না। আত্মীয় হিসেবে আত্মীয় মেনে তোমার সঙ্গে ওরা আলাপ করেনি। যেচে আলাপ করেছে দেখক হিসেবে। মেমস্তন্ন করেছে, গিয়েছে,—বেশ হয়েছে। আর থাক। তুমি আর নেমস্তন্নের ছেঁড়া চূলে বিহুনি পাকিয়ে খোঁপা ঝাঁধার মত বুটো সম্পর্ক পাকিয়ে না বাপু। আমার সম্পর্কে ওর সঙ্গে সম্পর্ক—আমারই তা সইবে না। আমার দ্বারা সত্যিকারের আত্মীয়

ভারা ওদের ভাল চোখে দেখে না। ভাল লোকও ঠিক নয়। তাছাড়া আমাদের ছেলেমেয়ে আছে, ওদের ও-পাট নেই। ছেলে বলতে অমৃতদা, মেয়ে বলতে দেখনহাসি মণিবউদি। ওরা আমাদের ছেলেমেয়ের বিয়েতে নৌকুতো দেবে, বিশেষ করে আমার সত্যিকারের আপনজনদের ছোট করবার জগ্গে বেশ দেখানো করে দামী জিনিসপত্তর দেবে—আমরা নিয়ে খেয়ে থাকব তো! শোধ দেব কখন! কাজ তো হবে ছুটো।

কথাটা চরম কথা। ছুটো কাজ অর্থে ওঁদের দুজনের ছুটো পারলৌকিক ক্রিয়া, শ্রাদ্ধ। এবং তাও অত্যন্ত অনিশ্চিত, কারণ আমার ঐ ক্রিয়াটা আগে হয়ে যেতে পারে না এমন কথা কেউ বলতে পারে না।

গৃহিণীর কথাগুলি যেমন নিষ্করণ, তেমনি সত্যও বটে। আমাদের ছেলেমেয়ের বিয়েতে নিমন্ত্রণ-পত্র পাঠালে ওঁরা যে ঐশ্বর্যের ঘটা ও ছুটা বিকীর্ণ করে দেখনসাহী উপঢৌকন পাঠাতেন তাতে সন্দেহ নেই। এবং সেও পাঠাতেন হৃদয়ের কোন প্রেরণায় নয়, পাঠাতেন আমাকে এবং আমার অন্ত আত্মীয়জনকে চমৎকৃত করবার জগ্গ। তার সঙ্গে হয় করবার প্রচ্ছন্ন বাসনাও যে তার মধ্যে থাকত না এমন কথাই বা কে হলপ্ করে বলবে?

“এইটেই ওদের ধারা।” আমাদের আপ্না-আপ্নির মধ্যে অর্থাৎ জাতিকুটুম্বের মধ্যে বলা-কওয়া হয়—“এটাই অমৃতদের চণ্ড। ওই বউটার যেমন ঠমক।”

কথাটা মিথ্যা নয়। এর মূলে ছিলেন মণিবউদি। অমৃতবাবু নয়। অমৃতবাবুর উচ্চ-নাশাপনা ঠিক ঐশ্বর্যের ঘটার উপর প্রতিষ্ঠিত ছিল না। গোড়ার জীবনে তাঁর তো ঐশ্বর্য ছিল না। ঐশ্বর্যবানদের প্রতি এই দিঘান ও সেবাব্রতী ব্যক্তিটির অবজ্ঞা, এবং উদ্ধত বিদ্রোহী আচরণের ভিতের উপরেই ছিল তার প্রতিষ্ঠা। তার উপর ছিলেন কুমার ব্রহ্মচারী। আমাদের দেশে কুমারদের ষাতির তো শিবের শিবত্ব, ব্রহ্মার ব্রহ্মত্ব এবং বিষ্ণুর বিষ্ণুত্ব থেকেও বেশী।

মণিবউদি আসতেই কুমারত্ব খিড়কীর দরজা দিয়ে নির্গত হল। বাকি রইল বিচারতা এবং দেশপ্রেম, ও দুটোকেও মণিবউদি বিদেয় করলেন বাড়ীর পুরানো রাঁধুনী এবং চাকরটার-মত।

এ-উপমা উপমার জগ্গ বানিয়ে বলছি না। সত্যি সত্যিই তাই ঘটেছিল। মণি-বউদি ঠিক তাই করেছিলেন। আই-এ পরীক্ষার পরই ওঁদের বিয়ে হয়ে গেল। পরীক্ষার ফল বের হবার প্রতীক্ষাও করেননি অমৃতবাবু। অমৃতবাবুর মনোপিঞ্জরে বন্দী ক্ষুধিত শাহুল খাঁচাটা ভেঙে ফেলেছিল। বিয়ের পর মণি-বউদি স্বামী গৃহে এসে প্রথম কিছুদিন অমৃতবাবু প্রমত্ততার ছোঁয়াচে প্রমত্ত হয়ে উঠেছিলেন, কোনদিকে তাকাবার অবকাশ পাননি। মাস আটেক পর যখন খানিকটা ক্লাস্তি এসেছে উভয়ের জীবনে এবং কাজের তাড়ায় টেনেছে অমৃতবাবুকে, তখন বাড়ীর দিকে তাকিয়ে মণি-বউদির মন্থণ ললাটে সারি সারি রেখা জেগে উঠল। বাড়ীটা যেন পরের দখলে। তিনি সিংহাসনে বসে আছেন—লক্ষ্মীর ঘরের আটনে নতুন পাতা লক্ষ্মী-ঠাকরুণের মত, আর বাড়ীটার দখল নিয়ে বসে আছে অমৃতবাবুর পুরনোকালের রাঁধুনী কালাঠাকুর আর পশ্চিমা খানসামা রামধনিয়া। রামাশাল ভাঁড়ার ঘর এসবের মালিক ঠাকুর

এবং বাইরের দরজার মোটা ভালটা থেকে বাক্স পাটেরা স্মার্টকেস আলমারী এ্যাটাচি এ সমস্ত-কিছুর চাবিগুলোর জিহাদারী রামধনী চাকরের।

হুকুম খাটাতে গিয়ে তিনি বাধা পাননি, কিন্তু বিচিত্রভাবে অনুভব করলেন যে, এই লোকদুটো আশ্চর্য তৎপরতার সঙ্গে তাঁকে দিয়েই তাঁর হুকুম এমনভাবে সংশোধন করিয়ে নেয় যে, তাঁর সংশোধিত ইচ্ছার সঙ্গে তাদের স্বাধীন ইচ্ছার কোন তফাৎ থাকে না। শুধু তাই নয়—আরও তাঁর নজরে পড়ল যে, এরাই দুজনে অমৃতবাবুর আত্মীয়স্বজনদের খবরাখবর রাখে, এ-বাড়ীর খবর ও-বাড়ীতে দিয়ে আসে এবং অমৃতবাবুর যেটুকু স্বাধীন ইচ্ছা, সেটুকু ওই ওদের ইচ্ছার মধ্যে থেকেই যেন প্রকাশ পায়।

মণি-বউদি বলেছিলেন, (১৯৪২ সালের ওই রাত্রে নয়, পরে, অনেক পরে একদিন)—একদিন ওদের দুজনকে ছাড়িয়ে দিয়েছিলাম ঠাকুরজামাই। দেখলাম কি জানেন—দেখলাম ঘি দিয়ে রান্না হচ্ছে। জিজ্ঞাসা করে জানলাম—উনি ঠাকুরকে বলেছেন, তেলের রান্না ওর সহ্য হচ্ছে না। উনি বললেন—হ্যাঁ, তেলের রান্নায় একটু অঞ্চল হচ্ছে কিন্তু ঘিয়ে রান্না করতে তো বলিনি। তবে আগে ওরা এইরকম করত। রান্না পান্টাতে।

মণিবউদি এ নিয়ে কোন বিতর্ক না করে ঠাকুরটিকে বিহারে কারখানায় পিওনের চাকরী দিয়ে পাঠিয়ে দিয়েছিলেন এবং চাকরটাকে কিছু টাকা দিয়ে জবাব দিয়ে বিদায় করেছিলেন। ওরা দূর হতেই অমৃতবাবুর আত্মসমর্পণ পূর্ণভাবে হল সম্পূর্ণ। মণি-বউদি নিজে নিলেন বাক্স, স্মার্টকেস, আলমারি, এ্যাটাচির চাবীর গোছা। আরও করলেন। ছোট একটা ঘরে ইলেকট্রিক উনোন কিনে অমৃতবাবুর জন্তে ঘিয়ে রান্নার ব্যবস্থা করলেন নিজের হাতে।

এইভাবে রত্নমালা মাসী থেকে পুরানো ঠাকুর-চাকর ছোট-বড় সকল প্রতীকস্বীকে দূর করে মণিবউদি যত সাবুনাই পান, সুখ পেলেন না। শান্তিও না। সুখ কিসে তারও হৃদিস পেলেন না, শান্তি কোথায় তারও নিশানা, না।

এদিকে বছর-কয়েকের মধ্যে অমৃতবাবুর জীবনে যত বৈষয়িক উন্নতি হল, তত তিনি মর্ডান হলেন, তত তিনি ফ্যাশনেবল হলেন; তার সঙ্গে সঙ্গে ভাল রেখে বাড়ল সংস্কৃতির কমলহীরের বলমলানী। সে-বলমলানী আর আদরিণী মণিবউদি—দুইয়ে মিশে এক হয়ে গেল। অমৃতবাবুর জ্ঞানগোষ্ঠি যারা এককাল ধরে অমৃতবাবুর উচ্চনাশঙ্কের জন্ত বিক্রম ছিল, তারা এবার অমৃতবাবুকে ছেড়ে মণি-বউদিকে নিয়ে পড়ল, কারণ অমৃতবাবুর নাকের উপর এখন মণিবউ পাসনে' চশমার মত শোভা পাচ্ছিল। রত্নমালা পত্রযোগে তাদের কাছে যে-সব অপবাদের বাণ পাঠিয়েছিল, সে-সব বাণ তারা নিষ্ক্ষেপ করতে লাগল তার দিকে।

মণিবউদি এগুলি অবজ্ঞার বর্মে ঠেকিয়ে ভুতলশায়ী করে চলতেন কিন্তু মধ্যে মধ্যে সাক্ষাৎ সংঘর্ষও বাধত। কোন আত্মীয় স্বজনের বাড়ীতে সামাজিক অনুষ্ঠান উপলক্ষে এক স্থানে একত্রিত হবার সুযোগ হলেই মণিবউদি যুদ্ধের তুরঙ্গিনীর মত ঘাড় উঁচু করে পা ঠুকে হেঁচাবর ছেড়ে চাক্ষু হয়ে উঠতেন। এবং ঐশ্বরের ঘটা ও উচ্চ সংস্কৃতির ছটাময় উপটৌকনরূপ বাণ

প্রয়োগে সকলকে আঘাত দিতে ও বলসে দিতে চাইতেন। এবং নিজেও আস্তেন সেজেগুজে। সে সাজগোজে সোনা-রূপো, মণি-মুক্তোর কোন ছোয়াচ থাকত না। হাতে থাকত একহাত গালার চুড়ি, নয়ত কাচের চুড়ি। মধ্যে মধ্যে শাস্তিনিকেতনী টঙের রূপোর গয়না পরতেন মণি-বউদি। এবং সেগুলো সবই সাঁওতালী গয়না। তার সঙ্গে দু-চারটে পাথর বসানো থাকতো। লাল এবং সবুজ পাথর। রূবি আর পায়। মস্ত খোঁপায় এই এত বড় একটা রূপোর ফুল, তা থেকে কানে বোলান ঝুমকো। অবাক হয়ে দেখতে হত। কাজেই এটা সকলেই অপছন্দ করত। এই ধরনের আক্রমণাত্মক ঐশ্বর্য দেখানটা কারুর কাছেই ঠিক পছন্দের নয়। আমার গৃহিণীর যুক্তি সংক্ষিপ্ত হলেও তার অর্থ ছিল অনেক।

১৯৪২ সালের সেপ্টেম্বরের সেই জ্যোৎস্নালোকিত রাত্রির পর হয়ত আমার এই কথাটি ঠিক বিশ্বাস হবে না বলেই আর একটা দেখা হওয়ার কথা বলি। বোধ করি, অক্টোবরে; পূজোর আগে; বিয়াল্লিশের সেই ইতিহাস-বিখ্যাত সাইক্লোন তখনও সামনে। ওদিকে আগস্ট আন্দোলন ভারতবর্ষের অগ্র সকল স্থানের জীবনকে চঞ্চল করে তুললেও কলকাতায় ইংরেজের সামরিক বাহিনীর চাপে নুর্ছাঁহত। আমার পূজোর কাজ শেষ হয়ে গেছে; তখন আমার অগ্রতম শ্রেষ্ঠ বই ‘গণদেবতা’ লিখছি। একদিকে লিখে কপি যোগাচ্ছি অগ্রদিকে ছাপা হচ্ছে। বিন্দুমাত্র অসঙ্গ নেই। এরই মধ্যে একদিন সন্ধ্যায় কেমন করে ওঁদের বাড়ীর দরজায় গিয়ে হাজির হয়েছিলাম ঠিক বলতে পারি নে। তবে একটা সঙ্গত কারণ ছিল। মেটা হল—দিল্লীর বহু বিখ্যাত স্টেটওয়ালার দোকানের ‘সোহন হালুয়া’; এবং খস-খস আতরের একটা তত্ত্ব না তল্লাস সকালে এসে পৌঁচেছিল ওঁর কাছ থেকে। বাহক আর কেউ নয়, কমলকুমার। সে বলেছিল—“উনি মানে খুঁড়ী ফিরেছে কাল দিল্লী থেকে। এই সব জিনিস এনেছে। এখন আমার উপর অর্ডার হয়েছে দিয়ে এস ঘরে ঘরে পৌঁছে।”

ওঁদের বাড়ীর দরজায় গিয়ে যখন খেয়াল হল যে, আমার চরণগুগল আমার অজ্ঞাত মানসের আদেশ বা নির্দেশে চালিত হয়ে ওঁদের বাড়ীর দরজায় পৌঁছে দিয়েছে, তখন সোহন হালুয়া বা খসখস আতরের জন্ত ধন্ববাদ রচনা করে নিয়ে ঘরে ঢুকে পড়েছিলাম।

বাড়ীর চাকর-বাকরেরা মোটামুটি চিনে রেখেছিল। বাড়ীর দরজায় একজন গুরখা দারওয়ানও ছিল। সেও চিনত। এবার গিয়ে দেখলাম তারা কেউ নেই; এক দারওয়ান ছাড়া মেটকে-মেটই নতুন। অস্থবিধে হল। সবাই জিজ্ঞেস করে কাকে চাই। এবং সকলেই যেন অবজ্ঞা ভরে তাকায়। কারণটা বুঝতে আমার দেরি হয় নি। আমার জীবনে এটা প্রায় অভ্যাসই হয়ে গিয়েছিল। আমার চেহারা দৈর্ঘ্যো-প্রস্থে দু-দিকেই খাট এবং ক্ষীণ। গায়ের রঙও কালো। একবার একজন স্বার্থাষেয়ী ব্যক্তি আমাকে বাড়ীর গমস্তা ভেবে পান খাবার জন্য কিঞ্চিৎ দিয়ে আমাদের সেরেস্তায় কার্যোদ্ধার করে নিতে চেয়েছিলেন। এবং আজও অনেকে এসে আমাকেই বলেন—ওঁকে ডেকে দিন, দরকার আছে। স্তবরাং রাগ করি নি, বা চলে আসি নি; একটু গলা উঁচু করে বলেছিলাম—বউদি, এরা আমাকে

আপনার নন্দাই বলে মানতে চাচ্ছে না। একটু নেমে আসুন।

নেমে তিনি আসেন নি, ওঁর ঝি (সে পুরানো লোক) আমাকে দেখে একটু লজ্জিত হয়ে বলেছিল—ওমা আপনি!

সরাসরি পর্বটায় ছেদ টেনে ভিজ্জাসা করেছিলাম—বউদি কোথায়? কণ্ঠস্বর একটু শুকনো-শুকনো হয়ে উঠেছিল ঝিকে দেখে। সেদিনের সেই জ্যোৎস্নাপুলকিত রাত্রে একান্ত নিরালস্য বউদির আত্মকাহিনী শোনার পর আমাকে অভ্যর্থনার জ্ঞতাঁকেই প্রত্যাশা করেছিলাম, তাঁর বদলে ওই ঝিকটিকে দেখে কণ্ঠস্বর শুক হয়ে উঠেছিল স্বাভাবিকভাবে।

বলেছিল, উপরে। একটু কাজে ব্যস্ত আছেন।

—কাজে?

—হ্যাঁ।

মাথাটা ঝিমঝিম করে উঠেছিল। একটা অবজ্ঞা বা অবহেলার ধাক্কা ঘেন আচমকা বুকে এসে লেগেছিল।

বলেছিলাম—তা হলে আমি যাই।

ঝি বলেছিল—না-না। আমি থবর দিই, দাঁড়ান।

—কি দরকার?

—না। শেষে আমার উপর রাগ করবেন। এ বাড়ীর সবারই চাকরি গিয়েছে, শুধু দারোয়ান আর আমি আছি, শেষে আমারও যাবে। একটু বসুন।

আমি বসলাম, ঝি দ্রুত চলনেই উপরে উঠে গেল। ওঁদের প্রমুখ্যৎ শুনে এবং আমার সঙ্গে ওঁদের ব্যবহারের ধারা দেখে আমার সম্পর্কে মেয়েটি একটা ভাল ওজনও আন্দাজ করে রেখেছিল। ঝি-এর এই ব্যস্ত-সমস্ততা আমার ভালই লেগেছিল। মনে-মনে ঠিক করেছিলাম, বউদি এবার নিশ্চয় নামবেন এবং হাত ধরে বলবেন—দেখুন তো এমন অগ্রমনস্ক হয়ে গিচ্ছলাম, ছি-ছি ছি, আপনার গলা শুনেও বুঝতে পারি নি, কথার ছন্দ থেকেও খেয়াল হয় নি যে, এ ছন্দ আপনি ছাড়া আর কারুর হতে পারে না। ‘এরা আমাকে আপনার নন্দাই বলে স্বীকার করছে না।’ এবং কথা শেষ করে কাপড়ের আঁচল চাপা দিয়ে সম্মুখের দেখনহাসি দাঁত দুটিকে আবৃত করবেন। আমি ঠিক করে ফেলেছিলাম, এর উত্তরে বলব—“সেদিন আকাশের স্বপ্নপারাবারে একাদশীর চাঁদ খেয়া দিতে-দিতে সাক্ষী হয়েছিল, আজ আকাশে চাঁদ নেই কিনা, তাই ভ্রম হয়েছে, আপনার দোষ নেই।”

ঠিক এই সময়েই নেমে এলেন মণি-বউদি। কিন্তু ঠোঁটে এতটুকু হাসির রেখা ফুটল না, চোখের দৃষ্টিতে এতটুকু দীপ্তির ঝিকিমিকি জাগল না, সারা শরীরের ছন্দে এতটুকু হিলোল বইল না, তিনি সোজা শব্দ ভঙ্গিতে চটির শব্দ তুলে নেমে এসে সামনে দাঁড়ালেন একটা নমস্কার করে, বললেন—নমস্কার! অত্যন্ত দুঃখিত, কাজে এমন ব্যস্ত ছিলাম। তারপর? কেমন আছেন? বাড়ীর সব ভাল আছে তো? সোহন হালুয়া খেয়েছেন? খসখস আতর?

যত কিছু প্রশ্ন ছিল, সব পর-পর করে গেলেন, যেন একটার উত্তর নিয়ে আর একটা প্রশ্ন করতে সময় কিছু বেশী ব্যয় হবে। যার অর্থ হল, তাঁর সময়ের অত্যন্ত অভাব। আসলে প্রশ্নগুলোর কোন উত্তরই তিনি চান না।

সেটা বুঝতে আমার বিলম্ব হয় নি। এবং অত্যন্ত চতুর ভাবেই এর পর দু-তিনটে কথায় ওখানকার পালা সেরে আমি উঠে পড়েছিলাম এবং বলেছিলাম—আজ তাহলে উঠলাম।

ভদ্রতার খাতিরেই বোঝায় বলেছিলেন,—একটু কফি খাবেন না? সে কথা শেষ করতে দিই নি। বাধা দিয়ে বলেছিলাম, না বউদি দোহাই আপনার, বিষ খেতেও রাজী আছি, কিন্তু চা কফি, কি মিষ্টি জল, এ না। আপনার স্বতসিক্ত সোহন হালুয়া যা বস্তু; বাপসু আমার মাথার চুলগুলো থাকলে হয়। ওঃ, গলায় গলায় অফল হয়ে আছে।

বলে চলে এসেছিলাম। আসতে আসতে ভেবে পাই নি মহিলাটির এমন আচরণের অর্থ কি? দুটো-তিনটে দিন যতদূর মনে পড়ছে ওঁর এই বিচিত্র আচরণের কথা চিন্তা করে মনে-মনে কিছু পীড়া অনুভব করেছিলাম। এর পর আর ও-মুখো হই নি। কি প্রয়োজন? প্রয়োজন ছিল না, প্রলোভন ছিল ওই মণি-বউদির মত চপলা খেয়ালী মেজাজের মর্ডান বউদিটির জন্যে। তবে ও প্রলোভনটা আমার কাছে খুব বড় প্রলোভন ছিল না। কারণ তখন আমি আরও একটা বড় প্রলোভনের আকর্ষণে আকৃষ্ট হয়ে ছুটে চলেছি। খ্যাতির প্রলোভন ও প্রতিষ্ঠার আকর্ষণ। এবং আজ সত্যকে গোপন করব না, অকপটেই বলব যে, তখন পত্রযোগে অনেক মুগ্ধার প্রশস্তি আমি পাচ্ছি। থাক। এখন সহজ সোজা ভাষায়—যা ঘটেছিল তাঁর ও আমার মধ্যে—তাই বলে যাই। আমি আর ওপথ মাড়াই নি। ওঁরাও আর ঠিক খোঁজ করেন নি। একেবারে ওই দুই পুরুষের শততম রজনীর অভিনয় উৎসবে কমল-কুমার এবং লছমন মারফৎ একথানা চিঠি আর একটা খুব ভাল ফুলের তোড়া পেলাম। দিয়েছেন বিচিত্র-রূপিনী মণি-বউদি। আর একথানা চিঠিতে সেটা দিয়েছেন অমৃতদা—
“Go on completing another hundred not out—”

সেদিন শুনলাম আমার জীবনে দুই পুরুষের শততম অভিনয় যত গৌরবের, অমৃতবাবু এবং মণি-বউদির জীবনে দিল্লীতে অভিনব ব্যবসায়ের কালোগৌরব অর্থাৎ আর্থিক বহু বাহুল্য, তার থেকে কোন ক্রমেই কম নয়। অনেক বেশী। ব্যাপারটা লোহার পারমিট নিয়ে রহস্যজনক দুর্বোধ্য ব্যাপার।

এর পর আমার জীবন যেমন 'ক্রতবেগে' চলেছে, ততোধিক ক্রতবেগে চলেছে ওঁদের জীবন। হিমালয় থেকে বেরিয়ে সিঙ্গু যেমন পশ্চিম মুখে এবং ব্রহ্মপুত্র যেমন পূর্ব মুখে বেরিয়ে বিপরীত দিকে চলে গেছে, যেমন ভাবেই ওঁরা দুজনে দিল্লী কলকাতা, বোম্বাই-এর ব্যবসায়ের বাজারে আমার থেকে একেবারে বিপরীত মুখে অনেক দূরে চলে গেলেন।

ক্রমে ভুলেও গেলাম তাঁদের কথা। ওঁরাও নিশ্চয় ভুলে গিয়েছিলেন আমার কথা। হঠাৎ সেদিন মণি-বউদিকে দেখলাম গ্র্যাণ্ড-হোটেলে। মণি বউদির নূতন প্রকাশ দেখে অবাক হয়ে গেলাম।

হায়, মণিবউদি ।

বিচিত্র মণিবউদি । এও তাঁর প্রকাশের শেষ নয় । এর পরও আছে ।

এগার

বলা চলে এর এক যুগ পর ।

সত্য ত্রেতা দ্বাপর কলি—এ-যুগের যুগ নয়, সচরাচর যে-যুগ আমরা বারো বছরে গণনা করে থাকি, সেই যুগ । অর্থাৎ বারো বছর পর ।

১৯৪৪ সাল আর ১৯৫৬ সাল । বারো বছর পর আবার মণিবউদিকে দেখলাম । ১৯৪৪ সালে গ্র্যাণ্ড হোটেলের সিঁড়ি বেয়ে একজন বেশ ভারি ক্লি জ্বরদস্ত খেতাদের প্রায় বাহুল্য হয়ে বিচিত্রবেশিনী মণিবউদিকে সেই যে দেখেছিলাম, তারপর এই বারো বছরের মধ্যে আর তাঁর সঙ্গ দেখা হয়নি । যে-তিনি বা যে-তাঁরা অর্থাৎ মণিবউদি এবং অমৃতবাবু আমার সঙ্গ উপযাচক হয়ে ডেকে দেখা করে তিনপুরুষ আগের মরচে-ধরা বা ময়লাপড়া সম্পর্ক-শৃঙ্খলের জোড় আবিষ্কার করে, তাকে মেজেঘষে নতুন করে পান ধরিয়ে আমাকে এতখানি সমাদর করে সযত্নে বাঁধতে চেয়েছিলেন, সেই-তিনি বা সেই-তাঁরা এরপর যেন মর্তলোকের মঞ্চ থেকে অকস্মাৎ দেবলোকে চলে গেলেন এবং সঙ্গ সঙ্গ আমাকেও সম্পূর্ণরূপে বিস্মৃত হয়ে গেলেন । বলা চলে—শিকলের সম্পর্ক কেটে চলে গেল, আর এল না । যে মণিবউদি ১৯৪২ সালের রূঢ় আউটের কল্যাণে প্রাপ্ত একটি দুর্বল জ্যোৎস্নালোকিত ভাদ্র রজনীতে খোলা বাতায়নের পাশে বসে জানালার দিকে মাথা রেখে তাঁদের দিকে তাকিয়ে অকপট অন্তরঙ্গতায় তাঁর বিগতজীবনের কথা বলেছিলেন, তিনি এর পর আর ভুলেও একছত্র পত্রযোগে আমাকে আমার জীবনসাক্ষ্যে উৎসাহিত করলেন না । কাব্য করে ‘তোমার গরবে গরবিনী হাম’ লেখা দূরে থাক একেবারে মেঠো গণ্ডিতেও লিখলেন না—‘আপনার সম্মানে স্থখিনী হইলাম’, অথবা ‘সাবাস’ জানাচ্ছি ।

দুই পুরুষের সাক্ষ্যের পর ১৯৫৬ সাল পর্যন্ত কালটা তো কম নয় । বারো বছরেরও বেশী ; চোদ্দ বছর । এর মধ্যে দুইপুরুষ থেকে আরও অনেক উজ্জলতর সাক্ষ্য আমার জীবনে এসেছে । এবং এই যুগপরিবর্তন, যাকে সত্য অর্থে বলা যায় যুগান্তরের, সেই যুগান্তরের মধ্যে যে-যুগ গেল, তারও প্রসাদ যেমন পেয়েছিলাম আমি, নবাগত যুগের অরূপণ প্রসাদও আমি ঠিক তেমন পেয়েছিলাম । আগন্তুক যুগের প্রসাদগুলি উজ্জলতর ছিল তাও আগে বলেছি । তাছাড়াও সে-প্রসাদের বার্তা শুধু মর্তলোক অর্থাৎ বাংলাদেশেই আবদ্ধ ছিল না— যাকে দেবলোকবাসিনী মণিবউদি এবং দেবলোকবাসী অমৃতবাবু অনায়াসে ডাকে তিন পয়সার পোস্টকার্ডযোগেও কিছুটা বাহবা দিতে পারতেন । এবং এ-দেওয়া তাঁদের মত মাহুঘ ধারা, তাঁদের কাছে তো হীরের বালা-পরা হাতখানি ঘুরিয়ে বালার হীরে থেকে ঠিকরে-পড়া ছটায় চোখ-বাঁধিয়ে দেওয়ার মত কোঁতকের খেলা ছাড়া আর কিছু নয় । সুন্দরী মণিবউদি

অনায়াসে লিখতে পারতেন—“তোমার গরবে গরবিনী হাম রূপসী তোমার রূপে।” তাতে এই রূপহীন কালো মাহুটটিকে দারুণ ঠাট্টা করা হতো। এবং অমৃতবাবু এবার ক্রিকেট ছেড়ে ফুটবলের ছাত্রিক ট্যাট্রিক গোছের নতুন কিছু বলে উৎসাহিত করতে পারতেন। সেটা রেকর্ড হয়েছে থাকতে পারত।

থাক।

লেখার স্বর বাঁকা হয়ে যাচ্ছে এবং বঁড়শির মত নিষ্ঠুর তীক্ষ্ণ হয়ে উঠছে, যাতে বুঝতে পারছি, ওঁদের উপর আমার মনের বিদ্বেষ আজও যায়নি। অথচ মণিবউদ্দির শ্রাদ্ধের নিমন্ত্রণ-পত্রখানা সামনে পড়ে রয়েছে।

যা বলার তা সোজা কথাতেই বলা ভাল। অনেক কাল আগে গ্রামোফোন রেকর্ডে গান শুনেছিলাম—“এ তোমার ভালো তোমাতে থাক, আমায় তো তার ভাগ দেবে না।” শুধু ভালোই বা কেন, মন্দর বেলায়ও তো তাই বলা উচিত। মন্দর ভাগও তো কেউ নেয় না। মণিবউদ্দি-অমৃতদার ভালো, সে-ভালোর পরিমাণ বৃহৎ এবং বিপুল, তার ভাগ কাউকে ওঁরা দিন বা না-দিন, ওঁদের ভালো থেকে খসে-পড়া ঝরে-পড়া ভালো অংশ বহুজনে কুড়িয়ে নিয়েছে, পিছন থেকে পাশ থেকে টেনেটুনে বাগিয়েও নিয়েছে, আমি তাদের দলের নই, এ আমার অহংকার।

ওঁদের সংস্পর্শ, ওঁদের সংবাদ ওই ১৯৪২ সালেই আরম্ভ, ১৯৪২ সালেই শেষ। শেষ উপটৌকন ধসধসের আতর আর সোহন হালুয়া। এবং শেষ সাক্ষাৎ ওঁদের বাড়ীতে, সেই নীতল সাক্ষাৎ। ১৯৪২-এর সাইক্লোনের সপ্তাহ-দেড়েক আগে। তারপরই সব যেন চুকে-বুকে গেল। এরপর বাংলাদেশে যুগান্তরের ঘুরপাক যেন গাজনের চড়কপাটার মত ঘুরতে লাগল। বর্ণনার দরকার নেই। এ-ইতিহাসের কথা। সাইক্লোন মনস্তর থেকে নাগাসাকি হিরোসিমা পর্যন্ত যা ঝটেছিল তাতে পৃথিবীর মানচিত্রের রঙ পাল্টালো, চেহারা পাল্টালো ভূগোল নতুন করে লেখা হল, ঝড়ে বন্যায় দুর্ভিক্ষে মহামারীতে মহাযুদ্ধে মহাপ্রলয়ের একটা ঝাপটা এসে কাকে যে কোথায় নিয়ে গিয়ে ফেললে, তার খবর রাখবার অবকাশ কারুর ছিল না। এর মধ্যে আমিও কালের প্রসাদধন্য এবং মণিবউদ্দিরাও তাই শুনেছিলো; তবুও তাঁদের সঙ্গে আমার কোন যোগ ছিল না। ১৯৪৪ সালে গ্র্যাণ্ড হোটেলের সিঁড়িতে ওই নতুন রূপে মণিবউদ্দিকে দেখে যে বিস্ময় এবং যে-প্রশ্ন জেগেছিল, তার উত্তর পাবার জ্ঞান কৌতূহল আমার জাগ্রত হয়নি এমন নয়, কিন্তু তার উত্তর পাবার জন্য সক্রিয় হয়ে উঠতে পারিনি। তার আগেই অন্যকিছুর টানে অনেক দূরে গিয়ে পড়তে হয়েছে; মনে মনে অনেক দূরে, নইলে বাগবাজার আনন্দ চ্যাটার্জি লেন থেকে গ্রে স্ট্রিটের একটু ওধার—সে আর কতটুকু পথ।

ওঁরা অবশ্য তখন মর্ত্যলোকে থাকতেন না। ১৯৪২ সালেই মর্ত্যভূমি-রূপ এই দ্বিজি কলকাতা নগরী ছেড়ে দিল্লী গেছেন। সে কথা আগেই বলেছি। এবং উড়োভাঙ্গা যে দু'চারটে খবর বা কথা—সে গুজবই হোক আর সত্যই হোক তাই মনের এই দুর্বল কৌতূহলকে আপনা-আপনি স্তিমিতত্তর করে প্রায় নিভিয়ে এনেছিল।

১৯৩৪ সাল। যে-সময়ে রাশি রাশি নোটের বাণ্ডিল এনে এই গরীব দেশের আকাশে ছড়িয়ে দিয়েছিল দুটি দেশ—ইংলণ্ড ও আমেরিকা। সে-সময় একাদশে বৃহস্পতি থাকার জগ্ৰাই হোক আর শনি তুঙ্গী থাকার জগ্ৰাই হোক অথবা উভচরী যোগের কল্যাণেই হোক, অমৃত-মণি দম্পতি বহু অর্থ উপার্জন করেছিলেন এবং তার সঙ্গে বেশ কয়েকটা বড় কারখানার মালিকানা অর্জন করেছিলেন বিদেশী ব্যবসাদারদের সঙ্গে।

জল প্রচণ্ড হিমে জমে বরফ হয়, তখন জলকে সে ঢেকে রাখে, তার শ্রোতকে সে রুদ্ধ করে। কিন্তু বরফ যখন গলে, তখন জল হয়ে জলের সঙ্গে মিশে যায়। অমৃতবাবু জলই হোন আর বরফই হোন, এক সময় বিদেশী ব্যবসাদারদের সঙ্গে ব্যবসায় ধর্মে একাত্ম হয়ে মিশে গিছিলেন।

এসব শোনা কথা মাত্র, তার অধিক কিছু নয়। এবং এ নিয়ে আমার দিক থেকে শিরঃসীড়া বা গাত্রদাহেরও কারণ ছিল না এবং আমার নিজের হাতের মাপে আমার দৈর্ঘ্য সাড়ে তিন হাত থেকে এতটুকু খাটিয়ে যায়নি। বরং তার বিপরীতই হয়েছিল। আমার হাতের মাপে আমার দৈর্ঘ্য কিছু বেশীই হয়ে উঠেছিল। ১৯৫৬ সালে দিল্লী গেলাম। আকাদেমি পুরস্কার পেয়েছি, সেই পুরস্কার আনতে গেছি। তখনও দিল্লীর বিখ্যাত বিজ্ঞানভবন সম্পূর্ণ এবং ব্যবহারের জগ্ৰ উন্মুক্ত হয় নি। পুরস্কার বিতরণের জন্য বর্ণাঢ্য সামিয়ানা খাটিয়ে মণ্ডপ তৈরী করা হয়েছিল। তখন আকাদেমির সভাপতি স্বর্গত তদানীন্তন প্রধানমন্ত্রী জওহরলাল নেহরু ভারতবর্ষে ছিলেন না, বিদেশে গিয়েছিলেন। সভাপতি ছিলেন ভারতের শ্রেষ্ঠ দার্শনিক বর্তমানে প্রাক্তন রাষ্ট্রপতি ডাঃ রাধাকৃষ্ণন।

মণ্ডপের মধ্যে সভাপতির বেদী ও আসনের ঠিক ডানদিকেই নির্দিষ্ট করা হয়েছিল— সম্মানিত লেখকবর্গের আসন; বাঁদিকে তাঁদের সঙ্গে মুখোমুখি করে বসেছিলেন ভারতের বিভিন্ন ভাষার বিশিষ্ট লেখকবৃন্দ। এবং সামনে ছিল সারিবন্দী নিমন্ত্রিত অতিথিদের আসন। কেন্দ্রীয় সরকারের মন্ত্রীরা ছিলেন, পার্লামেন্টের সভ্যরা ছিলেন, বড় বড় রাজকর্মচারীরা ছিলেন। তাছাড়া যঁারা ছিলেন, তাঁরা বড় কম পদস্থ নন—তাঁরা ওখানে নিমন্ত্রণ পেয়ে-ছিলেন নিজেদের ব্যক্তিত্ব বা ব্যক্তিজীবনের দাবীতে; সে-ব্যক্তিত্ব সম্পদের মুকুটেও উজ্জল হতে পারে আবার বিছা বা গুণপনার মুকুটেও উজ্জল হতে পারে। শিল্পপতি এবং বড় বৈজ্ঞানিক পাশাপাশি বসেছিলেন দেখানে। তাঁদের মধ্যে মহিলারাও ছিলেন। এবং তাঁদের গুণের কথা প্রথমেই স্বীকার করে নিয়ে যথাযোগ্য সম্মম জানিয়ে তাঁদের রূপের এবং বেশভূষার ও দীপ্তিছটার কথা এই বয়সেও বেশ উচ্চ কণ্ঠেই বলব যে, পৃথিবীতে সর্বপ্রথম পূজা প্রাপ্য নারীর এবং তারপরের যে-পূজাটি সে-পূজাটি প্রাপ্য রূপের, অর্থাৎ রূপসী নারীর থেকে রমণীয়াও কেউ নেই এবং পূজার দাবীও কারুর নেই। পূজা নিয়ে যদি বা জ্ঞানের ও গুণের আদালতে ইনজাংশন পড়ে, তাহলেও একথা নিঃসংশয়ে বলা যায় যে, চোখের আরতি ওঁরাই পাবেন, চোখ ওঁদের উপরেই আগে পড়বে। পুরুষরাই যে মেয়েদের দিকে তাকান তা নয়, মেয়েরাও আগে তাকান মেয়েদের দিকে। তবে তাঁরা তাকিয়ে দেখেন ঈর্ষার

দৃষ্টিতে; অর্থাৎ যে-রূপ তাঁর রূপ থেকে উজ্জ্বল, সে-রূপের দিকে তাকিয়ে তাঁর দৃষ্টি দেশ-লাইয়ের কাঠির মত ফস্ করে জ্বলে উঠে জ্বলিয়ে দিতে চায়। রূপবান গুণবান ঐশ্বর্যবান প্রিয়তমের বামভাগে বসেও তাঁরা কোন সামান্য ব্যক্তির রূপসী প্রিয়তমার দিকে ওই একই দৃষ্টিতে তাকান। এত কথা বলার কারণ এই যে, সেদিন সকলের দৃষ্টি আকৃষ্ট হয়েছিল—একটি নিরাভরণা শুভ্রবসনা সুন্দরীর দিকে। সাদা পোশাক, খালি হাত, খাটো করে কাটা চুল অনেকটা বব করার মত হলেও যেন কিছুটা গরমিল আছে; নিখুঁত সাদা বেশবাসের উপর একখানা কাশ্মীরী শাল, তারও রঙ সাদা। অতি চমৎকার তাঁকে মানিয়েছিল। পরিপূর্ণ যুবতী বলেই মনে হচ্ছিল। হ্যাঁ, সামনের সারিতে তাঁর আসন ছিল বলে দেখতে পেয়ে-ছিলাম যে, তাঁর পায়ের স্নিগ্ধতার রঙটাও শাদা। চোখে রিমলেশ চশমা। নাকের উপরে সোনাটুকু ঝিকমিক করছে। আর বয়স সবেও আশ্চর্য স্নিম লাগছিল। বেশ একটু রোগা হয়ে গেছেন যেন।

যে-কোন ব্যক্তির পক্ষে প্রথম দৃষ্টিতেই বুঝবার কথা যে, মহিলাটি বিধবা। কিন্তু যদি এ-প্রশ্ন ওঠে যে, ওই সাদা পোশাকের মধ্যে বৈরাগ্য বড়, না রুচি বড়, তাহলে প্রশ্নটা মুহূর্তে জটিল হয়ে উঠবে। এবং যিনি প্রশংসা করতে উত্তম হয়েছিলেন, তিনি খমকে যাবেন, এ-কথার মধ্যে কোন সন্দেহ নেই।

পাঠকেরা বুঝতে নিশ্চয় পারছেন যে তিনি মণিবউদ্দি। সেই তাঁর সামনের দাঁত-দুটি ঙ্গেৎ উঁচু। বয়স হিসেব মত পঞ্চাশের ধারে পৌঁচেছিল নিশ্চয়, কিন্তু তা বোঝা যাচ্ছিল না। আমি মুগ্ধবিশ্বাসে একটু বেদনার সন্দেহে তাঁর দিকে তাকিয়েছিলাম। মুগ্ধতার কারণ, বিশ্বাসের কারণ আমার একার ছিল না, সেটা ছিল প্রায় সবার; দেখেছিলাম তো, সকলেই এই শুভ্রবসনা পরিপূর্ণ স্থিরযৌবনা মেয়েটির দিকে বার বার ফিরে ফিরে তাকা-চ্ছিলেন। তাঁরা বেদনাবোধ করেন নি, করবার হেতুও ছিল না। কিন্তু আমি বেদনাবোধ না করে পারিনি। সেইটুকুই ছিল আমার নিজের। আত্মীয় হিসেবে ছিল আমার মণিবউদ্দিকে দেয়।

মণিবউদ্দি বিধবা? অমৃতবাবু নেই?

মণিবউদ্দি আমার দিকে কয়েকবারই তাকালেন। চোখোচোখি যাকে বলে—চোখের তারায় তারায় দৃষ্টি বিনিময়—তাও কয়েকবার হল। কিন্তু একটুও হাসলেন না তিনি। চিনলেন কিনা তাও যেন বুঝতে পারলাম না।

সেবার চৌদ্দটি ভাষার মধ্যে Bengali অর্থাৎ বঙ্গভাষার লেখকের পুরস্কৃত হবার পালা সর্বপ্রথম। A. B হিসেবে বাংলার স্থান দ্বিতীয় কিন্তু অসমীয়া ভাষায় কোন গ্রন্থ পুরস্কৃত হয়নি বলে প্রথম A অক্ষরের আসন ফাঁক থেকে গিচ্ছিল। আমার নাম ঘোষিত হল, আমি পুরস্কার নিয়ে ফিরে এসে বসলাম। এবার দেখলাম মণিবউদ্দি একদৃষ্টে তাকিয়ে আছেন আমার দিকে।

বারো

আকাদেমী অ্যাওয়ার্ড বিতরণী সভায় মণিবউদ্দির সঙ্গে চোখ চোখে মিলিয়ে দেখা হল, তিনি আমার দিকে বার ছয়েক চোখ মিলিয়ে তাকালেন ; কিন্তু কোন সাড়া যেন পেলাম না । আমি বার বার তাঁর দিকে দৃষ্টি নিবদ্ধ করেছিলাম, অনেকক্ষণ ধরেই তাকিয়ে থেকেছিলাম, মুগ্ধ হয়েও দেখেছিলাম—তাঁকে ভাল করে বিশ্লেষণ করেও দেখেছিলাম ।

মণি-বউদ্দির শুভ্র বেশবাসের মধ্যে বর্ণাঢ্যতার অভাব ছিল কিন্তু দীপ্তির অভাব ছিল না ; বৈধব্যের সক্রমণ ইঙ্গিত ছিল কিন্তু তা তাঁর রূপকে গ্লান করেনি অথবা তাঁর ভিতরের জনটিকে বিশেষ বিষন্ন-মলিন করেছে বলেও মনে হয়নি । খুব তীক্ষ্ণদৃষ্টিতে তাকিয়ে খানিকটা বেদনার সন্ধান করেছিলাম ; চোখের দৃষ্টি ঠোঁটের কোণ এমন কি সমস্ত কিছু নিয়ে এই শুভ্রবসনা সুন্দরীটির অবয়ব ও কাঙ্ক্ষিতে কোন কিছুর একটি অস্পষ্ট ছায়াও আবিষ্কার করতে পারি নি । তবে হ্যাঁ, এ কথাটা স্বীকার করব যে তাঁর সেই ঈষৎ উঁচু দাঁত দুটির শুভ্রচ্ছটা দিয়ে সে সুহাসিনী টুথপেস্টের বিজ্ঞাপন আর চলত না ; সেই 'দেখন-হাসি' রূপটি তাঁর গান্ধীর্থের মধ্যে কোথায় যেন হারিয়ে গেছে । এমনি কি আমার সঙ্গে দু-দুবার তাঁর চোখোচোখি হওয়ার সময়ও সে দেখনহাসি সুপ্রসন্ন মণিবউদ্দি চকিতের জগুও উঁকি মারেন নি ।

এর ফলটা আমার কাছে কিছু রুঢ় হয়ে উঠেছিল । তিক্তও বলা যায় । মাহুষের মন তো ! মনের মধ্যে আত্মীয়স্বজনদের কাছে শোনা যত কনফিডেন্সিয়াল মার্কা—কালো মলাটের ফাইল-বন্দী—চুপিসারের কাহিনীর কাগজ দমকা হাওয়ায় করকর করে উড়তে শুরু হয়েছিল আমার চোখের সামনে ।

লছমনপ্রসাদ, কমলকুমার, অজ্ঞাতনামা ক্যাপ্টেন বা মেজর বা কর্নেল বা মিস্টার প্রভৃতি জনের নামগুলোও মনে পড়ে গিয়েছিল ।

তা যাক । তাতেও মণিবউদ্দির প্রতি ঘৃণা হয় নি বা তাঁর প্রতি আমার আকর্ষণ এক বিন্দু কমে নি । আমি প্রশ্নকুঞ্চিত ললাট নিয়েও অবাক হয়ে দেখেছিলাম তাঁর রূপ । মণি-বউদ্দিকে যত দেখলাম তত মনে হল মণিবউদ্দির রূপ যেন এই পরিণত পূর্ণ যৌবনে রূপে রূপে আশ্বিনের কানায় কানায় ভরা দীঘির মত আশ্চর্য মনোহারিণী এবং শীতলাভাসে টেলোমলো হয়ে উঠেছে । না, এও যেন হল না । একেবারে পরিপূর্ণ খুলে যাওয়া লাল পদ্ম দেখেছেন ? এমন ফুটেছে যে পাপড়িগুলোর একটু একটু খঁসে পড়ি-পড়ি ভাব, গন্ধ বেশ-কিছু গাঢ় কিন্তু বাসী নয় । ভিতরের মর্মকোষ সম্পূর্ণরূপে উন্মুক্ত ; সব নিয়ে মনে হয় যৌবন যেন পূর্ণ, রূপ যেন তন্দ্রানু হয়ে পড়েছে মণি-বউদ্দির সর্বাঙ্গে ।

সব থেকে বেশী মনোহারিণী করেছিল তাঁকে তাঁর চুলের রুক্ষ শোভা এবং ষাটো বিগ্গাস । বলতে ভুলেছি চুলের ষাটো বিগ্গাস গুঁর তখন থেকেই । গ্র্যাণ্ড হোটেলের সিঁড়িতে যখন ওঁকে দেখেছিলাম, তখনই দেখেছিলাম তাঁর ষাটো করে হাঁটা রুখু চুলের বিগ্গাস । কাঁধ পর্যন্ত বেশ থাক বেঁধে ছিল । কিন্তু তখন যে কোন কারণেই হোক এমন ভালো

লাগে নি। সব মিলিয়ে মনে হয়েছিল তাঁর জীবনাকাশে তাঁর রূপছটা একেবারে মধ্যগগন-বিহারিণী। বয়স তখন তাঁর বোধ করি পয়তাল্লিশ। ওই সভায় মহিলার সংখ্যা কম ছিল না। পাঞ্জাবের রূপের নাম-ডাক আছে এবং রঙের জৌলুসে ও দীর্ঘাঙ্গীত্বের ছন্দে তরুণী বয়সে তাঁদের আকর্ষণ দুর্দমনীয়। তবুও তাঁদের মধ্যেও মণিবউদ্দি অপরাজিতা বিশেষণ-সম্বিতা গরিবিনীদের অগ্রতমা হয়ে বসেছিলেন এ কথা বলতে আমার দ্বিধা নেই।

বার বার ইচ্ছে হচ্ছিল, উনি কোন একটি সূক্ষ্ম ইঙ্গিতেও প্রকাশ করুন যে, উনি আমাকে চিনেছেন। তিনি আমাকে চিনে একটু না-হাসায় আমার আকাদেমি পুরস্কার লাভের গৌরবের স্বাদটুকু লবণহীন বলে মনে হচ্ছিল। অগ্র সভা বা অহুষ্ঠান হলে হয়তো নিজেই আমি ওঁর কাছে গিয়ে প্রশ্ন করে বসতাম—‘কি? চিনতে পারছেন না নাকি?’

পুরস্কার পাবার আগে যেতাম না। পরে যেতাম এবং পুরস্কারের ফলকটা হাতে করেই গিয়ে সামনে দাঁড়াতাম। যাতে তিনি আমার এই গৌরব ও সম্মান সম্পর্কে ভুল করবার কোন সুযোগ না পান। কিন্তু এ সভা সাধারণ সভা নয়। মণ্ডপের বেদীর উপর বসে আছেন, ভারতবর্ষের বাণীরূপের প্রতীকের মত উপরাষ্ট্রপতি ডাঃ রাধাকৃষ্ণন। পুরস্কারস্বরূপ ওই ফলকটি আমার হাতে দেবার সময় তিনি এমন দু’তিনটি কথা আমাকে বলেছিলেন যা আমার চিত্ত এবং অন্তরকে একটি মহৎ আবেগে পূর্ণ এবং শান্ত করে দিয়েছিল। এই দুটো কারণই সেদিন বাইরের সকল আকর্ষণের—সে মণিবউদ্দির আকর্ষণের মোহ এবং চাপল্যকেও ঠোঁটে তর্জনী রেখে ক্রভঙ্কির শাসনে শাসিত করে রেখে ছিল। নড়াচড়ার উপায়ও ছিল না এবং ওই শাসন আমাকে অচপল করেই রেখেছিল।

নারীর মোহে—সে মোহের মধ্যে কোন কামনা থাক বা না থাক—পুরুষেরা বিধাতার নির্দেশে ছুঁচার পা বা কদম আদিম নৃত্যছন্দে ফেলে থাকেন; এবং সারা অঙ্কে দুটো একটা হিলোলও বয়ে গিয়ে থাকে। কিন্তু মানুষের জীবনে বিধাতার এই নির্দেশের চেয়েও কঠিনতর নির্দেশ আছে, সে নির্দেশ তার সমাজের; সে নির্দেশ দৈববাণীর চেয়েও অমোঘ।

সুতরাং বসেই ছিলাম। বার বার তাঁর দিকে তাকিয়ে মনে মনে নানান জল্পনা করে-ছিলাম। সেও ওই কল্পনাতেই শেষ। শুধু একটা গভীর দীর্ঘশ্বাস ফেলা ছাড়া আর কিছু করার ছিল না। কারণ অহুষ্ঠান শেষ হবার সঙ্গে সঙ্গে মণিবউদ্দি বিশিষ্ট মানুষের জনতার মধ্যে যেন মিশিয়ে গেলেন।

ডাঃ রাধাকৃষ্ণন বেরিয়ে যাবার পরই এমন শৃঙ্খলাবদ্ধ সাজানো সভাটার মানুষেরা উঠে মিলেমিশে যেন একটা বিশৃঙ্খল জনারণ্যের সৃষ্টি করে ফেললেন, তার মধ্যে মণিবউদ্দি-রূপা স্বর্ণলতাটি যে কোন সহকারের স্কন্ধলগ্না হয়ে কোন পথে কোন দিকে বেরিয়ে গেলেন, তার আর কোন হৃদিসই পেলাম না আমি। মনে হয়েছিল, ইচ্ছে করেই এমনভাবে নিজেকে সকলের সঙ্গে মিশিয়ে দিয়ে আমার চোখের আড়াল হলেন মণিবউদ্দি। কিন্তু মণি-বউদ্দির একটা ভুল হয়েছিল। দৃষ্টির বাইরে গেলেই নিজেকে নিখোঁজ করা—অধিকাংশের পক্ষে

সম্ভবপর হলেও কিছু মানুষ আছে যাদের পক্ষে তা সম্ভবপর নয়। কারণ তাঁরা শুধু রূপ দিয়েই তো চিহ্নিত নন, যথেষ্টিয়গ্রাহ্য সত্তার ধ্বনি স্পর্শ এবং গন্ধ—তিন দিয়েও তাঁরাও মানুষের মহলে স্থপরিচিত। এসব মানুষের ঠিকানা সকলে জানে। ওই সত্তার ভাঙা আসরে তখন মাত্র বিশ-পঁচিশজন মানুষ অবশিষ্ট; তাদের মধ্যে আমিও দাঁড়িয়ে আছি ধানিকটা বিভ্রান্তের মত; ভাবছি, ওই মণি-বউদিরই কথা। এরই মধ্যে কেউ আমাকে বললেন—ও! ওই উনি? Lady in the white—উনি তো মিসেস মুকুরজী? ভারতবর্ষের বৈজয়ন্তীধাম এই দেহলী নগরীতে উনি স্থপরিচিতা! ভেরী ভেরী ওয়েলনোন পারসোনালিটি! এই ক'বছর যা ঘুরলেন—বোধ হয় বার পাঁচেক হল—ওয়ার্ল্ড টুর হয়ে গেছে। কোথায় না? ইউ-এস-এ থেকে চায়না পর্যন্ত। মিস্টার মুকুরজীর ব্রেনই ছিলেন উনি। এখন তো ঠুর হাতেই সব। যদিও আর বেশী কিছু নেই; যা আছে তা খোসা মাত্র; শাঁস যা ছিল তা নিঃশেষিত হয়ে গেছে। ইট ইজ ভেরী ইজি টু কাইও আউট হার অফিস। কিন্তু এনগেজমেন্ট না করে যাবেন না। দেখা হবে না।

সেই সঙ্গে শুনলাম স্বাধীন ভারতবর্ষের যারা নারীশিরোমণি, সর্বজন অক্ষাণ্ণা—তাঁদের সঙ্গেও মণি-বউদির যোগসূত্র নিবিড় এবং ঘনিষ্ঠ। শুধু ব্যবসায়-সূত্রেই তিনি বিশ্বভ্রমণ করেন নি। কালচারাল রিলেশনের তাগিদে এবং প্রয়োজনেও তিনি ঘুরেছেন। সেও ইংল্যান্ড-আমেরিকা থেকে রাশিয়া চায়না পর্যন্ত।

নিষেধ করা সত্ত্বেও আমি সংকল্প ছাড়ি নি; আমি মুকুরজী এন্টারপ্রাইজের আপিসের দরজায় বিনা এনগেজমেন্টেই গিয়ে হাজির হয়েছিলাম। কলকাতার আপিসের কায়দা তবু দেখাশোনা আছে, দিল্লীর ঘোরাণো জাঁকজমক বলতে গেলে সেই প্রথম দেখলাম।

রিসেপসনিস্ট মেয়েটি—বাঙালী মেয়ে। খুব চটপটে, কথাবার্তাও খুব ভাল; ইংরিজি উচ্চারণ শুনলে মনে হয় এ নিশ্চয় সেই মেয়েটি কথা বলছে, যে রেডিয়োতে খবর বলতে বলতে বলে—‘দিস ইজ ওল ইণ্ডিয়া রেডিয়ো—গিভিং ইউ দি নিউজ—’। যার উচ্চারণ ভক্তি এবং কণ্ঠস্বর শুনতে ভারী ভাল লাগে।

আমার আগে থেকে এনগেজমেন্ট নেই অথচ আমি দেখা করতে চাই শুনে সে বিচিত্র ধরনে শিউরে উঠে বলে উঠল—মাই গুডনেস! এনগেজমেন্ট নেই অথচ মিসেস মুকুরজীর সঙ্গে দেখা করবেন।

ভারপর স্থির দৃষ্টিতে আমার মুখের দিকে তাকিয়ে রইল যেন তাকে আমি আকাশ থেকে চাঁদ পেড়ে দেবার কথা বলেছি।

ইচ্ছে হল বলি—দেখ মেয়ে, বেশী গ্যাকামি ক’র না। খবরটা দিয়ে দেখই না। ১৯৪২ সালে একদিন রাত্রে তোমার বস চাঁদ পেড়ে আমার কপালে টিপ পরিয়ে দিতে চেয়েছিল। কিন্তু মুখে আমি বলেছিলাম—অনুগ্রহ করে খবরটা বা একটা স্লিপ তুমি পাঠিয়েই দাও না।

তা অবশ্য করতে হল না। তার আগেই ভেতর থেকে দরজা ঠেলে বেরিয়ে এল সেই

পুরাতন কমলকুমার ।

বেশ একটু দীর্ঘ এবং রূঢ় পদক্ষেপে সে বেরিয়ে এসে চলে যাচ্ছিল, যেন কোন উত্তপ্ত বাতাবরণ থেকে উত্তাপ ছড়াতে ছড়াতেই সে আসছিল ; শুধু পদক্ষেপের শব্দ এবং ভঙ্গিই নয়, তার মুখ-চোখের খমখমে ভাবও সে কথা বলে দিচ্ছিল । সে আমাকে দেখে থমকে দাঁড়াল—
আপনি ?

আমি বললাম—হ্যাঁ । ওঁর সঙ্গে একটু দেখা করব ।

—কার সঙ্গে ? ওই নটোরিয়াস উয়োম্যানটির সঙ্গে ।

কথাটা শুনে ধাক্কা খুব খেলাম না কিন্তু কমলকুমারের মুখে কথাটা ভাল লাগল না ।
মানালো না ।

ঝট করে মুখে আপনি এসে গেল—এখানে আর চাকরি কর না, মনে হচ্ছে । কি করছ ?

—করছি অনেক কিছু । কিন্তু আপনি হঠাৎ এখানে কেন ?

—বললাম তো বউদির সঙ্গে দেখা করব । অনেকদিন দেখা হয় নি— ।

—বউদি ? আশ্চর্য এক ভিক্ত হাসি ফুটল কমলের মুখে । বারতুয়েক বেশ সরস ব্যঙ্গের ভঙ্গিতে বললে—বউদি ? বউদি ? হায় হায় হায় ! ওই মহিলাটি ?

সবিস্ময়ে বললাম—কি বলছ ?

—কি বলব ? ঠিক বলছি । বলছি—উনি কারুর বউদি নন । যেকালে ছিলেন—
ছিলেন । এখন নন । এখন আবার—! হঠাৎ থেমে গিয়ে বললে—কাকার মৃত্যুসংবাদ
জানেন তো ?

—না । শুনি নি । তবে সেদিন সভায় ওঁকে দেখে মনে হয়েছিল কথাটা ।

কমল বললে—সেও এক কেলেকারি মৃত্যু ! স্ফইসাইড ।

—স্ফইসাইড ?

—হ্যাঁ । তিনি স্ফইসাইড করেছিলেন—ইনি পঞ্চাশ বছরের দিগ্বী বিধবা মাগী—সী ইজ
গোয়িং টু ম্যারি এগেন । অমৃত মুখঞ্জের চৌদ্দপুরুষ উদ্ধার হয়ে নেতৃত্ব করছেন । বিধবা বউমা
তাঁদের ‘করবেন বিয়ে, হবে ছেলে, স্বর্গে যাবেন পিণ্ডি পেলে ।’

—কমল ।

কমলের পিছনের দরজাটা খুলে গেল এবং সে খোলা দরজায় বেরিয়ে এসে দাঁড়ালেন মণি-
বউদি—না মিসেস মুকুরজী । মুকুরজী এন্টারপ্রাইজের ম্যানেজিং ডিরেক্টর ।

কমল ঘুরে তাকাল । এবং চূপ করে গেল তার মণি-খুড়ীকে দেখে ।

মণি-বউদি আমাকে দেখেও আমার সঙ্গে কথা না বলে কমলকেই বললেন—আমার
অপিসের মধ্যে তুমি অন্তত শীলতা রক্ষা করে চলবে বলে আশা করি । না চলাটা নিরাপদ
হবে না তোমার পক্ষে ।

কমল একমুহুর্তে যেন দেখতে অত্যন্ত কুৎসিতদর্শন হয়ে গেল । সে একটা প্রায় অশ্রাব্য
কথা বলে হন হন করে নেমে চলে গেল । মণি-বউদি একটু হেসে আমাকে অভ্যর্থনা

জানিয়ে বললেন—আমার মনে হয়েছিল আপনি আসবেন।

* * *

ওঁর আপিস ঘরের পাশেই একটি ছোটখাটো বিশ্রাম-কক্ষ। একেবারে আধুনিক ছাঁদে সাজানো। যে ঘরনের সাজানো ঘর সচরাচর বিলিভী অথবা ইংরিজী সাপ্তাহিক ও মাসিক পত্রের পাতায় ফটো ব্লকে দেওয়া বিজ্ঞাপনের মধ্যে দেখতে পাই—সেই ঘরনের। কলকাতায় এমন সাজানো ঘর নেই এমন কথা বলব না, তবে সে সব অঞ্চলে তখনও (অর্থাৎ ১৯৫৬ সালে) আমার যাতায়াতের ‘ভিসা’ ঠিক ছিল না। কাঠের কারবারটা সেখানে বেশী। যাক বর্ণনা করতে যাব না, তাতে আমাকে বিপন্ন হতে হবে।

মণি-বউদি সেই ঘরে আমাকে বসিয়ে বললেন—বসুন।

তাঁর দিকে তাকিয়ে তাঁকে দেখছিলাম। আজও তাঁর প্রায় সেই সেদিনের মতই সাজসজ্জা বেশভূষা। একটি সাদাসিধে নিরাভরণতার আবরণ আশ্চর্য এক উজ্জ্বলতা এবং দীপ্তিকে অত্যন্ত অনায়াস সহজ ছন্দে নিজের মধ্যে আত্মসাৎ করে রেখেছে। অর্থাৎ মনেই হয় না যে, ইচ্ছে করে সঘনো সূকোশলে কেয়ারফুল কেয়ারলেসনেসের মত এটাকে কেউ গড়ে তুলেছে। যত্নের চিহ্নটা আদৌ ধরা পড়ে না। বর্ষাকালে জঙ্গলে খেত কাঞ্চনের অজস্র সাদা ফুলে ভরা লম্বা এবং রোগা গাছটির মত দেখাচ্ছিল তাঁকে।

* * *

টেবিলের ড্রয়ার খুলে দামী সিগারেট ডি মুরিয়ারের লাল রঙের টিন বের করে সামনে ধরে বললেন—খান।

ককটিপ্‌ড্ সিগারেট ; ভারি ভালো সিগারেট। উনি নিজেই লাইটার জ্বলে সিগারেটটার সামনে ধরে বললেন—ভারী ভাল সিগারেট। যাদের এ্যাজমা আছে তারা খেলেও টান ধরে না।

একটু পর বললেন—অনেকগুলো টিন কিনে স্টক করে রেখেছিলাম। নিয়ে যাবেন ?

আমি বিস্মিত হচ্ছিলাম এই জন্মে যে, দীর্ঘ চৌদ্দ বছর পর এই তাঁর সঙ্গে—ব্যাকরণমতে চতুর্থবার দেখা নইলে বলতে গেলে এই দ্বিতীয়বার দেখা। গ্র্যাণ্ড হোটেলের সিঁড়িতে এবং সেদিন আকাদেমি এ্যাওয়ার্ড প্যাণ্ডেলে ছুবার চোখোচোখি হওয়াটাকে ঠিক দেখা হওয়ার সামিল না ধরলেও কিছু যায়-আসে না। এই সত্য বা তথ্যটি মাহুয়ের জীবনে অনেক কিছু কারণ হতে পারে। অনেক প্রশ্ন অন্ততঃ আমার মনে জমা হয়েও ছিল এবং ভিড় করে বের হবার জন্ম ঠেলাঠেলিও করছিল। কিন্তু মণি-বউদি আশ্চর্য ধীরতার সঙ্গে এমন সহজ ছন্দে একটি লোহার ফটক টেনে বন্ধ করে দিলেন, যে প্রশ্নোত্তরের পালায় মুহূর্তে ছেদ পড়ে গেল। আমি অবাক হয়ে তাঁর সেই সহজ ছন্দের মধ্যে ব্যক্তিস্বয়ী বিলাসিনী রূপটির দিকে তাকিয়ে রইলাম। মনের প্রশ্নগুলো বোবা হয়ে গেছে ততক্ষণে।

মণি-বউদি, পুরানো কথা এবং পুরানো কালের সব অভিযোগ অনায়াসে এড়িয়ে গিয়ে ডি-মুরিয়ার সিগারেট প্রসঙ্গ তুলে কথা বলে যাচ্ছিলেন। তারই মধ্য থেকে হঠাৎ এক সময়

বলে বললেন—উনি শেষটায় এত বেশী ড্রিক আর স্মোক করতে ধরেছিলেন যে, হাঁপানীর টান হ'ত। ডাক্তারেরা ওগুলো ছাড়তে বলেছিলেন, তা হেসে আপনার দুই পুরুষের স্মশোভনের কথা কোট করে জবাব দিয়েছিলেন, ওরে বাবা, তাহলে বাঁচব কি খেয়ে হুট্‌দা। শেষে ডাক্তারেরা প্রেসক্রাইব করলে মারটেল ব্র্যাণ্ডি আর ডি মুরিয়ার সিগারেট। সে-সময় আমিও খেয়েছি।

চমকে খুব উঠলাম না। কারণ শুভবসনা স্থিরবোবনা মণিবউদ্দির হালের রূপের মধ্যে যে দীপ্তি ঝিলিক মারছে তাতে সিগারেট না খেলেই বেমানান হবে। ভারতবর্ষে খাঁরা বর্তমানে গরীয়সী মহিলা, তাঁদের এক হাতে পানীয়ের গ্লাস এবং অন্ন হাতে লম্বা পাইপে সিগারেট—নইলে রূপে সম্পূর্ণই হন না। অবশ্য সবাই নন।

হঠাৎ কথাটার মোড় ফিরিয়ে দিলেন মণি-বউদি।—ওঁর মৃত্যুর খবর জানতেন না, না ?

আমার উত্তরের প্রতীক্ষা না করেই বিষয় হেসে বললেন—কেলেঙ্কারির দায়ে খবরটা চেপে যেতে হয়েছিল। স্টিসাইড করলেন ; একটা কিরিন্দী মেয়েকে নিয়ে এমন কেলেঙ্কারি করলেন যে শেষ পর্যন্ত স্টিসাইড করতে হ'ল। সেও বিদেশে। সেটাও একটা স্মবিধে হয়েছিল, এখানে ব্যাপারটা পাব্লিসিটি পায় নি।

একটু আগেই কমল বলে গিয়েছিল, সেও এক কেলেঙ্কারির মৃত্যু, স্টিসাইড। স্মতরাং বিশ্বয়ের খাঙ্কা আসেনি তাতে। কিন্তু কিরিন্দী মেয়েকে নিয়ে 'এমন কেলেঙ্কারি' কথাটুকু বিশ্বয় নিয়ে এল অনিবার্যরূপে।

মনের মধ্যে মাছি আছে। সে মাছি ফুলের মধুও পান করে, আবার সেই মাছিই নর্দমায় বসে পরমানন্দে পঙ্করসে ডুবে থাকে। মনের সেই মাছিটা পাখা মেলে উড়তে শুরু করলে—ওই কিরিন্দী মেয়েকে নিয়ে অমৃতবাবুর কেলেঙ্কারির পঙ্করসকুণ্ডের সন্ধানে।

—আমি বারণ করেছিলাম ওঁকে। একটা গভীর দীর্ঘনিঃশ্বাস ফেললেন মণি-বউদি। একটা সত্যকারের বিষয়তা যেন ছড়িয়ে পড়ল ঘরের বায়ুমণ্ডলে। নিঃশ্বাস নিতে গিয়ে অল্পভব করলাম তার স্বাদ।

—খুব স্মখের জীবন ছিল আমার। একটু খেমে আবার বললেন—জীবনের ছেলেবেলা থেকে কখনো হারি নি আমি। কক্ষনো না। সেই বিহারশরীফ থেকে শুরু করে কলকাতা পর্যন্ত, কোথাও না।—হেরে গেলাম দিল্লীতে এসে।

আবার একটু চূপ করে যেন ভেবেচিন্তে নিয়ে বললেন—প্রথমটা বুঝতে পারি নি যে হারছি। মনে হয়েছিল জিতছি। সে-জেতা এমন-তেমন নয়। যেন দিন-দুনিয়া জিতে নেওয়া। কিন্তু আসলে যে পায়ের তলার মাটি সরে সরে ডুবে যেতে বসেছি, তা বুঝতে পারি নি।

—হঠাৎ একজন কর্ণেলের সঙ্গে আলাপ হয়ে গেল। হঠাৎ মানে স্ন্যাকসিডেণ্টাল নয় ; সে রকমটা উপগ্রাস গল্পে দেখা যায়। যা থেকে রোমান্স হয়। তা নয়। সহজ পথে আলাপ হল। ব্যবসার পথে। কর্ণেল সাহেবটির হাতে ছিল সরকারী দিকটার কর্তৃত্ব। টেওয়ার

শ্রাংশন করবার একটা কমিটি আছে, কিন্তু সে-ই সব। তারপর মাল দেখে নেওয়া—সেও তাঁর হাত। বিল পাশ করে অল্প লোক কিন্তু সেখানেও এঁর হাত।

একটু হেসে বললেন—এতগুলো ব্যাপার ঝাঁর হাতে এবং মাথায়, সে মানুষটার দশটা মাথা কুড়িটা হাত বাইরে থেকে দেখা না গেলেও ভেতরে ভেতরে থাকেই। যার অস্তুদৃষ্টি আছে সে দেখতে পায়ই।

সে অস্তুদৃষ্টি উনি ব্যবসা করতে শুরু করে অর্জন করেছিলেন। এককালে আচার্য প্রফুল্ল-চন্দ্র রায়ের শ্রিয় ছাত্র ছিলেন; দেশপ্রেমিক কুমার-ব্রতধারী মানুষটির কপালে একসঙ্গে জন্মে উঠল ব্যবসা আর প্রেম। যে-ডাক্তারী নিয়েছিলেন তুলোর চাবের জন্ম সেখানে কপাল-গুণে বেরিয়ে গেল ফায়ার ক্লে; আর এক ডাক্তার ভদ্রলোকের মৃত্যুশয্যায় দায়ে পড়ে নিজের কণ্ঠার বয়সী, তার যে কিশোরী মেয়েটিকে একান্ত ভাবে স্নেহবশে নিয়ে এলেন, সে যুবতী হয়ে তাঁর গলায় মালা দিয়ে গলা জড়িয়ে ধরলে, এও তাঁর কপাল-গুণ ছাড়া আর কি বলুন। বোধ করি সেই কপালচক্রেই উনি পাকা ব্যবসাদার হয়ে উঠে এ অস্তুদৃষ্টিটুকু অর্জন করেছিলেন। একদিন আমাকে বললেন—মণি, এ লোকটা একটা জাত হাঙ্গর, ব্যাটার দাঁত যত ধারাল, পেট তেমনি অভর। তবে গাঁথতে পারলে অনায়াসে ওর তেল নিঙরে বের করে নেওয়া যায়।

সেই তেল নিঙড়ে নিতে গেলেন। একজন হুন্দরী এ্যাংলো ইণ্ডিয়ান মেয়েকে স্টেনোর চাকরি দিয়ে এনে তার সঙ্গে মোটা টাকার চুক্তি করে বললেন—সাম্মেবকে পাকড়াতে হবে।

টোপের আগে চাবের ব্যবস্থা।

সে ব্যবস্থা খানা-পিনা-ভিনার-ড্রিক।

বলতে পারব না, কি করে এসব তিনি পারলেন, কি করে তাঁর মনে এত সাহস দিলে!

একদিন তো উনি সত্যিকারের নীতিবাদী খাঁটি মানুষ ছিলেন।

হঠাৎ খেমে গেলেন। তারপর কিছুক্ষণ, প্রায় মিনিট ধানেক, চূপ করে বোধ হয় ভেবে নিলেন, এবং একটা দীর্ঘনিঃশ্বাস ফেলে বললেন—এক-এক সময় আমার নিজেকেই দায়ী বলে মনে হয়। আমার রূপ-র্যোবনের লোভেই তিনি পা পেছলেন। মাসীর প্রেম তার পড়ন্ত র্যোবনের সঙ্গে-সঙ্গেই বাসী হয়ে গেল। সে আমার জন্তেই। এবং আমিই তাঁকে টেনে-ছিলাম।

আবার হেসে বললেন—অবশ্য বাস্তব হুনিয়ার শক্ত মাটিতে হাঁচোট খেয়ে খেয়ে সেন্টিমেন্ট আর প্রায় অবশিষ্ট নেই বললেই হয়, তবুও মধ্যে মধ্যে এই ধরনের ইমোশন বৃকের মধ্যে ঠেলে উঠতে চায় এবং ওঠেও সময়-সময়। গভীর দীর্ঘনিঃশ্বাস ফেলে বললেন—ইমোশনের মধ্যে সত্যি কিছু নেই। ওতে পেট ভরে না। ওর ফুডভ্যালু নেই, তৃষ্ণার জলও নয়। কিন্তু ওতে একটা নেশা আছে। মদের নেশার চেয়েও গাঢ় একটা নেশা হয়। উনি মদ খেয়ে মাতাল হয়ে মধ্যে মধ্যে কাঁদতেন—মণি, আমি-আমি-আমি সব কিছুর জন্তে রেসপনসিবল। আই অ্যাম রেসপনসিবল! মণি, তুমি আমার পবিত্র মণি।

সে শুনে না-হেসে পারতাম না।

হাসলে আবার রাগ করতেন। কিন্তু যে-দিন মদ না খেয়ে নিছক ইমোশন-বশে কাঁদতেন সেদিন আমাকেও কাঁদতে হত। দুজনে দুটো ঘরে শুয়ে-শুয়ে কাঁদতাম। এ কি হল? কেন এমন হল? কিন্তু কি করব? এই যে চলতে-থাকা দুনিয়া, এ বড় কঠিন; এক দণ্ড, কি এক মুহূর্ত খামে না। ইট নেভার স্টপ্‌স্। আমার আপনারও খামবার অবকাশ নেই। সেই চলার টানে আমরা চলি। পুরোপুরি ম্যাথামেটিক্যাল ব্যাপার, ইমোশনাল নয়; কিন্তু তবু ইমোশন আছে জীবনে। অন্ততঃ একাল পর্যন্ত তো আছে।

* * *

একটু থেমে হয়তো কিছু ভেবে কিম্বা দম দিয়ে বললেন—কি আর বলব বলুন। কালের এমন একটা প্রবল শ্রোত, যা হাজার হাজার নায়াগ্রা ফল্‌সের চেয়েও প্রবল! কথাটা উনি বলতেন। বলতেন, এই যে কালটা, এই যে ওয়ার, এর যা স্পীড, এর যা মোমেন্টাম, এতে গোটা পৃথিবীর ম্যান, মেট্রিয়াল, একেবারে জল আর কয়লার মত বয়লারের মধ্যে পুড়ে ছাই হয়ে যাচ্ছে। হিটলারের মত শক্তি উড়ে গেল, জীর্ণ ধসে পড়া পাতার মত। তো আমি। বলতেন—না দুঃখ আমার নেই। আই হ্যাভ টেস্টেড এভরিথিং।

দুঃখ করতেন আমার জন্তে।

বলতেন—কিন্তু আপসোস, তোমাকে কেন এর মধ্যে টানলাম মণি?

আমি সান্ত্বনা দেবার মত কথাও খুঁজে পাই নি। কমল-টমলের কাছে ডিটেল্‌স্‌ শুনতে পারেন। আরও অনেকের কাছে পাবেন। ওরা সব দেখেছে। চোখ দিয়ে দেখে যা বোঝা যায় যতটুকু ধরা যায় তার রেকর্ড আছে তাদের কাছে। কিন্তু তার মানে ওরা ঠিক জানে না। আমিও ঠিক বলতে পারব না। এখনও আমার কাছে সম্পূর্ণ পরিষ্কার হয়ে আসে নি। উনি স্নাইসাইড করেছেন। আমি তা করি নি। যত কলঙ্ক, যত অপবাদ মাথায় করে নিয়েছি। মাথায় করে কেন? সাপের মত আমার দেহটা জড়িয়ে রেখেছে। আগেকার আমলের আমি হলে আমিও বোধ হয় স্নাইসাইড করতাম। কিন্তু এই দশ-বারো বছরে জীবনে অনেক ঢল নেমে বয়ে গেল ঠাকুরজামাই। যে মণি-বউদি হাতীপাজাপেড়ে শাড়ী, পুরনো আমলের ঢঙে ঢল্কো করে পরে কাঁধে ঝোলা ঝুলিয়ে গণক দৈবজ্ঞদের কাছে যেত, সে মণিমালা একেবারে পাণ্টে গেছে। এ বারো বছরের চার-চার বার করেন টুর করে এসেছে। দুবার কন্টিনেন্ট ঘুরেছে; একবার সারা পৃথিবী। রাশিয়া চায়না তাও গেছে। স্ততরাং বুঝতেই পারছেন, আমার চেহারাটা কি দাঁড়িয়েছে? বাইরের চেহারার সঙ্গে তার অনেক গরমিল।

কমল এখনি খুব রুচভাবে তর্জনী উত্তত করে শাসিয়ে গেল। নালিশ করবে। অমৃতবাবুর ধর্মভ্রষ্টা নীতিভ্রষ্টা পত্নী হিসেবে আমার জাত গেছে, কুল গেছে, সব গেছে; স্ততরাং অমৃতবাবুর যে উত্তরাধিকারে আমি অধিষ্ঠিতা রয়েছি, তা থেকে আমাকে হটে যেতে হবে। আই মাস্ট কুইট।

অবশ্য তার সঙ্গে কস্ত্রোমাইজ করলে আলাদা কথা ।

শর্ত মাত্র তিনটি ।

আমি তাকে ভজবো—নাশ্বার ওয়ান ।

নাশ্বার টু হল, একখানি কাগজে সই করে দিতে হবে । যে কাগজের লেখাগুলি অর্ধ সত্য অথবা বাইরে সত্য, ভিতরের প্রশ্নই নেই—সে কাগজখানা তার হাতে থাকবে আমার মৃত্যুবাণ হিসেবে ।

তিন নম্বর হল—লছমন প্রসাদকে যেতে হবে ।

আমি অবাক হয়ে দেখছিলাম এই বারো-চৌদ্দ বছরে আমূল পরিবর্তিত হয়ে-যাওয়া মণি-বউদিকে ।

এতটুকু মিল নেই । মাঝে-মাঝে জানালার মধ্যে দিয়ে বাইরের আকাশের দিকে তাকাচ্ছিলেন, তার মধ্যে ১৯৪২ সালের সেই রাত্তির জীবনকাহিনী বলা মণি-বউদিকে মনে পড়ছিল, তিনিও জ্যোৎস্নাপ্লাবিত আকাশের দিকে এমনিভাবে তাকিয়েছিলেন মধ্য-মধ্য, ঠিক এমনি বা তেমনি উদাসীনতার সঙ্গে ।

আমি সিগারেট টেনে যাচ্ছিলাম একটার পর একটা ।

সেদিনের পালা প্রায় এইখানেই শেষ হয়েছিল । প্রায় ঘণ্টা তিনেক ছিলাম ওঁর কাছে, বার দুয়েক কফি খাইয়েছিলেন, তার সঙ্গে বাদাম বিস্কুট ছিল, তার বেশী কিছু না । ফিরে আসার সময় সিগারেটের টিনটা নিতে অহুরোধ করেছিলেন, কিন্তু আমি নিই নি ।

এক বছর পর মণিবউদি টেলিগ্রাম করলেন, একবার আসতেই হবে । শেষ অহুরোধ । কলকাতা অপিসকে প্লেনের টিকিটের ব্যবস্থা করতে বলা হয়েছে ।

তেরো

এক বছর পর মণিবউদিকে দেখলাম । দেখে যেন কেমন হয়ে গিছিলাম আমি । মণিবউদিকে চিনতে পেরেও মনে হয়েছিল, চিনতে না পারলেই যেন ভাল হত । সবই সেই, (এক বছরে একটা মানুষের আর কত পরিবর্তনই বা হয়, যদি না কোন ব্যাধি থাকে), তবু যেন এমন কিছু ছিল না বা হারিয়েছিল, যাতে তাঁকে না চিনতে পারলেই ভাল হত ।

রবীন্দ্রনাথের কথা ও কাহিনীর ‘অভ্রাণে শীতের রাতে, নির্ধূর শিশির ঘাতে পদগুলি গিয়াছে মরিয়া’ ছত্রটি আজ মনে পড়ছে । মণিবউদি মৃত অর্থাৎ দল ঝরে-পড়া পদের দশায় তখনও উপনীত হননি ; তবে তার কিছুটা আগের দশার সঙ্গে অবিকল মিলে যায় । দল-গুলিতে শুকনো একটা স্পর্শ লেগেছে, বৃন্ত শিথিল হয়েছে, গন্ধে বিষন্নতা এবং বিকৃতি এসেছে, রঙ বিবর্ণ হয়েছে ; মৃৎ বাতাসে এমনভাবে ছুঁছে যে মনে হয় বাতাসের মধ্যে একটু ঝড়ো আমেজ লাগলেই দলগুলি ঝরঝর করে ঝরে পরে যাবে, বা গেলেই ভাল হয় ।

মণিবউদি সেই জানালাটার ধারেই একখানা কুশন-দেওয়া চেয়ারে বসে বই পড়ছিলেন ;

ঠিক পড়ছিলেন না, তিনি বইখানার মধ্যে আঙুল পুরে ধরে বসে ছিলেন—আমারই অপেক্ষা করছিলেন।

তার আগে বলে' নি, দেখা তাঁর সঙ্গে তাঁর প্রস্তাব অনুযায়ী দিল্লীতে আমার হয়নি; দেখা হয়েছিল কলকাতায়। আপিসের লোক এসে জানিয়েছিল যে, দিল্লী আর আমাকে কষ্ট করে যেতে হবে না; কারণ, মালিক কলকাতাতেই আসলেন। এসেই উনি আমাকে খবর দিয়েছিলেন।

খবর একখানি ছোট্ট চিঠিতে পাঠিয়ে ছিলেন, চিঠিখানা নিয়ে এসেছিল সেই লছমনপ্রসাদ। যে একদা মণিবউদ্দিন মাসীর বাড়ীতে বয়চাকর ছিল এবং যে ছেলেটি কিশোর বয়সের আবেগে বা মনোধর্মে একটি কিশোরী মেয়ের নির্ধাতন দেখতে না পেয়ে তার প্রতি সহানুভূতি দেখিয়েছিল, আপনার মনের নির্দেশেই সকল খবর পৌঁছে দিয়ে এসেছিল—ঠিক স্থানটিতে অর্থাৎ অমৃতাবুর কাছে। এবং যে লছমনপ্রসাদ পরবর্তী জীবনে অমৃতাবু ও মণিবউদ্দিনের ব্যবসায় সংশ্রবে থেকে একজন কৃতী ব্যক্তিতে পরিণত হয়েছে আজ, সেই লছমনপ্রসাদ। দিল্লীর কথাগ্রসঙ্গে আমার বলা উচিত ছিল যে, সেখানে আমি লছমনপ্রসাদকে দেখেছিলাম। চুস্ত পায়জামা এবং দামী শেরওয়ানীতে তাকে শুধু একজন রইস আদমী বলেই মনে হচ্ছিল, না, মনে হচ্ছিল লছমনপ্রসাদকে কোন নেতৃত্বের আসনে বসালেও এতটুকু বেমানান দেখায় না। এবং লছমন তাতে অপারকমতার লক্ষ্য লক্ষিতও হবে না।

থাক, লছমনপ্রসাদের কথা থাক।

চিঠিখানায় লেখা ছিল, 'শ্রদ্ধাস্পদেষু, আপনার সঙ্গে সকল সম্পর্ক ও সম্বন্ধ চুকিয়ে দিয়ে মুছে ফেলে শ্রদ্ধাস্পদেষু সন্ধান করলাম। আমি কলকাতায় এসে পৌঁচেছি। কাজটা দিল্লীতে হয়ে উঠল না; এখানেই আসতে হল। আপনার একটু সাহায্য ভিক্ষা করছি, কোন সম্পর্ক ধরে নয়; পরিচয়ের দাবীতে। একখানা দলিলে আপনাকে সাক্ষী হতে হবে। আর কিছু না। বিকেলে একবার দয়া করে এলে খুব খুশী হব। ইতি মণিমালা দেবী।'

মণিবউদ্দিন বাড়ীতে গিয়ে শুনলাম—উনি উপরে আছেন এবং আমার জন্তই অপেক্ষা করছেন। দোতলার সেই ঘরে তিনি সেই জানালাটার ধারে বসে আমার জন্যে অপেক্ষা করছিলেন, যেটা দক্ষিণ দিকের জানালা এবং যে জানালাটার ধারে বসে একদা ১৯৪২ সালের ব্ল্যাক-আউটের রাত্রিতে তিনি সর্বাঙ্গে জ্যোৎস্না মেখে আমাকে তাঁর জীবনের কথা বলেছিলেন। তাঁর পূর্ণযুবতী, রুচিবাদিনী, শিক্ষয়িত্রী মাসীকে বয়সে কিশোরী, পশ্চিমের দেহাতী-রুচিসম্পন্ন তিনি কি বিচিত্র কৌশলে যুদ্ধ করে পরাজিত করেছিলেন সেই বিচিত্র কাহিনী বলেছিলেন, ঠিক সেই জানালার ধারেই আজ তিনি যেন যৌবনের পশ্চিম সিংহধারের চৌকাঠের উপর দাঁড়িয়ে সর্বাঙ্গে অপরাহ্নের লালচে রৌদ্র মেখে আমার জন্ত প্রতীক্ষা করছিলেন।

আমি ঘরে ঢুকতেই একটু শ্লান হেসে বললেন—আসুন। আপনার জন্তই বসে আছি।

চট করে মনের মধ্যে একটা গানের লাইন ভেসে এল—'কালো তোর তরে কদমতলায়

চেয়ে থাকি/পথের পানে চেয়ে কয়ে গেল আমার কাজল-পরা জোড়া আঁধি।—কিন্তু ওঁর দিকে তাকিয়ে সেকথা যেন একটা আঘাত খেয়ে থমকে বোবা হয়ে গেল। ওঁর এই ছবিটি আমার মনের পর্দায় ছাপ ফেলতেই কথাগুলি জ্বিতের মধ্যে লজ্জা পেয়ে তখন গুটিয়ে গেল।

তার বদলে মনে পড়ল কথা ও কাহিনীর ওই ছত্রটি। ‘অজ্ঞানে শীতের রাতে, নিষ্ঠুর শিশিরাঘাতে পদগুলি গিয়াছে মরিয়া।’ আগেই বলেছি যে, আশ্চর্য সাদৃশ্য ছিল। ঠিক তেমনি শুকনো শুকনো লাগছিল। অথচ শরীর শীর্ণ হয়নি; প্রসাধন বা সাজসজ্জারও যে অভাব ছিল, তা ছিল না। চুলগুলি রুখু, সে শ্রাম্পু-করা রুখু বলেই মনে হল। খসখসে কালো চুলের মধ্যে মধ্যে রূপালী চুলের দু-চার গাছা বা এক-আধ গুচ্ছ ঝিকমিক করছিল; মুখের উপর পাউডারের একটি সূক্ষ্ম আস্তরণও ছিল, মণিবউদির গৌরবর্ণের গৌরবের মধ্যেও কোথাও দাগ পড়েনি, তবু যেন একটা ছায়া পড়েছিল কিছু; সব থেকে শুকনো মনে হচ্ছিল ঠোঁটদুটি, এখানেই অভাব ছিল প্রসাধনের; দেখলাম মণিবউদি লিপষ্টিক মাখেননি। শীত-শীর্ণ পদের সঙ্গে মিলটা যেন এইখানেই সব থেকে বেশী ছিল।

না।

আরও এক জায়গায় ছিল। চোখের চাউনিতে। অর্থাৎ দৃষ্টিতে। হয় বিমর্ষতা, নয় হতাশা, দুটোর একটা অথবা দুটোই—একসঙ্গে মিলিতভাবে মণিবউদির সেকালের সকল তারুণ্য ও দীপ্তির উৎস তাঁর আয়ত চোখের কালো তারাদুটিকে যেন কেমন মিশ্রিত করে দিয়েছিল।

আমি একটু বিস্মিত হয়েই তাঁর দিকে তাকিয়ে ছিলাম।

তিনি বললেন—বসুন। সামনের সোফাখানা দেখিয়ে দিলেন।

বসলাম। বসে বললাম—এক বছরে—

—হ্যাঁ। অনেক ঝড়জল মাথার উপর দিয়ে গেল।

একটু থেমে বললেন—সেই মামলা। আপনি যেদিন গিয়েছিলেন দিল্লীর আপিসে সেদিন কমল আমাকে শাসিয়ে বেরিয়ে গেল। আপনাকে বলেছিলুম বোধ হয়।

বললাম—হ্যাঁ।

—তারপর ওরা মামলা দায়ের করেছিল। বেশ কিছুটা দূর এগিয়েও ছিল। তারপর আর ভাল লাগল না।

একটি বিচিত্র হাসি—যে হাসির মধ্যে কান্নার ইশারা উকি মারে, দুঃখের কথা মনে পড়ায় যে-হাসি, এ-হাসি সেই হাসি; তিনি বললেন—

সইতে এমনিই পারছিলাম না। তাই মিটমাট করে ফেলছি।

কোন কথা আমি খুঁজে পাইনি, কি বলব? মনের মধ্যে পরস্পরবিরোধী অনেক শোনা কথা এবং বিশ্বাস ভিড় করে ঠেলাঠেলি করছিল তাদের প্রত্যেকেরই বলবার কথা অনেক ছিল। এই এতদিন অর্থাৎ ১৯৪২ সালের শেষ ১৯৪৩ থেকে ১৯৫৬। ‘৫৫ সাল পর্যন্ত অমৃতবারু এবং মণিবউদির ভাগ্য সম্পর্কে কম কথা তো রটেনি; সে-সব অনেক কথা। গুজবে কান দিতে

নেই কথাটা 'সদা সত্য কথা বলিবেন' জাতের একটা কথা। গুজবের জগৎ কান উদ্‌গ্ৰীব হয়ে থাকে। এবং মুখরোচক গুজবকে আরও কিছু মুখরোচক করে তোলার কাজটা মনে মনেই হয়ে থাকে। স্তত্রাং তার পর একেবারে হাঁ-হা করে ওঠারই কথা। কিন্তু মণিবউদ্দির মুখের দিকে তাকিয়ে তারা চুপ করে গেল। সেখানে সেদিন সেই মুহূর্তটিতে শুধু বিষণ্ণতা বিমর্ষতা বেদনার্ততাই ছিল না। আরও কিছু ছিল। যা ছিল, তা অসাধারণ কিছু। একটা কঠিন দৃঢ়তা ছিল। বিশ্বসংসারকে উপেক্ষা করার একটা দৃঢ়তা ছিল। সেটা সেই মুহূর্তে যেন ছ-ব্যাটারী টর্চের আলোর মতো জ্বলে উঠেছিল। বা কোন মেধাচ্ছন্ন স্বরূপ-সঙ্কার অন্ধকারে দূরে দিগন্তের বিদ্যুচ্চমকের মত চমকে উঠেছিল বারেকের জগৎ।

ঠোঁটুটি তাঁর বঁকে গেল, মুখে চোখে যেন ঘৃণা উপচে পড়ল। বললেন—ঘেমা হয়ে গেছে আমার।—জানেন, সংসারে দেহের সত্যিকারের দাম বোধ হয় শকুনি শেয়াল ছাড়া অন্যে বেশী জানে না। কিন্তু তারাও জ্যান্ত মানুষকে ছিঁড়ে খায় না। মানুষ তার থেকেও জঘন্য, আর সেইজন্যেই যে দেহটার প্রতি যত বেশী অহুরাগ, কুৎসিত কালো কালি তত বেশী করে সেই দেহটার সারা অঙ্গে লেপে দেয়।

হেসে বললেন—এও এক ধরনের পূজা, বুঝলেন না? কিম্বা এক ধরনের ভোগ করার স্মৃতিসফ্যাকশন।

এই হাসির সময়টুকুর অবসরে একটি বিচিত্র সত্য আবিষ্কার করলাম : আবিষ্কার করলাম, মণিবউদ্দির সেই সামনের ঈষৎ উঁচু দাঁতুটি ঠিক তেমনভাবেই উঁচু এবং চকচকে থাকা সত্ত্বেও সেই দেখনহাসি রূপটি তাঁর চিরকালের মত হারিয়ে গেছে।

* * *

অমৃতলাল মুখোপাধ্যায়ের উত্তরাধিকারী হিসাবে কমলকুমার প্রমুখ জনকয়েক বাদী হয়ে আদালতে মামলা দায়ের করেছে। দাবী—“অমৃতলাল মুখোপাধ্যায়ের পত্নী বলিয়া বর্ণিত শ্রীমতী মণিমালা দেবী তদীয় স্বামীর মৃত্যুর পূর্ব হইতেই স্বকীয় ভ্রষ্টাচার ও নীতি-বিগর্হিত আচার-আচরণের জন্য মৃত অমৃতলাল দ্বারা পরিত্যক্ত হইয়াছিলেন। এবং অমৃতলাল তাঁহাকে পরিত্যাগ করিয়া একজন শ্বেতাঙ্গ কুমারীকে রক্ষিতা হিসাবে রাখিয়া কালান্তিপাত করিয়াছেন। বৃদ্ধবয়সে বিবাহ করিতে প্রবৃত্তি হয় নাই, নতুবা তাহাই করিতেন। এবং প্রতিবাদিনী শ্রীমতী মণিমালা দেবী ১৯৪৩ সাল হইতে ব্যবসায়-বাণিজ্যের অজুহাতে নানান জনের সহিত মেলামেশা এবং স্বেচ্ছাচার করিয়া আসিতেছেন একেবারে স্বৈরিনীর মত। ১৯৪৭ সালের পরবর্তীকালে সারা পৃথিবী জুড়িয়া ঘুরিয়া বেড়াইয়াছেন এবং নানান কেলেঙ্কারি করিয়াছেন। লিখিত চিঠিপত্র, ফটোগ্রাফ ইত্যাদিতে তাহার প্রমাণ প্রয়োগ সমস্তই বাদীপক্ষের হাতে মজুত আছে। অমৃতবাবু শেষজীবনে এইসব কারণে এই স্ত্রীকে বর্জন করিবার যাবতীয় ব্যবস্থাদি করিয়াও, আকস্মিক মৃত্যু হেতু তাহা কার্যে পরিণত করিতে পানেন নাই।

“এইসব কারণে বাদীপক্ষের প্রার্থনা, এই ভ্রষ্টা নারীকে অমৃতলাল মুখোপাধ্যায়-পরিত্যক্ত যাবতীয় সম্পত্তির অধিকার হইতে বঞ্চিত করা হোক। হিন্দু শাস্ত্রানুযায়ী ভ্রষ্টা নারীর জাতিপাত

হইয়া থাকে বলিয়া সুস্পষ্ট নির্দেশ আছে। সুতরাং সেই অমৃত্যবী ধর্মভ্যাগিনী জাতিচ্যুতা বিবাদিনীকে মৃত অমৃতলাল মুখোপাধ্যায়-পরিভ্যক্ত সম্পত্তি হইতে বঞ্চিত করা হউক এবং সেই অধিকার তাঁহার গাথা ও প্রকৃত উত্তরাধিকারিগণ এই বাদীগণের অমুকুলে ডিক্রী দেওয়া হউক।”

তার উত্তরে যে-জবাব দেওয়া হয়েছিল, সে-জবাব পড়ে আমি স্তম্ভিত হয়ে গিয়েছিলাম। সেদিন ওখানে বসেই কথা-প্রসঙ্গে এইসব বিবরণ মুখে বলতে বলতে, কি তাঁর ইচ্ছে হল জানি না, তিনি এক সময় বললেন—দাঁড়ান, আসছি, এক মিনিট।

উঠে গিয়ে অল্প দূর থেকে মামলার নথির নকল এনে আমার হাতে দিয়ে বললেন—পড়ে দেখুন। মুখে আর কত বলব ?

পড়ে দেখে, আগেই বলেছি, স্তম্ভিত হয়ে গেলাম।

মুখে তো অনেকটাই বলেছিলেন। কমলকুমারদের দল, ব্যবসায়ের অজুহাতে যে-সব বিদেশীদের সঙ্গে মণিমালা দেবী অন্তরঙ্গভাবে মেলামেশা করেছিলেন এবং লছমনপ্রসাদের মত যে-সব অমুগতের প্রতি অমুগ্রহ বর্ষণ করেছিলেন, তাদের নাম স্বচ্ছন্দে মুখে এনে এই জবাবের বেলায় নথিটা কেন এনে দিলেন তা বুঝতে আমি পারিনি।

নারী রহস্যময়ী। তার চরিত্র তার নিজের কাছেই হুজুর এবং দুর্ভেদ্য, এছাড়া আর কোন কৈফিয়ৎ আমি খুঁজে পাইনি।

জবাবের দুটো দিক ছিল।

প্রথমটা হল এই যে, এই সম্পত্তি একক অমৃতলাল মুখোপাধ্যায়ের ছিল না। তাতে মণিমালা দেবী স্বকীয় পৈতৃক অর্থমূল্যে ব্যবসায়ের অংশীদার হয়েছিলেন। বিস্তৃত বিবরণের একটা সারাংশ দেওয়া ছিল। মণিমালার বাপ যে ক্যাশ-সার্টিফিকেট রেখে গিয়েছিলেন, সেই টাকাটা চুরি গিয়েছিল বলে যে পুলিশ-কেস হয়েছিল তা সত্য নয়। অমৃতবাবুই কোর্শলে সে টাকা ও গহনা হস্তগত করেছিলেন। এবং বিবাহের অব্যবহিত পরেই অমৃতবাবু নিজের ব্যবসায়ের উন্নতির জন্য বাজারচলিত স্কুদ দরেই ধার নিয়ে নিয়োগ করেছিলেন। এবং বৎসরান্তে স্কুদ হিসাব করে সেই স্কুদটাকে আসল হিসাবে নিয়োগ করে এসেছিলেন নিয়মিতভাবে। এইভাবে টাকাটা ক্রুদ্ধ বিদ্রোহের মত মাথা তুলে ফাঁত হয়ে উঠেছিল। যখন যুদ্ধের সময় নতুন করে বিস্তীর্ণ ও বিচিত্র ব্যবসায়ের ক্ষেত্রে নামলেন অমৃতবাবু তখন সমস্ত নিরাপদ ব্যবসায়গুলির মালিকানা দিয়েছিলেন মণিমালাকে।

জবাবে সেই কথাই বেশ বক্রভাবে ধারালো করে জানানো হয়েছিল। বলা হয়েছিল—মণিমালা দেবী এই সকল সম্পত্তিতে অমৃতলালের উত্তরাধিকারিণী স্ত্রী হিসাবে যেমন মালিক, তেমনি মালিক তিনি তাঁর স্বকীয় অধিকারে।

দ্বিতীয়ত বলা হয়েছিল—এই সকল ব্যবসায়ের কর্ম-পরিচালনাকল্পে মণিমালা দেবী আজ বারো বৎসর ধরে যে স্বাধীনভাবে নানান জনের সঙ্গে মেলামেশা করেছেন, তা স্বর্গীয় অমৃতলাল মুখোপাধ্যায়ের কালেই করেছেন এবং তাতে স্বর্গীয় মুখোপাধ্যায়ের কোন

আপত্তিরই কারণ ঘটেনি।

আরও অনেক কথা। যার মধ্যে কোন অনাচার বা কদাচার বা জাতিপাতের মত ব্যভিচার করেন নি, এই প্রতিবাদটা উচ্চ নয়—উচ্চ হয়ে উঠেছে এই কথাটা যে মণিমালা যা করেছেন, তা অমৃতলালের জ্ঞাতসারেই করেছেন। ওই যে একটি বিদেশিনী মেয়েকে নিয়ে শেষবয়সে অমৃতবাবু মাতামাতি করেছিলেন, সে কথার উল্লেখ করেও যেন বলতে চেয়েছেন যে, একটা বোঝাপড়া করেই যেন এমনটা হয়েছে। যার যা মন চায় সে তা করেছে। জীবনের চুক্তির আসল অর্থও ঠিক এইরকম।

সেই কারণেই অমৃতবাবু উইলের কোন পরিবর্তন করেন নি। বন্দ্যু হলেও তাঁকেই দিয়ে গেছেন তাঁর স্বকীয় সম্পত্তির পূর্ণ অধিকার।

তার উপর বর্তমানকালে হিন্দু কোড বিলে যে-বিরাট পরিবর্তন সাধিত হয়েছে, নারী-পুরুষের অধিকারের ক্ষেত্রে—সে-বিচারেও এই ধরনের কোন আপত্তিকর দাবী উত্থাপনের অধিকার বাদীদের নেই।

তারপর ষষ্ঠানিয়মে এই মামলা ষারিজের প্রার্থনা করেছেন এবং সেই সঙ্গে আদালতের সকল খরচ, যা তিনি বাধ্য হয়ে করেছেন, তা, বাদীদের কাছ থেকে আদায় পাবার প্রার্থনা জানিয়েছেন।

কাগজ থেকে মুখ তুলে আমি তাঁর মুখের দিকে তাকালাম। তিনি আমার দিকে তাকিয়েছিলেন না, জানলা দিয়ে সন্ধ্যার আকাশের দিকে তাকিয়েছিলেন নিবিষ্টচিত্তে, একে-বারে যেন মগ্ন হয়ে গিয়েছিলেন।

আমি মুখ তুলে তাকালাম, তিনি বুঝতে পারেন নি। বাধ্য হয়ে একটু সাদা দিলাম। তিনি ফিরে তাকালেন। চোখোচোখি হতেই কাগজগুলি সামনে নামিয়ে দিয়ে বললাম—মিটিয়ে ফেলছেন?

একটু হেসে বললেন—হ্যাঁ। তবে সে কম্প্রোমাইজ নয়; দিল্লীতে কমলের দেওয়া যে টার্মসের কথা বলেছিলাম আপনাকে, তা নয়।

এর কোন জবাব দিলাম না, চূপ করে রইলাম। কি জবাব দেব?

উনি বললেন—সব ছেড়ে দিচ্ছি ওদের। বড় ঘেন্না করছে—এইসব নিয়ে প্রশ্ন, পাণ্টা প্রশ্ন, জেরা করতে।

বুঝতে পারলাম। উকীল ব্যারিস্টারের কুটিল প্রশ্নজালের মধ্যে অসহায় হরিণীর মত পাকে পাকে জড়িয়ে পড়ে খাঁসরুদ্ধ হয়ে মরণাপন্ন হয়ে উঠেছেন, তা থেকে মুক্তি চাচ্ছেন।

কিন্তু না। সে-কথা উনিই বললেন—দেখুন ভয় আমি পাইনি! না। ভয় নয়। আমি শেষ বারো বছর তো সারাছিনিয়া চষে বেড়িয়েছি—সব ষেটে দেখেছি। পাপ বলুন পুণ্য বলুন ধর্ম বলুন অধর্ম বলুন এ-সবের কোন শাসনই আমার উপর কেউ খাটাতে পারে না। আমার সব সংস্কারের দায় থেকে মুক্তি দিয়েছিলেন তিনি নিজে। শেষটায় তিনি নিজে—

চূপ করে ষানিকটা ভেবে নিয়ে বললেন—নিজে তিনি তাঁর পুরানো কালে পিউরিট্যানি-

জন্মের বৌক, ছেড়ে দেওয়া নয়, ছুঁড়ে ফেলে দিয়েছিলেন। লনা মেয়েটা এক-পুরুষে এ্যাংলোইণ্ডিয়ান; মা ওর খাস বিলেভের মেয়ে, এদেশে স্বামীর সঙ্গে এসে বিধবা হয়ে একজন এ্যাংলোইণ্ডিয়ানকে বিয়ে করেছিল। মেয়েটার রূপ ছিল—তারও ওপরে ছিল আশ্চর্য একটা চার্ম। মোহ। তার সঙ্গে তাঁর কিছুদিন ধরেই দিনরাত্রি দুইই কাটতে লাগল। যুদ্ধের সময়; মেয়েটাকে প্রথমে নিয়েছিলেন টাইপিস্ট হিসেবে, তারপর তাকে করলেন নিজের সেক্রেটারী।

বার কয়েক ঘাড় নাড়লেন সে এক বিচিত্র ভঙ্গিতে।

মে-ভঙ্গিতে মানুষ দুটো কারণে ঘাড় নেড়ে থাকে। এক মনে-মনে বুকে উপভোগ করে ঘাড় নাড়ে, এদিক থেকে ওদিক পর্যন্ত আবার ওদিক থেকে এদিক পর্যন্ত। যতক্ষণ মনে-মনে মানুষ এই উপভোগের রতি ভোগ করে, ততক্ষণ পর্যন্ত চলে এই ঘাড়নাড়া। আর এক কারণেও এইভাবে ঘাড় নাড়ে—সেটা হল একটি বেদনার্ত আক্ষেপের কারণে।

মণিবউদি কোন কারণে ঘাড় নেড়েছিলেন তা বুঝতে পারিনি। তবে মনে হয়েছিল আক্ষেপেই করেছেন। অমৃতদা মোটামুটি এই অধঃপতনের আগে পর্যন্ত একজন সৎ মানুষ ছিলেন। তাঁর চরিত্র ছিল, তাঁর জীবনের দিগন্ত ছিল, যথাসাধ্য সূর্যালোকের দিকেই সামনে ফিরে পথ চলেছেন; দেশসেবার একটি ধর্ম বা পুণ্য এও তাঁর ছিল, এও কেউ অস্বীকার করতে পারবে না। সেই মানুষ পঞ্চাশ বছর পার হয়ে অকস্মাৎ সব রুট হ্যায় বলে সব ছুঁড়ে ফেলে দিলেন মাটির ধুলোর মধ্যে; এবং তার পরিবর্তে কুড়িয়ে নিলেন সংসারের রক্তমাংস ক্লেদ আর বস্তুপুঞ্জের মধ্যে থেকে একটি নারীদেহ ও আসবভাণ্ড। এর জন্ম মণিবউদি আক্ষেপ ছাড়া আর কি করতে পারেন? হয়তো সে আক্ষেপ আরও বেড়েছিল—নিজের কারণে। এরই ধাক্কায় তিনিও—

বউদি বললেন—জানেন, বুঝতেই পারিনি। উনিও না। আমিও না। যুদ্ধের চাকায় দুনিয়া এমনভাবে পাক খেতে লাগল যে, কে কখন কোন পাতালে পড়ল বা উঁচুতে উঠল তার হিসেব খুব সহজ ছিল না। যুদ্ধের বাজারে এই ব্যবসাতিকে বিরাট একটা প্রতিষ্ঠানে পরিণত করতে গেলাম আমরা। স্লোগান এসে গেল। ওই কর্ণেল সাহেবের সঙ্গে পরিচয় হল। বেশ কল্পনা করে প্র্যান করে এগিয়ে যাচ্ছিলাম। আপিসে স্টেনোটাইপিস্ট লনাকে ব্যবহার করবেন টোপ হিসেবে—তার সঙ্গে বললেন—মণি, তুমি স্লুঙ্ক দেখ। তুমি তো বোঝসোঝ, লেখাপড়া জান। অস্তুত: আমার সঙ্গে একটু-আধটু ঘোরাঘুরি কর। তাই করতে করতে কখন যে পা পিছলে গেল গুঁর—।

একটা গভীর দীর্ঘনিঃশ্বাস ফেললেন।

তারপর বললেন, মানুষের জীবনে যে সব আনুল পরিবর্তনগুলো হয়, সেগুলো নাটক করে হয় না। আস্তে আস্তে হয়। মানুষ যেমন ভাবে বাড়ে তেমনি ভাবে হয়। লটারীতে টাকা পেয়ে যারা বড়লোক হয়, তাদের কথা ছেড়ে যারাই গরীব থেকে বড়লোক হয় তারা মানুষকে হকচকিয়ে দিয়ে বড়লোকী চাল ধরে না। মোটা কাপড় থেকে মিলের ফাইন কাপড়, তারপর

শান্তিপূরী কাপড় তারপর স্ফটটুট পরে। এবং নিজে যখন আয়নার সামনে দাঁড়িয়ে টাই বাঁধে তখন আগের দিনের সঙ্গে সেদিনের নিজের গরমিল আদৌ মনে কোন সাড়া জাগায় না। ঠিক সেইরকম হ'ল। বারো বছরের উর্নি সেই পুরানো কালের স্বদেশী আদর্শের মানুষ, এককাল খন্দরপরা মানুষ, স্ফট ধরলেন, সিগারেট ধরলেন, তার সঙ্গে মদ।

হেসে ফেলে বললেন, মদ ধরলেন কি ভাবে জানেন? হঠাৎ শরীর বড় ক্লান্ত হতে লাগল; weakness, অত্যন্ত টায়ার্ড। বিজ্ঞাপনের হরলিক্‌সে প্রতিকার হল না। তখন ওর সঙ্গে এক চামচ ত্র্যাণ্ডি মিশিয়ে দেওয়ার ব্যবস্থা হল। ডাক্তার বললেন, মিঃ মুখার্জি, বয়স তো পঞ্চাশ হল; এখন ইয়ং ম্যানের এনার্জি পেতে হলে আপনাকে সোমরস পান করতে হবে। বুঝেছেন? যখন টায়ার্ড ফীল করবেন তখন এক চামচ দু চামচ ত্র্যাণ্ডি খান। এ ছাড়া আমি বলি কি, আপনি রাতে ডিনারের সময় একটি পেগ পান করে নেবেন।

উনি বলেছিলেন, ভেবে দেখি।

আমি বলেছিলাম, এর আর ভেবে দেখবে কি? এ তো ওষুধ।

ডাক্তার বলেছিলেন, একশাকটলি।

এর পর এক পেগ থেকে দু পেগ, দু পেগ থেকে তিন পেগ; তারপর ডিনার টেবিলে পুরো বোতল রেখে বিলিতা মতে ডিনার; খাবার আসত গ্রেট ইস্টার্ন, গ্র্যাণ্ড থেকে; যুদ্ধ বিভাগের সাহেব থাকতেন অতিথি। প্রথম প্রথম হোস্টেসের কাজ করে দিত লনা; তারপর করতাম আমি। এই করতে করতে একটু একটু করে পিছলে পিছলেই বলুন, আর ভাসতে-ভাসতেই বলুন একেবারে এইখানে, এই বর্তমান কলঙ্ক-সমুদ্রে এসে পড়লাম, যেখানে জীবন-সমুদ্রে শ্রোত আছে অথচ খুব তরঙ্গ নেই, যেখানে বরফ-জমা হিম শীতলতা নেই, উত্তাপও নেই। এবং আর একটা ব্যাপার আছে, সেটা হল একালের কালোচিত একটা প্রোগ্রেসিভনেস, সমৃদ্ধ বড় বড় বন্দরের একটা সমাবেশ আছে তটে-তটে; ইমোশ্যন-সর্বশ্র জীবনের দিগন্ত বড় অস্বর্ষ। নির্জন, বড় উদাসীন, বড় নির্বাক। আমাদের, বিশেষ করে আমার বিরুদ্ধে, সেইটেই তো অভিযোগ ঠাকুরজামাই। সেকালে যারা আপনার দাদার খন্দরের জামা-কাপড় পছন্দ করে নি, তারাই তাঁর স্ফট পরা দেখে ক্ষেপে উঠল। যারা আমার শিথিল কবরী পছন্দ করতে পারে নি, তারা আমার চুল কেটে ফেলাকে চরম সর্বনাশ মনে করে গাল দিতে লাগল।

যারা আপনার দাদার স্ফট-পরা চেহারা আর আমার ববছাঁটা-চুল চেহারা পছন্দ করে না তারা কি খুব প্রোগ্রেসিভ নন্দাই?

হেসে ফেললেন মণি-বউদি।

তারপর বললেন, নেহাৎ পুরনো কালের এন্টাব্লিশ্‌ড্ সাহিত্যিক বলে কাপড়-জামাতে পার পেয়ে গেলেন, নইলে স্ফট কিম্বা হাওয়াই সার্ট আর প্যান্ট পরতেই হত। না হলে প্রোগ্রেসিভ হতেন না।

আমি সেইবারই চায়না থেকে ফিরে এসেছি।

বললাম, না বউদি, আমিও এবার প্রগেসিভ বলে প্রমাণ দিয়ে এসেছি। কোটপ্যান্ট, —অবশ্য গলাবন্ধ প্রিন্সকোট—পরে চায়না গিছলাম। এবং ডিনার টেবিলে ওদের সেই অতি প্রাচীন মত্তও পান করে এসেছি। বউদির শেষকালের কথাগুলি ভারী ভাল লাগছিল। কথাগুলির বিশেষত্ব ছিল এই যে, তাতে উত্তাপ ছিল না। অবজ্ঞা ঘৃণাও ছিল না। ওই ভঙ্গিতে ঘাড় নাড়লেও কোন আক্ষেপও ছিল না। একটা দিন সূর্যোদয়ের সঙ্গে এল সূর্যাস্তের সঙ্গে গেল, তার মধ্যে রোজ হল, মেঘ এল, হয়তো বৃষ্টি হল কিম্বা হল না ; ফুল ফুটল, সারাদিন একটু একটু করে শুকালো, তারপর ঝরে পড়ে গেল। সূর্যাস্ত হল পাখীরা কলরব করল। শেষ হয়ে গেল। জগতের ইতিহাসে এই একটা দিন, এর সঙ্গে অল্প কোন দিনের মিল নেই, আবার সকল দিনের সঙ্গে এক ও অভিন্ন।

অমোঘ নিয়মে এমনি হয়। তেমনিই হয়েছে বা ঘটেছে তাঁর বেলায়।

আমি অস্তুত এই বুঝেছিলাম। তিনিও যেন তাই বলতেই চাচ্ছিলেন।

তিনি বলেছিলেন, বেশ স্পষ্ট করেই বলেছিলেন, দেখুন তাঁর জীবনে যা ঘটেছে আমার জীবনে যা ঘটেছে তা আমরা ঘটাইনি, তা আপনি ঘটে গিয়েছে, আমাদের বাধা ও সচেতন চেষ্টা সত্ত্বেও। এ নিয়ে আমরা হুঃ-হুঃ দুই-ই ভোগ করেছি। কলও খেয়েছি, কাঁটাতে সর্বাঙ্গ ছুড়েও গেছে। সাধারণ অবস্থায় দেশে থাকলে হয়তো অহুতাপ হুঃ অহুভব করতাম বাধা হয়ে ; সকলে মিলে বাধা করত হুঃ অহুতাপ বোধ করাতো। কিন্তু তার নাগালের বাইরে ছিলাম তখন। এই এতকালই ছিলাম। এ নিয়ে অহুতাপ আমার নেই। তাই ওই জবাব দাখিল করে লড়ব বলে কোমর বেঁধেছিলাম। এবং আমার জিতবার চান্সই বেশী। ওরাও ঘায়েল হয়ে পড়েছে। তবু আর ভাল লাগছে না। ওদের সব দিয়ে দিচ্ছি মানে একটা ট্রাস্ট করে তার ট্রাস্ট করে দিয়েছি, আর ওদের দিক থেকে শর্ত নিয়েছি যে, আমার অস্ত্রে ওরা আমার উত্তরাধিকারী হিসেবে শ্রদ্ধ করবে। খরচের পরিমাণ দেওয়া আছে। ওঁর নামে একটা বৃত্ত দেবার কথা আছে। বাকীটা ওরা ধাবে। একটা বাড়ী-ভাড়ার আয় শুধু নিজের জন্তে রেখেছি, তা থেকে তিনশো টাকা আসবে। তার থেকেই আমার চলে যাবে। সেটা আমি ওই লছমনপ্রসাদকে দিয়ে যাব। ওই লোকটা ছেলে বয়স থেকে এ পর্যন্ত বরাবর আমাকে দ্বিধাজী বলেছে এবং তার মর্যাদা যোল আনা রেখে এসেছে।

চুপ করলেন মণিবউদি।

আমি নির্বাক হয়ে বসে শুনছিলাম, নির্বাক হয়েই বসে রইলাম। অসংখ্য প্রশ্ন মনের মধ্যে যেন মৌচাক ভাঙার পর উড়ন্ত মৌমাছির মত ঝাঁক-ঝন্সী হয়ে এদিকে-ওদিকে-সেদিকে মনের আকাশ ছেয়ে উড়ে বেড়াচ্ছিল ; আক্রমণের লক্ষ্য ছিল ওই নারীটি। কিন্তু মণি-বউদির উপর আমি তাদের লেলিয়ে দিতে পারি নি। সেটা আমার দুর্বলতা যদি বা হয়, হতেও পারে। কিন্তু একথা নিশ্চিত যে, মণি-বউদি তাতে ভীত ছিলেন না ; আক্রমণ করলে তা সহ্যও তিনি করতে পারতেন হাসিমুখে।

বউদি আমার মুখের দিকে তাকিয়ে বললেন, আপনার আপত্তি হবে না তো নন্দাই ?

ওই নন্দাই সম্বোধনে সঙ্কল্পচ্যুত হলাম। আর থাকতে পারলাম না, অত্যন্ত ঘুরিয়ে নাক দেখানোর মত বেকিয়ে প্রব্রটা করে বসলাম উত্তরের ছলে, বললাম নন্দাই বলে আমাকে লজ্জা দেবেন না। আপনার নন্দকে নন্দ বলে স্বীকার করে লাভ তো শুধু কটু কথা শোনা।

বউদি বললেন, ওটা আমি অস্বীকার কিছুতেই করতে পারব না ভাই ঠাকুরজামাই। আই লাভ্‌ড্‌ হিম, আই ওয়ান হিম; আমি ভালবাসার যুদ্ধে মাসীকে হারিয়ে জিতে নিয়েছিলাম। হি ওয়াজ মাই ওন।

হঠাৎ হেসে উঠে বললেন, আপনি পুরাণের খুব ভক্ত। পুরাণের কথাই বলি, কৃষ্ণ কার? রাধার না রুক্মিণীর। রাধাও বলে আমার। রুক্মিণীও বলে আমার। আমি রাধাই হই, আর রুক্মিণীই হই—তিনি আমার! তাঁর উত্তরাধিকারিণী আমি।

এখানেই শেষ নয়।

আর একবার তাঁর সঙ্গে দেখা হল কাশীতে, দশাশ্বমেধ ঘাটের উপর। দাঁড়িয়ে ছিলেন। স্থির নিম্পলক দৃষ্টিতে গঙ্গাশ্রোতের দিকে তাকিয়ে ছিলেন। ১৯৬২ সাল, শীতকাল।

এক নজরে চেনার উপায় ছিল না। কারণ তখন তাঁর এত পরিবর্তন হয়ে গেছে যে, একই জিভুজকে দুই ভিন্ন স্থানে একে বা রেখে কোনমতেই দুটিকে এক করে মেলানো গেল না।

এ এক উদাসিনী।

চুলগুলি রুখু, এবার তৈলাভাবে রুখু, এবং ববছাঁটা চুলগুলি বড় হয়ে পিঠ পর্যন্ত ঢেকে ছড়িয়ে আছে, বাতাসে দুলাচ্ছে।

চোখে যেন ছুরির ধার।

সারা সর্বান্নে যেন একটা আশ্চর্য জর্জর ভাব। যার উত্তাপ কেউ কাছে দাঁড়ালেই অল্পভব করতে পারে। তিনি বিদ্রাংবেগে ঘাড় ফিরিয়ে তাকিয়ে বলেন, কি? কি চাই? সরে যান হু পা এবং নিষ্ঠুর হয়ে আঘাত করবার জন্ম দৃঢ়ভাবে দাঁড়ান।

আমি হরিশচন্দ্রের ঘাটে একখানা নৌকা ভাড়া করে শীতের অপরাহ্নে শান্ত গঙ্গা বেয়ে চলেছিলাম মণিকর্ণিকার দিকে। হঠাৎ দশাশ্বমেধ ঘাটের কাছে এসে মনে হল ঠাণ্ডা যেন বড় ঘন হয়ে উঠেছে। নৌকা দশাশ্বমেধেই ভিড়িয়ে দিতে বললাম। ঘাটের কাছে এসেই চোখে পড়ল মণিবউদিকে। এবার সেই পুরানো ঢঙে বললে ছাঁদে ফিতে-পাড় শাড়ী পরে কাঁধে একটা বোলা ঝুলিয়ে উনি গঙ্গার বুকের দিকে তাকিয়ে দাঁড়িয়েছিলেন।

এরই মধ্যে কি করে যে চিনে ফেললাম, ইনিই মণি-বউদি, তা বলতে পারিনে।

ঘাটে নেমে এক পা এক পা করে এগিয়ে সিঁড়ি ভেঙ্গে ঘাটের মাথায় সেই উঁচুতে এসে সামনে দাঁড়লাম।

উনি চমকে উঠলেন।

নিম্পলক চোখের স্থির দৃষ্টিতেও তারা চকিতে চমকে উঠল, ঠিক সেই মেঘাচ্ছন্ন অন্ধকার দূরদিগন্তে খেলে যাওয়া বিদ্যুৎচমকের আভাসের মত। কপালে কুঞ্চন রেখা জেগে উঠছিল।

আমি বললাম, আপনি তো মণি-বউদি!

কপালে কুঞ্চনের রূঢ়তা শিথিল হয়ে গেল! ধীরে ধীরে কমে আসতে লাগল। মিলিয়ে গেল ক্রমে।

আমি বললাম, আমি আপনার নন্দাই।

হাসলেন মণি-বউদি।

আশ্চর্যভাবে এতদিন পর সেই দেখনহাসি মেয়েটিকে যেন নতুন করে আবিষ্কার করলাম। ভেবে পেলাম না, কোথায় সে এতদিন ঘুমিয়ে ছিল।

কথা তাঁর সঙ্গে অনেক হয়েছিল। সব কথাই পুরনো কথা। নতুন কথার মধ্যে বললেন, ঠাকুরজামাই আর বলব না আপনাকে, তার থেকে দাদা বলব।

জিজ্ঞাসা করেছিলাম, মানে?

—মানে? মানে সব গোলমাল হয়ে গেছে দাদা। সব গোলমাল হয়ে গেছে। আজ ভেবে পাচ্ছি না, যাকে পেয়েছিলাম, তাকে চেয়েছিলাম কিনা। এত যে লড়াই করেছিলাম মাসীর সঙ্গে, সে কি ওই মানুষটাকে মাসী চেয়েছিল বলে ওকে কেড়ে নেবার ছুতো করে লড়াই বাধিয়েছিলাম? তাকে যদি না চেয়েছিলাম তো চেয়েছিলাম কাকে?

দাদা—ভিড় করে আসে মানুষের মিছিল।

অকপটে এই গঙ্গার ঘাটে বসে স্বীকার করছি—কাকে চেয়েছিলাম, এই প্রশ্ন যখন নিজেকে নিজেকে করি, তখন কত মুখ যে ভেসে ওঠে তার আর হিসেব-কিভাবে নেই। তার মধ্যে পশ্চিক আছে, ভিক্ষুক আছে, রাজা আছে—

থাক দাদা ওসব কথা। যাকে চাই তাকে পাই না, তাকে জানি না, তাকে চিনি না। যাকে পাই, যে আসে কাছে তাকে চাই না, যদি-বা দায়ে পড়ে তার হাত ধরি তো তার পর থেকেই পালাবার পথ খুঁজি।

নিজের দেহের দিকে তাকিয়ে বললেন, দেহটা যেন নতুন করে নিয়মকানুন করে নবীন হয়ে উঠল। শরীরে ভাল আছি।

কথাটা মিথ্যে নয়।

হেসে বললেন, নিজেকে বিশ্বাস করি নে। মরণের পথ তাকিয়ে আছি। বড় কৃচ্ছ্রসাধন করে কঠিন করে বেঁধে রেখেছি।

*

*

*

সেই মণি-বউদি মারা গেছেন।

চিঠি এসেছে।

শ্রদ্ধ করেছে, দলিলের শর্তাভ্যায়ী অমৃতবাবুর উত্তরাধিকারী। কিন্তু আমি জানি স্বর্গ থাকলে

মণিমালা পিণ্ডের অপেক্ষা না করেই স্বর্গে গিয়েছে।

আমি নিজের মনে-মনে স্মরণীয় পঞ্চকন্টার নামের সঙ্গে মণিমালার নাম ষষ্ঠ নাম হিসেবে জুড়ে দিয়ে তাঁর তর্পণ করলাম। দু-ফোঁটা চোখের জল ঝরে পড়ল। মণি-বউদি আমার আদরিণী গরবিনী—তিনি স্মরণীয়, তিনি বরণীয়। অন্ততঃ আমার কাছে তিনি ফটিকে গড়া নারীমূর্তি, তাঁর গায়ে কালি কাদা কলক কোন কিছুই ছিটে লাগে না, দাগ ধরে না। অমলিনা আমার মণি-বউদি।

মধ্যে মধ্যে আর একটা প্রশ্ন মনের মধ্যে উঁকি মারছে।

মণি-বউদি কি আমার ভারতবর্ষ ?

কাঁধে ঝোলা নিয়ে দেবস্থান সাধু দৈবজ্ঞ খুঁজেছেন, আবার লিপিস্টিকরুজ মেখে আধুনিকা সঙ্গে পাঠি আলো করে বসেছেন। তারপর স্বাধীনা হয়ে সমস্ত অতীত সংস্কারকে বর্জন করে বিদেশের অভ্যর্থনার আসরে সর্বসংস্কারহীনরূপে আত্মপ্রকাশ করেছেন ? কিন্তু—? শেষটা যে মেলে না।